

Mi smo riječ svoju rekli

Identiteti palih boraca NOB-a Mostara i okoline

Partizansko spomen-groblje u Mostaru



partizansko.info


u saradnji sa Centrom VAM

2025.

Spisak imena palih boraca sastavljen je na osnovu imena učesnika NOB-a objavljenih u brošuri "Partizanski spomenik u Mostaru", "Spomenici Mostara 1941-1945", te fotografija spomen-ploča iz 2018. godine. Spisak nije potpun, te je gotovo sigurno da je na Partizanskom spomeniku bilo još spomen-ploča boraca čija imena u trenutku nastanka ove publikacije nisu bila ustanovljena. Biografije palih boraca sastavljene su prema podacima iz više izvora (v. Izvori i literatura) objavljenim na www.partizansko.info, sajtu čija je izrada još u toku. Fotografije boraca su iz pisanih ili elektronskih izvora i porodičnih arhiva. Sve eventualne komentare, ispravke i nadopune vezano za biografije boraca, kao i nove fotografije slati na partizanskomostar@gmail.com. Zahvaljujemo svima na ustupljenom materijalu. Sva prava zadržana.

“Mi smo pali za ono što ste Vi zauvijek stekli
da buktinju prenosi svaka nova smjena
Mi ne ćutimo ni sad, no mi smo riječ svoju rekli,
rekli za sva vremena.”

*Stihovi pjesnika Jovana Popovića koji su stajali
u nekadašnjem Muzeju Revolucije iznad
panoa sa fotografijama palih boraca.*



*“Neka imena palih junaka služe kao primjer kako se voli i umire za slobodu svoga naroda”
Natpis na spomen-ploči palim profesorima i đacima Gimnazije u Mostaru,
skinutoj i uništenoj početkom rata devedesetih.*

*“Na vrelu bratstva, oprasmo očiju vid,
i više mi nismo slijepi,
oprasmo i mrlje i krv, i grijeh i stid,
i sad smo ko bogovi lijepi.”
Zuko Džumhur, emisija “Hodočašća”,
na Partizanskom spomen-groblju u Mostaru (1975.)*

*“Sestro,
Sestro – zar nije sramno
Ropski kad se živi!
Zato ne ridaj, zato ne plači,
Sjutra
Kad padnemo, nije važno
Stoti ili prvi...
... u jesen ranu.
Čovječe! Četrdeset treće ili pete,
Vjeruj, neće bit ovog ludog htijenja.”
Velimir Kovačević, pjesnik, pali borac.*

Sadržaj

POGINULI MLADIĆI I DEVOJKE	11
Rekli su o palim borcima	12
BILI SU PRAVI LJUDI - Biografije palih boraca	16
A: Abramović – Avdalović.....	18
B: Babić – Burić.....	22
C: Crnalić – Cvitković	44
Č: Čalija – Čulajević.....	46
Ć: Ćatić – Ćurković.....	48
D: Dabarčić – Dizdarević.....	54
Dž: Džaferović - Džudža	58
Đ: Đikić - Đurasović	59
E: Elezović - Erlih.....	61
F: Fazil - Frko.....	62
G: Gačić – Gušić.....	66
H: Haćam - Husrefović	70
I: Ibrulj - Ivetić.....	77
J: Jakirović - Jusufović.....	80
K: Kajan - Kuzman.....	82
L: Lakatoš - Lulić	95
LJ: Ljubović - Ljubunčić	97
M: Macić - Mutnica	97
N: Neimarević – Nožić	109
O: Obad - Ostojić	110
P: Pajević – Puzić	112
R: Raco – Rugar	122
S: Sadiković – Sulejmanović.....	128
Š: Šabić – Šupljeglav	134
T: Taslaman – Turić	143
U: Uljarević – Unković	147
V: Vanović – Vulić	148
Z: Zagorčić – Zurovac.....	156
Ž: Živić – Žuljević	160
Saznaj više - Partizansko.info.....	161
Foto-galerija	162

Porodični arhivi:	182
Druge spomen-ploče	195
DOKUMENTI	201
DVIJE PJESME – Velimir Kovačević.....	205
DVIJE PJESME – Svetislav Mandić.....	206
Izvori i literatura	209

O biografijama u ovoj knjizi:



Skraćenice:

- NOB – narodnooslobodilačka borba
- NOP -narodnooslobodilački pokret
- NOV – Narodnooslobodilačka vojska
- POJ - partizanski odredi Jugoslavije
- KPJ – Komunistička partija Jugoslavije
- SKOJ – Savez komunističke omladine Jugoslavije
- Bataljon: Mostarski (ranije Konjički) bataljon
- Spomenica: “Spomenica Mostara 1941-1945”.

* Napomena: u kratkim biografijama navedeni su podaci o mjestu i godini rođenja onako kako su prikazani na spomen-pločama. U velikom broju slučajeva, ti osnovni podaci su drugačiji u “Spomenici Mostara 1941-1945.” Te razlike smo označili sa zvjezdicom (*), kao u gore navedenom primjeru.

Više podataka o borcima (fotografija, članci), te fotografije spomen-ploča dostupni su na profil stranicama svakog borca na sajtu partizansko.info.

Zahvaljujemo brojnim saradnicima, boračkim porodicama, muzejima i drugim institucijama na pomoći pri sakupljanju podataka i ustupljenom materijalu. Stručni saradnik: Gordana Miletić-Buzaljko i Arhiv K. D. Miletić.

Ova monografija je prvi pokušaj nakon više decenija da se na jednom mjestu sakupe i predstave identiteti palih boraca 1941-1945. Mostara i okoline. Da se podsjetimo, riječ je o Mostarcima poginulim tokom Narodnooslobodilačke borbe i kojima je nakon Drugog svjetskog rata dodijeljen status borca NOR-a. U velikom broju slučajeva, kad je izgrađeno Partizansko spomen-groblje u Mostaru, dodijeljena im je i spomen-ploča („cvijet“) sa njihovim imenom i prezimenom, godinom i mjestom rođenja i pogibije.

U publikaciji su predstavljene sažete biografije zajedno sa fotografijama i drugim podacima dostupnim u trenutku štampe. U mnogim slučajevima, detaljnije biografije i više fotografija možete pronaći na profil-stranicama boraca na sajtu www.partizansko.info (na kraju knjige su [QR kodovi](#) za stranice sa kojima predlažemo da započnete virtuelnu posjetu ovom najvećem mostarskom spomeniku i palim borcima).

Sastavljanje spiska palih boraca sa spomen-pločom na Partizanskom spomen-groblju i prepoznavanje njihovih likova bio je nemali poduhvat, uzimajući u obzir niz nesretnih okolnosti: u prvom redu, gubitak (kako nezvanično saznajemo) originalnih fotografija, dokumentacije i eksponata tokom zadnjeg rata koji su se nekada nalazili u Muzeju revolucije u Mostaru, kao i činjenicu da priče o tom periodu naše prošlosti već decenijama odsustvuju iz medija i književnosti i rijetko se javljaju predmetom naučnih istraživanja. Takođe, same spomen-ploče su uništavane u više navrata i na više načina u namjeri da se imena i na taj način zaborave, a od posljednjeg napada oko 15. juna 2022. godine nije ostala gotovo nijedna netaknuta spomen-ploča – što je stanje spomenika i na dan izdavanja ove publikacije.

U ovoj monografiji su 722 imena do kojih smo došli na osnovu tri glavna izvora: dva spiska palih boraca iz 1980-tih (brošura „Partizanski spomenik u Mostaru“ (1980.) i „Spomenica Mostara 1941-1945“, poglavlje Pali borci (1987.)) i fotografija spomen-ploča snimljenih 2018. godine nakon renovacije spomenika. Dva predratna izvora se donekle podudaraju u broju navedenih imena i samim imenima, ali ne u potpunosti, te je bilo pojedinih poteškoća usljed neusaglašenosti podataka. Brošura „Partizanski spomenik u Mostaru“ sadrži spisak imena i fotografije, koje na žalost nisu označene imenom ili spojene sa navedenim spiskom imena ni na kakav način, a Spomenica Mostara 1941-1945. sadrži imena i kratke biografije.

U spisku u brošuri nalazi se izbrojanih 628 imena palih boraca. U knjizi stoji da „ovaj spisak nije konačan, jer je u toku obrada podataka i za druge učesnike u narodnooslobodilačkom ratu“. „Spomenica“, iako predstavlja rezultat dugogodišnjeg traganja i sastavljanja (još 1965. godine objavljeni su u „Slobodi“ prvi spiskovi i obraćanje javnosti za dodatnim podacima) objavljena je nekoliko godina kasnije, 1987. godine, i sadrži izbrojanih 650 imena, međutim imena u poglavlju „Pali borci“ nisu bila u potpunosti ista, a nekoliko boraca sa spomen-pločom navedeni su u poglavlju „Žrtve fašizma“ ili „Žrtve rata“ (recimo Mladen Bruk ili Zora Mihovilčević). Tačnije, 566 istih imena palih boraca su zastupljena u obe publikacije. U Spomenici je identifikovano još oko 65 lica koja nisu bila na spisku u brošuri (a koji nisu imali spomen-ploče izrađene 2018. godine), a u brošuri je 61 ime koje se ne javlja u rubrici „borci“ u Spomenici. Najzad, otkriveno je oko sedam spomen-ploča sa imenima koja nisu bila ni na jednom od dva spiska, što navodi na zaključak da je postojao bar još jedan, treći, spisak. Postojanje tog „trećeg“ spiska potvrđuje i slučaj palog borca Luke Cvitkovića, čija spomen-ploča je, usljed neodržavanja spomenika i napada koje godinama podnosi, jednostavno „nestala“, a kako njegovo ime nije bilo ni u brošuri ni u Spomenici, nije bila napravljena 2018. godine. Srećom je porodica sačuvala fotografije prvobitne spomen-ploče, što je danas nepobitan dokaz o njenom postojanju, a javlja se i na snimku u jednom dokumentarcu. Svi ti borci, dakle sva imena koja su se pojavila u jednom ili više izvora, uključeni su u ovu publikaciju.


Istražujući biografije, uočili smo kod otprilike 155 (20-25%) natpisa na spomen-pločama informaciju koja je drugačija u odnosu na kratku podatke u „Spomenici Mostara 1941-1945.“, a ponekad je natpis na spomen-ploči sadržavao i očevidnu pogrešku. Navešćemo nekoliko primjera:

Prijašnji natpis: Radojka R. GNJATIĆ-IVANIŠEVIĆ (1918. Mostar – 1944. Ovojci) / Ispravan natpis bi bio: Radojka R. GNJATIĆ-IVANIŠEVIĆ (1918. Mostar – 1943. Ovojci). Razlog za prepravku: racija i streljanje na Ovojcima, u događaju u kom je i Radojka poginula (nakon Bitke na Sutjesci), desio se ljeta 1943. godine. To potvrđuju i godine pogibije brojnih drugih streljanih tom prilikom na Ovojcima. Za ime Dušan BOŠNJAK postoji sumnja da nije postojalo, odnosno da je trebalo da piše Branko BOŠNJAK, što je ime poznatog palog borca, đaka Gimnazije koji je nosio nadimak Selo. Većina drugih prepravki su „lakše“ vrste, kao drugačiji očevo inicijal ili godina rođenja. Primjer: prijašnji natpis: Esad S. ČERKIĆ (1926. Mostar – 1944. Zagreb) / Ispravan natpis: Esad Š. ČERKIĆ (1926. Mostar – 1944. Zagreb), pošto je, prema „Spomenici“ i svjedočenju porodice, ime oca Šaćir. Natpisi nekoliko boraca nisu sadržali osnovne podatke koje je danas već moguće nadopuniti: Prijašnji natpis: Evald S. ERLIH (???? ???? – ??? ???) / Predložen novi natpis, prema više izvora: Evald S. Erlih (1915. Brno – 1944. Drežnik).

Te i takve primjere gdje se podaci razmimoilaze naznačili smo u biografijama boraca u nastavku knjige, a detaljan spisak dostupan je na zahtjev.

Podaci o borcima obrađeni su i statistički 2023. godine kada je nastao sajt partizansko.info*. Tada je uočeno sljedeće:

- U pokretu otpora učestvovali su pretežno mladi ljudi. Oko 90% palih boraca su mlađi od 35 godina. Oko 40 boraca su bili maloljetni, odnosno mlađi od 18 godina. Više od polovine su uzrasta 18-25 godina. Najstarijem je bila 61 godina, najmlađem 14.
- Oko 10% palih boraca su žene.
- Narodnooslobodilački pokret je bio pokret širokih narodnih masa. Oko 3/4 poginulih na Partizanskom čine radnici, đaci i seljaci, a među palim borcima je više profesora, pilota, medicinskih radnika, inženjera i drugih.
- Preko 65% imena na Partizanskom spomeniku čine borci poginuli u odredu s puškom. Ostali su bili civili - ilegalci, aktivisti i simpatizeri – pripadnici pokreta otpora u gradu ili na selu. Mnogi su odigrali više od jedne uloge tokom NOR-a.
- Borci Mostarskog bataljona i hercegovačkih brigada su najveća skupina, i tu prevladava uzrast do 35 godina. Stariji od 35 godina su često bili aktivisti i simpatizeri koji su svesrdno pomagali svoje prijatelje, kolege i rođake, često svoju djecu – učesnike NOR-a.
- Najviše boraca je poginulo u borbi, oko 55%. Dobar dio ostalih je stradao u koncentracionim logorima (oko 15% svih imena) i drugim represalijama, poput Vidovdanskog pokolja 1941. ili Luburićevog „priekog suda“ u Sarajevu marta 1945.
- Najviše boraca je poginulo 1943. i 1945. godine (oko 200 boraca u svakoj godini). Brojni pali borci iz 1941. su bili predratni aktivisti radničkog pokreta koji su ubijeni usljed fašističkog terora, čak i prije početka ratnih dještava.
- Oko 75% pogibija se desilo u Bosni i Hercegovini, ostatak širom Jugoslavije, pa i u Italiji, Norveškoj, Njemačkoj, čak i dalekoj Libiji.
- Blizu 10% su bili nekadašnji igrači ili funkcioneri „Veleža“, oko 7% đaci i profesori Gimnazije u Mostaru, oko 6% su poginuli tokom Pete ofanzive (Bitke na Sutjesci).
- Oko 10% palih boraca su mladi vojnici regrutovani nakon oslobođenja Mostara februara 1945. godine, a koji su poginuli u završnim operacijama od Ivan-sedla do Slovenije tokom marta do sredine maja 1945. godine.



- Pali borci sa spomen-pločom na Partizanskom pripadaju svim našim narodima i narodnostima, predstavljajući Mostar tog doba u malom. Pored Bošnjaka, Srba i Hrvata, bilo je i pripadnika drugih naroda: Jevreja, Slovaka, Čeha, Poljaka, Mađara.
- Mostar je dao 13 palih narodnih heroja.

Nadamo se da će ova publikacija doprinijeti širenju znanja o Partizanskom spomeniku i nekadašnjim sugrađanima u čije ime je podignut, kao i nastojanjima da se spomenik sačuva kao vrijedna baština za buduća pokoljenja.

* Podaci i primjeri na stranici <https://partizansko.info/statistika/>.



Fotografija: Mostarski (Konjički) bataljon na Boračkom jezeru 1942. godine. Izvor: "Partizanski spomenik u Mostaru", IKRO Prva književna komuna, 1980.

POGINULI MLADIĆI I DEVOJKE

Koliko je stara planina
Velež planina
i jezero zeleno, Boračko,
nikad ih draži brđani pohodili nisu.

Po kamenju se prosipao
smeh dečaka, usred juriša,
po kamenju se prosipao
smeh devojaka, usred juriša.

Zato ih zavoleše
i Velež, stara planina,
i jezero zeleno, Boračko,
pa im predački zatvoriše oči,
pod jelama, pod jasenjem.

Svakog dana ja bih s njima da se razgovaram,
da mi kažu
bole li ih mrtve ruke bez pušaka,
bole li ih mrtve usne bez osmeha.

Svetislav Mandić, 1960,

objavljeno u brošuri "Partizanski spomenik u Mostaru", 1980.

Rekli su o palim borcima



„U septembru 1941, uz pomoć komunista koji su izašli iz Mostara, formiran je Konjički bataljon sa preko 150 boraca. Nepokoreni Mostar je stalno slao svoje sinove i kćeri da se s puškom u ruci bore protiv okupatora. Preko 700 njih dalo je svoje živote u velikom oslobodilačkom ratu. To su zaista najdirljivije i najljepše stranice istorije ovog grada. One govore o snazi i jedinstvu građana ovog grada i njegovoj nepokolebljivoj vjeri u sigurnu pobjedu narodne revolucije.

Mnogobrojnim pojedinačkim podvizima i herojstvima pridružuje se i nezaboravni revolucionarni podvig cijelog grada – iscrpljeni i premoreni borci Mostarskog bataljona poslije bitke na Sutjesci našli su svoje sigurno utočište u njemu, bez obzira na policiju i gestapovce i okupatorsku vojsku. Smještaj tih boraca, koji su nakon oporavka nastavili oružanu borbu, organizovala je partijska organizacija, a rodoljubi su ih primili u svoje stanove, iako su bili duboko svjesni da se zbog toga izlažu smrtnoj opasnosti – i oni i njihove porodice. To je mogao učiniti samo grad heroj.“

Džemal Bijedić, *“Partizanski spomenik u Mostaru”*, Prva književna komuna, 1980, str.40.

„Bili su pravi ljudi (...) simboli moralnih vrijednosti trajnih, onoliko koliko bude trajanje čovjeka na ovoj planeti.“

Avdo Humo, na otvaranju Partizanskog spomen-groblja 25.9.1965.



„Tišina je – kao što tišina i jeste svuda gdje su svetišta. S kapom u ruci tu se stoji, a ima i gdje i pred čim stati, jer ovo je jedna od najvećih i najljepših grobnica, a oni što u njoj leže heroji su...“

Djela ovih koji ovdje leže nikad se neće ugasiti. A ovo ovdje je groblje boraca Mostara – onih što su pali za svoj Mostar, i zemlju svoju, ovu hercegovačku, i onu drugu – svu našu zemlju. Stojim nasred groblja, među bezbroj humki, među bezbroj imena, i čitam ih... I svi mladi. Po dvadeset i koju godinu. Život kratak! Ali ko za slobodu umire, dugo je živio!“

Ćamil Sijarić, književnik, prilikom posjete Partizanskom spomen-groblju, članak *“Groblje heroja”*, *“Sloboda”* 1982.

“Po planinama, padinama, klancima, po poljima, rijekama i šumama, po kršu i vrletima Hercegovine i Jugoslavije, i Mostarci će u krvi i životima dati svoj obol za oslobođenje zemlje. Iz svojih njedara, Mostar će u narodnoj borbi za slobodu darivati najdragocjeniji dar, svoju slavnu vojsku, Mostarski bataljon.”

Zuko Džumhur, “Hodočašća”, 1975.



„Mostar je vrlo popularan iz Narodnooslobodilačke borbe, ali će se to zaboraviti ukoliko ne bude obrađeno u literaturi, jer istorija daje samo škrte podatke. Bilo je tu toliko dramatičnih i herojskih događaja, koje bi književnost trebala oteti od zaborava.“

Branko Ćopić, odgovor na pitanje “Šta mislite o Mostaru?”, Intervju “Susreti i rastanci”, “Sloboda”, početkom 1950-tih

„Teško je i tužno govoriti o mrtvima. O palim partizanima kada se govori, to treba reći gordo; tu nema tužbalica, ali ako ih ima, one su junačke, epske. Šta da vam kažem, vama koji ovdje niste, da vam dočaram ovako naizust, kratko, ko su borci prije rata i oni koji u krvavoj igri zaigraše kolo spasa. Njihova igra bijaše i igra i boj, naše oslobođenje. (...)“

Salih Rajković, istoričar umjetnosti, *prilikom posjete Partizanskom spomen-groblju*, list “Sloboda”, 1984.



„Mostar – grad – čovek nije ni mogao da shvati drukčije revoluciju do kao ovaploćenje načela života, i kao sliku budućnosti. Pa zato, ako se kaže da Spomenik o kome je reč iskazuje veru u život, odaje se time priznanje posebnoj, složenoj i istovremeno jednostavnoj filozofiji mostarskog čoveka, i čoveka Hercegovine. To je pre svega nepokolebiva vera u život. U ime života su se gasili životi, u ime svetlosti i sunca zaklapale su se oči mladića i devojaka. Ali, i zaklopljene, one su ostale otvorene. Ovu misao sam svakodnevno saznavao, pratio je gradeći ovaj Spomenik. (Graditelj se ponešto i učio gradeći svoju građevinu.)“

„U mašti čovekovoju bilo je mnogo gradova prema kojima je večito putovala njegova nostalgija. Pali junaci mostarskog bataljona iz svog grada snova gledaju svoj voljeni Mostar. Dva grada suočena su licem

u lice – grad živih i grad mrtvih, spajajući se u jedinstvenu celinu. Ne znam kako će izgledati gradovi budućnosti, ali, upravo u ime njihove lepote, tragično se živelo i mrelo vekovima.“

Bogdan Bogdanović, arhitekta Partizanskog spomen-groblja

„U selu Vlahovićima kod Ljubinja ima jedan stećak na kome piše: “Ko će bileg pogubiti pogubi ga Bog. Ko bi to potro, da je proklet ocem i sinom i svetim duhom... Ne tikaj u me”. Rečeno kako onda tako i sada. Urezano u kamen.“

Pero Zubac, pjesnik, u Novom Sadu, 26.9.2010.



“Ideja da se obnovi sjećanje na sedam stotina mostarskih žrtava poginulih za slobodu za vrijeme Drugog svjetskog rata i remek djelo velikog umjetnika Bogdana Bogdanovića koje je posvećeno velikim ljudima, nacionalnim herojima Mostara i Bosne i Hercegovine pozdravljam iz sveg srca. Riječ je o vremenu kada je stvarano veliko djelo, kada su se ujedinjeni jugoslovenski narodi borili za slobodu, a mostarski heroji u njene temelje utkali svoje živote. Takvi spomenici, iako su od kamena ili bronzne, postoje da bi nove generacije podsjećali na značaj i veličinu naše prošlosti. Kao što je mostarski Most (zaslužio je po svemu veliko slovo!) bio i ostao važan i kao značajno arhitektonsko djelo, tako i spomenici treba da žive i poštuju se, da se pred njima poklone nove generacije i napajaju se hrabrošću onih koji su svoje živote dali za njihovu slobodu....Pozdravljam ideju za obnovu Spomenika, to je dug prema žrtvama i mostarskom viteštvu”.

Jovo Kapičić, narodni heroj, 2010.

BILI SU PRAVI LJUDI- Biografije palih boraca

“Ovi ljudi – heroji i revolucionari – bili su zaista pravi ljudi i u svom neobičnom i u svom običnom životu. Njihovi životi i njihove smrt bili su onakvi kako ih je zamišljao i pjesnik i guslar i narod i Partija; bili su ona zgusnuta kap najljepših osjećanja i najjačih misli koje je kroz istoriju stvarala narodna vizija (...)“

Avdo Humo, na otvaranju Partizanskog spomen-groblja 25.9.1965.

(odlomak iz govora)

A: Abramović – Avdalović



**Nikola (Mirka) ABRAMOVIĆ
BJELICA** (1905. Dabar – 1941.
Gospić) - AKTIVISTA

Trgovački pomoćnik. Član KPJ od 1926, predratni sindikalni funkcioner i funkcioner RŠK „Velež“. Istaknuti aktivista u RKUD „Abrašević“, rukovodilac dramske sekcije i kursa „esperanta“. Više puta hapšen i osuđivan, poput 1929. godine u grupi Gojka Vukovića, po Državnom sudu za zaštitu Države, ili 1932. godine u grupi Anđelka Goatija. Robijao u Sremskoj Mitrovici gdje se upoznao sa velikim brojem revolucionera. Ponovo uhapšen početkom septembra 1940. zbog masovnog protestnog generalnog štrajka u Mostaru izazvanog zabranom aktivnosti „Veleža“. Sproveden u Lepoglavu sa grupom istaknutih Mostaraca. Po dolasku ustaša na vlast aprila 1941, interniran u koncentracioni logor gdje je likvidiran. Kao lokacija smrti spominju se Stara Gradiška/Jasenovac i Gospić. Opisan kao „nepokolebljiv proleter“.

Mihajlo M. AHAC (1924. Mostar – 1943. Krekovića) – BORAC

Đak, član SKOJ-a 1940. godine. Stupio u Bataljon krajem 1941. Bombaš. Poginuo u Krekovići kod Nevesinja aprila 1943. Ostao upamćen kao „jedini Slovenac u Bataljonu, kojeg smo svi cijenili zbog hrabrosti i drugarstva.“

Dimitrije Dimšo (Đorđa) AJVAZ (1920. Mostar – 1941. Caprag*) – AKTIVISTA

Bravar, član SKOJ-a od 1938. i kandidat za člana KPJ od 1940. Uhapšen od ustaša juna 1941. i odveden u logor Dvor na Uni, odakle je 5. novembra 1941. prebačen u logor Gospić* i ubijen. Dimitrijević Brat Božidar i otac Đorđa su žrtve fašizma, ubijeni u Mostaru 1941. godine. (* prema Spomenici)

Ljuban (Marka) AJVAZ (1907. Mostar – 1941. Lepoglava*) - AKTIVISTA

Bravar, predratni član KPJ, aktivan u rasturanju letaka i brošura zabranjenog sadržaja. Hapšen i osuđivan više puta, uključujući po Državnom sudu za zaštitu Države. Nakon demonstracija septembra 1940, uhapšen i odveden u logor Lepoglavu, odakle je pušten. Uhapšen ponovo od ustaša u Mostaru jula 1941. i ubijen. *



Petar (Riste) AKŠAM (1907. Mostar – 1943. Strigovi) - BORAC

Đak učiteljske škole, aktivan u literarnoj družini „Aleksa Šantić“. Radio kao učitelj prije rata u više mjesta, od 1929. u Ratimlju kod Stoca, potom u Srpskim Kalnderovcima kod Dervente i Čitluku kod Bosanske Kostajnice gdje je dočeka rat. Član KPJ. U NOV i POJ stupio 1941. godine u ustaničke jedinice na području Krajine kao jedan od prvih organizatora ustanka u tom kraju, politički komesar Krajiške brigade. Obolio vjerovatno od tifusa, i izvršio samoubistvo pod uticajem visoke temperature. Prema jednom izvoru, bio je „veoma objubljen među borcima“.

OTAC I SIN ALAGIĆ

Marko (Đure) ALAGIĆ (1900. Nevesinje* – 1941. Mostar) - AKTIVISTA

Po nekim izvorima rođen u *Lici. Profesor, direktor Trgovačke akademije u Mostaru, intelektualac ljevičar. Uhapšen of ustaša u Mostaru jula 1941. i ubijen.

Aleksandar Aco (Marka) ALAGIĆ (1923. Gospić – 1943. Bijela) - BORAC

Đak Trgovačke akademiju u Mostaru, fudbaler „Veleža“, član SKOJ-a od 1940. i KPJ od 1942. U Mostarskom bataljonu od oktobra 1941, bombaš, komandir voda, poginuo na Borcima kod Konjica februara 1943. Opisan kao „pun snage i prkosa, izuzetno hrabar bombaš, uvijek među prvima u napadu. Isticao se junaštvom u

četi, pa čak i u cijelom Bataljonu. Bio je dobar drug. Sanjario je o šumarskom fakultetu kad se rat završi....”



Spomen-ploča đacima i profesorima nekadašnje trgovačke akademije u Mostaru (kasnije ekonomske škole). Na njoj su imena palih boraca sa Partizanskog spomen-groblja: Aleksandar Alagić, Marko Alagić, Husref Krpo, Mustafa Alikalfić (đak i profesor), Arif Hadžiselimović, Asim Mrgan, Nebojša Šain, Reuf Zubčević, Ešref Fejić, Mielva Karišik, Božo Skočajić. Foto: spomenicinob.

Učesnik skupa aktivista i rukovodilaca SKOJ-a iz BiH kod Bugojna avgusta 1940. kao jedan od 15 predstavnika iz Mostara. U Bataljonu od početka 1942, poginuo juna 1942. na Dramiševu kod Nevesinja.



Skojevci na ilegalnom kursu u Bugojnu 1940. Među njima je i Mustafa Alikalfić. Izvor: Sloboda

Sulejman (Ibrahima) ALENDAR (1911. Ljubuški – 1945. Sarajevo) - AKTIVISTA

Vozač. Aktivista NOP-a, uhapšen od ustaša 12. februara 1945. i odveden u Sarajevo, gdje je 28. marta 1945. ubijen. Njegovo ime je objavljeno na spisku osuđenih na Oglasu “Priekog ratnog suda stožera pukovnika Luburića” pod rednim brojem 8.

Munta (Salke) ALIĆ (1922. Mostar – 1945. Jasenovac)

Djevojačko prezime Šantić, izgubila život u koncentracionom logoru Jasenovac.



Ibrahim (Osmana) ALIKALFIĆ Duje (1920.* Mostar – 1942. Borci) – AKTIVISTA, BORAC

Prema Spomenici, rođen 1918.* Brijač, član SKOJ-a od 1941. U grupi mostarskih omladinaca-dobrovoljaca u aprilskom ratu.

Mustafa (Muhameda) ALIKALFIĆ Brko (1920.* Mostar – 1943. Prozor) – ILEGALAC, BORAC

Po nekim izvorima rođen 1921.*, đak Trgovačke akademije, član SKOJ-a od 1938. i KPJ od 1941. Sekretar aktiva SKOJ-a u školi. Partijski kurir u vrijeme organizovanja i pripremanja ustanka. U jednom pokušaju da se izvuče oružje od italijanskih vojnika u Mostaru, uhvaćen i zatvoren sa grupom omladinaca, ali pušten u nedostatku dokaza. Jedan od vodiča koji su izveli najviše dobrovoljačkih partizanskih odreda iz Mostara, a sam je bio u Mostarskom bataljonu od decembra 1941. Poginuo kao komandir voda u Žuglćima kod Konjica marta 1943.



Mustafa (Hasana) ALIKALFIĆ
(1905.* Mostar – 1945. Jasenovac)
- AKTIVISTA i ILEGALAC

Prema Spomenici rođen 1898*.
Profesor istorije i geografije u
Učiteljskoj školi, istaknuti
antifašista, aktivista NOP-a,
predsjednik NOO-a Mostara 1943.

Predavač u Muslimanskom zanatskom udruženju Itihad
i Kulturno-prosvjetnom društvu Gajret, gdje je bio i član
upravnog odbora. Aktivan u nizu drugih društava,
poput predsjednik Muslimanskog pokopnog društva
Rahmet, te u pododboru društva Merhamet. Radio na
zbrinjavanju izbjegle djece, prikupljanju oružja i
materijala, skrivanju ilegalaca, izdavanju i rasturanju
propagandnog materijala i sl. Otpušten iz službe aprila
1944., optužen za rad za NOP i zatvoren. Oktobra 1944.
otpremljen u Jasenovac gdje je likvidiran 1945. godine.

Herman (Abrahama ili Adama) ALTKORN Hodža
(1902.* Mostar* – 1941. Jasenovac*) - AKTIVISTA

Prema Spomenici, rođen 1890.* u Jagielusku, Poljska.
Električar, radio kao rudar u Rudniku mrkog uglja u
Mostaru. Aktivista radničkog pokreta i sindikalni
funkcioner. Uhapšen od ustaša jula 1941. u Mostaru,
odveden prvo na logor u Pagu, a zatim, prema
Spomenici, likvidiran u logoru Gospić.

Ivan (JANEZA) AMBROŽ (1908. Jesenice – 1941. Čitluk)
- AKTIVISTA

Rodom iz Slovenije, elektrotehničar, radio u mornarici u
Boki kotorskoj, u rudnicima Dobri Lim i Tresibaba, te
kao poslovođa na Rudniku mrkog uglja u Mostaru. Član
KPJ od 1940. Uhapšen od ustaša u Mostaru 26. juna
1941. i ubijen.



Jovo (Četka) ANDRIĆ (1924. Pijesci
– 1942. Bratač) - BORAC

Učenik Gimnazije u Mostaru. U NOV
i POJ stupio ljeta 1941. u ustanički
odred „Bišina“. Poginuo u borbama
kod Nevesinja 1942. godine.

Maksim (Nikole) ANDRIĆ (1911. Pijesci – 1941.
Mostar*) - AKTIVISTA

Mašinobravar. Predratni član KPJ, aktivista radničkog
pokreta. Uhapšen od ustaša 21. jula 1941. i zatvoren u
školu “Kraljica Marija” avgusta 1941. i nakon toga
ubijen. Prema nekim izvorima, bio je sproveden u
Gospić i ubijen u logoru *Jadovno.

Mara (Riste) ANDRIĆ (1924. Pijesci – 1945. Konjic) –
BOLNIČARKA, BORAC

Rođena u selu Pijescima (Mostar), politički delegat
voda u 1. Bataljonu (2. vod, 3. četa). Istakla se
hrabrošću u brojnim borbama. Poginula u borbi za
oslobođenje Konjica marta 1945. Po pisanju saboraca,
“u jednom od posljednjih juriša ranjena je drugarica
Mara Andrić, koja je poslije desetak dana umrla u
bolnici u oslobođenom Konjicu. Ona je u toku svih
juriša išla na čelu voda.” Opisana je kao “veoma
omiljena”, te da je “svima bilo žao zbog njenog
nestanka”.



Mirko (Voislava) ANDRIĆ (1918*.
Pijesci – 1945. Kiseljak) - BORAC

Po nekim izvorima rođen 1919.
Zemljoradnik. U NOV i POJ stupio
1942. godine. Borac 1. bataljona
14. hercegovačke brigade. Poginuo na komunikaciji
Blažuj-Kiseljak u borbi protiv njemačkih jedinica 7.
aprila 1945.

Alija (Sejde) ARAP (1926. Mostar – 1944. Bradina) - BORAC

Prema Spomenici rođen 1927*. Učio bravarski zanat. Član SKOJ-a od 1941, u Bataljonu od novembra 1941, poginuo na Bradini kod Konjica oktobra 1943*. kao dio partizanske izvidnice koja se nije vratila sa zadatka – dočekali su je i likvidirali legionari.

Enver (Saliha) ARPADŽIĆ Gec (1917. Mostar – 1943. Drvar) – AKTIVISTA, ILEGALAC, BORAC

Student medicine. Predratni aktivista, član SKOJ-a od 1938. i KPJ od 1941, sekretar ćelije KPJ u Mostaru do odlaska u partizane. U Bataljonu od septembra 1941, pomoćnik referenta saniteta u Bataljonu, sekretar partijske ćelije u četi. Umro od tifusa u Centralnoj bolnici u Jasikovcu januara 1943.

Nedžad (Mahmuta) ARPADŽIĆ (1926. Mostar – 1944. Stara Gradiška) - ILEGALAC

Učio bravarski zanat. Član SKOJ-a od 1942. Uhapšen od ustaša marta 1944. u Mostaru, odveden u logor Stara Gradiška gdje je ubijen.

BRAĆA I SESTRA AVDALOVIĆ



Boro (Uroša) AVDALOVIĆ (1913. Korita Gacko* – 1942. Zagoričani) – BORAC

Prema Spomenici, rođen u Bjelajcu kod Mrkonjić-Grada*. Podoficir muzičar, intelektualac. Nakon kapitulacije Kraljevine Jugoslavije aprila 1941. odlazi u Avtovac kod

Gacka gdje djeluje kao sekretar avtovačke ćelije. Primljen u KPJ. Borac, stupio u ustaničke jedinice ljeta 1941, a od avgusta 1942. rukovodilac agitpropa u 1. bataljonu 10. hercegovačke brigade. Poginuo u jesen 1942. u Zagoričanima kod Livna. Ostao je upamćen kao „vedar i za šalu spreman drug“.



Mladen (Uroša) AVDALOVIĆ (1923. Nevesinje – 1941. Svilajnac) - BORAC

Rođen u Gornjem Drežnju kod Nevesinja, đak Gimnazije u Mostaru. Član SKOJ-a od 1941, prvoborac, u prvoj grupi

dobrovoljaca iz Mostara, poslan na teren istočne Hercegovine da radi na razvijanju ustanka gdje je kratko ostao. Nakon povratka u Mostar, izbjegao u Srbiju i stupio u Resavsku partizansku četu 2. šumadijskog odreda. Zarobljen kod Svilajнца i streljan 2. oktobra 1941. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Radmila (Uroša) AVDALOVIĆ (1917. Mrkonjić-Grad – 1942. Rilje) - AKTIVISTA

Rođena u Bjelajcu kod Mrkonjić-Grada. Završila Nižu gimnaziju i Učiteljsku školu u Mostaru, od 1937. učiteljica u Lipniku kod Gacka. Predratni član SKOJ-a i član

KPJ od 1941. Prema jednom izvoru, “u ratnim uslovima stalno bila uz svoje đake i seljane” i “radila na povjerenim zadacima”. Poginula jula 1942. kod Nevesinja.

Jelena Avdalović izgubila je troje od šestero djece tokom NOB-a. Iako je već znala za njihovu pogibiju, u razgovoru sa novinarom februara 1945. rekla je: "Jednom se živi i umire, pa neka se onda živi i umire za nešto veliko – za domovinu."

B: Babić – Burić

Miho (Stojana) BABIĆ (1921. Malo Polje – 1945. Ivan-Sedlo) - BORAC

Zemljoradnik, član SKOJ-a od 1943. U NOV i POJ stupio aprila 1944. u Odred "Savo Belović". Borac 3. bataljona 13. hercegovačke brigade, poginuo na Ivan-sedlu 26.3.1945.

Dušan (Đorđa) BAJAT (1911. Mostar – 1941. Zagreb) - AKTIVISTA

Mašinovođa. Aktivista radničkog pokreta i NOP-a. Uhapšen od ustaša jula 1941. u Mostaru, odveden u Zagreb, gdje je 26. avgusta, nakon sudske presude zbog komunističke propagande ("usmene protudržavne propagande" i izjave "da Nijemci ne napreduju tako kao što piše u novinama i da će Rusi u kratkom vremenu pobijediti"). Pokretni prijeki sud osudio ga je 26. avgusta 1941. na smrt. Streljan istoga dana u parku Dotrščina zajedno sa još dvojicom zatvorenika.



Šestero djece Jelene i Uroša Avdalovića 1933.godine (s desna na lijevo): Borislav, Zagorka, Radmila, Momčilo, Tatjana, Mladen. Troje se nije vratilo iz rata.

НАШЕ ЈУНАЧНЕ МАЈНЕ

"Једном се живи и умире, па нека се онда живи и умире за нешто велико — за домовину"

Мајка шесторо деце, угледна Јелена Андрић из Херцеговине, изгубила је троје деце у народно-ослободилачкој борби, а остало троје и данас су у борби.

Од својим радом и књигом учитељом, Јелена Андрићева живела је у Mostaru све до августа 1941 године када је упутила изјаву према: „Они који се кључама на „А“ и „В“ вештају постоје и то сјај да дођу на јединствену станицу, ипак ће бити страшно. Оне које могу да постоје кључама до извесних промена и 300 дана до постоје.“

На кључу њене куће живела су се три млада сина и још једна девет година дјевојка. Она се припрема постојано напредном животу, високом знању и трпачи вера, безбожачки дисквалификација и рева. Јелена их је све вољела као своју децу, брижљива се за њих, доносила им храну, пратила њих.

„У ту вријем требало се од њих растајати“, крива мајка. Младена, најмлађа, одлучила су друговима да отпутују резултатом на санитету, али је она одлучила одићи и одговорно: „Уште ми, али ја не кривим. А онда је Момчило испустило да отпутује пролеће. Тада су изјавили на кључу, а Јелена се одлучила одићи и рекао му: „Врати се, дете. Немај да изгубиш везу са друговима. Они ће можда још вратити кључу и кључу.“ И Момчило се вратио.

И ипак, са мајкама везу матурасту Јелена се још неколико мостарских омладинаца изјавили су се из града, преобликују се прво интернационалне Вољена и отуђени у заробљеници одлази.

Младена мајка је био узрочно тих шест разреда гимназије, није могла да издржи напоре пута и вратити се у Mostar. После неколико дана, дознавши да су му родитељи, ипак што су их одлучили до кључу, провештају у Србију, крива и он. У Србији је отпутило везу с друговима и постојао санитетом.

Кад су се партизани повукли из Сарајева, издржаних их кључу до кључу Кушићева и Босова. И док је




BRAT I SESTRA BAJAT



Nijaz (Adema) BAJAT (1923.
Mostar – 1942. Potoci) –
AKTIVISTA, BORAC

Đak Učiteljske škole, igrao u podmlatku RŠK "Velež". Član SKOJ-a od 1941, djelovao u školi, kvartu i Stegu skauta, učestvovao u demonstracijama. U Bataljonu od januara 1942, poginuo u Bijelom polju kod Mostara maja 1942.



Nijaza Nada (Adema) BAJAT
(1925. Mostar – 1944. Lisičići) –
ILEGALAC, BOLNIČARKA I BORAC

Đak Građanske škole, član SKOJ-a od 1941. i KPJ od 1943. Kraće vrijeme radila je u Fabrici duhana. Učestvovala u

demonstracijama žena zvanim »Viktorija«, predvodeći grupu omladinki iz Brankovca i Mazoljica. Prije stupanja u Bataljon januara 1942, radila kao ilegalac za NOP. Pohađala sanitetske kurseve koje su predavali mostarski doktori i tako pripremali brojne mlade Mostarke za uloge bolničarki u odredu. Kasnije su se sanitetski kursevi održavali i u njenoj kući. "Bila je malena i htjeli su je zaštititi i odredili da radi i djeluje pri štabu odreda. Ali, ona nije htjela. Prijavila se u tzv. "desetinu smrti", kako su nazivali specijalnu jedinicu koja je izvršavala najteže zadatke. Bila je neustrašiva i specijalizovala se za napade na bunkere." Preživjela je ofanzive na Neretvi i Sutjesci, i bila u grupi iscrpljenih boraca koji su se nakon Sutjeske vratili u Mostar na oporavak. Zatim je stupila u Ramski odred, i 1. bataljon 17. krajiške brigade. Sekretar bataljionskog komiteta SKOJ-a. Poginula u Lisičićima kod Konjica 1944. prilikom napada na ustaško uporište. Opisana je kao "poletni i omiljeni skojevski rukovodilac."



Nijaza Bajat

Bila je odlikaš u školi, pa skojevac, sekretar, ilegalac, onda borac, rukovodilac, diverzant, bombaš, zastavnik... Kada su se tražili dobrovoljci za specijalne akcije, prva se javljala. Njeni najbliži saborci toliko puta su je opominjali: poginuće...

— Ali — neka! Naša smrt je naša posljednja borba koju će drugi nastaviti — zborila je Nijaza Nada Bajat.

U naselju Brankovac, gdje je živjela, ona se oduševljavala svim onim što je slušala od starijih drugarica i drugova na koje se ugledala — nečim što se samo od sebe nametalo, što je u stalnom prisnom dotiru, pod udarom oka, srca, volje i mašte.

Ova mršava i omalena plavuša bila je nježnog izgleda, a buntovna srca. Uvijek vesela, družaljivica, mila i, nadasve, veoma istrajna i kuražna. Kao takvu zapamtile su je njene vršnjakinje koje je okupljala, uvjeravajući ih u veličinu borbe za pravdu i slobodu, za bratstvo i jedinstvo i sve drugo što je za njenog kratkog života progovorilo nekim čudnovatim ponosom.

Odlomak iz stare štampe: "Bila je odlikaš u školi, pa skojevac, sekretar, ilegalac, onda borac, rukovodilac, diverzant, bombaš, zastavnik...Kada su se tražili dobrovoljci za specijalne akcije, prva se javljala (...), "Crvene latice, sjećanje na partizanku Nijazu Nadu Bajat"; "Sloboda".

BRAĆA BAJIĆ

Zdravko (Ilije) BAJIĆ (1924. Bileća – 1941. Mostar) -
AKTIVISTA

Prema Spomenici rođen u Čapljini. Đak Gimnazije u Mostaru gdje je živio sa porodicom. Član SKOJ-a od 1941. Uhapšen od ustaša avgusta 1941. sa bratom Žarkom. Nakon nekoliko dana provedenih u Mostaru u zatvoru (u školi Kraljice Marije, pretvorenu u sabirni

logor gdje su mnoge zatvorenike tukli i držali po vrućini bez hrane i vode), braća su sprovedena vozom u logor Jablanica, a 8. avgusta 1941. prebačeni u logor Jadovno kod Gospića, gdje su uskoro ubijeni.

Žarko (Ilije) BAJIĆ (1922. Bileća – 1941. Mostar) -
AKTIVISTA


Član SKOJ-a od 1940. Uhapšen od ustaša avgusta 1941. u Mostaru, odveden i ubijen. Prema Jadovno.com, uhapšen od strane ustaša 2. avgusta 1941. sa bratom Zdravkom, odveden u logor Jadovno kod Gospića gdje je ubijen.

Hajrudin A. BAJRIĆ (1927. Mostar – 1944. Mostar)

Ukoliko imate podatke o ovom palom borcu, molimo da se javite redakciji sajta partizansko.info.

Angijat* (Hasana) BAJROVIĆ (1923. Mostar – 1945. Ivan-Sedlo) - BORAC


Mesar. U NOV i POJ stupio 21. marta 1945. u 2. bataljon 10. hercegovačke brigade. Poginuo 29. marta 1945. na Ivan-sedlu. *Prema Spomenici, zvao se Amgijad.



Crtež: **Ico Voljevica**. Sa naslovnice knjige "Pred očima grada" Mensura Seferovića.

Muhamed Hamo (Salih) BAKAMOVIĆ (1924.* Mostar – 1944. Trohtajm) – AKTIVISTA, BORAC

Prema Spomenici, rođen 1922.* Službenik. Revolucionar, živio u Brezi, "zaslužan za podizanje ustanka u tom kraju". Uhapšen od ustaša u Sarajevu krajem 1941, odveden u logor Jasenovac, a zatim interniran u Norvešku. Zbog bolesti prebačen iz logora Korgen (Nordland) u logor za bolesne Eisand (Øysand, Ejzajnd)* pored Trondheima. Umro 21. aprila 1943. od "iscrpljenosti". Srednji sin Salih-bega Bakamovića (1885-1940), ekonomiste, novinara, pisca i prevodioca iz Mostara. Porodica Bakamović je nekad bila u posjedu lokaliteta na kojem je izgrađeno Partizansko spomen-groblje.



Muhamedov otac Salih-beg Bakamović (1885-1940), novinar, pisac i prevodilac, potomak je mostarskih begova po kojima je i četvrt Bakamluk dobila ime. Prema istoriografima, lokalitet Biskupova glavica na kojem je izgrađeno Partizansko spomen-


groblje, nazivala se starinom, prije nego je zemlja prodana, Bakamovića glavica. Tako se Muhamed Bakamović, makar simbolično, preko svog kamenog cvijeta, vratio na pradjedovsku zemlju.



Sofija (Slavka) BAKARIĆ Velika Buca (1924. Beograd – 1944. Stara Gradiška) - AKTIVISTA

Tipografska radnica (po jednom izvoru student filozofije). Članica SKOJ-a i KPJ i jedna od prvih ilegalaca NOP-a. Uhapšena u Sarajevu juna 1941, deportovana iz sarajevskog zatvora Beledija u logor u Koprivnici, često premještana u razne ustaške logore (Gospić, Jastrebarsko i Jasenovac), da bi se krajem 1941.g. našla u Staroj Gradiški. Više puta zatvarana u samice u zloglasnoj Kuli,

najsvirepije zlostavljana i maltretirana, i na koncu ubijena radi "ispjevane pjesme o logoru". Zbog muka kroz koje je prošla postala je simbol stradanja žena i djece u ustaškim logorima. Prema sačuvanim dokumentima, partizani su planirali tražiti razmjenu Sofije za ustaške zarobljenike, ali do tog nije došlo. Opisana kao „prkosna i gorda omladinka“ koja se „i na saslušanju i sve do njezine tragične smrti sjajno držala“.



Dopisnica Sofije Bakarić iz koncentracionog logora Danica, poslana majci Ljubici Bakarić 1941. godine.



Sofija Bakarić, žrtva logora Stara Gradiška, u bezbrižnijim vremenima. Fotografija je presnimljena za Odbor za uređenje Spomen muzeja "Kula" u Staroj Gradišci.

BRAĆA BALAC



Boro (Nikole) BALAC (1915. Vrlika – 1943. Doli) – AKTIVISTA, BORAC

Prema Spomenici, rođen u Kistanju kod Knina. Krojač, član KPJ od 1938. i član MK KPJ za Mostar. Hapšen nakon septembarskih demonstracija 1940. u Mostaru. Početkom rata učestvovao u brojnim ilegalnim akcijama u Mostaru, poput preuzimanja oružja iz napuštenih kasarni vojske Kraljevine Jugoslavije. Prvoborac, u odredu od sredine avgusta 1941, koji se uputio na podizanje ustanka u istočnoj Hercegovini. Povremeno služio i kao kurir. Preživio ofanzive na Neretvi i Sutjesci.

Zamjenik političkog komesara čete. Poginuo 16. novembra 1943. u selu Doli kod Sitnice. Opisan kao "beskompromisan borac za radnička prava".



Đorđo Đole (Nikole) BALAĆ (1916. Benkovac – 1941. Mostar) – AKTIVISTA, BORAC

Prema Spomenici, rođen u Kistanju kod Knina. Limarski radnik, predratni član KPJ i MK SKOJ-a. Zarobljen u Podveležju i ubijen u prvom neuspješnom pokušaju da se organizuje odred 17. jula 1941, kad je prva grupa mostarskih komunista izašla iz Mostara.



Natko (Nikole) BALAĆ (1912. Benkovac – 1943. kod Niša) – AKTIVISTA, ILEGALAC i BORAC

Prema Spomenici, rođen u Kistanju kod Knina. U Mostaru završio Gimnaziju, a pravni fakultet u Beogradu. Predratni član KPJ. Pravnik u Glavnoj pošti u Beogradu, gdje je nakon okupacije radio na povezivanju izbjeglih članova KPJ iz Mostara sa partijskim organizacijama u Srbiji i upućivanju Mostaraca i drugih boraca u partizanske jedinice. Poginuo u borbi sa Bugarima 1943. godine kod Niša .



Slavko (Nikole) BALAĆ (1914. Sinj* – 1941. Lepoglava) - AKTIVISTA

Prema Spomenici, rođen u Vrlici kod Knina. Obučar, fudbaler Veleža. Član KPJ od 1937, istaknuti sindikalni borac i član Međustrukovnog odbora, jedan od predavača u Radničkom domu za širi krug radnica i domaćica. Nakon demonstracija u septembru 1940. u Mostaru odveden u logor Lepoglavu, jula 1941. prebačen u logor Gospić gdje je

ubijen. Jedna ulica u Mostaru nazvana je po braći Balać.



Fotografije palih boraca braće Balać sa jednog poslijeratnog panoa. Isječak, arhiv K.D.Miletić.

BRAĆA BALIĆ



Mirzo (Abdulaha) BALIĆ (1912. Mostar – 1945. Jasenovac) – AKTIVISTA, ILEGALAC

Trgovac, aktivista NOP-a, u jesen 1941. Nastavlja ilegalnu aktivnost u Sarajevu. U radnji u Sarajevu gdje je radio, pronađeno je oružje koje je trebalo otpremiti u partizane. Uhapšen 28. marta 1945. i deportovan u Jasenovac gdje je likvidiran.



Mustafa (Abdulah) BALIĆ Mujo
(1922. Mostar – 1945. Jasenovac) -
ILEGALAC

Đak Gimnazije, član SKOJ-a od 1940. i KPJ od 1941, u ilegalnom pokretu otpora u Mostaru od 1941. Učesnik brojnih akcija. Jedno vrijeme proveo u agitpropu Operativnog štaba u istočnoj Hercegovini, a zatim u 2. udarnom bataljonu, gdje je vršio dužnost partijskog rukovodioca. Vratio se u Mostar gdje je nastavio sa ilegalnim radom. Upućen na partijski rad u Sarajevo gdje je uhapšen 1942. kad je izvršena provala među ilegalcima. Odveden u zloglasni Luburićev zatvor Beledija, gdje je mučen, a potom u Jasenovac gdje je likvidiran 1945. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



braća Balić, žrtve jasenovačkog logora.



Mirza i Mustafa Balić, žrtve Jasenovca, braća su poznatog mostarskog skakača Emira Balića.



Pali borci Gojko Vuković i Mujo Balić kao skauti. Arhiv porodice Andrić.

BRAĆA BALORDA



Mladen (Dušana) BALORDA, narodni heroj (1921. Mostar – 1943. Ovojci) – ILEGALAC, BORAC

Metalski radnik (bravar), fudbaler omladinske sekcije "Veleža". Član SKOJ-a od 1938. i KPJ od 1940. Jula 1941. ustaše su ga sa porodicom deportovale u Srbiju, ali se Mladen septembra 1941. godine pješke vratio u Mostar. Radio je na organizovanju omladine na Carini, formirao udarne grupe i skupa s njima upadao u vojne magazine i iznosio oružje i municiju, odjeću, sanitetski materijal i hranu za potrebe odreda. Kao borac u Mostarskom bataljonu, zbog svoje hrabrosti često je učestvovao u specijalnim zadacima, poput oslobađanja zarobljenih drugova iz zatvora u Konjicu ili napada na bunkere. Istakao se i kao zamjenik komandanta Bataljona u Petoj neprijateljskoj ofanzivi na Sutjesci. Nekoliko puta u toku rata je dolazio u Mostar, zadnji put se vratio na oporavak sa još 80 iscrpljenih boraca poslije Pete ofanzive. Jula 1943. bio je na čelu novoformiranog Omladinskog odreda od 80 omladinaca kojeg je trebalo izvesti u Desetu hercegovačku udarnu brigadu. U vjerovatnoj izdaji 15. jula 1943. godine odred je napadnut od 200 njemačkih vojnika u selu Kamena kod Blagaja. Mladen je ranjen i sproveden u Mostar zajedno sa drugih zarobljenim borcima. Streljan je nakon nekoliko dana u Mostarskom blatu. Proglašen je za narodnog heroja 5. VII 1951. Mladenovi posmrtni ostaci su nakon rata preneseni i sahranjeni na Partizanskom spomen-groblju u Mostaru. O njemu je zapisano: „Bio je promišljen, hladnokrvan i lukav borac. Kao starješina u Bataljonu uvijek se nalazio na čelu svojih jedinica i bombaških grupa. Zračio je čestitošću, iskrenošću, skromnošću i drugarstvom, bio je voljen od svih koji su ga poznavali. Kao vojnik svojom inteligencijom obećavao je mnogo, ali je prerana smrt presjekla njegov životni put.“ (E. Ćemalović)



Hasan Zahirović.
Dva preživjela
narodna heroja
su bili Mehmed
Meha Trboinja i
Avdo Humo.



Spomen-bista
Mladena
Balorde u
parku kod
trga Musala u
Mostaru gdje
je kao dječak
sa Carine
proveo brojne
sate.

13 palih boraca iz Mostara su nosioci Ordena narodnog heroja: Mladen Balorda, Karlo Batko, Ljubo Brešan; Leo Bruk, Adem Buć, Jusuf Čevro, Rifat Frenjo, Mithad Haćam, dr Safet Mujić, Šefik Obard, Ahmet Pintul,



Na Neretvi, oko 1939. Stoji: pali borac Bećir Trbonja, sjede, s lijeva na desno: nepoznati, Vasilije Balorda (pretpostavka), njegov brat i narodni heroj Mladen Balorda, i vjerovatno pali borac Predrag Škrobić. Arhiv porodice Trbonja.



Vasilije (Dušana) BALORDA (1923. Mostar – 1941. Kraljevo) - AKTIVISTA

Đak Gimnazije, član SKOJ-a od 1940. Kad su ustaše došle na vlast u Mostaru i počele hapšenja Srba, izbjegao sa roditeljima i sestrama u Kraljevo gdje je postao đak Gimnazije.

Radio fizičke poslove sa ocem da porodica preživi. Nastradao u masovnim streljanjima građana, uglavnom odraslih muškaraca i đaka, od strane njemačkog vermahta između 10. i 15. oktobra 1941., postavši time

jedan od 11 Mostaraca nastradali u ovom zločinu. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

Fatima (Osmana) BALTA (1922. Mostar – 1945. Jasenovac) - ILEGALKA

Domaćica, član SKOJ-a od 1940. Uhapšena od strane ustaša 23. marta 1944. jer je "kao pripadnica komunističke organizacije A.F.Ž. održavala vezu s odmetnicima, od kojih je primala tiskarsko tvorivo za tiskanje letaka". Odvedena u logor Stara Gradiška, a potom u Jasenovac, gdje je početkom 1945. ubijena.

Baldo BASARIĆ (????? ???? – 1943. kod Gacka) - BORAC

Rodom iz Dalmacije, radnik u Mostaru, puškomitraljezac 2. čete 3. bataljona. Uhapšen u Mostaru, ali se po svemu sudeći uspio osloboditi, nakon čega je vjerovatno otišao u odred. Poginuo na brdu Treštenik, istočno od Avtovca, 19. maja 1943. godine.

Berima (Sulejmana Sulje) BAŠAGIĆ Mubera (1923.* Nevesinje – 1945. Jasenovac) - ILEGALKA

Prema Spomenici, rođena 1924.* Završila Gimnaziju u Mostaru. Član SKOJ-a. Uhapšena od ustaša januara 1945. odvedena u logor Jasenovac 19.2.1945. godine gdje je i pogubljena.

BRAĆA I SESTRA BAŠAGIĆ

Hajrija M. BAŠAGIĆ (1920. Nevesinje – 1943. Stara Gradiška*) – AKTIVISTA, ILEGALAC

Studentkinja filozofskog fakulteta, skojevka i član KPJ. Živjela s porodicom u Mostaru. Održavala kurseve za bolničarke, „radeći često u svom stanu, obično sa po deset njih“, pripremajući na taj način buduće bolničarke za odrede. Pisala tekstove za bilten žena, od 1941. do kraja 1943. u kući Bašagića su nalazili utočište mnogi ilegalci, poput Olge Marasović ili Svetozara Vukmanovića Tempa, člana Vrhovnog štaba NOV i POJ. Jedno vrijeme se kod Bašagića skrivala i ilegalica Sidika

Dika Hadžić kad joj je prijetilo otkrivanje. Hajrija Bašagić je uhapšena od Nijemaca 20. avgusta 1943. zajedno sa sestrom, koja je puštena i kasnije o tom ostavila opsežna sjećanja. Niz izvora navodi da je Hajrija zajedno sa bratom Muhidinom streljana na Ovojcima* ali se vodi i kao žrtva logora Jasenovac/Stara Gradiška.

Mehmed (Mehmeda) BAŠAGIĆ (1923.* Nevesinje – 1942. Bišina)

Prema Spomenici, rođen 1922. Učenik Šerijatske gimnazije u Sarajevu i Gimnazije u Mostaru. Predratni član SKOJ-a. U NOV i POJ stupio početkom 1942. u odred „Bišina“. Borac, zarobljen od četnika maja 1942. kod Nevesinja, predat Italijanima. Sproveden u Mostar i ubijen.



Oktobra 1942. godine, kod Prozora, s lijeva na desno: stoje Dušan Simić, pali borac Muhidin Bašagić Hido, pali borac narodni heroj Šefik Obad. Kleči Enver Čemalović. Sjede: Aco Babić i pali borac Salko Pezo.



Muhidin (Mehmeda) BAŠAGIĆ Hido Ager (1918.* Nevesinje – 1943. Konjic) – AKTIVISTA, BORAC

Prema Spomenici, rođen 1917.*. Student agronomije u Zemunu, živio s porodicom u Mostaru.

Fudbaler “Veleža”, istaknuti aktivista NOP-a. Član SKOJ-a od 1939. i KPJ od 1940, sekretar ćelije KPJ u Nevesinju. Juna 1941. prenio stanovnicima Donjeg Drežnja informaciju o namjerama ustaša da izvrše pokolj u selu, tako da su mještani uspjeli da organizuju odbranu. U Bataljonu od septembra 1941, komesar čete. Zajedno sa narodnim herojem Mustafom Čemalovićem Ćimbom zarobljen jula ili avgusta 1943. kod Konjica kao kurir Vrhovnog štaba sa poštom za 10. hercegovačku brigadu i Crnu Goru. Streljani su na Ovojcima 26. avgusta 1943.



Detalj iz Zavičajnog muzeja u Mostaru. Pali borci Mostarskog bataljona

Nekadašnji Zavičajni muzej (Muzej Revolucije) u Mostaru sadržao je oko 400 fotografija boraca iz Mostara (i oko 50 fotografija narodnih heroja Hercegovine). Slike boraca su takođe objavljene u brošuri “Partizanski spomenik u Mostaru”, Prva književna komuna, 1980.



Slavko (Steve) BAŠIĆ (1912.* Mostar – 1943. kod Splita) – AKTIVISTA, BORAC

Prema Spomenici rođen 1913.* Krojač, fudbaler “Veleža”. Aktivista radničkog pokreta. Odselio u Split 1940, poginuo 1943. kao borac NOV i POJ kod Splita.



Karlo (Valentina) BATKO, narodni heroj (1907. Sarajevo – 1943. Konjic) – AKTIVISTA, BORAC

U Mostaru živio od 1914. Bravar, član SKOJ-a od 1922, i KPJ od 1928, fudbaler “Veleža”. Poslije zavođenja šestojanuarske diktature, zbog partijske djelatnosti, uhapšen od Suda za zaštitu države 1929, te odležao dvije godine u zatvoru u Sremskoj Mitrovici. Član MK KPJ za Mostar 1932. i 1936, član Oblasnog komiteta KPJ za Hercegovinu 1937. i 1940, član Pokrajinskog komiteta KPJ za BiH 1938. Aktivno radio na stvaranju i jačanju partijskih organizacija na području Mostara. Godine 1940. bio je jedan od organizatora štrajka rudara. Više puta je hapšen i proganjan. Poslije Aprilskog rata i okupacije Kraljevine Jugoslavije, aktivno radio na organizovanju ustanka, prvoborac, u Bataljonu od avgusta 1941 u nevesinjskom, a zatim u bilečkom kraju, gde je učestvovao u borbama kod Divina, Fatnice i Plane. Izvjesno vrijeme nalazi se u stolačkom kraju, ali se vratio u Mostar i po zadatku odlazi na sjever, na dužnost sekretara Okružnog komiteta KPJ za teren Kalinovik-Foča. Politički komesar čete i bataljona, kasnije u sastavu novoformirane Desete hercegovačke udarne brigade na dužnosti političkog komesara čete u Petom bataljonu. Poginuo od avionske bombe kod sela Bijele kod Konjica, 3. marta 1943, zajedno sa komandirrom Radom Špancem. Proglašen za narodnog heroja 5. jula 1951. Opisan kao „vjerovatno jedan od najboljih komunista koga je ovaj grad imao, (...) koji je svojim ličnim primjerom vaspitavao mostarske proletere i komuniste... divan čovjek i odličan drug, koji je prošao mnoge jedinice usađujući u našu mladost revolucionarnu svijest u borbi za slobodu.“



Spomen-bista NH Karlu Batku, djelo akademskog vajara Florijana Mičkovića 1985.

Safet (Sadika) BATLAK Dunda (1925. Mostar – 1944. Nevesinje) - BORAC

Pekar. U NOV i POJ stupio jula 1944. u 1. (mostarski) bataljon 13. hercegovačke brigade. Poginuo krajem 1944. na Trusini kod Nevesinja.



Filip (Ilije) BEGIĆ (1911. Kruševo – 1945. Ivan-Sedlo) - BORAC

Prema Spomenici, rođen u Čulama kod Mostara. Željeznički službenik. U NOV i POJ stupio 26. februara 1945. u 1. bataljon 13. hercegovačke brigade. Poginuo 6. maja 1945. na Bitovnji kao borac 3. brigade Narodne odbrane.

Hivzija (Velije) BEGOVIĆ Lapina (1918*. Trebinje – 1943. Konjic) - BORAC

Prema Spomenici, rođen 1917.* Vozač. U NOV i POJ stupio avgusta 1943. Poginuo kod Konjica 2/3. novembra 1943.

Osman (Durana) BEGOVIĆ (1918.* Kokorina – 1945. Ivan-Sedlo) - BORAC

Prema Spomenici, rođen 1924.* Zemljoradnik. U NOV i POJ stupio 15. februara 1945. u 3. bataljon 13. hercegovačke brigade. Poginuo 19. marta 1945. u završnim borbama protiv Nijemaca na Ivan-sedlu.



Hivzo (Alije) BEHRAM (1919.* Stolac – 1944. Arslanagića-Most) – ILEGALAC, BORAC

Prema Spomenici, rođen 1920.* Školovao se i živio u Mostaru. Limar. Član SKOJ-a od 1941. Uhapšen od Italijana aprila 1942. u Mostaru i osuđen u Šibeniku na 18 godina robije. Nakon kapitulacije Italije vratio se u Mostar. U NOV i POJ stupio ljeta 1944. u 2. bataljon 13. hercegovačke

brigade. Poginuo 24. septembra 1944. u bitkama kod Arslanagića Mosta i Kravica kod Trebinja.

Ljubo (Ambre) BEKAVAC (1919.* Mostar – 1944. Kula) - BORAC

Prema Spomenici, rođen 1918.* Službenik. U NOV i POJ stupio u proljeće 1944. u Južnohercegovački odred, a zatim u 4. bataljon 14. hercegovačke brigade. Borac 4. bataljona, poginuo u borbi protiv njemačkih jedinica kod sela Kula (Nevesinje), 12. decembra 1944.



Danilo (Mihajla) BERBEROVIĆ (1925. Mostar – 1944. Čičevo) - BORAC

Učenik Zanatske škole. Član SKOJ-a od 1941, u Bataljonu od septembra 1943. Poginuo na Čičevu kod Konjica februara 1944.

Spomen-ploča poginulim Ortiješanima i Lakiševanima u Drugom svjetskom ratu podignuta na domu u Ortiješu. Među njima su imena dva pala borca sa Partizanskog: Mihajlo Ahac i Danilo Berberović.


BRAT I SESTRA BERGMAN



Alfred (Jozefa ili Josipa) BERGMAN (1901. Visoko – 1941. Zagreb) – AKTIVISTA, ILEGALAC

Poznat pod nadimcima ili konspirativnim imenima Lanz ili Lenc, Paskalović, Savić, Nenadov M. J., Fred, Fredi Mostarac, Zubar. Od

ranog djetinjstva živio u Mostaru, gdje se uključio u revolucionarni radnički pokret. Studirao ekonomiju u Frankfurtu i Beču. Član SRPJ(k) od 1919. i član KPJ od 1925. godine. U Beču, Pragu i Parizu radio u Partijskoj tehnici Centralnog komiteta KPJ. Po povratku u Zagreb 1928. uhapšen, osuđen 1929. na Državnom sudu za zaštitu države na tri godine robije. Nakon izdržane kazne protjeran u Mostar. 1934. emigrirao u Beč gdje je nastavio obavljati dužnost tehničara CK KPJ. Sudjelovao u pripremama IV zemaljske konferencije KPJ. U KPJ je radio kao: sekretar studentskog kluba, član mjesnog komiteta, član Centralnog komiteta Crvene pomoći Jugoslavije, član Balkanskog komiteta Crvene pomoći, rukovodilac ilegalne tehnike Centralnog komiteta KPJ u zemlji i u inostranstvu. Najveći dio vremena je radio na organizaciono-tehničkim poslovima u zemlji i u inozemstvu, legalno i ilegalno. U Moskvi 1936. radi na otpremanju komunista za Španiju. Godine 1936. je u službi Odjeljenja međunarodnih veza (OMS) Kominterne kupovao i organizovao transporte oružja iz zemalja Zapadne Evrope za Španiju. Španski borac od 1937, gdje je bio u artiljeriji, a kasnije u administraciji i na specijalnim zadacima. Nakon španskog rata živio i radio u Francuskoj. Uhapšen po dolasku u Split na parobrodu SS „Lina Matković“ 24. septembra 1940. godine, i predan zagrebačkoj policiji. Interniran u Lepoglavu, presudom od 9. aprila 1941. oslobođen krivice, ali zadržan u zatvoru i predan ustaškim vlastima koje su ga prebacile u novoosnovani logor u Kerestincu. Streljan u šumi Dotrščina iza Maksimira u Zagrebu 9. jula 1941. sa grupi poznatih hrvatskih komunista, poput



dr Božidara Adžije, Ognjena Price, Otokara Keršovanija, kao zamjena za Ivana Krndelja.



dr Berta (Jozefa ili Josipa) BERGMAN
(1894. Blažuj – 1945. Jasenovac) -
SIMPATIZER


Porijeklom Jevrejka Aškenazi iz Beča. Zajedno sa sestrom Marijom, prva učenica Gimnazije u Mostaru i prva žena koje je završila srednju školu u BiH. Školovanje nastavila u Beču, gdje je diplomirala 1918. godine i postala doktor medicine. Vratila se u BiH i radila kao pedijatar u više mjesta, uključujući i Banja Luku. Uoči rata postavljena za upravnik Školske poliklinike u Mostaru (nalazila se na mjestu hotela "Ruža"). Sa dolaskom ustaša na vlast, pomaže mostarski pokret otpora. Obezbeđuje sanitetski materijal, predaje na kursovima za bolničare i liječi ranjenike. Istovremeno u svojoj kući prima Jevreje izbjeglice iz Sarajeva i drugih gradova koji bježe prema italijanskoj okupacionoj zoni. Dva puta hapšena od ustaša, zadnji put 15. januara 1945. godine. Odvedena u koncentracioni logor Jasenovac gdje je likvidirana. Tokom NOB poginula je njena nećakinja Radojka Krčmar (kćerka sestre Lujze Krčmar), nećak Mihajlo Kon (sin sestre Marije Kon), te brat Alfred Bergman.

RATNA ANEGDOTA "IZLAPILO": Dr Berta Bergman, ljekar Školske poliklinike u Mostaru, vršila je kontrolu sanitetskog i drugog materijala. Ubrzo je konstatovala da je nestalo mnogo alkohola, joda, igala za šprice, zavoja, vate i drugog sanitetskog materijala, pa se obrati bolničarki za koju je znala da je simpatizer NOP.

- Gdje je onoliki alkohol?
- Izlapilo...
- A jod?
- Izlapio...
- Shvatam da jod i alkohol izlape, ali šta je sa iglama?
- Istupile se...
- A zavoji?
- Troši se...
- Pazi dobro, ako ide gore* neka i dalje lapi, a u protivnom držite se dobro.
- Ne brinite, ide gore.

– Pazite se, pa neka i dalje lapi...

Šefik Pašić, "Vedrine u tmimi".



Lijevo: Spomen-ploča sestrama Bergman na Gimnaziji u Mostaru, "pionirkama ženskoga obrazovanja u Bosni i Hercegovini". Desno: sestre Bergman, Berta i Marija, prve maturantkinje.



Streljanje Alfreda Bergmana prikazano je u 3. epizodi serije "Nepokoreni grad".



Jusuf (Huseina) BIJAVICA Ahabab
(1899. Mostar – 1944. Grušća) –
AKTIVISTA, BORAC

Kafedžija, predratni aktivista radničkog pokreta. Njegova kafana je bila poznata u gradu kao "Mala Moskva". U Bataljonu od septembra 1942. Dio bolničkog osoblja na terenu i hirurške ekipe Divizije na čelu sa dr. Isidorom Papom. Poginuo u

Grušći kod Konjica aprila 1944. Prema Enveru Ćemaloviću, "Jusuf Bijavica, kafedžija iz Mostara, bio je primjer čestitosti i čovjekoljublja u Bataljonu, uvijek brižan za ranjenike i bolesnike. On je bio poštovan od svih nas jer je ostavio ženu i troje djece i došao u Bataljon da se bori za svoja proleterska uvjerenja". ("Mostarski bataljon")



Salko (Hamida) BIJAVICA (1919. Mostar – 1942.* Prozor) - BORAC

Krojač, član SKOJ-a od 1941. U NOV i POJ stupio početkom 1942. u Mostarski (Konjički) bataljon. Preživio Sutjesku i sa 80-tak drugih boraca se vratio u Mostar jula 1943. na oporavak. Kasnije stupio u Ramski odred i 17. krajišku brigadu, postao zamjenik komandanta Komande mjesta Prozor. Krajem 1944. teško ranjen nesretnim slučajem. Prema Spomenici, umro početkom 1945.* u Prozoru.

Salko (Bajre) BIJEDIĆ (1903. Gacko – 1945. Sarajevo) – AKTIVISTA, ILEGALAC

Završio Trgovačku akademiju, službenik u Mostaru. Aktivista NOP-a u Mostaru. Uhapšen od ustaša februara 1945, odveden u Sarajevo i ubijen.

BRAĆA BILAL

Fadil (Šerifa) BILAL (1924. Vitina – 1945. Cazin) - BORAC

Pohađao Građansku i Učiteljsku školu u Mostaru. Učiteljsku školu završio u Zagrebu gdje je boravio sve do 1943. godine. U NOV i POJ stupio ljeta 1943. u partizansku jedinicu na području Slavonije. Politički radnik, krajem 1943. radio kao učitelj na slobodnoj teritoriji u selu Levinovac u Slavoniji. Augusta 1944. godine, dolazi u Veliku Kladušu, gdje radi na poslovima prosvjetnog referenta za cazinske srez. Uporedo radi na organizovanju prosvjetnog rada i opismjenjavanju djece i omladine. U selu Kudići u Bosanskoj Krajini osniva Narodnu školu. Poginuo kod Cazina 29. marta 1945. (prema jednom izvoru, opdveden i streljan usred noći od tzv. „zelenog kadra“).

Zlatko (Šerifa) BILAL (1927. Vitina – 1944. Zagreb) - AKTIVISTA

Đak Gimnazije, član SKOJ-a. Odselio septembra 1941. s porodicom u Zagreb. Uhapšen od ustaša i streljan 9. maja 1945. u Gračanima, Zagreb.

Dragoljub (Lazara) BILANOVIĆ (1923. Avtovac – 1941. Avtovac) - AKTIVISTA

Učenik, predratni član SKOJ-a. Aprila 1941. odlazi iz Mostara u Avtovac, gdje nastavlja aktivnost. Uhapšen od ustaša juna 1941. u Avtovcu, odveden i ubijen.

SESTRE BILIĆ



Ešrefa (Osmana) BILIĆ ZBROJEVKA (1923. Mostar – 1943. Mišljen) – AKTIVISTA, BOLNIČARKA, BORAC

Radnica Tvornice platna u Mostaru. Jedna od osnivačica sindikalne organizacije u fabrici tekstila u Mostaru 1939. godine. Član SKOJ-a od 1940. i KPJ od 1941. U Bataljonu

od decembra 1941. 1942. godine zadesila se na samom početku četničkog puča, ali je uspjela ostati neozlijeđena. Referent saniteta u četi, poginula tokom

borbe na Mišljenu 15. novembra 1943. dok je pokušavala da pomogne ranjeniku.

Šamila Šana (Osmana) BILIĆ (1921. Mostar – 1943.* Mostar) – AKTIVISTA, BORAC

Radnica Fabrike duhana u Mostaru. Predratni član SKOJ-a i KPJ, sekretar ćelije KPJ od 1940. Juna 1941. zajedno sa grupom djevojaka (Tanja Peško, Fadila Bilal, Emina-Mina Haćam, Sonja Milićević) na tajnom sastanku u borovoj šumici na Humu, gdje je dogovoreno kako da osnuju organizaciju žena. U NOV i POJ stupila marta 1942. za istočnu Hercegovinu, radila pri Operativnom štabu za Hercegovinu. U vrijeme četničkog puča maja 1942. zarobljena od muslimanske milicije (“ćatićevaca”) u Podveležju. Nakon toga ilegalno živjela u Mostaru, gdje je, prema Spomenici, poginula krajem 1942.



Salko (Saliha) BIŠĆEVIĆ (1920.* Mostar – 1944. Travnik*) - BORAC

Prema Spomenici, rođen 1928. u Mostaru. Učio bravarski zanat. Član SKOJ-a. U NOV i POJ stupio avgusta 1944. u 1. (mostarski) bataljon 13. hercegovačke brigade. Borac, poginuo u selu Trnovica* kod Slanog 1944. godine u borbi sa ustašama. Opisan kao „valjda najmlađi i najmanji borac u bataljonu“ i „dobrovoljac bombaš“. Sahranjen u porodičnoj grobnici mjesnog odbornika uz sve vojne počasti. Njegovi posmrtni ostaci su nakon rata preneseni i sahranjeni na Partizanskom spomenogroblju u Mostaru.

PORODICA BITANGA



Darinka (Petra) BITANGA rođ. BOJČIĆ (1891. Mostar – 1943. Mostar) – AKTIVISTA

Domaćica, predratna aktivistkinja i politička radnica koja je “stotinama žena prije rata pročitala “Mati” od Gorkog, i održavala predavanja o ženi i njenoj borbi za ravnopravnost i prava. Uz muža

učestvovala u radničkom pokretu i kulturno-umjetničkim društvima, ali sama nije bila član KPJ. Uhapšena kao talac zbog prekinute telefonske linije njemačke vojske, dva dana nakon incidenta, 18.11.1943. (Nijemci su naredili hapšenje nekoliko Mostaraca za koje se sumnjalo da su pripadnici NOP-a. Po Mostaru se tada pričalo da nije bilo sabotaže, te da je kabl presjekla “njemačka vojna kuhinja sa dimnjakom (koji) je zapeo za žicu i tako prekinuo vezu između njemačkih jedinica u gradu.”) Objеšena 19.11.1943. ruku vezanih na leđima, sa četiri pripadnika NOP-a: Mujom Selimhodžićem Babićem, Božom Skočajićem, Ekremom Ćurićem i Tomom Kljujićem. Kao trajno sjećanje na njih podignut je spomenik kod Doma zdravlja u Mostaru, te spomen ploča na mjestu gdje su obješeni.



Taoci obješeni za odmazdu 19.11.1943. u Mostaru: Ćurić Ekrem, Mustafa Selimhodžić-Babić, Bitanga Darinka, Skočajić Božo i Kljujić Tomo.



Spomenik taocima obješenim 19.11.1943.



Nedjeljko Neđo (Rade) BITANGA
(1918. Mostar – 1943. Malo Polje) –
AKTIVISTA, ILEGALAC, BORAC

Auto-mehaničar, sindikalni radnik, član KPJ od 1936. Sin prekaljenog komunista Rade Bitange, jednog od osnivača KPJ u Mostaru i Darinke Bitanga obješene u Mostaru novembra 1943. godine. Član Mjesnog komiteta KPJ za Mostar i Vojne komisije sa zadatkom da organizuje veze sa terenom, stvori kanale za odlazak boraca i transportovanje materijala na teren; održava kurirske veze sa terenom i gradovima po Hercegovini, kao i veze sa Pokrajinskim komitetom u Sarajevu i Oblasnim na terenu. Sa prvom grupom boraca koja je između 15. i 20. avgusta 1941. Odred, kojim je rukovodio Savo Medan, krenuo je poslije 9 sati naveče iz mahale Bjelušine, naoružan sa 16 pušaka, po 150 metaka na svaku pušku. Komesar čete. Krajem 1942. upućen u Mostar. U povratku u odred 26. aprila 1943. godine, Neđina grupa je opkoljena blizu sela Bune. Kad je ostao bez municije, da ne bi pao neprijatelju u ruke bacio je pod sebe bombu i tako poginuo. Opisan je kao „omiljeni borac“.




Radoslav Rade (Andrije) BITANGA
(1891. Mostar – 1941. Lepoglava)

RADOSLAV RADE (ANDRIJE)
BITANGA, rođen 1891. u Mostaru.
Grafički radnik. Prekaljeni
predratni komunista, sindikalni
radnik i borac za radnička prava,

osnivač Sindikata tipografskih radnika, Blizak saradnik osnivača KPJ u Mostaru Gojka Vukovića, član i funkcioner KPJ od osnivanja. Iz hrvatske porodice porijeklom iz sela Rakitna u posuškom kraju, ostao siročić sa 9 godina. Odrastao je kod gostioničara Kramera koji ga je poslao na tipografski zanat u Mostar. Prema M. Konjhodžiću, „kao vrlo mlad momak stupio je na poprište borbe radnika za bolji život“. Vođa radničkog pokreta u Hercegovini nakon smrti Gojka Vukovića. Na parlamentarnim izborima 1938., nosilac liste Stranke radnog naroda za cijelu Hercegovinu. Hapšen više puta (odrobijao je tri godine u Sremskoj Mitrovici sa Gojkom Vukovićem), a posljednji put 2. septembra 1940. godine zbog protestnog generalnog

štrajka u Mostaru, izazvanog zabranom aktivnosti „Veleža“. Sproveden u kaznionicu Lepoglava. Likvidiran nakon dolaska ustaša na vlast 1941. godine. Opisan kao „krupna ljudina, (...) sušta dobrota od čovjeka, masovik, čovjek koga su ljudi voljeli, kao i on ljude.“





Radnici štamparije "Pacher i Kisić" 1937. godine. Rade Bitanga sjedi u sredini dole. Skroz desno sjedi najvjerovatnije Darinka Bitanga. Arhiv K.D. Miletića.

Mustafa Muja (Avde) BJELAVAC (1897. Mostar – 1941. Lepoglava*) - AKTIVISTA

Sajdžija. Član KPJ od 1922, član MK KPJ za Mostar, prekaljeni borac, više puta hapšen i osuđivan na dugogodišnju robiju. Istaknuti aktivista RKUD „Abrašević“ u Mostaru, rukovodilac tamburaške sekcije. Funkcioner “Veleža”. Uhapšen 2. septembra 1940. zbog protestnog generalnog štrajka u Mostaru, izazvanog zabranom aktivnosti „Veleža”. Sproveden u Lepoglavu. Predat ustašama aprila 1941, zatim odveden u Jasenovac* 28. jula 1941. i ubijen. (*prema Spomenici)

Mustafa (Bećira) BOBIĆ (1912.* Mostar – 1945. Sarajevo) - BORAC

Prema Spomenici, rođen 1900 u Drežnici kod Mostara.* Trgovac. U NOV i POJ stupio početkom 1942. u Mostarski (konjički) bataljon. Zarobljen kod Konjica od domobrana i predat Italijanima u četničkom puču juna 1942. i pušten. Uhapšen od ustaša februara 1945. u Mostaru, odveden u Sarajevo i ubijen.

Slobodan (Boška ili Bože) BOGDANOVIĆ (1922.* Mostar – 1941. Mostar) - AKTIVISTA

Prema Spomenici, rođen 1919.* Student Filozofskog fakulteta u Beogradu. Član KPJ od 1941. Uhapšen od ustaša 2. avgusta 1941. u Mostaru. Sproveden u logor Jablanica. Prebačen u Gospić 9. avgusta i ubijen u logoru Jadovno. Mostarski i beogradski slikar i pjesnik Svetislav Mandić (Mostar, 08.03.1921 — Beograd, 04.10.2003) spominje ga u pjesmi “Onaj sudnji dan”.



Slavna mladost slobodarskog Mostara na putu za Bratač, kraj Nevesinja, u ljeto 1939. godine. Na ovoj unikatnoj fotografiji iz arhive Mehmeda Rajkovića vide se: Avdo Humo, Hamo Šiširak, Hamo Efica, Salko Nožić, Hamo Grebo, Ibro Balta, Svetislav Mandić, Sloba Bogdanović, Zora Korać, Predrag i Nenad Vasić, Beko Đikić, Salko Fejić, Enver Čemalović, Esa Brkić, Bora Korać, Riza Fejić i dr.

Među ovim mostarskim omladincima ljeta 1939. g. su Svetislav Mandić i Slobodan Bogdanović.

Đorđe (Stojana) BOROZAN (1923. Mostar – 1943. Žugljići) – BORAC

U ustaničke jedinice stupio avgusta 1941. u Odred “Nevesinjska puška”, borac Mostarskog bataljona od jula 1942. Član SKOJ-a od 1941. i KPJ od 1942. Poginuo marta 1943. u Žugljićima kod Konjica.



Mirko (Đuro) BOROZAN (1921. Mostar – 1942. Viduša) – AKTIVISTA, BORAC

Stolar, predratni član KPJ. Uoči rata živio u Trebinju. Izgubio više članova porodice aprila i maja 1941. Kada su ubijeni od ustaša otac Đuro i stric

Uroš, te braća Drago, Lazar, Anđelko i Danilo. U NOV i POJ stupio 1941. Komunist, politički radnik u istočnoj Hercegovini u selima oko Ljubomira. Politički komesar

čete u Ljubomirskom partizanskom odredu. Zarobljen od četnika kod Trebinja i 11. jula 1942, ubijen i bačen u Vidušku jamu, selo Morče kod Bileće.

Ramadan Ramo (Muje) BOŠKAILO (1925. Podvelež – 1945. Kiseljak) - BORAC

Zemljoradnik. U NOV i POJ stupio 14. februara 1945. u 11. hercegovačku brigadu 29. divizije. Poginuo u završnim borbama Sarajevske operacije kod Kiseljaka aprila 1945. godine.



Branko (Vlade) BOŠNJAK Selo
(1920. Nevesinje – 1942. Nevesinje)
- BORAC

Učenik Gimnazije u Mostaru. Član SKOJ-a od 1941. U NOV i POJ stupio septembra 1941. u Mostarski (Konjički) bataljon, kao jedan od

prvih dobrovoljaca. Član čuvene Udarne desetine formirane početkom decembra 1941. godine, na čijem čelu je bio narodni heroj Mehmed Meha Trbonja, a koja se sastojala od najhrabrijih boraca sakupljenih po četama. Poginuo 6. februara 1942. u Grdači, Živanj, kod Nevesinja. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

*Napomena: postoji spomen-ploča s natpisom **Dušan V. BOŠNJAK** (1920. Bojišta kod Nevesinja – 1942. Živanj kod Nevesinja), dok nije bilo spomen-ploče na ime Branka Bošnjaka. Vjerovatno ploča pripada Branku, odnosno radi se o grešci u natpisu.*

BRAĆA BOŠNJIĆ

Mehmed (Alije) BOŠNJIĆ (1911. Mostar – 1945. Sarajevo) - AKTIVISTA

Krojač, aktivista radničkog pokreta i NOP-a Mostara. Uhapšen od ustaša u Mostaru februara 1945. i obješen u Sarajevu.

Šefik (Alije) BOŠNJIĆ (1914. Mostar – 1943. Sutjeska) – AKTIVISTA, BORAC

Bravar, predratni aktivista radničkog pokreta. Član KPJ od 1941, u Bataljonu od marta 1943. Morao je napustiti Mostar naprečac zbog policijske sumnje da je učestvovao u atentatu na policajca Muju Trbonju (kojeg je izvršio skojevac Petar Pero Krajina jer je Trbonja bio okrivljen za ubistvo skojevca Salke Šestića, a osumnjičen je Šefik jer je u akciji korišten njegov bicikl). Komandir voda u 3. bataljonu, poginuo kod Krekova, Tjentište, 13. juna 1943. godine za vrijeme Pete ofanzive.



Ljubo (Blaža) BREŠAN Feđa,
narodni heroj (1913. Dubrovnik – 1943. Ovojci) - ILEGALAC

Od 1921. živio u Mostaru, bravar, radio kao avioelektričar i aviomehaničar na mostarskom aerodromu, a za vrijeme rata kao

telegrafista na Željezničkoj stanici. Još kao mladi radnik priključio se revolucionarnom radničkom pokretu, a tokom 1940. godine postao član KPJ. Nakon okupacije Jugoslavije 1941. godine aktivno je radio na stvaranju NOP u Mostaru i okolini, okupljanju simpatizera, patriota i antifašistista i sa njima organizovao prikupljanje oružja i drugog ratnog materijala. Član Mjesnog komiteta KPJ u Mostaru, a od maja 1942 sekretar. U veoma teškim uslovima ilegalnog rada uspješno je rukovodio jakom partijskom organizacijom koja je i pored jake kontrole okupatorske vojske i policije održavala veze sa Mostarskim bataljonom i preuzimala brigu o ranjenicima. Njemu se obratio politički komesar Enver Ćemalović nakon Sutjeske s pitanjem da li mogu iscrpljeni borci Bataljona da nađu utočište u Mostaru. U svom ilegalnom radu koristio se imenom Feđa. Uhapšen u toku noći 26.7.1943. Strahovito mučen punih petnaest dana u ustaškoj policiji. Uprkos svim fizičkim i psihičkim maltretiranjima odbijao je da bilo šta otkrije i uvijek je odgovarao sa “ja ništa ne znam”. Predan Gestapou, gdje su počela nova mučenja. Zatvorili su ga u zloglasnoj Vladičinoj kući u sobi na čijem je podu bilo oko 20 cm vode, te su mu stezali gvozdeni обруč oko glave, ali on je i dalje šutio. Izmučenog glađu i batinama Ljubu su pokušali i moralno slomiti ubacivši u njegovu tamnicu pismo

druga izdajnika koji ga je pozivao da popusti i prizna. Ljubo mu je na istom papiru odgovorio: „Samo se kukavice predaju, a članovi Partije šute i čuvaju svoje drugove. Bolje je časno izgubiti život, nego ga izgubiti kao izdajica.“ Streljan u blizini Mostara 26.8.1943. zajedno sa istaknutim aktivistima NOP-a– Mustafom Ćemalovićem Ćimbom i Muhidinom Bašagićem, koji su uhvaćeni kao kuriri Oblasnog komiteta KPJ za Hercegovinu. Proglašen za narodnog heroja 5.7.1951.



Bista narodnog heroja Ljube Brešana, djelo akademskog vajara Florijana Mićkovića (1985.), nalazila se ispred fabrike "Soko".

BROT I SESTRA BRKIĆ (MUHAREMA)

Remzija (Muharema) BRKIĆ Redžo (1922. Mostar – 1945. Ostrožac) – ILEGALAC, BORAC

Mesar, član SKOJ-a od 1941. Jedan od partizanskih vodiča dobrovoljaca iz grada. U Bataljonu od jeseni 1943, borac 1. bataljona 13. NOU, zamjenik intendanta, bataljonski mesar. Zarobljen od domobrana u Doljanima kod Jablanice maja 1944. i odveden u Sarajevo, odakle je pobjegao. Ponovo stupio u Mostarski bataljon 13. hercegovačke brigade ljeta 1944. Poginuo kod Ostrošca kod Konjica 1945. dok je „borcima nosio pekmez od šljiva“.

Ramiza (Muharema) BRKIĆ Rena (1926.* Mostar – 1945. Bihać) - BORAC

Poznata kao Sabira, Ramiza, Rena, prema Spomenici, rođena 1928.* Kućna pomoćnica. U NOV i POJ stupila

15. februara 1945. u 11. dalmatinsku brigadu. Bolničarka. Poginula marta 1945. kod Bihaća.

BRAĆA I SESTRA BRKIĆ (MUHAMEDA)



Ahmet (Muhameda) BRKIĆ Lebro (1924.* Mostar – 1944. Nevesinje) - BORAC

Prema Spomenici, rođen 1923*, đak Gimnazije, fudbaler "Veleža", član SKOJ-a od 1940. i KPJ od 1942,

rukovodilac SKOJ-a u školi. U Bataljonu od početka 1942, stupio zajedno sa bratom Hamdijom koji je morao napustiti Mostar. Borac 4. Bataljona. Nakon Pete ofanzive na Sutjesci, u grupi boraca koja se vratila u Mostar na jednomjesečni oporavak. Članovi porodice pričaju da je bio veoma iznemogao, i da je došao "bez đonova na opancima, a kako nije mogao spavati na dušek, legao je na drveni pod i zaspao". Uhapšen od Nijemaca u Mostaru i odveden u logor u Austriju. Pobjegao iz logora u ljeto 1944. i stupio u 4. bataljon 14. hercegovačke brigade. Omladinski rukovodilac. Poginuo u borbi kod sela Lakat (Nevesinje), 28. novembra 1944. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Fatima (Muhameda) BRKIĆ zvana Fatima Velika (1916. Mostar – 1943.* Stara Gradiška) - AKTIVISTA

Studentkinja medicine u Beogradu kojoj su bila ostala tek dva završna ispita. Po nekim izvorima, „prva muslimanka koja je položila ispit zrelosti 1936. godine u Velikoj Gimnaziji u Mostaru“, gdje je bila „redovna i vrijedna učenica“. Član SKOJ-a od 1939. i kandidat za člana KPJ od 1941. Aktivna učesnica NOP-a. Hapšena više puta, a septembra 1942. godine otpremljena u Staru Gradišku. Raspoređena je u ženski logor, a potom s dr. Bukijem Konortijem (zatvorenikom iz Sarajeva) u logorsku bolnicu gdje je pomagala oboljelim zatvorenicima i sama preboljela tifus (takozvanu GG – „Gradišćansku gripu“ ili „Gripu

Gagro“). Više puta teško mučena. Likvidirana u Staroj Gradišci 1943. (prema Spomenici 1944. godine). Opisana kao “prekrasna djevojka”, “sjajan komunista”.



Hamdija (Muhameda) BRKIĆ (1921. Mostar – 1943. Sutjeska) - ILEGALAC, BORAC

Student agronomije u Sarajevu, član SKOJ-a od 1938. (sekretar srednjoškolske partijske ćelije u Mostaru) i KPJ od 1939. Uhapšen od

Italijana 10. oktobra 1941. godine u Bijelom Polju, kuda je pošao da održi jedan sastanak. Zbog rana zadobijenih u ćeliji odvođen je jednom sedmično u zatvorsku bolnicu na liječenje i previjanje. Uspio je pobjeći u skojevskoj akciji. U Bataljonu od početka 1942. Omladinski rukovodilac Bataljona, borac u Pratećoj četi Štaba 10. hercegovačke brigade. Poginuo na Sutjesci u selu Rataj, Miljevina, 13. juna 1943. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Hivzija (Muhameda) BRKIĆ Bauk (1919.* Mostar – 1942. Bijela) – ILEGALAC, BORAC

Prema Spomenici, rođen 1920.* Student agronomije u Sarajevu, član SKOJ-a od 1938. i KPJ od 1940, sekretar Međuškolskog rukovodstva

SKOJ-a 1938. u Mostaru. U Bataljonu od avgusta 1941, ali se vraća u Mostar na ilegalni rad. Uhapšen od policije NDH novembra 1941. u Mostaru i nakon puštanja 19. januara 1942. ponovo odlazi u Bataljon. Poginuo u Bijeloj kod Konjica u noći 14/15 juna 1942.

RATNA ANEGDOTA: Ismet Dilberović (Hercegovina u NOB-u, IV, str. 442): „Voljeli su akcije i najteže im je padalo danonočno stanje nepokretnosti na položajima, pogotovo zimskih i proljetnih dana, kada je stezao mraz ili su padale kiše, koje su prodirale do kostiju. I u tim situacijama dolazile su do izražaja poznate mostarske šale, koje su stvarale vedro raspoloženje u četi. Tih proljetnih dana, u baštama blizu Konjica, bile su rodile prve trešnje. Mostarci su se noću spuštali u bašte da bi ih brali. Kada je za to saznao komandir Rade Španac, zabranio je da se to čini, jer je neko mogao stradati. Međutim, kako im disciplina nije bila vrlina, Enes Orman, Hivza Brkić, Meho Taso, Remza Čišić su i dalje odlazili u te svoje akcije. Kako su išli pojedinačno, ne znajući jedan za drugog, dolazilo je i do komičnih situacija. Tako se desilo da je jedan od njih već bio na drvetu, sjedio među granama i brao trešnje. Kasnije je došao drugi pod tu istu trešnju i kroz mrak iznenada povikao: »Ko je gore?«, a onaj odozgo: »Ko je dolje?«. Kako se to dešavalo neposredno uz italijanske položaje, takva iznenađenja bila su za njih velika.“

Osman (Muhameda) BRKIĆ Bubreg (1915. Mostar – 1944. Grušća) - BORAC

Bravar, član KPJ od 1941. Fudbaler “Veleža”. Uhapšen od Italijana maja 1942. godine i odveden u logor Mamula u Bokokotorskom zaljevu. Kad je Italija poražena, logor je raspušten i Osman se pridružio jednoj od hercegovačkih brigada u Mostarskom bataljonu. Borac, politički komesar čete, poginuo u borbi u Grušći kod Konjica aprila 1944.

Muhamed (Huseina) BRKIĆ Hamica (1923. Mostar – 1942. Norveška) – AKTIVISTA, ILEGALAC

Učenik Druge gimnazije u Sarajevu. Član SKOJ-a od 1941. Uhapšen aprila 1942. od Nijemaca u Sarajevu i

interniran u logor Beisfjord u Norveškoj. Zabilježen u zatvorskom dokumentu 25.8.1942. kao "sposoban za rad". Smrt ga je zatekla 1. oktobra 1942.

BRAĆA BRONZOVIĆ



Ivo (Fabijana) BRONZOVIĆ (1920.* Brač – 1944. Stara Gradiška)

Prema Spomenici, rođen 1924.* Bolničar u Mostaru. Član SKOJ-a, ilegalac, isticao se na prikupljanju sanitetskog materijala za odred.

Uhapšen nakon skojevske akcije u kojoj su on i Ćamil Delić 22. marta 1943. pomogli pritvorenoj skojevki Samiji Puzić da pobjegne iz bolnice u kojoj se liječila zbog primljenih batina. Uhapšen i odveden u logor Jasenovac-Stara Gradiška, gdje je ubijen.



Tonči (Fabijana) BRONZOVIĆ (1923. Brač – 1945. Slovenija) - BORAC

Borac, brat palog borca Ive Bronzovića. Poginuo u Sloveniji 1945.

Poznati pisac Predrag Matvejević je prilikom posjete 2001. godine zabilježio: "Predraga Matvejevića:

"Kamene stele razbacane su unaokolo, prebijene na dva ili više dijelova, ponekad smrvljene. Sastavljam ulomke i pokušavam pročitati natpise. (...) "Bronzović Tonči, Dalmatinac", upoznao sam kao dječak njegova oca Fabijana, kamenoresca s otoka Brača – nikad ga nije prežalio, ni on ni supruga mu Marija, dali su isto ime sinu koji im se rodio poslije rata."

BRAĆA BRUK



Leo (Franje) BRUK, narodni heroj (1911.* Dubrovnik – 1943. Čelebići) – AKTIVISTA, ILEGALAC, BORAC

Prema Spomenici, rođen 1910.* Živio u Mostaru od završetka Prvog svjetskog rata. Konobar.

Priključio se revolucionarnom pokretu kao mladi radnik. Početkom rata pomagao i štitio proganjane i uhapšene, te radio na prikupljanju naoružanja i opreme. Aktivno učestvovao u akcijama NOP-a u okupiranom Mostaru, a u toku 1941. godine je postao član KPJ. U Bataljonu od kraja 1941. Već u prvim borbama istakao se kao hrabar i sposoban borac, uskoro postavljen za komandira Treće čete. Povjeravani su mu najteži i najodgovorniji zadaci. Kao politički delegat mitraljeskog voda, istakao se u borbama tokom Četvrte neprijateljske ofanzive — kod Jajca, Žepča i Prozora. Jedno vrijeme na dužnosti komandanta Bataljona, a nakon zauzimanja Prozora, februara 1943. godine pri Štabu Treće udarne divizije prelazi u tenkovska jedinicu. Poginuo je 26. februara 1943. godine kao vođa tenka i mitraljezac u borbama u blizini sela Čelebići, kod Konjica. Prema pričanju saboraca, „ostao je u vječnoj uspomeni svojih drugova zbog lične hrabrosti, druželjublja, iskrenosti i skromnosti borca, proletera“. Proglašen za narodnog heroja 24. jula 1953.



Bista NH Lea Bruka, djelo akademskog vajara Nikole Njirića (1985.)

Mladen (Franje) BRUK (1928.* Mostar – 1945. Mostar) - SIMPATIZER

Prema Spomenici, rođen 1929.* Učenik. Poginuo od zalutalog metka 14. februara 1945. u Mostaru.

Ibro (Osmana) BUBALO (1922. Potoci – 1945. kod Kiseljaka) - BORAC

Zemljoradnik. U NOV i POJ stupio 14. februara 1945. u 2. bataljon 14. hercegovačke brigade. Poginuo 7. aprila 1945. kod Kiseljaka, prilikom tridesetodnevnog učešća Divizije u sarajevskoj operaciji.



Hasan (Alage) BUBIĆ (1914. Mostar – 1943. Bijela)

Stolar, član KPJ od 1938. U Bataljonu od septembra 1941. Komandir čete, poginuo u Bijeloj kod Konjica februara 1943.

SUPRUŽNICI BUČUK



Mahmut (Jusufa) BUČUK (1918.* Trebinje – 1944. Stara Gradiška) – AKTIVISTA, ILEGALAC

Prema Spomenici, rođen 1919.* Bravar. Uhapšen sa suprugom Sldikom marta 1944. i otpremljen u Staru Gradišku gdje su oboje ubijeni. Prema ustaškom dokumentu "kao bravar zrakoplovne luke u Mostaru nabavljao za odmetnike oružje i strijeljivo."



Sidika Dika (Hasana) BUČUK-HADŽIĆ (1920.* Mostar – 1945. Stara Gradiška) – AKTIVISTA, ILEGALAC

Prema Spomenici, rođena 1919.* Domaćica. Nakon majčine smrti vodila brigu o kući i mlađem bratu i sestrama. Prema nekim izvorima, bila je zaljubljena u komunistu Mustafu Huskovića koji gine na samom početku rata. Nakon toga još više se posvećuje NOP-u. Učestvovala u demonstracijama žena protiv gladi 1941.

godine, i do svog hapšenja raznosila poruke, ilegalnu literaturu i drugi materijal. Kad joj je prijetilo otkrivanje, krila se jedno vrijeme kod ilegalke Hajrije Bašagić i Fahire Čišić. Udala se za ilegalca i palog borca Mahmuta Bučuka. Uhapšena sa njim i Fahiom marta 1944. godine. U gestapovskom zatvoru svi su mučeni (prema jednom izvoru:... trodnevnom glađu, davali im soli, mlatili šakama, nogama, pendrecima, mećali u takozvani „tramvaj“), ali Sidika nikog nije odala. Otpremljena u logor Stara Gradiška gdje je ubijena 1945. U poslijeratnoj literaturi nazivana "našom Zojom Kosmodjemanskom", prema sovjetskoj heroini iz Drugog svjetskog rata.



U jednoj od posljednjih scena TV putopisa "Hodočašća" u Mostaru (1975.), Zuko Džumhur posjećuje Partizansko spomen-groblje i odaje poštu palim borcima. Okrenut prema gradu, odnosno gledajući grad iz ugla boraca, on recituje: "Na vrelu bratstva, oprasmo očiju vid, / i više mi nismo slijepi, / oprasmo i mrlje i krv, i grijeh i stid, / i sad smo ko bogovi lijepi."



Adem (Ibrahima) BUĆ, narodni heroj (1914. Mostar* – 1943. Sarajevo) – AKTIVISTA, ILEGALAC, BORAC

Prema Spomenici, rođen u selu Bivolje Brdo* kod Čapljine. Živio u Mostaru od djetinjstva, kuda se preselio sa porodicom 1916. Osnovnu školu i četiri razreda gimnazije završio je u Mostaru, a potom je prešao u Beograd gde je upisao Srednju tehničku školu,

geodetski odsjek. Izvjesno vrijeme je radio kao geometar u Daruvaru. Poslije odsluženja vojnog roka 1939. zaposlio u Geodetskoj upravi u Mostaru. Revolucionarnom omladinskom pokretu pristupio je kao učenik u Beogradu. Član SKOJ-a od 1939, a KPJ od avgusta 1940. godine. Početkom rata aktivno učestvovao u ilegalnim pripremama oružanog ustanka i do aprila 1942. radio kao ilegalac u okupiranom Mostaru. Kao sekretar partijske ćelije „Carina“, organizovao je prikupljanje oružja, municije i drugog materijala. Aprila 1942. stigao je u Bataljon, pošto se „nakon hapšenja, prilikom sprovođenja u policiju, otrgnuo agentima i pobjegao“. Politički radnik na terenu 3. čete u Blacama i potom u Mostarskom bataljonu. Borac Igmanske čete Romanijskog NOP odreda. Ranjen u napadu u Hadžićima i kao ranjenik sklonjen u okupirano Sarajevo gdje se povezao sa partijskom organizacijom. Krajem 1942. godine, trebalo je da pređe u Mostar da preuzme dužnost sekretara Mesnog komiteta KPJ, ali su ga početkom decembra na ulici u Sarajevu, iako je bio u uniformi domobranskog oficira, prepoznala dva ustaška agenta i uhapsila, jer su imali njegovu sliku. U ustaškom zatvoru „Ćemaluša“, bio je strahovito mučen, ali i pored toga isljednicima nije rekao ni riječi. Ubijen je 8. decembra 1942. godine, tako što je bačen kroz prozor s četvrtog sprata policijske zgrade. Proglašen je za narodnog heroja 26. jula 1949.

Bista narodnog heroja Adema Buća, djelo akademskog vajara Florijana Mičkovića (1985.)



Do izgradnje Partizanskog spomen-groblja, grobovi narodnih heroja Adema Buća i Hasana Zahirovića Laca nalazili su se u parku kod trga Musala. Na slici: Grob narodnog heroja Adema Buća. Izvor:

spomenicinob.info.



Seid (Muniba) BUKOVAC (1922.
Ljubuški – 1942. Jasenovac) –
AKTIVISTA, ILEGALAC

Osnovnu i Učiteljsku školu završio u Mostaru, gdje je živio sa porodicom. Član SKOJ-a od 1941, sekretar aktiva SKOJ-a Učiteljske škole 1942. Iste godine

upućen na ilegalni rad u Sarajevo. Organizovao je niz akcija te je zbog svoje aktivnosti zatvaran više puta. Uhapšen u Sarajevu jer je “kao član kom. partije tiskao razno promičbeno tvorivo i vršio protudržavnu promičbu.” Mučen u sarajevskom zatvoru i kasnije prebačen u Jasenovac. Ubijen 17. decembra 1942. godine u logoru III Ciglana.



Mustafa (Hamida) BULJKO (1915. Mostar – 1943. Kamena) – AKTIVISTA, BORAC

Zemljoradnik, član KPJ od 1942. Aktivan član Muslimanske narodne biblioteke. Isticao se interesovanjem za napredni pokret u gradu i na selu.

U NOV i POJ stupio decembra 1941. Poginuo kao zamjenik komesara Mostarskog omladinskog odreda na Kamenj kod Mostara jula 1943.



Omer (Muje) BULJUBAŠIĆ (1921. Mostar – 1944.* Grušča*) - BORAC

Stolar, član SKOJ-a od 1941, u Bataljonu od oktobra 1941. Ranjen prilikom neuspješnog napada na ustašku postaju u Vrdolju kod Konjica 22. januara 1942. Prema Spomenici, poginuo na Sutjesci

1943.*



Šerif (Jusufa) BURIĆ Šerfa (1922.* Stolac – 1944. Kula, Čičevo) – ILEGALAC, BORAC

Prema Spomenici, rođen 1923.* Električar (učio kod inženjera Jakova Levija), školovao se u Industrijskoj školi, živio i radio u Mostaru. Prije

rata svirao tamburu na igrankama u Radničkom domu. Član SKOJ-a od 1940. i KPJ od 1941. Iskusan kurir Štaba bataljona i vodič grupa dobrovoljaca iz Mostara u odred, te kurir Oblasnog komiteta KPJ za Hercegovinu i pratilac njegovih članova. Prema jednom izvoru, “prolazio je na specijalnim zadacima vrlo vješto pored okupatorsko-četničkih posada i garnizona, odlazio iz Mostara na Boračko jezero i Prenj, vodio ilegalne radnike preko svojih rodnih Dubrava, gledao smrti u oči, ali se nikad nije pokolobao.” Komesar čete, poginuo u Kuli kod Konjica februara 1944., “naprosto presječen puškomitraljeskim rafalom”. Opisan kao “odgajan u patriotskoj i slobodarskoj porodici, veoma

društven i komunikativan”, “vješt kurir” i “neustrašiv i hrabar ilegalac, prekaljeni borac i komunista”.



Opanci Šerifa Burića, nekadašnji eksponat u Muzeju revolucije u Mostaru. “Ovi opanci pamte putovanja, pamte vode, noćne bogaze, bezimene. Ovi su opanci jurišali, ovi su opanci sanjali, ovi su opanci pjevali i voljeli, ovim se opancima, veoma, veoma žurilo da stignu u vrijeme gdje mi jesmo a oni nisu.(...)” Mišo Marić, “Opanci”, list “Sloboda”.



Salko J. BURIĆ (1917. Stolac – 1944. Busovača) - BORAC

Ukoliko imate podatke o ovom palom borcu, molimo da se javite redakciji sajta partizansko.info.

C: Crnalić – Cvitković

Salko (Ibre) CRNALIĆ (1910. Kokorina – 1945. Slovenija) - BORAC

Zemljoradnik. U NOV i POJ stupio februara 1945. u 11. hercegovačku brigadu. Poginuo 5. maja 1945. kod Žirovnice u Sloveniji.

Salko (Omera) CRNOMEROVIĆ (1918.* Kružanj – 1945. Ivan-Sedlo) - BORAC

Prema Spomenici, rođen 1916.* Zemljoradnik. U NOV i POJ stupio 14. februara 1945. u 10. hercegovačku

brigadu. Poginuo na Ivan-sedlu sa 57 drugih boraca tokom tri dana najžešćih borbi 5-8. marta 1945.

Tomo (Lazara) CVIJETIĆ (1910. Nevesinje – 1944. kod Blagaja) - BORAC

Zidar, radio u Rudniku mrkog uglja u Mostaru. U NOV i POJ stupio ljeta 1944. u 4. bataljon 13. hercegovačke brigade. Poginuo u borbi s Nijemcima na Vilenjaku kod Nevesinja 5. novembra 1944.




Luka (Grge) CVITKOVIĆ (1915. Mostar – 1945. Martinovo Selo) - BORAC

Stupio u NOV i POJ 15. februara 1945. godine. Borac 1. čete 1. bataljona. Poginuo 22. aprila 1945. godine kod Martinovog Sela

(općina Jelenje) u borbama za oslobođenje Rijeke, i sahranjen istog dana u tom mjestu. Njegovi posmrtni ostaci su kasnije preneseni u spomen-kosturnicu na Trsatu. Luka Cvitković je značajan i time što je njegova spomen-ploča nestala bez traga, čime je nestao i podatak o njenom postojanju. Srećom je Lukina porodica imala fotografije nekadašnje ploče kao dokaz, što je prikazano na njegovoj profil stranici na partizansko.info.

Marijan (Ante) CVITKOVIĆ (1921. Polog – 1945. Slovenska Bistrica*) - BORAC

Zemljoradnik. U NOV i POJ stupio februara 1945. u 1. bataljon 6. dalmatinske brigade. Prema Spomenici, poginuo aprila 1945, u završnim operacijama Jugoslovenske armije kod Svete Katarine* u Istri.



Fotografija spomen-ploče Luke Cvitkovića koja se nalazila na najgornjoj terasi gdje su pojedine ploče naknadno postavljane. To možda objašnjava zašto njegovo ime nije bilo na prvobitnom spisku u brošuri "Partizanski spomenik u Mostaru". Slikano početkom 2000-tih. Izvor: porodični arhiv.

Slavko (Stojana) CVITKOVIĆ (1914. Polog – 1945. Slovenska Bistrica)

Zemljoradnik. U NOV i POJ stupio februara 1945. u 1. bataljon 6. dalmatinske brigade. Borac, poginuo dva mjeseca kasnije u završnim operacijama Jugoslovenske armije u Sloveniji 28. aprila 1945. godine.

Č: Čalija – Čulajević

Lazar (Jove) ČALIJA (1924. Zijemlje – 1945. Zijemlje) -
AKTIVISTA

Zemljoradnik. Član SKOJ-a, sekretar organizacije SKOJ-a na Zijemljima. Ubijen marta 1945. na Zijemljima.

Križan (Ilije) ČAVAR (1905. Polog – 1945. Gospić) -
BORAC

Zemljoradnik. U NOV i POJ stupio 14. februara 1945. u 6. dalmatinsku brigadu. Poginuo 20. marta 1945. kod Gospića.



Šaćir (Ibrahima) ČELEBIĆ (1922.
Mostar – 1943. Ovojci) - BORAC

Krojač, član SKOJ-a od 1940. U NOV i POJ stupio u proljeće 1943. u Mostarski omladinski odred, a jula 1943. u Mostarski bataljon. Zarobljen na Kamenj kod Mostara i streljan od Nijemaca na Ovojcima kod Mostara.




Esad (Šaćira) ČERKIĆ (1926. Mostar – 1944. Zagreb) - ILEGALAC

Đak Gimnazije, član SKOJ-a od 1942, sekretar aktiva SKOJ-a. Po zadatku sa Acom Dobrićem i Dževadom Vrgorom 1944. stupio u domobrane. Uhapšen u noći sa 12. na 13. septembar 1944. u Zagrebu zajedno sa deset domobrana koji su pokušali organizovati prelaz ljudstva i materijala partizanima. Svi uhapšeni su streljani u parku Dotrščina iste noći po kratkom postupku. Njihova imena su kao opomena objavljena na oglasu kojim je bio oblijepljen Zagreb.



Muhamed (Sule) ČERKIĆ Hamo
(1919. Mostar – 1942. Zaborani) -
BORAC

Krojač, fudbaler „Veleža“, član KPJ od 1940. U Bataljonu od novembra 1941, član partijskog rukovodstva u gradu i komandir voda, poginuo u Zaboranima kod Nevesinja juna 1942.



Oglas kojim su Zagrepčani obaviješteni o streljanju Esada Čerkića, Ace Dobrića i Dževada Vrgore i još 8 domobrana koji su namjeravali preći partizanima. Plakat se čuva u Nacionalnoj i sveučilišnoj knjižnici u Zagrebu. Tri Mostaraca su bili ilegalci na zadatku.

Jusuf (Mustafe) ČEVRO, narodni heroj (1914. Mostar – 1941. Mostar) – AKTIVISTA, ILEGALAC

Krojač, igrač „Veleža“. Rano se uključio u rad revolucionarne radničke omladine Mostara i sindikalne podružnice tekstilno-krojačkih radnika. Član KPJ od

1936, sekretar MK KPJ za Mostar od avgusta 1940. i član Oblasnog komiteta KPJ za Hercegovinu. Kao predsjednik sindikalne podružnice tekstilno-krojačkih radnika, organizovao je 1936. štrajk krojača, koji je trajao mjesec dana. Pomagao je štrajkove rudara, građevinara, mesara, i u njima uzimao učešće. Po direktivi KPJ, putovao je u Konjic, Stolac, Trebinje i Sarajevo, radio na uspostavljanju veza i obnavljanju partijskih organizacija. U njegovoj kući bila je smeštena partijska tehnika Oblasnog komiteta KPJ za Hercegovinu, kojom je on rukovodio. Godine 1940. izabran je za prvog sekretara Mjesnog komiteta KP i za člana Oblasnog komiteta KPJ za Hercegovinu. U kući Zlatke Vuković, supruge mostarskog preminulog revolucionara Gojka Vukovića, Jusuf je 31. jula održao sastanak s grupom komunista, na kome su razrađivani partijski zadaci u vezi s oružanom borbom. Ustaše su otkrile mjesto održavanja sastanka i izvršile napad. Grupa je tada pružila otpor, a Jusuf je uspio da pobjegne, prepliva Neretvu i da se skloni. Međutim, uhapšen je sutradan prilikom prebacivanja iz jedne kuće u drugu u Donjoj mahali. U ustaškom zatvoru u Mostaru, bio je strahovito mučen, ali nije nikog odao. Streljan je zajedno s Slobodanom Vukovićem u Ovojcima, kod sela Pologa, u blizini Mostara, 1. avgusta 1941. Proglašen je za narodnog heroja 23. jula 1952.

Dole: Štrajkački odbor Podružnice krojačko-tekstilnih radnika u Mostaru 1940. Jusuf Čevro, predratni aktivista, sjedi treći s lijeva.



Bista narodnog heroja Jusufa Čevre, djelo je akademskog vajara Florijana Mičkovića (1985)



Proglas od 1.8.1941. kojim se obavještava o streljanju Slobodana Vukovića i narodnog heroja Jusufa Čevre. Potpisao zapovjednik Ivo Herenčić.



Osman (Murata) ČOPELJ (1922. Nevesinje – 1946. Vran planina) - BORAC

Živio sa porodicom u Mostaru. Poginuo 1946. na Vran planini, od ustaša "škripara" u akciji u kojoj je poginuo i narodni heroj Marijan Primorac. Prema svjedočenju porodice, Osman je imao spomenicu i bio odlikovan ordenom. Postoje sjećanja u porodici da se njegova spomen-ploča nalazila na najgornjoj terasi, sa lijeve strane, sve do 1993. godine, a njegova slika uočena je u brošuri "Partizanski spomenik u Mostaru". Dodan na spisak na molbu porodice.

Enver (Sinana) ČUČAK (1921. Mostar – 1942. Bijelo Polje) - BORAC


Stolar, član SKOJ-a od 1939. i KPJ od 1941, u Bataljonu od novembra 1941. U vrijeme četničkog puča vraćen s Crnog polja zbog iscrpljenosti, zarobljen od oružnika NDH juna 1942. u Bijelom polju kod Mostara i ubijen.

Salko (Saliha) ČUKUR (1922. Mostar – 1943. Sutjeska*)

Krojač. Član SKOJ-a od 1941, borac 3. bataljona, u NOB od 1941. Nakon bitke na Sutjesci, vratio se u Mostar na oporavak, ali je uhvaćen u raciji u Mostaru i streljan na Ovojcima* sa nizom drugih boraca jula 1943.

Dušan (Save) ČULAJEVIĆ (1904. Mostar – 1944. Stara Gradiška)

Željeznički službenik. Član KPJ od 1941, sekretar partijske ćelije na željeznici 1943. Uhapšen od policije NDH septembra 1943. u Mostaru i odveden u logor Stara Gradiška, gdje je 1944. ubijen.



Spomen-ploča palim željezničarima – borcima NOR-a i žrtvama fašizma. Na spisku su NH Ljubo Brešan, Jusuf Hadžiomerović, Dušan Čulajević, Hasan Oručević, Miloš Raco. Postavljena je 2016. godine na mjestu stare uništene (originalno postavljene 1955. godine) Izvor: CIDOM

Ć: Ćatić – Ćurković

BRAĆA ĆATIĆ



Adil (Avde) ĆATIĆ (1924. Mostar – 1943. Doli) – ILEGALAC, BORAC

Učenik Gimnazije. Član SKOJ-a od 1941, sekretar aktiva SKOJ-a. U NOV i POJ stupio ljeta 1943. u 5. bataljon 10. hercegovačke brigade. Poginuo u mjestu Doli kod Bileće 1943. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Mugdim (Avde) ĆATIĆ (1921. Mostar – 1942. Mostar) - ILEGALAC

Krojač. Član SKOJ-a od 1941, sekretar skojevskog jezgra za Podhum. Kao mladi konspirator odlučio prekinuti električni dalekovod. Poginuo vršeći sabotažu 29. decembra 1941.* u Mostaru. Na dženazu je „izašla čitava mahala... nije se bojala zatvora“.




Spomenik Mugdimu Ćatiću u Vukodolu, na mjestu gdje je poginuo. Izvor: spomenicinob.info

Hivzija Hivza (Muhameda) ĆATIĆ (1917. Mostar – 1942. Bijele Vode) – AKTIVISTA, BORAC

Bravar. Član KPJ od 1939. Nakon septembarskih demonstracija 1940. u Mostaru sklonio se u Sarajevo i radio na željeznici. U NOV i POJ stupio 1941. u Zenički



bataljon. Poginuo u 5/6 maja 1942. na Bijelim vodama kod Zenice kao politički radnik u 3. udarnom (zeničkom) bataljonu 6. istočnobosanske brigade.



Miladin (Marka) ČEČEZ Mile (1919. Mostar – 1941. Lepoglava)

Student prava, igrač Veleža. Član KPJ od 1940. Uhapšen početkom septembra 1940. godine zbog protestnog generalnog štrajka u Mostaru izazvanog zabranom

aktivnosti “Veleža” kao stjecišta naprednih ideja. Sproveden u Lepoglavu. Aprila 1941. predat ustašama i 19. jula 1941. odveden u logor Gospić, gdje je ubijen.

Mehmed (Mustafe) ČEHAJIĆ (1903. Bosanska Dubica – 1943. Banja Luka) - ILEGALAC

Službenik policije, od 1936. živio sa porodicom u Mostaru. Od aprila 1941. radio u policiji NDH na izdavanju legitimacija i propusnica, čime je spasio preko stotinu ljudi. Uhapšen od policije NDH u Mostaru krajem 1941. zbog ilegalnog izdavanja propusnica progonjenim i interniranim građanima Mostara, većinom Srbima. Nakon višemjesečnog istražnog postupka i surovog maltretiranja predat sudu, ali mu je omogućeno da se, zbog teške bolesti, brani se sa slobode. Početkom 1943. odlazi u Banjaluku, gdje je ubrzo umro.



Mehmed (Muhameda) ČEMAL (1929. Mostar – 1945. Sarajevo) - ILEGALAC

Učio auto-mehaničarski zanat. Član SKOJ-a. Uhapšen od ustaša 12. februara 1945. u Mostaru, odveden u Sarajevo i ubijen.

Omer (Ahmeta) ČEMALOVIĆ (1919. Mostar – 1943. Sutjeska) - BORAC

Bravar, član SKOJ-a od 1941, u Bataljonu od početka 1942. Bombaš, desetar, poginuo na Krekovima kod Tjentišta tokom Pete neprijateljske ofanzive na Sutjesci 13. juna 1943.



Mubera (Muhameda) ČEMALOVIĆ (1920. Mostar – 1944. Jasenovac) - ILEGALKA

Službenica, član SKOJ-a od 1941. Kao ilegalka učestvovala u brojnim akcijama. Po direktivi se zaposlila u

Župsko redarstvo u Mostaru kao kancelarijski službenik izvršavajući značajne zadatke za NOP, poput prikupljanja novca za narodnu pomoć. Otkrivena i uhapšena 23.3.1944, i nakon 17 dana ispitivanja od strane Gestapa, odvedena u logor Stara Gradiška, a zatim u Jasenovac, gdje je, prema Spomenici, ubijena marta 1945*. Za Beru je rečeno da je bila “izrazito lijepa djevojka”, koja je bila “od izvanredne pomoći kao obavještajka”.




Mustafa (Ahmeta) ČEMALOVIĆ ČIMBA, narodni heroj (1923.* Mostar – 1943. Mostar) – ILEGALAC, BORAC

Prema Spomenici, rođen 1919.* Krojački radnik. Nadimak Čimba je dobio „zbog svoje okretnosti,

snalažljivosti i hrabrosti“. Član SKOJ-a od 1941. i KPJ od 1942. Prvih dana okupacije se kao skojevac uključio u Carinsku udarnu grupu s kojom je upadao u vojne magacine i iznosio oružje, municiju i drugi materijal. U NOV i POJ stupio oktobra 1941. u Mostarski (konjički) bataljon. Kao hrabar borac istakao se već u prvim akcijama, zauzimanju žandarmerijskih stanica na Glavatičevu, Bjelimićima i Rujištu. Dio Udarne desetine, na čelu sa Mehmedom Trbonjom, u koju su se birali najbolji borci po četama. Učestvovao je u nizu akcija, poput iznošenja municije i druge opreme iz Sjevernog logora u Mostaru ili oslobađanja boraca iz konjičkog zatvora. Istakao se januara 1943. godine u jurišu na oklopni vagon u napadu na Žepče. Često je izvodio samostalne i samoinicijativne akcije, poput

zarobljavanja italijanskih vojnika. Prebolio je tifus početkom Pete neprijateljske ofanzive na Sutjesci. Zamjenik komandira čete, zarobljen avgusta 1943. sa Muhidinom Bašagićem kao kuriri Vrhovnog štaba kod Konjica. Streljan na Ovojcima kod Mostara 20. avgusta 1943. Za narodnog heroja proglašen 20. decembra 1951.



Bista narodnog heroja Mustafe Čemalovića Čimbe djelo je akademskog vajara Florijana Mičkovića (1985.)



Na ovoj slici đaka ispred Gimnazije sa profesorom Tvrtkom Kanaetom je i Bera Čemalović (školska 1939/1940.)

Muhamed O. ČEMALOVIĆ (1923. Mostar – 1945. Buna)

Ukoliko imate podatke o ovom palom borcu, molimo da se javite redakciji sajta partizansko.info.

Ahmet A. ČIŠIĆ (1888. Mostar – 1944. Mostar)

Ukoliko imate podatke o ovom palom borcu, molimo da se javite redakciji sajta partizansko.info.



Razglednice sa likovima petnaest narodnih heroja Mostara. Izvor: UABNOR Mostar.



Alija (Sulejmana) ČIŠIĆ (1920. Mostar – 1943. Mostar) - BORAC

Mašinbravar, igrač "Veleža", član SKOJ-a od 1939. i KPJ od 1941. U Bataljonu od aprila 1942, desetar. Preživio Petu ofanzivu na Sutjesci. Poginuo pri silasku u Mostar 22/23 jula 1943. Ustreljen od policije

NDH prilikom pokušaja bijega.



Dragi (Saliha) ČIŠIĆ (1922. Mostar – 1945. Jesenice) - BORAC

Student medicine. Član SKOJ-a od 1940. U NOV i POJ stupio oktobra 1943. u 12. hercegovačku brigadu. Referent saniteta Bataljona.

Poginuo je 12.2.1945. kod

Mostara, samo dva dana pred oslobođenje. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

nikada nisu pomirili sa njegovom pogibijom, za njih je on bio živ kao partizanski oficir.” Iz neobjavljenih memoara Radmila Brace Andrića.



Na plaži ispod Starog mosta prije rata. Stoje: Lijevo (Mihajlo) Popović, ubijen 1941.; u sredini Dragi Ćišić, referent saniteta u Bataljonu, poginuo 1945. Arhiv K.D: Miletić.



Roditelji Dragog Ćišića, Fatima i Salih, profesor. “Mlađi sin Dragi studirao je medicinu do odlaska u partizane 1943. godine a poginuo je u borbama za oslobođenje Mostara 12. februara 1945. godine. Njegovi roditelji se

Fahira (Alije) ĆIŠIĆ rođ. Orman (1911. Ljubuški – 1944. Jasenovac) -AKTIVISTA, ILEGALAC

Učiteljica, živjela u MOstaru. Pomagala pokret otpora u gradu, sakupljala narodnu pomoć i sakrivala ilegalce. Uhapšena od policije NDH marta 1944 i strahovito mučena. Odvedena prvo u Staru Gradišku, a potom u logor Jasenovac gdje je ubijena. Sestra narodnog heroja Enesa Ormana.

BRAĆA ĆIŠIĆ (SALIHA)

Ibrahim (Saliha) ĆIŠIĆ (1920. Mostar – 1943. Mudrike)

Rođen 1920, nekadašnji đak Šerijatske gimnazije i Trgovačke akademije u Sarajevu a kasnije službenik Rudnika uglja u Mostaru. Član SKOJ-a od 1939. i KPJ od 1940. U Bataljonu od maja 1942, politički delegat voda. Prekomandovan novembra 1942. u 1. bataljon 10. hercegovačke brigade. Poginuo u Mudrikama kod Travnika januara 1943.

Remzija (Saliha) ĆIŠIĆ (1923.* Mostar – 1942. Bijela) -BORAC

Prema Spomenici, rođen 1925. Završio Zanatsku školu, stolar, član SKOJ-a od 1941, u Bataljonu od maja 1942. Jedan od članova četnog aktiva SKOJ-a. Poginuo u noći 14/15. juna 1942. u Bijeloj kod Konjica.

Ibrahim (Mustafe) ĆIŠIĆ (1923. Mostar – 1944. Dahau)

Đak Gimnazije, član SKOJ-a od 1941. U Bataljonu od maja 1942. Nakon četničkog puča 1942, zbog iscrpljenosti vraćen za Mostar. Zarobljen u Bijelom polju kod Mostara juna 1942, interniran u logor Mamula, pred kapitulaciju Italije odveden u Italiju, a nakon kapitulacije te zemlje oslobođen. Prešao je u Sloveniju i pridružio se partizanima u Brigadi „Ljubo Šercer“. Zarobljen u jesen 1943, odveden u Njemačku i, prema Spomenici, ubijen u logoru Mathauzen* 1944.

godine. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Slika jednog borca na poslijeratnom panou "Slava palim borcima" pripada Ibrahimu Čišiću. Do trenutka štampe niismo uspjeti saznati da li se radi o Ibrahimu (Saliha) ili Ibrahimu (Mustafe).

BRAĆA ČIŠIĆ (HUSEINA HUSAGE)



Mithad (Huseina Husage) ČIŠIĆ
(1924. Mostar – 1943. Sutjeska)

Đak Gimnazije, član SKOJ-a 1941. U NOV i POJ stupio januara 1943. u Mostarski bataljon, borac 3. bataljona, poginuo na Sutjesci juna 1943. Njegovo ime nalazilo se na nestaloj spomen-ploči palim

profesorima i đacima Gimnazije u Mostaru.

Husref (Huseina Husage) ČIŠIĆ (1909. Mostar – 1942. Viduša)

Pravnik. Član SKOJ-a od 1927. i KPI od 1929. Predratni komunista-revolucionar, aktivan saradnik predratnog lista "Putokaz" koji je često zabranjivan i plijenjen i za koji su takođe pisali Skender Kulenović, Hasan Kikić i drugi. Uhapšen i osuđen od Državnog suda za zaštitu države maja 1933. na jednu i po godinu robije. Sekretar ćelije KPI u Mostaru 1939/40. U NOV i POJ stupio marta 1942, rukovodio kulturno-prosvjetnim radom u Prvom udarnom hecegovačkom bataljonu. Zarobljen i likvidiran kod Viduške jame, selo Morče, kod Bileće, u napadu na bolnicu u Zvijerini 30. maja 1942.



Roditelji palih boraca Husrefa i Mithada Čišića. Otac Husaga je predratni političar, gradonačelnik, kritik austrougarskih vlasti (zbog čega je robijao) i kasnije antifašista, koji je oktobra 1941. godine bio inicijator i potpisnik Rezolucije građana Mostara kojom se osuđuju progoni srpskog stanovništva. Izvor: Internet.



Mujo (Sulejmana) ČIŠIĆ (1911. Mostar – 1943. Hutovo)

Mašinovođa. Poginuo 14. februara 1943. od mine kod Hutova.

Nazif (Mustafe) ČIŠIĆ (1921. Mostar – 1942. Ratkamen) - BORAC

Đak Tehničke škole, Geodetski odsjek u Beogradu. Član SKOJ-a od 1940, u Bataljonu od marta 1942. Poginuo u Glavatičevu u Zaboranima kod Konjica za vrijeme četničkog puča juna 1942.

Safet (Avde) ČIŠIĆ (1928. Mostar – 1945. Lašva) – ILEGALAC, BORAC

Prema Spomenici, rođen 1929.* Đak, skojevac, učesnik ilegalnih akcija u Mostaru poput spašavanja skoro hiljadu zabranjenih knjiga iz biblioteke. U Jugoslovensku armiju stupio u Zenici 9. aprila 1945. u 9. krajišku brigadu. Poginuo 10. maja 1945. u Sloveniji.

Nikola (Riste) ĆORIĆ (1926. Prigrađani – 1945. Ivan-Sedlo) - BORAC

Zemljoradnik. U NOV i POJ stupio 14. februara 1945. u 2. bataljon 14. hercegovačke brigade. Poginuo marta 1945. godine na Ivan-sedlu.

Anđelko (Mihe) ĆORLUKA (1926. Pijesci – 1943. Orašje) - AKTIVISTA

Zemljoradnik. Član SKOJ-a od 1943. Ubijen od Nijemaca 12. jula 1943. u pokolju u Orašju kod Stoca.

Boško (Šćepe) ĆORLUKA (1901. Pijesci – 1944. Lokve) - AKTIVISTA

Zemljoradnik. Aktivista NOP-a. Ubijen od Nijemaca 12. jula 1943. u Orašju kod Stoca.

Žarko (Riste) ĆORLUKA (1921. Pijesci – 1944. Lokve) - BORAC

Zemljoradnik. U NOV i POJ stupio septembra 1944. u 13. hercegovačku brigadu. Poginuo septembra 1944. u Lokvama kod Stoca.

Desimir (Konstantina) ĆUK (1906.* Mostar – 1943. Sutjeska) – AKTIVISTA, BORAC

Prema Spomenici, rođen 1907.* u Mostaru. Pekar. Od 1930. živio i radio u Šibeniku. Aktivista radničkog pokreta. U NOV i POJ stupio februara 1943. u 5. crnogorsku brigadu. Poginuo juna 1943. na Sutjesci.



Mehmed Meho Mešak (Ahmedage) ĆUMURIJA (1910.* Mostar – 1945. Sarajevo) - AKTIVISTA

Prema Spomenici, rođen 1900.* u Mostaru. Piljar, funkcioner “Veleža” (ekonom ili oružar kluba, moguće

član Upravnog odbora kluba između 1930. i 1940.). Prema jednom izvoru, “svoje obučarsko znanje je koristio kako bi popravljao cipele, odnosno mlađim

igračima ih pravio”. Aktivista radničkog pokreta i NOP-a. Uhapšen od ustaša 12. februara 1945. u Mostaru, odveden u Sarajevo i ubijen prilikom povlačenja ustaša iz Sarajeva, zadnjih dana rata 1945. godine. U Oglasu priekog suda Maksa Luburića/obavijesti o osudi na smrt streljanjem, njegovo ime objavljeno je pod rednim brojem 12. Za Meška Ćumuriju vezana je jedna od najvećih misterija “Veleža”. Početkom 1941, zbog mogućih represalija protiv Veleža, dobio je direktivu, moguće od dr Safeta Mujića, da sve Veležove stvari sakrije na lokaciji koja do danas nije otkrivena. Opisan je kao “marljiv i radišan čovjek koji je u Veležu radio iz ljubavi prema klubu i fudbalu.”



Upravni i nadzorni odbor RŠK “Veleža”. Skroz lijevo sjedi Mešak Ćumurija (1933.)



Ekrem (Omera) ĆURIĆ Ekra (1927. Mostar* – 1943. Mostar) - ILEGALAC

Prema Spomenici, rođen u Prozoru*. Od ranog djetinjstva živio s porodicom u Mostaru. Član SKOJ-a, učenik Gimnazije, jedan od najmlađih mostarskih ilegalaca.

Mlađi polubrat generala Envera Ćemalovića. Uhapšen po sedmi put, tri dana pred odlazak u Bataljon, i obješen kao talac u Mostaru 19. novembra 1943., zajedno sa Mujom Selimhodžićem, Božom Skočajićem, Darinkom Bitanga, i Tomom Kljuićem, kao odmazda zbog prekinute telefonske linije njemačke

vojske. Ostalo je upamćeno da je bio „hrabar momak i dobar zanatlija amater, koji se u svašta razumio“ i da je „je odlično svirao harmoniku“. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

Omer (Vejsila) ĆURIĆ (1923. Humilišani – 1944. Čepovan) - BORAC

Učenik trgovačke akademije. U NOV i POJ stupio oktobra 1943. u slovenačke partizane. Član KPJ. Poginuo kao politički komesar bataljona januara 1944. kod Čepovana u Sloveniji.

Radomir (Nikole) ĆURKOVIĆ (1925. Jajce – 1944. Glamoč) - BORAC

Đak Gimnazije u Mostaru, gdje je od 1936. živio s porodicom. Član SKOJ-a od 1941, u Bataljonu od kraja 1941, poginuo u Glamoču 1944. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

D: Dabarčić – Dizdarević

Ikonija Ika (Jovana) DABARČIĆ (1922.* Nevesinje – 1944. Sarajevo*) - AKTIVISTA

Prema Spomenici, rođena 1923. u Kifinu Selu kod Nevesinja. Domaćica, udata Žuljević, živjela u Mostaru. Član SKOJ-a. Prema Spomenici, uhapšena januara 1945. u Mostaru, odvedena u logor Jasenovac* gdje je ubijena.

Tomo (Miloša) DABIĆ (1909. Humilišani – 1945. Konjic) - BORAC

Zemljoradnik. U NOV i POJ stupio 14. februara 1945. u 2. bataljon 14. hercegovačke brigade. Poginuo u borbama za oslobođenje 24. februara 1945. na Tuščici kod Konjica.



Enver (Smaila) DADIĆ (1916. Mostar – 1945. kod Jajca) – AKTIVISTA, BORAC

Apsolvent agronomije u Beogradu, intelektualac ljevičar. U NOV i POJ stupio decembra 1944. u 13. hercegovačku brigadu, član

Propagandnog odsjeka. Umro od tifusa 5. maja 1945. u Vojnoj bolnici u Jajcu.



Članovi upravnog odbora u sekretarijatu Biblioteke, februar 1941. godine. S lijeva na desno — Muhamed A. Grebo, Džemal Demirović, Ahmed Mehić, Fazlija Alikalfić i Enver Dadić.

Članovi upravnog odbora u sekretarijatu Muslimanske biblioteke, februar 1941. S lijeva na desno: Muhamed Hama Grebo, Džemal Demirović, Ahmed Mehić, Fazlija Alikalfić i pali borac Enver Dadić. Izvor: Fazlija Alikalfić, *Stasanje jedne mladosti, Mostar, 1985.*

Anđelko (Đorđa) DAKIĆ Kitola (1920.* Nevesinje – 1941. Mostar) - AKTIVISTA

Prema Spomenici, rođen 1919.* Limar. Predratni član SKOJ-a. Uhapšen od ustaša avgusta 1941, odveden i ubijen.

Raphailo Rafael Rafo (Zadika) DANON zvani Admiral Togo (1913.* Mostar – 1942. Nevesinje) - AKTIVISTA, BORAC

Prema Spomenici, rođen 1912.*, kao najmlađi od desetoro djece trgovca Zadika i Estere Danon. Trgovački pomoćnik, predratni aktivista radničkog pokreta. Živio je i bavio se trgovinom u Beogradu, a 1941. vratio se u

Mostar. Prilikom jednog putovanja za Sarajevo, otkriven kao Jevrej, ali se uspio izvući zahvaljujući svojoj duhovitosti. U Bataljonu od decembra 1941. Zarobljen u četničkom puču juna 1942. na Borcima kod Konjica. Sproveden u Nevesinje, gdje je predat Italijanima i ubijen. Prije rata, 1939, bio je zadnji Admiral i „komandant“ kolone od nekoliko stotina kupača na Neretvi, o čemu je i pjesma ispjevana: „*Žuti vapor niz Neretvu kreće, / Admiral se po palubi šeće..*“

Ćamil (Salke) DELIĆ (1920.* Mostar – 1945. Jasenovac)

Prema Spomenici, rođen 1924.*, bolničar po zanimanju. Aktivno pomagao pokret otpora tokom rata, član SKOJ-a od 1942. Uhapšen od policije NDH 1. maja 1943. Optužen za čitanje komunističke literature, prisustvovanje partijskim sastancima, te pomoć sa Ivom Bronzovićem u bjekstvu šesnaestogodišnje skojevke Samije Puzić iz mostarske bolnice, gdje je bila prebačena iz zatvora (Samija je uhapšena jer je lijepila na zidove kuća parole i proglaše te pretučena). Deportovan u logor Jasenovac gdje je ubijen 1945. godine.

Džemal (Salke) DELIĆ (1921.* Mostar – 1943. Ovojci) - BORAC

Prema Spomenici, rođen 1920.* Bravar, član SKOJ-a od 1941. U Bataljonu od početka 1942, zarobljen od domobrana kod Konjica juna 1942. Predat Italijanima, interniran u logor Mamula, kasnije pušten. Uхваćen u raciji u Mostaru jula 1943. i streljan na Ovojcima kod Mostara.

Nazif A. DELIĆ (1909. Mostar – 1944. Dahau)

Ukoliko imate podatke o ovom palom borcu, molimo da se javite redakciji sajta partizansko.info.

Zejna Zemka (Hadže) DELIĆ r. Batlak (1918.* Mostar* – 1945. Sarajevo) - AKTIVISTA

Prema Spomenici, rođena 1917.* u Blagaju. Domaćica. Aktivista NOP-a. Uhapšena novembra 1944. u Mostaru, odvedena u logor Jasenovac*, gdje je ubijena.



“Na vrelu bratstva oprasmo očiju vid, i više mi nismo slijepi, oprasmo i mrlje i krv, i grijeh i stid, i sad smo ko bogovi lijepi.” Zuko Džumhur, emisija “Hodoljublja – Mostar” (1975.).

BRAT I SESTRA DEMIROVIĆ

Ahmet (Sule) DEMIROVIĆ (1927. Hodbina – 1945. Igman) - BORAC

Zemljoradnik. U NOV i POJ stupio 1944. u 1. (mostarski) bataljon 13. hercegovačke brigade. Borac, poginuo 6. aprila 1945. na Igmanu, tokom Sarajevske operacije.

Đevdet Dževad (Mustafe) DEMIROVIĆ (1927. Mostar – 1945. Ljubljana) - BORAC

Krojač. U NOV i POJ stupio februara 1945. u 1. bataljon 14. hercegovačke brigade. Poginuo u borbi za Logatec u Sloveniji, maja 1945.

Munevera (Mustafe) DEMIROVIĆ Vera (1927. Mostar – 1943. Mostar) – AKTIVISTA, ILEGALAC

Prema Spomenici, rođena 1925.* Domaćica. Član SKOJ-a od 1941, sekretar aktiva SKOJ-a. Umrla početkom 1943. u Mostaru.

Muzafer (Huseina) DERONJA (1924. Mostar – 1943. Ovojci) – ILEGALAC, BORAC

Stolar, član SKOJ-a od 1941. U NOV i POJ stupio u proljeće 1943. u Mostarski omladinski odred. Zarobljen kad je odred razbijen na Kamenjoj kod Mostara jula 1943. i streljan od Nijemaca na Ovojcima kod Mostara.



Ožalošćena majka snimljena na dan otvaranja Partizanskog spomen-groblja 25.9.1965. Njen identitet ili ime na spomen-ploči nismo do danas utvrdili.

BRAĆA DERVIŠKADIĆ

Hakija (Arifa) DERVIŠKADIĆ (1920. Nevesinje – 1943. Sutjeska) - BORAC

Učenik Gimnazije u Mostaru, igrač Veleža. Predratni član KPJ. Nakon kapitulacije Kraljevine Jugoslavije kao politički radnik radio na području Nevesinja, a od novembra 1941. član Okružnog komiteta SKOJ-a za Kalinovik. Borac 2. bataljona 10. hercegovačke brigade. Ranjen u IV ofanzivi i kasnije obolio od tifusa. Politički delegat voda u 1. četi 2. bataljona, poginuo na Zelengori 10. juna 1943. Njegovo ime nalazilo se na nestaljoj spomen-ploči palim profesorima i đacima Gimnazije u Mostaru.

Šefkija (Arifa) DERVIŠKADIĆ (1922. Nevesinje – 1943. Fojnica) – AKTIVISTA, BORAC

Školovao se i radio u Sarajevu. Radnik, član SKOJ-a od 1938. i KPJ od 1940. Nakon kapitulacije Kraljevine

Jugoslavije radio u Rudniku mrkog uglja u Mostaru. Član MK SKOJ-a za Mostar. U Bataljonu od decembra 1941, politički komesar čete. Poginuo u borbama u Fojnici kod Gacka maja 1943.

Afan (Salke) DIZDAR (1921.* Mostar – 1944. Doljani) - BORAC

Prema Spomenici, rođen 1922.* Bravar, član SKOJ-a od 1941, fudbaler Veleža. U Bataljonu od januara 1944. Poginuo maja 1944. u borbi u Doljanima kod Konjica.


Ahmet (Avde) DIZDAR (1905. Mostar – 1942. Norveška) - AKTIVISTA

Brijač. Prije rata preselio u Sarajevo. Aktivista radničkog pokreta i NOP-a u Sarajevu. Uhapšen od ustaša početkom 1942, predat Nijemcima i interniran u logor u Norveškoj gdje je ubijen 1942. godine.



Hasan (Avdije) DIZDAR (1912.* Mostar – 1944. Trusina) - BORAC

Prema Spomenici, rođen 1911.* Bravar. U NOV i POJ stupio ljeta 1944. u 1. (mostarski) bataljon 13. hercegovačke brigade. Poginuo 25. jula 1944. u bici na Trusini kod Dabra.



Spomen-ploča u Gimnaziji u Mostaru palim profesorima i đacima, s natpisom: "Neka imena palih junaka služe kao primjer kako se voli i umire za slobodu svoga naroda". Postavljena na inicijativu mostarskog SUBNOR-a, otvorio je Džemal Bijedić, a stajala je u hodniku kod glavnog ulaza u zgradu od 1954. do 1992. godine.

Smail (Ibrahima) DIZDAR (1920. Počitelj – 1944. Novi Grad) - BORAC

Bolničar. Od 1939. živio i radio u Mostaru. U NOV i POJ stupio 1944. Poginuo 12. oktobra 1944. kod Podravske Novog Grada kao borac 1. bataljona 2. brigade 33. hrvatske divizije.

Abdulah Dule (Saliha) DIZDAREVIĆ (1906. Ljubuški – 1942. Dramiševo) - BORAC

Trgovački pomoćnik, živio i radio u Mostaru. U NOV i POJ stupio oktobra 1941. u Mostarski (konjički) bataljon. Komandir voda, poginuo u četničkom puču juna 1942. u Dramiševu kod Nevesinja.

Alija (Muhameda) DIZDAREVIĆ HUSAGIĆ (1913. Blagaj – 1943. Kamena) – AKTIVISTA, BORAC

Obučar, živio i radio u Sarajevu. Predratni član KPJ i sekretar partijske ćelije zanatlija u Sarajevu. Početkom avgusta 1941. izlazi iz Sarajeva radi organizacije ustanka u Trebevičku ustaničku četvu. Uhapšen nakon razbijanja čete. Poslije puštanja iz zatvora 1943. sklanja se u Mostar. U NOV i POJ stupio u 1943. u Mostarski omladinski odred. Poginuo jula 1943. na Kamenoj kod Mostara.

Hasan A. DIZDAREVIĆ (1912. Mostar – 1944. Trusina)

Ne raspoložemo podacima o palom borcu s ovakvim natpisom. Napomena: Postoji borac Hasan A. Dizdar (1912. Mostar – 1944. Trusina), te se vjerovatno radi o duploj spomen-ploči za istog palog borca.

Ibrahim Ibro (Jusufa) DIZDAREVIĆ (1923. Mostar – 1942. Bijela) - BORAC

Električar, član SKOJ-a u Rudniku od 1940, u Bataljonu od decembra 1941, u četnom aktivu SKOJ-a. Poginuo u borbi u Bijeloj kod Konjica, u noći 14/15. juna 1942.



Hamdija S. DIZDAREVIĆ (1923. Mostar – 1943. Ovojci) - BORAC

Radnik. Nakon Pete ofanzive – Bitke na Sutjesci, zajedno sa 80 drugih boraca Mostarskog bataljona, vratio se u Mostar na oporavak. Uhapšen u raciji jula 1943, i streljan nakon saslušanja na Ovojcima.

Aleksandar Aca M. DOBRIĆ (1924. Mostar – 1944. Zagreb) - ILEGALAC

Po zadatku SKOJ-a sa Esadom Čerkićem i Dževadom Vrgorom 1944. stupio u domobrane. Uhapšen u noći od 12. do 13. septembra 1944. u Zagrebu zajedno sa deset domobrana koji su pokušali organizovati prelaz ljudstva i materijala partizanima. Svi uhapšeni su streljani u parku Dotrščina te iste noći, bez suđenja. Njihova imena su kao opomena objavljena na oglasu kojim je oblijepljen Zagreb.

Janko (Riste) DOŠLO (1924. Vrapčiči – 1945. Pazarić) – AKTIVISTA, BORAC

Zemljoradnik. Aktivista NOP-a. U NOV i POJ stupio februara 1945. u 2. bataljon 10. hercegovačke brigade. Poginuo aprila 1945. u Pazariću.

Alija (Jusufa) DRAČE (1922.* Mostar – 1943. Kamena) - BORAC

Prema Spomenici, rođen 1921.* Bravar, član SKOJ-a od 1941, fudbaler "Veleža", u Omladinskom odredud jula 1943, zarobljen na Kamenoj kod Mostara jula 1943. i nekoliko dana kasnije streljan na Ovojcima.



Džemal (Omera) DRAGNIĆ (1920. Mostar – 1941. Glavatičevo) - BORAC

Geometar, član SKOJ-a od 1939. i KPJ od 1940, sekretar aktiva SKOJ-a u Mostaru. u Bataljonu od septembra 1941, poginuo u Blacama kod Konjica oktobra 1941.

Mehmed Meho (Saliha) DRLJEVIĆ (1907. Blagaj – 1944. Jasen) - BORAC

Obučar. U NOV i POJ stupio oktobra 1943. u 2. bataljon 10. hercegovačke brigade. Poginuo maja 1944. u Jasenu kod Gacka.

Salko Hako (Hakije) DUGALIĆ (1925. Mostar – 1945. Sarajevo) – ILEGALAC

Pekar. Član SKOJ-a od 1943. Uhapšen od ustaša 12. februara 1945. u Mostaru, odveden u Sarajevo gdje je ubijen.

Šefik Šefko (Hamida) DUGALIĆ (1920. Mostar – 1943. Bijela) - BORAC

Tapetar, član SKOJ-a od 1941, u Bataljonu od aprila 1942. Poginuo u Bijeloj kod Konjica juna 1942.

Hajrudin (Mahmuta) DVIZAC (1914. Mostar – 1944. Zenica) – ILEGALAC, BORAC

Bravar. Član KPJ od 1942. Uhapšen od Italijana juna 1942. u Mostaru i odveden u logor Mamula, odakle je pušten nakon kapitulacije Italije. U NOV i POJ stupio u 7. brigadu 10. divizije. Poginuo 10. aprila 1945. kod Zenice.

DŽ: Džaferović- Džudža

Ibrahim Ibra (Ajđina) DŽAFEROVIĆ zvani GAČANIN (1920.* Gacko – 1942. Dramiševo) – AKTIVISTA, BORAC

Prema Spomenici, rođen 1922.*. Stražar u Fabrici duhana u Mostaru. Predratni aktivista, član SKOJ-a od 1940. Učestvovao u akcijama. U Bataljonu od aprila 1942. Poginuo u Dramiševu kod Nevesinja juna 1942.



Nazif (Alije) DŽEPO (1924.* Mostar – 1943. Kamena) – ILEGALAC, BORAC

Prema Spomenici, rođen 1925.* Đak Građanske škole. Član SKOJ-a od 1942, u NOV i POJ stupio u proljeće 1943. u Mostarski omladinski odred, a u

Mostarski bataljon jula 1943. Borac, poginuo na Kamenj kod Mostara jula 1943.

Ante (Pere) DŽIDIĆ (1913. Mostar – 1942. Mamula) – BORAC


Rođen u Cimcu kod Mostara 1905. godine. U NOV i POJ stupio 16. februara 1945. u 3. bataljon, 6. dalmatinske brigade, borac. Poginuo aprila 1945. u Žutim Lokvama u Lici.



Vinko (Ivana) DŽIDIĆ (1913. Mostar – 1942. Mamula) - AKTIVISTA

Brijač. Član KPJ od 1941, istaknuti mostarski aktivista i antifašista. Uhapšen od Italijana marta 1942, odveden u logor Mamula i streljan

juna 1942. na Kamenom kod Herceg-Novog.



Fotografija — dopisnica (lijevo Vinko Džidić)

Pali borac Vinko Džidić, 1939., ispred kina u ulici kasnije nazvanoj Mostarskog Bataljona, Dopisnica. Izvor: CIDOM.



Fatima (Alije) DŽINOVIĆ (1925. Mostar – 1945. Pazarić) - BORAC

Domaćica, član SKOJ-a od 1942. Borac u Bataljonu od novembra 1943. Zarobljena od domobrana aprila 1944. u Pazariću kod Sarajeva i

ubijena. Prema Spomenici, Fatimino prezime je Đinović (na spomen-ploči iz 2018. pisalo je Džinović).



Muhamed (Osmana) DŽUDŽA (1905.* Mostar – 1941.* Sarajevo*) – AKTIVISTA I ILEGALAC

Prema Spomenici, rođen 1903.* Farmaceut i vlasnik apoteke na Bjelavama u Sarajevu gdje je živio i

radio od 1940. Prije rata pripadao grupi naprednih studenata, a prva saznanja o radničkom pokretu stekao

je kroz druženje sa Radom i Darinkom Bitanga. Ilegalac tokom rata, direktno povezan sa Mjesnim komitetom po pitanju saniteta. Član KPJ. Uhapšen početkom 1942. godine jer je „iz svoje ljekarne zdravstveno tvorivo davao partizanima“. Prema Spomenici, deportovan u logor Stara Gradiška/Jasenovac, onda u logor u Lepoglavu* gdje je ubijen aprila 1945.*, što natpis na spomen-ploči čini netačnim (pisala je 1941. godina i Sarajevo kao vrijeme i mjesto smrti). Opisan je kao „revolucionar iz sokaka“, i „neustrašivi borac za dobro radnih ljudi, drug i čovjek poniokao i rastao u tihom sokaku kraj parka na Musali“. Za Muhameda je takođe rečeno da je „u zatvoru i u logoru imao odlično držanje“, te da je ostao „do smrti vjeran idealima“.

Đ: Đikić- Đurasović



Mahmut (Ibrahima) ĐIKIĆ Maha (1916.* Mostar – 1941. Kifino Selo) – AKTIVISTA, ILEGALAC

Prema Spomenici, rođen 1915.* Električar. Predratni aktivista, član KPJ od 1938, sekretar ćelije KPJ u Rudniku mrkog uglja u Mostaru od

1938. do 1940, član MK KPJ za Mostar 1940. Jedan od 15 učesnika na partijskoj konferenciji krajem juna 1940, na kojoj se birao Mjesni komitet KPJ za grad Mostar. Da bi izbjegao hapšenje nakon štrajka 1940, privremeno radi u Zenici do juna 1941. nakon čega se vraća u Mostar. Prisutan na sastanku komunista 31. jula 1941. godine u kući Zlatke Vuković na koji su upali ustaše. Tom prilikom je Zlatka bacila bombu da bi omogućila odstupnicu prisutnima. Uhvaćena je i streljana zajedno sa Ahmedom Sefićem, te svojim podstanarima, Verom i Dejanom Popovićem. Od prisutnih na sastanku, Zlatkin sin Slobodan, i Jusuf Čevro su takođe uhvaćeni i streljani. Mahmut Đikić i Mustafa Husković su uspjeli pobjeći i upućeni su u nevesinjski srez radi organizacije ustanka u istočnoj Hercegovini. Prilikom pokušaja da se uspostavi veza sa partijskom organizacijom na terenu, uhvaćeni su i optuženi da su ustaški špijuni od strane seljaka-ustanika. Streljani su kod Kifinog Sela.



Zehra (Jusufa) ĐILITOVIĆ (1925. Mostar – 1943. Jablanica*) – BOLNIČARKA, BORAC

Zubotehničarka, član SKOJ-a od 1942, u Bataljonu od početka 1942.

Bolničarka, poginula 1943. Prema Spomenici, Zehrino prezime je Džilitović (na spomen-ploči 2018. godine pisalo je Đilitović), rođena je 1926. godine, a mjesto pogibije je Sutjeska*.

MAJKA I SIN ĐONKO

Fatima (Avde) ĐONKO (1888. Mostar – 1944. Mostar) – AKTIVISTA

Domaćica, zajedno sa sinom Salkom aktivno podržavala antifašistički pokret. Poginula 14. Januara 1944. u Mostaru od savezničkog avionskog bombardovanja.

Salko (Mustafe) ĐONKO (1923.* Mostar – 1944. Dreževica) – ILEGALAC, BORAC

Prema Spomenici, rođen 1925.* Bravar, član SKOJ-a od 1942. Zajedno sa majkom Fatom aktivno je podržavao antifašistički pokret. U Bataljonu od januara 1944, poginuo u Daževicama kod Kreševa aprila 1944.

Enver Čemalović je zabilježio slijedeće sjećanje na Salka i njegovu majku Fatu:

RATNO SJEĆANJE: „U polovici strane od Dobrča za Brasinu naredio sam odmor, a odmah zatim čulo se brujanje avionskih motora. Naišlo je oko 200 savezničkih aviona, bombardera, u pratnji lovaca. Bombardovali su Mostar i aerodrom. Protivavionska artiljerija gađala je avione i, koliko smo vidjeli, uspjela je dva oboriti. Pojavljivale su se padobranske kupole i posade pogođenih aviona spuštale su se u dolinu Neretve i prema Mostarskom blatu. Pored mene sjedio je Salko Salče Đonko i ni na kraj pameti nam nije bilo da će u tom bombardovanju poginuti i njegova majka Fata, o čemu su nas obavijestili kuriri prilikom narednog odlaska u Mostar. Fata je stanovala u Pothumu, u usamljenoj kući Haremskog sokaka. Bili smo komšije. Kuća je bila idealna baza koja se lako obezbjeđivala sa

dva stražara na počecima sokaka, a iz nje se moglo pobjeći preko bašta i Radobolje. Fata je vrlo rano ostala bez muža i borila se za život svoje dvoje djece, Dude i Salke, radeći po kućama bogatijih porodica i, povremeno, u Fabrici duhana. Kćerka Duda rano je umrla od tuberkuloze, a Salko je krenuo na zanat. U ljeto 1941. Fatu sam uveo u rad za NOP. Njena kuća je pretvorena u stjecište nas komunista i skladište oružja i svakovrsnog materijala za partizane. Salko je postao nerazdvojan drug moga polubrata Ekrema i obojica su kasnije radili u organizaciji SKOJ-a i u mlinici. On je bio spreman na izvršenje svakog zadatka. ... Fatin lik žene borca, s njenom hrabrošću, prirodnom inteligencijom, požrtvovanjem i majčinskom pažnjom prema svima nama bio mi je podstrek za rad i nalaženje smisla za svaku moju žrtvu u NOB-u. Fata Đonko je svima nama koji smo bili s njom u kontaktu ostala u divnoj uspomeni kao Mostarka revolucionar, kakvih je bilo u svim našim mahalama u gradu.” E. Čemalović

Ahmet (Osmana) ĐOZLIĆ (1918. Mostar – 1944. Jasenica) - AKTIVISTA

Prema Spomenici, rođen 1916.* Zemljoradnik. Član KPJ od 1943. Gine nakon teškog ranjavanja od savezničkog avionskog bombardovanja 14. januara 1944. u Jasenici kod Mostara.

Esad (Osmana) ĐOZLIĆ (1924.* Mostar – 1945. Trst) - AKTIVISTA, BORAC

Prema Spomenici, rođen 1925.* Zemljoradnik, član SKOJ-a. U NOV i POJ stupio februara 1945. u 1. tenkovsku brigadu NOVJ. Poginuo nekoliko mjeseci kasnije, aprila 1945. kod Trsta.



Atif (Avdije) ĐUKIĆ Beli (1922. Mostar – 1944. Grušća) – ILEGALAC, BORAC

Bravar. Član SKOJ-a od 1940, “Veležov” fudbaler. U Bataljonu od avgusta 1943. Poginuo u Grušći kod Konjica aprila 1944. prilikom četničkog napada na partizansku bolnicu.

BRAĆA I SESTRA ĐUKIĆ (Jusufa)



Mehmed Meho (Jusufa) ĐUKIĆ (1921.* Mostar – 1943.* Ljubomir) – ILEGALAC, BORAC

Prema Spomenici, rođen 1920.*
Građevinski tehničar, član SKOJ-a od 1940, kvartovskog jezgra SKOJ-a i KPJ od 1943. U Bataljonu od marta 1943.

Poginuo kao zamjenik političkog komesara čete 2. bataljona 10. hercegovačke brigade 9. februara 1944.* u Domaševu kod Ljubomira.



Ramiza (Jusufa) ĐUKIĆ (1919. Mostar – 1943. Sutjeska) – BOLNIČARKA, BORAC

Svršena učenica Ženske stručne škole, radnica, član SKOJ-a od 1941. U NOB od 1941, član KPJ od 1942, bolničarka

u 3. Bataljonu. Poginula na Krekovima kod Tjentišta 13. juna 1943.

Salih Salko (Jusufa) ĐUKIĆ (1926. Mostar – 1943.* Borci) - BORAC

Šegrt, član SKOJ-a od 1941, u Bataljonu od jeseni 1943, Prema Spomenici, poginuo u Grušci kod Konjica aprila 1944.* prilikom četničkog napada na bolnicu.

BRAĆA ĐUKIĆ (Halila)



Ibrahim (Halila) ĐUKIĆ (1923. Mostar – 1943. Ovojci) – AKTIVISTA, BORAC

Đak Gimnazije. Član SKOJ-a od 1941, sekretar aktiva SKOJ-a. U NOV i POJ stupio u proljeće 1943. u Mostarski omladinski odred, a u Mostarski

bataljon jula 1943. Zarobljen na Kamennoj kod Mostara jula 1943. Streljan od Nijemaca na Ovojcima kod Mostara. Njegovo ime nalazilo se na nestaljoj spomen-ploči palim profesorima i đacima Gimnazije u Mostaru.



Omer (Halila) ĐUKIĆ (1925. Mostar – 1943. Ovojci) - BORAC

Đak, član SKOJ-a od 1941, u Bataljonu od jula 1943, zarobljen na Kamennoj kod Mostara jula 1943. i streljan od Nijemaca na Ovojcima kod Mostara.

Salem (Mehmeda) ĐUKIĆ (1917. Mostar – 1944. Zenica)

Prema Spomenici, rođen 1915.* u Mostaru. Brijač. Aktivista revolucionarnog radničkog pokreta i NOP-a. Uhapšen aprila 1942. od Italijana u Mostaru, zatim odveden u logor Visco di Udine. Pušten nakon kapitulacije Italije jula 1943. godine. Poginuo ljeta 1944. u Nemiljoj kod Zenice.

Novica M. ĐURASOVIĆ (1922. Raštani – 1945. Odžak) - BORAC

Komandir voda. Poginuo u borbama kod Odžaka 1945.

Danilo M. ĐURASOVIĆ (1927. Raštani – 1945. Konjic) - BORAC

Borac 1. bataljona. Poginuo u borbi za oslobođenje Konjica, krajem februara 1945.

E: Elezović- Erlih



Abduselam (Mustafe) ELEZOVIĆ Sela (1924. Mostar – 1943. Ovojci) – AKTIVISTA, BORAC

Radnik. Član SKOJ-a od 1941, u Bataljonu od jula 1943. Zarobljen na Kamennoj kod Mostara jula 1943. i

streljan na Ovojcima.

Esad (Saliha) ELEZOVIĆ (1924. Mostar – 1945. Jasenovac)

Radnik, član SKOJ-a od 1941, u Bataljonu od početka 1942. Zbog bolesti vraćen s Crnog polja u Mostar u vrijeme četničkog puča juna 1942. Uhapšen od policije NDH 1943. jer se "pridružio dragovoljno odmetnicima i sudjelovao u borbama protivim hrvatskih oružanih snaga." Odveden u logor Stara Gradiška, potom prebačen u logor Jasenovac, gdje je ubijen 1945. godine.



Ramiza (Agana) ELEZOVIĆ (1926.* Mostar* – 1945. Bihać) - BORAC

Prema Spomenici, rođena 1931.* na Bivoljem Brdu kod Čapljinje*. Učenica, živjela u Mostaru. U NOV i POJ stupila 15. februara 1945. u 2.

bataljon 11. dalmatinske brigade. Poginula 23. marta 1945. kod Bihaća.



Zijo (Saliha) ELEZOVIĆ (1913.* Mostar – 1945. Sarajevo) – AKTIVISTA, ILEGALAC

Prema Spomenici, rođen 1914.* u Mostaru. Željeznički službenik. Uhapšen od ustaša februara 1945. u Konjicu, odveden u Sarajevo i ubijen.

Pali borci Zijo Elezović (stoji drugi s desna) i narodni heroj Ahmet Pintul (stoji u drugom redu drugi s lijeva) bili su u porodičnoj vezi. Arhiv porodice Elezović.

Evald (Simona) ERLIH zvani BRANKO (???? ???? – ????)
????)* – AKTIVISTA, BORAC

Prema Spomenici, rođen 8. aprila 1915.* u Brnu*, Čehoslovačka. Inženjer rudarstva. Revolucionar i predratni aktivista radničkog pokreta. Po zaršetku Srednjotehničke škole u Sarajevu diplomirao elektrotehniku u Pragu. Tamo je pripadao grupi naprednih jugoslovenskih studenata i postao sekretar društva „Matija Gubec“. Hapšen za vrijeme studija 1936. godine u Pragu kao pripadnik ilegalne jugoslovenske komunističke organizacije. Član KPJ od 1940. Zaposlivši se u Rudniku uglja u Mostaru, organizovao radnički otpor. Mobilisan 1941, poslije rasula vraća se u Mostar i nastavlja ilegalnu političku aktivnost u rudniku. Italijanske vlasti ga hapse krajem 1942, te interniraju u logor u Dubrovniku. Tu je pod njegovim vođstvom krajem 1942. osnovan Oslobođilački front. U junu 1943. je prebačen u logor Kampo na Rabu, gdje je bio član logorskog komiteta KPJ. Tu organizuje politički rad među interniranom jevrejskom omladinom, sa zadatkom da što veći broj osposobi za učešće u NOB. Nakon kapitulacije Italije septembra 1943. postaje politički komesar Rapskog bataljona, i, nakon što se bataljon prebacio na kopno i Glavni štab NOV i POJ Hrvatske njegove borce uključio u VII banijsku diviziju, i komesar te divizije, te 8. udarne divizije. Poginuo je u borbi 20. ili 26. oktobra 1944. u selu Sadikovac kod Drežnika na Kordunu, u jednoj borbi prsa u prsa sa ustašama. Natpis na njegovoj spomen-ploči nije sadržao podatke o mjestu i godini rođenja i pogibije, te se može nadopuniti: Evald S. Erlih (1915. Brno – 1944. Drežnik).

F: Fazil - Frko





Omer M. FAZIL (1909. Mostar – 1945. Sarajevo) - AKTIVISTA

Rezervni oficir. 1931. godine položio ispit za čin rezervnog pješadijskog potporučnika, 1940. postao rezervni poručnik. Jedan od Mostaraca ubijenih marta 1945. u Sarajevu, po naredbi Vjekoslava Maksa Luburića, a neposredno pred ustaško povlačenje iz Sarajeva. Prema jednom članku, njegovo tijelo je otkopano i identificirano u Darivi na Bentbaši ubrzo po oslobođenju.



Hatidža (Alije) FAZLINOVIĆ (1922.* Mostar – 1945. Ivan-Sedlo) – BOLNIČARKA, BORAC

Prema Spomenici, rođena 1921.* Krojačka radnica, član SKOJ-a. U NOV i POJ stupila oktobra 1944. u 2. bataljon 13. hercegovačke brigade. Februara 1945. sa oslobodilačkim jedinicama stigla u Mostar gdje je porodica molila da ne ide dalje. Odgovorila je: "Ja se nisam zarekla samo za Mostar, već i za Sarajevo, i dalje – sve do Trsta." Poginula je 28. marta 1945. u operacijama za Ivan-sedlo, u borbama na liniji Rudno brdo – Mali Ivan – do komunikacije Bradina Raštelica.

BRAĆA I SESTRA FEJIĆ



Džemal (Muhameda) FEJIĆ (1912. Mostar – 1944. Ostrožac) - BORAC

Trgovac. Član KPJ, prvoborac, u Bataljonu od početka 1942, ekonom čete. Nakon Pete ofanzive na Sutjesci sa 80 drugih boraca vratio se u Mostar na oporavak, a kasnije ponovo odlazi u odred. Od maja 1944. u 17. krajiškoj brigadi, intendant. Poginuo u Ostrošcu kod Jablanice oktobra 1944.



Na plaži pod Starim mostom, grupa omladinaca iz mostarskih mahala Predhum i Podhum, 30.7.1929. S lijeva na desno, leće ili sjede, prvi red: Ibro Hadžić, Fazlija Alikalfić, Omer Fazil, Ruda Martinović, Šefik Sefić, Šefkija Raljević. Zadnji red, kleče ili čuče: Remzija Efica, narodni heroj dr Safet Mujić.



Selo Ribari 1942, stoje (s lijeva na desno): Mićević Stevo, moguće Ivan Bubaš, Ala Delić, narodni heroj Ahmet Pintul, Šantić Osman, Džemal Fejić. Čuče: Angelina Lambić (pretpostavka), Danilo Bilanović, Fatima Ševa, (nepotvrđeno). Arhiv porodice Mrgan/Đikić.



Esad (Muhameda) FEJIĆ Esa (1918.
Mostar – 1945. Čapljina) – AKTIVISTA,
BORAC

Radnik, igrač „Veleža“, lokalni
biciklistički takmičar, sportista “sa

vlastitim klizaljicama za nadmetanja na ledu”, aktivista
NOP-a Mostara. Jedini bjegunac iz ustaškog kamiona
jula 1941, koji je odvodio većinom mostarske Srbe na
stratišta i jame gdje su pogubljeni. U prvoj grupi boraca
iz Mostara koja je krenula “u šumu” radi organizacije
ustanka. Ranjen i zarobljen od ustaša, pri sprovođenju
u zatvor oslobođen akcijom ilegalaca Mostara.
Učestvovao u nizu akcija prikupljanja oružja i municije u
gradu. Uхваćen kao kurir od Italijana u proljeće 1942.
iznad Mostara i odveden u logor Mamula. Član KPJ od
1943. Borac Mostarskog partizanskog odreda koji je
vršio diverzantske akcije na željezničkoj pruzi Sarajevo –
Mostar, ali ga uskoro samovoljno napušta sa najboljim
drugom Husom Ormanom radi izvođenja sopstvenih
akcija. Poginuo januara 1945. u Čapljini kao oficir OZNE,
pogođen iz ustaškog mitraljeza smještenog na tornju u
centru grada.



*Dva ratna druga:
Husa Orman i Esad
Fejić, slikani u
Esadovoj kući u
sred okupiranog
Mostara, pred svoju
akciju 1944. godine.
Fotografisao Salem
Maslić, a film razvio
vlasnik fotografske
radnje Zijo Kolaković,
koji ga je sačuvao do
oslobođenja
Mostara 14.
februara 1945.*

drugih boraca vratio se u Mostar na oporavak. Nakon
toga ponovo stupio u borbu. Desetar, nastradao u
Đajićima kod Konjica decembra 1943, prema zapisima,
utopio se u Neretvi za vrijeme jedne akcije. Njegovo
ime nalazilo se na nestalaj spomen-ploči palim
profesorima i đacima Gimnazije u Mostaru.



Samija M. FEJIĆ-KRAJINA (1909.
Mostar – 1944. Jasenovac) -
SIMPATIZER

Majka dvoje djece, domaćica.
Uhapšena nakon odlaska muža
Mehmeda Fadila u partizane.

Deportovana u logor Jasenovac i ubijena 1944. godine.



*Poznati glumac Ljuba Tadić bio je oženjen kćerkom
Samije Fejić, Vesnom Krajinom, takođe glumicom.*



Šefkija (Muhameda) FEJIĆ Šefko
(1915. Mostar – 1942. Sipnica kod
Bileće) – AKTIVISTA, BORAC


Student arhitekture u Beogradu,
odličan poznavalac francuskog jezika.
Član KPJ od 1940. Uhapšen od Italijana

i interniran u logor Mamula, ali pušten nakon
kapitulacije Italije. Stupio u partizanski odred u istočnoj
Hercegovini u jesen 1943. Zarobljen od četnika avgusta
1944. i ubijen kod Bileće.



Ešref (Muhameda) FEJIĆ Eta (1923.
Mostar – 1943. Đajići) - BORAC

Đak, pohađao Zanatsku školu. Fudbaler
„Veleža“, član SKOJ-a od 1941. i KPJ od
1942. U Bataljonu od septembra 1941.
Nakon Pete ofanzivu na Sutjesci sa 80



Adila Fejić, majka petoro palih boraca Fejića, inspirisala je Mišu Marića na stihove za pjesmu "Mostarska majka" u izvedbi Mostarskih kiša. Miši je u intervjuu 1972. godine rekla: "Svašta sam ti ja pretrpila kako je puška pukla – pa do sad. Ali opet se živi, ne može se silom u zemlju otići."

Jerko N. FERTILIO (1925. Mostar – 1944. Trebinje)

Ukoliko imate podatke o ovom palom borcu, molimo da se javite redakciji sajta partizansko.info.

Osman (Selima) FETIĆ (1923. *Jare* – 1944. Razići) - BORAC

Prema Spomenici, rođen 1925. u Humilišanima kod Mostara. Zemljoradnik, član SKOJ-a. U NOV i POJ od 1942, borac Mostarskog bataljona. Poginuo 1944. kod Razića.



Ramiza (Redžepa) FORIĆ (1924. Nevesinje – 1943. Mostar) – BOLNIČARKA, BORAC

Radnica Duhanske stanice u Mostaru. U Bataljonu od početka 1942, bolničarka, član SKOJ-a. U vrijeme četničkog puča juna 1942. zbog iscrpljenosti vraćena s Crnog polja u Mostar. Zarobljena od oružnika NDH u Bijelom polju kod Mostara, internirana u logor Mamula (Prevlaka). Puštena iz logora zbog lošeg zdravstvenog stanja. Umrta u Mostaru 1943.

BRAĆA FRENJO



Asim (Huseina) FRENJO (1920. Mostar – 1943. Porim) - BORAC

Električar, fudbaler "Veleža", član SKOJ-a od 1940, u Bataljonu od jula 1942. Bombaš, poginuo kao desetar na

Porimu marta 1943.



Rifat (Huseina) FRENJO Rifa, narodni heroj (1923. Mostar – 1943. Sutjeska) - BORAC

Radnik, član KPJ od 1942. Borac, bombaš, komandir voda u Mostarskom bataljonu. Nakon

okupacije Jugoslavije, 1941. uključio se u pripreme oružanog ustanka, kojima je u Mostaru rukovodila mjesna organizacija KPJ. Jula 1941. učestvovao je u akciji grupe mostarskih omladinaca, Početkom 1942. stupio je u Mostarski bataljon, ali je ubrzo vraćen u Mostar, da dovede novu grupu omladinaca. Tokom boravka u gradu učestvuje u nizu akcija, poput iznošenja vojne opreme iz Sjevernog logora. Ističe se kao bombaš u napadima na Ostrožac, Posušje, Jajce. Član KPJ od 1942. Krajem decembra 1942. Deseta hercegovačka brigada napala je jako neprijateljsko uporište Žepče. Tokom ove akcije, Rifat je sa svojim bombašima napao oklopni voz, koji se zapalio i potom survao u provaliju. U toku Četvrte neprijateljske ofanzive, kao borac Desete hercegovačke brigade, istakao se u borbama kod Prozora, a naročito u borbama vođenim 9. marta 1943. na liniji Kvak—Trešnjevica kada je potisnuta njemačka grupa „Apakeg“. Potom je učestvovao u borbama koje je Mostarski bataljon vodio oko Nevesinja, Gacka, Bileće, na Kobiljoj Glavi i drugim mjestima. Poginuo je u noći 9/10. juna 1943. godine kod sela Rudine, iznad Pive, tokom Pete ofanzive na Sutjesci, kada je njegov bataljon napadnut snažnom artiljerijskom paljbom. 24. jula 1953. proglašen je za narodnog heroja, čime je postao najmlađi narodni heroj Mostara. Ostao je upamćen kao smio bombaš koji je „vraćao bombe koje su mu padale na fišeklije“, „spretan poput pantere“, i kako je “u stalnom pokretu, vješto koristio teren, svaki zaklon”.



Bista narodnog heroja Rifata Frenje, djelo akademskog vajara Florijana Mičkovića (1985).

Mostarski skojevci, među njima Ibrahim Frko, sa kapom. Izvor: Ferid Buturović, "Kuća mostarskog kadije".

G: Gačić – Gušić

Mitar (Stojana) GAČIĆ (1922. Žitomislići – 1944. Trusina) - BORAC

Zemljoradnik. Član SKOJ-a, u NOV i POJ stupio marta 1944. u 10. hercegovačku brigadu. Borac, poginuo jula 1944. u 1. (mostarskom) bataljonu 13. hercegovačke brigade na Trusini kod Nevesinja.

Branko (Nikole) GAŠIĆ (1923. Bačevići – 1943. Sutjeska) - BORAC

Zemljoradnik, kandidat za člana KPJ od 1942. U Bataljonu od oktobra 1941. Desetar, teško ranjen u okršaju sa četnicima, upućen u Centralnu bolnicu, gdje je dobio trbušni tifus i umro kao ranjenik kod Uloga (Kalinovik) marta 1943.

Vasilije Vaso (Riste) GAŠIĆ (1913. Bačevići – 1942. Vrdolje) - BORAC

Zemljoradnik. U Bataljonu od oktobra 1941, poginuo prilikom neuspješnog napada na naprijateljsku postaju u Vrdolju kod Konjica 22. januara 1942.

Stevo (Uroša) GATALO (1921. Potoci – 1942. Potoci) - BORAC

Zemljoradnik, član SKOJ-a od 1941. i KPJ od 1942. U Bataljonu od oktobra 1941, borac Zijemaljske čete, poginuo u Potocima kod Mostara 18. maja 1942.

Imšir (Imšira) GIGIĆ (1890.* Mostar* – 1941. Lepoglava*) - AKTIVISTA

Prema Spomenici, rođen 1886.* u Tasovčićima* kod Čapljine. Mesar, živio i radio u Mostaru. Stari revolucionar, predratni član KPJ, istaknuti aktivista sindikalnog pokreta i jedan od organizatora štrajkova.



Ibrahim Ibro (Mehmeda) FRKO (1923. Mostar – 1942. Mrkonjić-Grad) - BORAC

Đak Gimnazije u Mostaru, član SKOJ-a od 1941. U Bataljonu od početka 1942. Poginuo u Trijebovu kod Mrkonjić-Grada decembra 1942. kao mitraljezac 1. bataljona 10. hercegovačke brigade. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Ibro Frko, član gradskog komiteta SKOJA, sa SKOJ-evcima: Buturović, Kapetanović, Balić u Velikom parku oktobar 1941. godine

Više puta hapšen i osuđivan. Uhapšen početkom septembra 1940. godine zbog protestnog generalnog štrajka u Mostaru izazvanog zabranom aktivnosti "Veleža" kao stjecišta naprednih ideja. Sproveden u Lepoglavu. Prema Spomenici, pušten je iz Lepoglave, i ponovo uhapšen od ustaša jula 1941. u Mostaru, odveden i ubijen.

Mirko (Marka) GLAVAŠ Baja (1920. Hodbina – 1944. Kamena) - BORAC

Zemljoradnik. Član SKOJ-a od 1942. i KPJ od 1943. U NOV i POJ stupio maja 1944. u Odred „Savo Belović“. borac 3. bataljona 13. hercegovačke brigade, poginuo u borbi kod sela Kamena kod Gacka 15. ili 19. decembra 1944. Pao je pored svog smrtno ranjenog druga, borca Jove Lučića, takođe iz Hodbine. Jovin otac ih je sahranio u jednu grobnicu.

Mustafa Mujo (Sulejmana) GLAVOVIĆ (1905. Mostar – 1945. Sarajevo) - AKTIVISTA

Trgovac. Aktivista NOP-a. Uhapšen od ustaša 12. februara 1945, dva dana prije oslobođenja Mostara, i odveden za Sarajevo gdje je ubijen. Njegovo ime je objavljeno na spisku osuđenih na Oglasu "Priekog ratnog suda stožera pukovnika Luburića" pod rednim brojem 13.

Salih (Osmana) GLAVOVIĆ Salko Salkan (1895.* Kutilivač – 1945. Kutilivač) - AKTIVISTA

Prema Spomenici, rođen 1891.* Zemljoradnik. Aktivista NOP-a. Poginuo 13. februara 1945. u Kutilivču.




Radojka (Riste) GNJATIĆ-IVANIŠEVIĆ Raca (1918.* Mostar* – 1944.* Ovojci) – AKTIVISTA, BORAC

Prema Spomenici, rođena 1919.* u Nevesinju* u porodici predratnih revolucionara i aktivista. Svršila je osnovnu školu i dva razreda večernje trgovačke škole.

Pred rat je komunist Nikola Abramović uzeo da uči zanat u prodavnici tekstilne fabrike „Šik“ u Mostaru te postaje trgovačka pomoćnica. Išla je u Radnički dom na časove esperanta, učestvovala u demonstracijama i štrajkovima sindikata. Član SKOJ-a od 1940. i KPJ od 1942. u Bataljonu od novembra 1941. Zabilježena je 1942. u partizanskoj krojačkoj radionici. Preživjela V ofanzivu, bitku na Sutjesci, i zajedno sa 80 drugih boraca se vratila u Mostar na oporavak. Uhapšena prilikom racije i streljana na Ovojcima. Hrabro se držala pred neprijateljem i nije pristala da otkrije ijednog saborca: „Ona je uzdignute glave, puna prkosa i suznih očiju prošla pored stroja i izdvojenih drugova. Ni pred kim se nije zadržala niti je na bilo kome zaustavila pogled da ne bi pratiocima odala poznanike.“ Streljana na Ovojcima kraj Mostara 10. jula 1943.* zajedno sa 40 uhvaćenih Mostaraca. Sestra pekarskog radnika Voje Ivaniševića, s kojim se zajedno borila na Sutjesci, i Milana Miće Ivaniševića (poginuo kod Travnika). Opisana je kao „Raca, plemenita i smjela partizanka.“ Istinska heroina rata, inspirisala je brojne poslijeratne priče i romane, i jedan film. Oslíkana je na naslovnoj strani knjige "Bataljon u okupiranom gradu" Mensura Seferovića (1958).




Hapšenje Radojke Gnjatić-Ivanišević prilikom racije 1943. godine prikazano je na naslovnici romana Mensura Seferovića "Bataljon u okupiranom gradu".



Raca Ivanišević

slobodnoj teritoriji kod Glamoča. Nakon Pete ofanzive (bitke na Sutjesci) zajedno sa 80 drugih boraca se vratio u Mostar jula 1943. na oporavak. Uhapšen prilikom racije gestapa jula 1943. i streljan na Ovojcima sa grupom boraca.



Imena streljanih rodoljuba (detalj sa spomenika na Ovojcima)



Radojkina sudbina je posebno istaknuta u knjizi za djecu R. Papića "Priča o slavnom bataljonu" (1983.)

BRAĆA GOLO

Aleksandar (Šćepana) GOLO Aco (1921. Bačevići – 1941. Mostar) - AKTIVISTA

Učenik Gimnazije. Član SKOJ-a od 1940. Uhapšen za Ilindan od ustaša ljeta 1941. u Mostaru, odveden sa grupom mještana, među njima i Aleksandrovim ocem Šćepanom, i ubijen.

Novica (Mitra) GOLO (1921. Bačevići – 1945. Ivan-Sedlo) - BORAC

Zemljoradnik. U NOV i POJ stupio u oktobru 1941. u Mostarski (konjički) bataljon, gdje je bio do juna 1942. Septembra 1943. stupio u 2. bataljon 10. hercegovačke brigade. Član KPJ od 1944. Poginuo na Ivan-sedlu kao komandir čete tokom borbi 5-8. marta 1945.

Ranko (Šćepana) GOLO (1926.* Mostar – 1944. Vilenjaci) - BORAC

Prema Spomenici, rođen 1927.* u Mostaru. Učenik Trgovačke akademije. Član SKOJ-a od 1943. U NOV i POJ stupio početkom 1944. u 10. hercegovačku brigadu. Poginuo 9.11. 1944. na Vilenjaku kod Gacka kao borac 1. bataljona 14. hercegovačke brigade.



Anđelko (Ernesta) GOATTI Anđeo, Bosnić (1893.* Mostar – 1943. Ovojci) – AKTIVISTA, BORAC

Prema Spomenici, rođen 1901.* Mašinbravar. Član SRPJ(k) od 1. avgusta 1919, predratni komunist i robijaš. Više puta hapšen i zatvaran, u istražnim zatvorima proveo dvije godine, a na robiji osam godina. Pročelnik partijske ćelije, član i sekretar MK KPJ za Mostar i član CK SKOJ-a. U NOV i POJ stupio jula 1942. u Mostarski bataljon, a zatim radio kao rukovodilac radionica na

Kasim (Salke) GOLOŠ (1928. Blagaj – 1945. Ivan-Sedlo)
- BORAC

Trgovački pomoćnik. U NOV i POJ stupio 15. februara 1945. u 11. hercegovačku brigadu. Borac, poginuo u borbama za Ivan-sedlo.

Mustafa Mujo (Mahe) GOLOŠ (1922. Blagaj – 1945. Logatec) - BORAC

Obućar. U NOV i POJ stupio 15. februara 1945. u 2. bataljon 14. hercegovačke brigade. Poginuo u borbama za oslobođenje Logateca u Sloveniji 3. ili 4. maja 1945.

Mujo H. GOLOŠ (1921. Vranjevići – 1944. Gnjilo Brdo)

Ukoliko imate podatke o ovom palom borcu, molimo da se javite redakciji sajta partizansko.info.



Nenad Omer (Ahmeda) GOLUBIĆ (1921. Mostar – 1943. Sutjeska)

Pitomac "Gajretovog" konvikta, pohađao je Učiteljsku školu u Mostaru gdje se susreo sa idejama naprednog omladinskog pokreta. Posebno se isticao aktivnostima na sastancima literarne sekcije "Osman Đikić" i družine "Aleksa Šantić". Član SKOJ-a od 1939. i KPJ od 1941. Obilazeći mjesta oko Čapljine i Stoca u vezi poziva na ustanak, uhapšen u avgustu 1941. godine sa grupom skojevaca i sproveden u Mostar, ali pušten zbog nedostatka dokaza. U partizanskim jedinicama 1941/42. je na partijskom zadatku na terenu Ostrošca. U drugoj polovini 1942. odlazi u 3. Mostarski bataljon 10. hercegovačke NOU brigade, te učestvuje u borbama oko Prozora, Kupresa, Gornjeg Vakufa i drugih mjesta. Učesnik Bitke za ranjenike na Neretvi i Bitke na Sutjesci. Posebno se istakao u odbrani pravca Gacko-Pivski manastir u borbama sa zloglasnom SS "Princ Eugen" divizijom, i u nizu drugih bitaka. Poginuo na Krekovima kod Tjentišta 13. juna 1943. godine u toku Pete ofanzive. Opisan je kao "hrabri skojevac, dosljedni komunista i smioni partizanski borac" koji je "hrabro

poginuo". Prema jednom izvoru, Omer je nećak čuvenog revolucionera Mustafe Golubića.

Halil (Huse) GOSTO (1925.* Gnojnice – 1945. Ostrožac)
- BORAC

Prema Spomenici, rođen 1923.* Zemljoradnik. U NOV i POJ stupio 14. februara 1945. u 10. hercegovačku brigadu. Poginuo krajem februara 1945. u Ostrošcu kod Konjica.

Milan (Stevana) GOVEDARICA (1907.* Mostar* – 1941. Mostar) - AKTIVISTA

Prema Spomenici, rođen 1908.* u Dubljevićima kod Gacka*. Limar. Predratni član KPJ. Uhapšen 26. juna 1941. od ustaša u Mostaru i ubijen.



Salih Salko (Mehmeda) GOZO (1908. Mostar – 1941. Sarajevo) - AKTIVISTA

Bravar. Član KPJ od 1938, predratni aktivista i revolucionar. Više puta hapšen i zatvaran. Od 1940. radio u željezničkoj ložionici u Sarajevu.

Početak avgusta 1941. izlazi iz Sarajeva radi organizacije ustanka i postaje komandir Trebevičke ustaničke čete. Zarobljen od ustaša 11. avgusta 1941. u Hadžićima i streljan 2. septembra 1941. na Vracama u Sarajevu.



Mehmed (Ahmeta) GREBO Memišaga (1883. Mostar – 1944. Jasenovac) - AKTIVISTA

Trgovac, aktivista NOP-a. Uhapšen od ustaša novembra 1944. u Mostaru, odveden u logor Jasenovac i ubijen.



Osman Osa (Derviša) GREBO (1921.* Mostar – 1943. Sutjeska*) - BORAC

Prema Spomenici, rođen 1922.* Đak Gimnazije u Mostaru, igrač "Veleža", član SKOJ-a od 1938. i KPJ od 1941, u prvoj grupi dobrovoljaca iz Mostara

koja se zaputila u ustaničke jedinice u istočnoj Hercegovini. U Bataljonu od septembra 1941, omladinski rukovodilac čete. Poginuo od posljedica njemačkog bombardovanja kod Miljevine na Sutjesci 13. juna 1943. u sastavu 1. bataljona 10. hercegovačke brigade. Prema Spomenici, umro u Centralnoj bolnici jula 1943. u Bogovićima* na Romaniji. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

(konjički) bataljon. Omladinski rukovodilac čete. Poginuo na Sutjesci (po nekim izvorima na Pivi) početkom juna 1943. u sastavu 5. crnogorske brigade.



Saja Gušić, majka Avde Gušića kraj njegove spomen ploče, prilikom otvaranja Partizanskog spomen-groblja 25.9.1965. Uslikali za prilog tadašnji novinar "Slobode" Mišo Marić i fotograf Sena Dugalić.

H: Haćam - Husrefović


BRAĆA I SESTRA HAĆAM



Emina Mina (Hasana) HAĆAM (1918. Bratunac – 1943. Sutjeska)

Domaćica, živjela s porodicom u Mostaru od 1937. Član SKOJ-a od 1941. Kao ilegalka, sakupljala je sanitetski materijal i učestvovala u nizu akcija. Sa

Ahmedom Sefićem je za vrijeme sloma Kraljevine Jugoslavije iznijela oružje iz tvrđave u zapadnom logoru. Uhapšena sa grupom djevojaka kad su ih ustaše zatekle na sastanku u Barama. Uspjele su da pobjegnu iz zatvora gdje su tučene uz pomoć Marijana Pavelića, komuniste koji je radio u gradskoj policiji. U Bataljonu od početka 1942, bolničarka i učiteljica u mjestima u kojima je boravio Bataljon. Zarobljena za vrijeme četničkog puča, ali se uspjeli osloboditi. Poginula na Sutjesci tokom Pete ofanzive 1943. pokušavajući da pomogne ranjenom narodnom heroju Šefiku Obadu. Za nju je rečeno da je "djelovala nježno, ali taj prvi utisak



Slika 3 : Pazarić 1938.g. - SKAUTI (stoje od lijeva na desno) - VAHDA RAJKOVIĆ, DANILO MILIČEVIĆ, OSMAN OSA GREBO, RISTO "ČIČO" MILIČEVIĆ i t.d.

Skauti na željezničkoj stanici, Pazarić, 1938. U bijeloj košulji stoji u zadnjem redu Osman Osa Grebo. Arhiv K.D. Miletić.



Avdo (Alije) GUŠIĆ (1922. Mostar – 1943. Sutjeska) - BORAC

Zidar. Član SKOJ-a od 1941. U NOV i POJ stupio avgusta 1941. u ustaničke jedinice u istočnoj Hercegovini, a u septembru 1941. u Mostarski

je varao. Ona je bila hrabra, izdržljiva do neshvatljivosti.”




Mithad (Hasana) HAĆAM Aćim, narodni heroj (1917. Bratunac – 1942. Konjuh)

Geometar, završio geodeziju u Beogradu. Živio s porodicom od 1937. u Mostaru. Još kao učenik povezao se s revolucionarnom

omladinskim pokretom, a kasnije se aktivno uključio u akcije koje je organizovala KPJ, pa je 1940. primljen u članstvo. Nakon Aprilskog rata 1941. koji ga zatiče na odsluženju vojnog roka u Boki Kotorskoj, vraća se u Mostar. Odmah se povezuje sa partijskom organizacijom i aktivno učestvuje u pripremama za oružani ustanak. Jula 1941. godine odlazi u Sarajevo, a zatim stupa u ustaničke jedinice na Romaniji. U toku ljeta 1941. komandant bataljona u Romanijskom partizanskom odredu, a kasnije u 6. istočnobosanskoj brigadi. Učestvovao je u mnogim borbama na Romaniji, a naročito se istakao u borbi na Prutinama, kada je njegov bataljon odbio napad domobrana koji su nadirali iz Sarajeva prema Rogatici, kako bi omogućili izvlačenje posade iz Rogatice. Početkom decembra 1941. poslat je s grupom boraca na teren Foče i Miljevine. Na putu preko Jahorine, opkolilo ih je trideset četnika i pozvalo ih na predaju. Sa svojih pet drugova prihvatio borbu i s bombama u rukama odbili su četnike. Poginuo je 15. avgusta 1942. na Konjuh-planini, u jednom iznenadnom napadu ustaša iz Kladjna na 6. istočnobosansku brigadu. Mithad je među prvima otvorio vatru i uporno branio kotu na kojoj se nalazio, što je dozvolilo odstupnicu članovima Pokrajinskog komiteta Partije BiH. Proglašen je za narodnog heroja 21. decembra 1951. godine.



Bista narodnog heroja Mithada Haćama djelo je akademskog vajara Florijana Mičkovića (1985).




Nedžad (Hasana) HAĆAM (1920. Lukavac – 1942. Glavatičevo) - BORAC

Trgovački pomoćnik. Živio s porodicom u Mostaru od 1937. Član KPJ od 1941, u Bataljonu od septembra 1941. Poginuo u Glavatičevu kod Konjica juna 1942. za vrijeme četničkog puča, kao borac iz pratnje prilikom evakuacije intendature iz Glavtičeva na Jezero i Borke.

Ćamil M. HADŽAJLIĆ (1907. Mostar – 1943.* Ovojci*)

Prema podacima u brošuri “Partizanski spomenik u Mostaru” i JUSP Jasenovac, Ćamil se vodi kao žrtva koncentracionog logora Jasenovac* iz 1944. godine*.



Nusret (Mehmeda) HADŽIĆ Arif Ćiro (1916.* Mostar – 1945. Sarajevo*) – BORAC, ILEGALAC

Prema Spomenci, rođen 1915.* U Mostarskom bataljonu od 1941, ali je nakon četničkog puča odlučeno da se vrati za Mostar na ilegalni rad sa grupom drugih boraca. Uskoro odlazi u Sarajevo gdje je uhapšen od ustaša aprila 1945. i ubijen. Prema knjizi „Bošnjaci u jasenovačkom logoru“, ubijen je u Jasenovcu 1945.*

Rizah (Saliha) HADŽIMAHMUTOVIĆ (1920. Mostar – 1943. Kamena) – ILEGALAC, BORAC

Student, član SKOJ-a od 1940. i KPJ od 1942. U Bataljonu od jula 1943, poginuo kao borac Mostarskog omladinskog odreda na Kamenj kod Mostara jula 1943. godine.



Kemal (Ahmeda) HADŽIMAHOVIĆ (1922. Mostar – 1945. Ivan-Sedlo) - BORAC

Električar. U NOV i POJ stupio februara 1945. u 10. hercegovačku brigadu. Borac, poginuo 1945. na Ivan-sedlu.



Ibrahim (Alije) HADŽIMUSIĆ (1912. Mostar – 1943. Ostrožac) – AKTIVISTA, BORAC

Bravar, predratni aktivista radničkog pokreta, član KPJ od 1942, u Bataljonu od januara 1943. Poginuo na teritoriji Ostrošca tokom Četvrte neprijateljske ofanzive. Prema porodici, viđen je "kako ga mrtva nosi Neretva".

Ahmet* (Osmana) HADŽIOMEROVIĆ (1920. Mostar – 1943. Meka Gruda, Plana) - BORAC

Student Mašinskog fakulteta u Beogradu, član SKOJ-a od 1940. U Bataljonu od početka 1942. U vrijeme četničkog puča juna 1942. vraćen zbog iscrpljenosti sa Crnog polja u Mostar. Ponovo izašao u martu 1943. u Mostarski bataljon. Poginuo na Mekoj Grudi kod Bileće maja 1943. *Prema Spomenici, ime je Ahmed.



Emina (Mahmuta) HADŽIOMEROVIĆ Memica (1924. Mostar – 1945. Sarajevo) - AKTIVISTA

Student. Predratni član SKOJ-a. U toku rata odselila u Sarajevo. Uhapšena od ustaša januara 1945. u Sarajevu i ubijena aprila 1945.



Jusuf (Avde) HADŽIOMEROVIĆ Gapo (1914.* Mostar – 1943. Sutjeska) – AKTIVISTA, BORAC

Prema Spomenici, rođen 1912.* Mašinovođa, predratni aktivista radničkog pokreta, fudbaler "Veleža", član KPJ od 1942, u Bataljonu od januara 1943, borac, umro od tifusa na Sutjesci juna 1943.



Muhamed (Mahmuta) HADŽIOMEROVIĆ Sipa (1918.* Mostar – 1942. Dramiševo) – AKTIVISTA, BORAC

Prema Spomenici, rođen 1919.* Student, član SKOJ-a od 1938. i KPJ od 1941, fudbaler "Veleža". Jedan od "starijih" drugova koji su svake sedmice držali predavanja skojevcima na aktuelne teme". U Bataljonu od početka 1942. Streljan u Dramiševu kod Nevesinja 4. juna 1942. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.





Arif (Sabita) HADŽISELIMOVIĆ (1924. Mostar – 1945. Jasenice) - AKTIVISTA

Učenik Trgovačke akademije. Član SKOJ-a od 1941, sekretar Gradskog odbora USAOJ-a u Mostaru. Uhapšen

od ustaša u Mostaru oko 23.3.1944. i odveden u logor Jasenovac, a zatim u logor kod Linca u Austriji*, gdje je, nakon puštanja na slobodu, poginuo nesretnim slučajem. Sahranjen u Austriji na vojničkom groblju.

Nusret (Mustafe) HAJDAREVIĆ (1916. Mostar* – 1943. Sutjeska) - BORAC

Prema Spomenici, rođen u Ljubuškom*. Konobar, živio i radio u Mostaru. U NOV i POJ stupio maja 1942. u Mostarski (konjički) bataljon. Poginuo juna 1943. na Sutjesci.

Hasan (Ibre) HAJDO (1910.* Mostar – 1942. Blaca) - BORAC

Prema Spomenici, rođen 1908.*. Rudar u Rudniku mrkog uglja. Predratni aktivista radničkog pokreta, u Bataljonu od kraja 1941. Poginuo na Blacama kod Konjica juna 1942.



Hilmija Hilma (Alije) HAKALO (1920.* Mostar – 1943. Sutjeska)

Prema Spomenici, rođen 1919.*. Brijač, član SKOJ-a od 1940. i KPJ od 1942.

Učestvovao je u nizu akcija, poput akcije iznošenja municije i druge

opreme iz Sjevernog logora u Mostaru. U Bataljonu od oktobra 1941. Uhvaćen sa Ismetom Kresom 10. aprila 1942. nakon višečasovne borbe pod komandom Ante Zuanića s ustašama u opkoljenoj kući u Janjini kod Konjica. Iako izranjavani i svezani, Hilmija i Ismet su uspjeli da se otrgnu na Neretvi, skoče u vodu i pobjegnu. Hilmija je kao komandir voda poginuo na Sutjesci tokom Pete ofanzive (Krekovi kod Tjentišta) juna 1943.


Mujo (Halila) HASANBEGOVIĆ (1927. Prozor – 1945. Sarajevo) - AKTIVISTA

MUJO (HALILA) HASANBEGOVIĆ, rođen 1927. u Kopčićima kod Prozora. Radnik, živio i radio u Mostaru od 1939. Uhapšen od ustaša februara 1945. u Mostaru, odveden u Sarajevo i ubijen.




Muhamed (Omera) HOJLAŠ (1921. Mostar – 1942. Česim) - BORAC

Vozač, član SKOJ-a od 1941, u Bataljonu od septembra 1941. Poginuo u četiničkom puču na Ratkameni kod Konjica juna 1942.



Illegalna štamparija: Primjer biltena koji se štampao tokom rata u skrivenoj štampariji u kući Muštovića u Donjoj mahali.



Iz Zavičajnog muzeja u Mostaru: maketa kuće u kojoj je od 1940. do 1945. bila ilegalna partijska štamparija



Rudolf (Franje) HROZNIČEK Ruda
(1904. Mostar* – 1942. Jasenovac) -
AKTIVISTA

Prema Spomenici, rođen u Kladnju*. Sa porodicom u ranom djetinjstvu došao u Mostar. Tokar, metalac. Predratni komunista i revolucioner,


više puta hapšen i osuđivan. Član SKOJ-a od 1923. i KPJ od 1927, član MK KPJ za Mostar 1932, kao delagat partijske organizacije Mostara učestvovao na Trećoj pokrajinskoj konferenciji KPJ za BiH. Krajem 1932. od Suda za zaštitu države u Beogradu osuđen na dvije godine robije koju je izdržao u Sremskoj Mitrovici. Od 1938. član je POK KPJ za BiH, a od 1940. član Oblasnog komiteta KPJ za Hercegovinu Predstavljao mostarske komuniste na pokrajinskoj konferenciji KPJ ljeta 1938. Funkcioner "Veleža", predavač u Radničkom domu. Posljednji put uhapšen zbog štrajka u Rudniku nakon demonstracija organizovanih povodom godišnjice njemačkog napada na Poljsku 1. septembra 1940. i poslan na robiju u Lepoglavu. Po dolasku ustaša na vlast, prebacivan je u više logora: gospički, Jastrebarsko (avgusta 1941), Danicu kod Koprivnice, Jasenovac.

Početak 1942. dospio u Staru Gradišku, gdje je 26. marta 1942. počela likvidacija starih komunista, te je prva grupa osuđena na izgladnjivanje u Čeliji smrti. Hrozniček je pokušao da pošalje pismo van zatvora, ali je taj pokušaj propao, kao i pokušaj proboja sa grupom logoraša. Ostao je među devetero najslabijih. Pretukli su ga, polomili ruke i noge, i odredili za drugu grupu Čelije smrti 5. jula 1942. Zatvoren je u istu podrumsku ćeliju, samicu veličine 2,5 x 3 m, bez prozora, gdje je uskoro umro u najtežim mukama, bez hrane i vode. Prema „Spomenici Mostara 1941-1945.“, ubijen je 12. avgusta 1942.



Ruda Hrozniček, jedan od rukovodilaca radničkog pokreta u Mostaru

*Rudolf Hrozniček, omiljeni mostarski aktivista i mentor mlađim naraštajima. Mostarci su se sjećali odvođenja kamionima na robiju grupe vezanih komunista: „Već u godinama, izgladnio i neobrijan, sa zavežljajem u pomodrelim rukama, prošao je sa drugovima kroz grad pjevajući kao da je želio da oraspoloži i osmjeli okupljene skojevce u tom posljednjem susretu.“
Fotografija: "Sloboda".*



Rudolf Hrozniček, fotografisan u zatvoru 25. X 1941. godine, pola godine prije likvidacije.

Mujo I. HUBANA (1916.* Humilišani – 1942. Glavatičevo) - BORAC

Prema Spomenici, rođen 1914*. Rudar u Rudniku mrkog uglja. U Bataljonu od početka 1942, poginuo u četničkom puču u Bijeloj kod Konjica u noći 14/15. juna 1942.



Velija (Omera) HUJDUR (1912.* Mostar* – 1941. Lepoglava) - AKTIVISTA

Prema Spomenici, rođen 1913. u Medanićima kod Gacka*. Limar. Školovao se u Mostaru, gdje je živio s porodicom i radio u Fabrici duhana. Predratni član KPJ, sindikalni funkcioner, aktivista i funkcioner RŠK „Velež“. Nakon septembarskih demonstracija 1940. u Mostaru sklonio se u Sarajevo. Po povratku u Mostar januara 1941. uhapšen i odveden u logor Lepoglavu, predat ustašama aprila 1941. i jula iste godine odveden u logor Jasenovac, gdje je ubijen.



Spomen-ploča Veliji Hujduru u Fabrici duhana gdje je bio zaposlen: "Sa ovoga mjesta je u septembru 1940. god. pokušao da objavi generalni štrajk u gradu Mostaru VELIJA HUJDUR radnik ovoga kolektiva. Ovog neustrašivog borca vlastodrpici su osudili na robiju i poslije ubili. Neka svijetli podvig druga VELIJE služi za primjer kako se borila RADNIČKA KLASA vođena i

vaspitana KOMUNISTIČKOM PARTIJOM JUGOSLAVIJE. 2-VII-1951, Kolektiv Fabrike duhana Mostar."
Fotografija: arhiv porodice Serdarević.

Esad (Muhameda) HUMO (1925. Mostar – 1943. Dubrave) – ILEGALAC, BORAC



Prema Spomenici, rođen 1924.* Učenik Gimnazije. Član mjesnog komiteta SKOJ-a. U NOV i POJ stupio ljeta 1944. u 2. bataljon 13. hercegovačke brigade. Pomoćnik političkog komesara 1. čete 2. bataljona. Poginuo 8. februara 1945.* u Hodbini*. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Mustafa (Muhameda) HUMO (1910. Mostar – 1941. Lepoglava) - AKTIVISTA

Trgovac. Predratni član KPJ, revolucioner, funkcioner "Veleža". Više puta hapšen i osuđivan. 1. septembra 1940. uhapšen zbog štrajka u Rudniku nakon demonstracija organizovanih povodom godišnjice njemačkog napada na Poljsku. Odveden na robiju u Lepoglavu. Predat ustašama kad su došle na vlast aprila 1941. godine, i ubijen u Jasenovcu.



Mustafa Humo,
član uprave
"Veleža", kolaž slika
1937. i 1939.
godine. Isječak iz
grupne fotografije.

Alija M. HUSAGIĆ (1914. Blagaj – 1943. Kaluđer-Vode) - BORAC

Rođen u Blagaju 1914, poginuo u Kaluđer-Vodama 1943. godine. U Blagaju se nalazi spomen-ploča palim borcima na kojoj je i ime Alije Husagića.

Omer (Ahmeta) HUSIĆ (1924. Kružanj – 1945. Ilirska Bistrica) – BORAC

Zemljoradnik. U NOV i POJ stupio 14. februara 1945. u 2. bataljon 10. hercegovačke brigade. Poginuo 1945. godine u Sloveniji kod Ilirske Bistrice.

Alija (Ibre) HUSKOVIĆ (1924. Mostar – 1945.* Štajerska) - BORAC

Krojač, u Bataljonu od kraja 1941. U vrijeme četničkog puča juna 1942. zbog iscrpljenosti vraćen s Crnog polja, zarobljen od oružnika NDH u Bijelom polju kod Mostara, predat Italijanima. Interniran u logor Mamula, a odatle u logor Visco di Udine u Italiji. Nakon

kapitulacije Italije zatvorenici su pušteni, i mnogi su prešli slovenačku granicu da se pridruže partizanima. Od septembra 1943. bori se u slovenačkoj brigadi „Ljubo Šercer“. Prema Spomenici, poginuo na Bezeljskom u Sloveniji februara 1944.*

Mehmed Meho (Ibre) HUSKOVIĆ (1905. Mostar – 1943. Ovojci) – AKTIVISTA, BORAC

Obučar, živio i radio u Mostaru. Aktivista radničkog pokreta. U Bataljonu od početka 1942, učestvovao u borbama na prostoru Prozora, Kupresa, Livna i Bugojna. Borio se u Bici na Neretvi, preživio Petu ofanzivu na Sutjesci i sa grupom od 80 boraca vratio se u Mostar na oporavak. Uхваćen od Nijemaca u raciji u Mostaru jula 1943. Streljan na Ovojcima kod Mostara polovinom jula 1943.



Mustafa Mujo (Ibre) HUSKOVIĆ Karo (1917.* Mostar* – 1941. kod Nevesinja) - AKTIVISTA

Prema Spomenici, rođen 1913*. u Rotimlju kod Stoca*. Školovao se, radio i živio u Mostaru. Krojač, član KPJ od 1938, sekretar MK SKOJ-a za Mostar 1940. i član MK KPJ za Mostar. Funkcioner "Veleža". Prisutan na sastanku KP 31.7.1941. u kući Vukovića u Donjoj Mahali, prilikom kojeg je Zlatka Vuković bacila prvu bombu u Mostaru na ustaše. Mustafa i Mahmud Đikić su tom prilikom uspjeli pobjeći. Oblasni komitet KPJ ih je uskoro zatim poslao kao kurire u istočnu Hercegovinu da uspostave vezu sa ustanicima. Već na samom početku su obojica poginuli blizu Nevesinja zbog nesporazuma, jer su mještani vjerovali da su špijuni.

Nazif S. HUSKOVIĆ (1926. Mostar – 1943. Prozor)

Ukoliko imate podatke o ovom palom borcu, molimo da se javite redakciji sajta partizansko.info.

Mehmed Meho (Saliha) HUSNIĆ Lepina (1920. Mostar – 1943. Sutjeska) - BORAC

Đak Gimnazije, član SKOJ-a od 1938. i KPJ od 1941. Učesnik Skojevskog savjetovanja u Pršljanima kod Bugojna 1940. U Bataljonu od septembra 1941, politički delegat voda, poginuo na Sutjesci tokom Pete ofanzive juna 1943.

Murat (Ibre) HUSNIĆ (1920. Podveležje – 1944. Našice) - BORAC

Zemljoradnik. U NOV i POJ stupio septembra 1944. u Prateću četu 18. brigade 40. divizije. Poginuo 18. novembra 1944. kod Našica.



Šerif (Muharema) HUSREFOVIĆ Šipak (1921. Mostar – 1941. Gornji Milanovac)

Bravar, fudbaler "Veleža". Član SKOJ-a od 1939. i KPJ od 1940. Nakon septembarskih demonstracija 1940.

u Mostaru, da bi izbjegao hapšenje, otišao u Smederevsku Palanku, gdje se zaposlio. Stupio u 1. partizanski šumadijski odred 1941. Kao ranjenik zarobljen od četnika u Savincu kod Gornjeg Milanovca u Srbiji i odveden na Ravnu Goru, gdje je novembra 1941. ubijen.



Kolaž slika Šerifa Husrefovića, stoji. Odlomak iz grupnih fotografija.


1937. (stoji)

1938.

I: Ibrulj - Ivetić

Smajo (Mustafe) IBRULJ (1922.* Ljubuški – 1943. Ovojci) - BORAC

Prema Spomenici, rođen 1923.* Stolar, radio u Mostaru. Član SKOJ-a od 1941. U Bataljonu od jula 1943- Zarobljen na Kamennoj kod Mostara jula 1943. i streljan na Ovojcima kod Mostara.



Detalj sa spomen-ploče u Ovojcima sa imenima streljanih na toj lokaciji.

Gavrilo Gašo (Alekse) ILIĆ (1922. Mostar* – 1944. Pohorje) – AKTIVISTA

Prema Spomenici, rođen u Nevesinju*, električar u Rudniku mrkog uglja u Mostaru. Član SKOJ-a radničke omladine u Rudniku od 1938, i KPJ od 1940, sekretar aktiva SKOJ-a u Rudniku 1940, zatim sekretar mjesnog komiteta SKOJ-a za Mostar i sekretar Okružnog komiteta SKOJ-a za Mostar, te član MK KPJ za Mostar. Uhapšen od Italijana maja 1942. i odveden u logor Mamula, te kasnije prebačen u logor u Italiji Visco di Udine. Aktivan član partijske organizacije logora, čiji zadaci su bili organizovanje protestne akcije, pobune, štampanje materijala, a uspjeli su uspostaviti vezu sa KPI u Udinama i logoru za slovenačke borbe u blizini. Nakon kapitulacije Italije i puštanja iz zatvora, pridružio se slovenačkim partizanima u brigadi „Miko Bračić“. Djelovao je kao pomoćnik političkog komesara Brigade. Poginuo je na Pohorju 1944.




Franjo (Franje) INTIHAR (1909. Zagreb – 1943. Ausburg) - BORAC

Narednik vojske Kraljevine Jugoslavije, aviomehaničar, živio u Mostaru do kapitulacije Jugoslavije.

Aprila 1941. učestvovao je u evakuaciji jugoslovenskih funkcionera, prebjegao na Bliski istok, gdje je stupio u sastav RAF-a za Sredozemlje. Boravio u SAD-u na obuci 1942. (Fort Myers na Floridi i u Kaliforniji). Nakon obuke predsjednik Roosevelt je jugoslovenskim pilotima predstavio četiri bombardera. Pripadnik jugoslovenskog odreda u sastavu 15. američke vazdušne armije (Royal Airforce Yug 15 AF USAAT). Član posade teškog bombardera B-24 (serija 42-70389 br. 21), jednog od četiri koje je američko ratno vazduhoplovstvo dodijelilo jugoslovenskim pilotima. Poginuo kao član posade B-24 19. decembra 1943. iznad Augsburga u Njemačkoj. Mjesto pada nije nikad utvrđeno i tijela posade nisu nikad pronađena.



Franjo Intihar, treći s lijeva ispred bombardera. Izvor: Vazduhoplovni muzej u Beogradu.



Američki predsjednik Franklin D. Roosevelt na primopredaji bombardera jugoslovenskim pilotima nakon obuke. Rekao je: "Neka ovi avioni obave svoju misiju pod vašim rukovodstvom. Oni postoje iz dva razloga: prvo – da bombardujemo našeg zajedničkog neprijatelja, drugo – da svojim sunarodnicima dobavljate potreban materijal koji isuviše dugo iščekuju: hranu, medicinski materijal, oružje i municiju. Siguran sam da ćete biti uspješni u ovom zadatku kojeg ste se prihvatili. Ne zaboravite da ćemo uvijek biti braća po oružju".



Franjo Intihar u SAD-u na vojnoj obuci oko 1942. Izvor: Vazduhoplovni muzej Beograd, zbirka porodice Nevrt/Intihar.

Enes (Murata) ISIĆ Mali (1928. Mostar – 1945. Ivan-Sedlo) - AKTIVISTA

U porodici su ga od milja zvali Brato. Učio električarski zanat. Aktivista NOP-a. Uhapšen od ustaša februara 1945. u Mostaru, odveden u Sarajevo i ubijen.

Husein (Derve) ISIĆ Huso (1915. Gnojnice – 1945. Istra*) - BORAC

Zemljoradnik. U NOV i POJ stupio 14. februara 1945. u 2. bataljon 10. hercegovačke brigade. Poginuo 5. maja 1945. u borbi u selu Harije kod Ilirske Bistrice*.

Mehmed Meho (Selima) ISIĆ (1915.* Gnojnice – 1945. Istra*) - BORAC

Prema Spomencii, rođen 1914.* Zemljoradnik. U NOV i POJ stupio 14. februara 1945. u 2. bataljon 10. hercegovačke brigade. Borac, poginuo 5. maja 1945. u selu Harije kod Ilirske Bistrice*.

Omer (Omera) ISIĆ (1925.* Gnojnice – 1945. Istra) - BORAC

Prema Spomenici, rođen 1923.* Zemljoradnik. U NOV i POJ stupio 14. februara 1945. u 10. hercegovačku brigadu. Poginuo aprila 1945. godine na Ivan-sedlu*.



Salih (Rame) ISLAMOVIĆ (1910. Prozor – 1944. Bengazi)

Potporučnik vojske Kraljevine Jugoslavije, pilot (diplomirao 1930. godine), završio Vazduhoplovnu podoficirsku školu, pilotsku i lovačko-pilotsku školu. Živio do kapitulacije Jugoslavije u

Mostaru. Sa grupom zrakoplovaca NDH prebjegao 9. juna 1942. iz Rajlovca u Tursku, odakle se prebacio na Bliski istok gdje je primio dodatnu obuku u redovima

savezničke vojske. Borio se kao jugoslovenski pilot u redovima britanskog RAF-a do formiranja Vazduhoplovstva NOVJ, kada je prešao u Prvu eskadrilu NOVJ. Eskadrila je osnovana 22. aprila 1944. godine u Sjevernoj Africi i bila je dio 352. RAF eskadrile. Jugoslovenski piloti su vježbali na avionima tipa Harvard, a potom Hurricane MK II C. Poginuo nesrećnim slučajem za vrijeme vježbi 3. maja 1944. u Benini kod Bengazija u Libiji, sudarivši se u vazduhu iznad piste sa pilotom Aleksandrom N. Markovićem. Sahranjen na vojnom groblju u Bengaziju u Libiji na lokaciji 3, red A, grobno mjesto br. 16.



Britansko vojno groblje u Bengaziju na kojem je sahranjen i jugoslovenski pilot Salih

Islamović.

Danilo (Mirka) IVANIŠEVIĆ (1892. Lakiševine – 1944. Lakiševine) - AKTIVISTA

Zemljoradnik. Ubijen od ustaša 30. septembra 1944. u Lakiševinama kod Mostara.



Đorđo Đoka (Marka) IVANIŠEVIĆ (1885. Lakiševine – 1944. Lakiševine)

Zemljoradnik. Član Seoskog NOO-a za Lakiševine i Ortiješ od aprila 1944. Ubijen od ustaša 30. septembra 1944.

u Lakiševinama kod Mostara.

BRAT I SESTRA IVANIŠEVIĆ

Milan (Riste) IVANIŠEVIĆ Mića (1921. Nevesinje – 1943. Travnik) - BORAC

Radnik, živio i radio u Mostaru. Član SKOJ-a od 1941. i KPJ od 1942. U Bataljonu od decembra 1941, poginuo u Turbetu kod Travnika, prilikom napada na Komar i Goleš, januara 1943. Mlađi brat palog borca **Radojke Race Gnjatić-Ivanišević** (v. Gnjatić).

Spaso (Đorđa) IVANIŠEVIĆ (1921. Ortiješ – 1945. Blažuj) - BORAC

Zemljoradnik. Član SKOJ-a. U NOV i POJ stupio aprila 1944. u 3. bataljon 13. hercegovačke brigade. Jedno vrijeme desetar, a kasnije zamjenik komandira čete. Prema sačuvanoj dokumentaciji, završio podoficirski kurs sa dobrim uspjehom novembra 1944. Poginuo na borbenom putu od Ivan-sedla do Blažuja i Igmana 6. aprila 1945.



Milena (Vase) IVELJA (1928. Mostar – 1945. Umoljani) - BORAC

Prema Spomenici, rođena 1929*. u Bjelušinama u Mostaru. U NOV i POJ stupila u jesen 1944. u 15. godini, u 10. hercegovačku brigadu. Bolničarka, poginula od granate kod mjesta Trnova

marta 1945. Fotografija iz brošure "Partizanski spomenik u Mostaru" je pretpostavka.



Milan (Vase) IVETIĆ Longa (1909. Mostar – 1942. Bijela) - BORAC

Bačvar, predratni aktivista radničkog pokreta, igrač "Veleža". U Bataljonu od početka 1942. Poginuo prilikom četničkog puča u napadu na školu u

Bijeloj kod Konjica juna 1942.

J: Jakirović- Jusufović



Enisa (Abdualaha) JAKIROVIĆ Eneza (1929. Mostar – 1945. Sušak) - BORAC

U NOV i POJ stupila 14. februara 1945. u 3. bataljon 12. dalmatinske brigade. Poginula u borbama za oslobođenje

Istre, 27. aprila 1945. kod Vihora u Istri, prema porodici, dok je kao bolničarka pružala pomoć ranjeniku.

Hasan (Osmana) JAKIROVIĆ (1923. Mostar – 1944. Bivolje Brdo) - BORAC

Radnik u Rudniku mrkog uglja. U NOV i POJ stupio avgusta 1944. u 4. bataljon 13. hercegovačke brigade. Borac, poginuo 17.12.1944. u mjestu Vilenjak kod Nevesinja.

Ibro (Mehmeda) JAKIROVIĆ (1924. Vionica – 1945. Čapljina) - BORAC

Školovao se u Mostaru, radio u Rudniku mrkog uglja u Mostaru. U NOV i POJ stupio u jesen 1944. u 13. hercegovačku brigadu. Poginuo 1. februara 1945. kod Čapljine.

Safet D. JAKUPOVIĆ (1927. Mostar – 1943. Šurmanci)

Ukoliko imate podatke o ovom palom borcu, molimo da se javite redakciji sajta partizansko.info.

BRAĆA JANJALIJA



Đorđo (Dušana) JANJALIJA (1919. Mostar – 1943. Ovojci) - AKTIVISTA

Uhapšen od Nijemaca jula 1943. u Mostaru i streljan na Ovojcima kod Mostara.



Petar Pero (Dušana) JANJALIJA (1913. Mostar – 1943. Ovojci) - AKTIVISTA

Službenik. Aktivista NOP-a. Uhapšen od Nijemaca u raciji jula 1943. u Mostaru i streljan na Ovojcima kod Mostara.

Luka (Šćepana) JANJIĆ JASENČIĆ (1922.* Raška Gora – 1945. Trst*) – BORAC

Prema Spomenici, rođen 1921.* Zemljoradnik. U NOV i POJ stupio 10. februara 1945. u 2. dalmatinsku brigadu. Poginuo 26. aprila 1945. na otoku Cresu*.

Milka Mila (Sime) JANJIĆ (1924. Raška Gora – 1944. Kruševica) - AKTIVISTA

Domaćica. Član SKOJ-a od 1942. Ubijena od ustaša 25. decembra 1944. u Raškoj Gori.



Nadežda (Uroša) JANJIĆ Nada (1929. Mostar – 1945. Ivan-Sedlo) – BOLNIČARKA, BORAC

Učenica Građanske škole. Član SKOJ-a od 1942. U NOV i POJ stupila sepembra 1944. u 1. (mostarski) bataljon 13. hercegovačke brigade. Bolničarka 1.

bataljona, poginula u borbama na Ivan-sedlu 28.marta 1945.

Petar (Tode) JANJIĆ (1920. Bogodol – 1945. Otok Cres) - BORAC

Zemljoradnik. U NOV i POJ stupio 10. februara 1945. u 3. bataljon 2. dalmatinske brigade. Poginuo 20. aprila 1945. na otoku Cresu.

Simo (Milana) JANJIĆ (1924. Raška Gora – 1944. Podorašac) - BORAC

Zemljoradnik, član SKOJ-a od 1941, u Bataljonu od februara 1944. Mitraljenzac, poginuo na Gradu kod Konjica 13. marta 1944. godine. Tom prilikom Simina četa naletjela na drugu partizansku četu, zapucano je jer se u početku čete nisu međusobno prepoznale.

Stojan (Mihe) JANJIĆ BOROZANČIĆ (1921. Raška Gora – 1945. Ilirska Bistrica) - BORAC

Zemljoradnik. U NOV i POJ stupio 2. marta 1945. u 4. bataljon 10. hercegovačke brigade. Poginuo 5. maja 1945. u završnim operacijama Jugoslovenske armije kod Ilirske Bistrice u Sloveniji.

Đemila Ćamila A. JELIN-DELIĆ (1907. Mostar – 1944. Jasenovac) - SIMPATIZER

Domaćica, majka troje djece. Uhapšena zajedno s djecom i s njima sprovedena u logor Jasenovac jer se *“njezin muž Ahmed Jelen, domobranski glazbenik, odmetnuo u partizane”*. Svi su ubijeni.

Cvija (Joze) JERKIĆ Buba (1926. Žitomislići – 1944. Jasenovac) - ILEGALAC

Pohađala Žensku stručnu školu u Mostaru. Član SKOJ-a. Uhapšena od ustaša krajem 1944. kod Mostara na kurirskom zadatku. Odvedena u koncentracioni logor Jasenovac i ubijena.

Husein (Ahmeda) JERKOVIĆ Huso (1920. Mostar – 1945. Lađevac) - BORAC

Limar. U NOV i POJ stupio 15. februara 1945. u 12. dalmatinsku brigadu. Poginuo 20. aprila 1945. kod Sinja.

Jusuf (Ahmeda) JERKOVIĆ (1925. Mostar – 1943. Sutjeska) - BORAC

Bravar. Član SKOJ-a od 1941. U NOV i POJ stupio decembra 1941. u Mostarski (konjički) bataljon. Poginuo u Petoj neprijateljskoj ofanzivi na Sutjesci juna 1943.

Malina (Vojislava) JERKOVIĆ-DABIĆ (????)* Mostar – 1944* Jasenovac)

Prema JUSP Jasenovac, rođena 1908. * u Mostaru, ubijena u Jasenovcu 1945.* *Ukoliko imate dodatne podatke o ovom palom borcu, molimo da se javite redakciji sajta partizansko.info.*

Krsto (Mitra) JOKANOVIĆ (1925. Malo Polje – 1945. Ivan-Sedlo*) - BORAC


Zemljoradnik. U NOV i POJ stupio aprila 1944. u Odred "Savo Belović". Poginuo kao borac 3. bataljona 13. hercegovačke brigade 1. marta 1945. u Ostrošcu kod Konjica*.



Smajil (Ahmeta) JUGO (1919. Mostar – 1943. Ovojci) - BORAC

Stolar, jedno vrijeme radio u kinu "Uranijum" kao operater i tu i postao član SKOJ-a 1940. U Bataljonu od početka 1942. Poslije

V ofanzivu (bitke na Sutjesci) zajedno sa 80 drugih boraca vratio se u Mostar na oporavak, mijenjajući smještaj u mostarskim mahalama nekoliko puta. Uhapšen u raciji i streljan na Ovojcima jula 1943.



Lijevo: Teka Smajila Juge sa njegovim potpisom čuva se u porodici kao uspomena na njega. Dole: Spomenik streljanim borcima iz Mostara na Ovojcima, 1950te. Izvor: Spomenicinob.info.



Ekrem (Alije) JUSUFOVIĆ (1922. Mostar – 1942. Janjina) - BORAC

Pekar, član SKOJ-a od 1941. i KPJ od 1942, u Bataljonu od septembra 1941, desetar, poginuo u Janjini kod Konjica aprila 1942.

K: Kajan- Kuzman

Vejsil (Avde) KAJAN (1924. Blagaj – 1945. Konjic*) - BORAC

Zemljoradnik. U NOV i POJ stupio februara 1945. u 14. hercegovačku brigadu. Prema Spomenici, poginuo marta 1945. na Ivan–sedlu.

Branko (Milana) KAJGO (1924. Gubavica – 1944. Hurgud) - BORAC

Zemljoradnik. U NOV i POJ stupio aprila 1944. u odred „Savo Belović“. Borac 3. bataljona 13. brigade, poginuo 2. avgusta 1944. tokom trodnevnih borbi na Trusini i Hrgudu protiv legionara „vražjaka“.

Slavko (Lazara) KAJGO (1926. Hodbina – 1944. Rabina) - BORAC

Zemljoradnik. U NOV i POJ stupio 1. novembra 1944. u 4. bataljon 13. hercegovačke brigade. Poginuo 16. decembra 1944. u Rabini kod Nevesinja.



Džemal (Ahmeda) KAJTAZ (1912. Mostar – 1943.* Stara Gradiška*) – AKTIVISTA

Oženjen, otac troje djece. Željezničar (bravar) po zanimanju, igrač "Veleža", učesnik NOP-a. Član KPJ. Uhapšen od ustaša jula 1943. i odveden u logor Stara Gradiška, jer je "vršio komunističku promičbu, odpremao pojedine osobe partizanima i vršio sabotažu u željezničkoj

ložioni“. Deportovan u logor Jasenovac, gdje je, prema Spomenici, ubijen 18. januara 1944.*

Čedomir Čedo (Riste) KALEM (1921. Mostar* – 1945. Konjic) - BORAC

Prema Spomenici, rođen u Ravnima* kod Mostara. Zemljoradnik. U NOV i POJ stupio 14. februara 1945. u 3. bataljon 13. hercegovačke brigade. Poginuo marta 1945. kod Konjica.

Konstantin (Vase) KALIČIN Kosta (1908. Mostar – 1941. Mostar) - AKTIVISTA

Stolar, fudbaler “Veleža” i član tamburaške sekcije RKUD “Abrašević” iz Mostara. Predratni član KPJ. Uhapšen od ustaša u Mostaru 22. jula 1941. i ubijen u logoru Jadovno početkom avgusta 1941.

Risto (Spasoja) KANDIĆ (1903. Prigrađani – 1942. Bijela)

Zemljoradnik. U NOV i POJ stupio početkom 1942. u Mostarski (konjički) bataljon. Zarobljen kao kurir od oružnika NDH maja 1942. i ubijen u Bijeloj kod Mostara.



Husnija (Šaćira) KANJE (1921. Mostar – 1942. Janjina) - BORAC

Zemljoradnik (baštovan), član SKOJ-a od 1941, u Bataljonu od februara 1942. Poginuo u okršaju u Janjini kod Konjica aprila 1942. u desetini Ante Zuanića.



Mustafa (Muhameda) KANJE (1910. Mostar – 1942. Janjina) – AKTIVISTA, BORAC

Vozač, predratni aktivista radničkog pokreta. U Bataljonu od početka 1942, poginuo u okršaju u Janjini kod Konjica aprila 1942. u desetini Ante Zuanića.



Salih (Šaćira) KANJE (1916.* Mostar – 1943. Dahau) - AKTIVISTA

Prema Spomenici, rođen 1919.* Limar. Član SKOJ-a od 1941. Uhapšen od Nijemaca krajem 1943, interniran u logor u Njemačku gdje je i ubijen.

BRAĆA KAPIĆ

Ethem (Smaila) KAPIĆ (1900. Mostar – 1943. Žuglići) - AKTIVISTA

Mašinovođa. Aktivista NOP-a. Poginuo 1943. u Žuglićima kod Konjica kao željezničar prilikom nailaska voza na minu.

Mehmed Meho (Smaila) KAPIĆ (???? ???? – ????)
????)* - AKTIVISTA, ILEGALAC

Prema Spomenici, rođen 1903. u Mostaru. Mašinovođa. “Veležov” fudbaler. Umro 8. aprila 1944. u bolnici u Mostaru od posljedica ranjavanja.

Ahmet M. KARA (1922. Gubavica – 1945. Vilenjaci)

Ukoliko imate podatke o ovom palom borcu, molimo da se javite redakciji sajta partizansko.info.

Ibro (Muje) KARA (1927. Gubavica – 1944. Jasen) - BORAC

Zemljoradnik. U NOV i POJ stupio 15. novembra 1944. u 2. bataljon 13. hercegovačke brigade. Poginuo 15. decembra 1944. na Oštroj gomili, Jasena, kod Nevesinja.



Zdenka (Mirka) KARAČIĆ (1927. Mostar – 1945. Ivan-Sedlo) – BOLNIČARKA, BORAC

Učenica Trgovačke akademije. U NOV i POJ stupila u jesen 1944. godine. Bolničarka 2. bataljona 13. hercegovačke brigade. Poginula

8.marta 1945. na Ivan-Sedlu pokušavajući da pomogne ranjenim borcima Emiru Pašiću i puškomitraljescu Tomi Krajišniku. Pored Zdenke, na istom poprištu poginule su još dvije bolničarke: Ljubica Remetić iz sela Biograda kod Nevesinja, referent saniteta Četvrtog bataljona i Emina Merdan iz Počitelja, bolničarka Drugog bataljona. Simbolika tih pogibija je dugo odzvanjala u bataljonu i nakon rata, kao “simbol krvlju zapečaćenog bratstva i jedinstva naša tri naroda”.

Izeta (Osmana) KARADŽA (1927.* Mostar – 1945. Bihać) – BOLNIČARKA, BORAC

Prema Spomenici, rođena 1925*. Domaćica. Član SKOJ-a. U NOV i POJ stupila februara 1945. u 11. dalmatinsku brigadu. Poginula 22. marta 1945. kod Bihaća.



Zdenka Karačić na naslovnici knjige Mensura Seferovića “Rascvjeti bratstva”. Na slicu su i Emina Merdžan (gore) i Ljubica Remetić (desno).

Božidar Božo (Todora) KARAN (1910. Mostar – 1941. Mostar) - AKTIVISTA

Bravar, funkcioner “Veleža”. Član KPJ od 1937. Uhapšen od ustaša jula 1941. i ubijen.

Branko (Božidara) KARAN (1923. Mostar – 1941. Mostar) - AKTIVISTA

Đak osmog razreda Gimnazije u Mostaru. Uhapšen od ustaša 22. jula 1941, sproveden u Gospić, i ubijen u logoru Jadovno. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

Hašmeta M. KARIĆ Melća (1927. Mostar – 1945. Otok Krk) – BOLNIČARKA, BORAC

Domaćica. U NOV i POJ stupila 14. februara 1945. u 1. bataljon 1. dalmatinske brigade, bolničarka. Poginula aprila 1945. na otoku Krku.

Mehmed M. KARIĆ (1920. Mostar – 1945. Zavidovići)

Ukoliko imate podatke o ovom palom borcu, molimo da se javite redakciji sajta partizansko.info.



Mileva (Ilije) KARIŠIK (1926. Vareš – 1944. Mostar) – BOLNIČARKA, BORAC

Domaćica, član SKOJ-a od 1943, u Bataljonu od septembra 1941, bolničarka. U Bataljon je stupila kao 15-godišnjakinja, zajedno sa roditeljima Ilijom i Jelkom. Nakon četničkog puča juna 1942, po odluci

Štaba Bataljona sve troje su vraćeni na Ziemlje. Mileva je poginula kao kurir u Mostaru prilikom savezničkog bombardovanja januara 1944. Opisana je kao „prva srednjoškolka iz sela naših bjelopoljskih. Rat je jedino šumarevo dijete zatekao kao đaka mostarske „preparandije“... sa roditeljima skupa je u partizane otišla ta još stasom nedorasla, ali idejom o otporu i oslobodilačkoj borbi zadojena djevojka ... Nije ni znala

da je hodeći gorama našim stazama partizanskom od neprijateljske ruke zapaljena gorila kuća roditeljska u Barama bjelopoljskim. Došla je na zgarište doma spaljenog i napustila ognjište razoreno, još kivnija na neprijatelja koji ju je vječno progonio“.



Spomen-ploča đacima nekadašnje trgovačke akademije u Mostaru (kasnije ekonomske škole). Na ploči je i ime Mileve Karišik. Foto: spomenicinob.

Asim (Omera) KASUMAČIĆ (1924. Mostar – 1945. Bihać) - BORAC

Limar. Član SKOJ-a. U NOV i POJ stupio u proljeće 1943. u Mostarski omladinski odred, odakle je zbog bolesti vraćen u Mostar. Ubijen aprila 1944. kod Bihaća pri pokušaju izlaska na slobodnu teritoriju.

Hajrudin (Saliha) KATICA (1921. Mostar – 1941. Gospić) - AKTIVISTA

Bravar. Aktivista radničkog pokreta. Uhapšen od ustaša ljeta 1941. u Mostaru, odveden u Gospić i ubijen.



Hilmiya (Alije) KATICA Dupli (1926.* Mostar – 1944. Grušća) - BORAC

Prema Spomenici, rođen 1927.* Đak. Prema porodici, dobio nadimak Dupli jer je bio razvijen za svoje godine. Član SKOJ-a od 1942. U NOV i POJ stupio avgusta 1943. u Mostarski bataljon. Poginuo u Grušći kod Konjica 27/28. aprila 1944. za vrijeme Sedme neprijateljske ofanzive u konjičkom kraju.



Spomenica i orden zasluga za narod Hilmije Katice. Izvor: porodični arhiv.

Ibro M. KAZAZIĆ (1913. Mostar – 1943. Ovojci) - BORAC

Radnik, u Bataljonu od početka 1942. Nakon Dramiševa, vratio se u Mostar, gdje je uhapšen i potom streljan na Ovojcima kod Mostara 1943.

Muhamed (Šaćira) KAZAZIĆ (1916. Nevesinje – 1942. Parma) - AKTIVISTA

Pekar, živio i radio u Mostaru. Aktivista NOP-a. Uhapšen od Italijana januara 1942. u Mostaru, odveden u Šibenik, gdje je maja 1942. osuđen na pet godina zatvora. Kaznu izdržavao u Parmi u Italiji, gdje je umro.

Osman O. KAZAZIĆ (???? Mostar – ????)

Ukoliko imate podatke o ovom palom borcu, molimo da se javite redakciji sajta partizansko.info.

Osman (Saliha) KAZAZIĆ Nafik (1921. Mostar – 1943. Ovojci) – AKTIVISTA, BORAC

Krojač. Član SKOJ-a od 1941. U NOV i POJ stupio u proljeće 1943. u Mostarski omladinski odred, a jula iste godine u Mostarski bataljon. Zarobljen od Nijemaca na Kamenj kod Mostara 4. jula 1943. i streljan na Ovojcima.



Spomenik i spomen-ploča streljanim borcima na Ovojcima. Izvor: Spomenicinob.info.

Muhamed (Hasana) KEBO Hama (1920. Mostar – 1945. Kiseljak) – AKTIVISTA, BORAC

Studirao Višu šerijatsku (sudačku) školu u Sarajevu, a zatim filozofski fakultet u Zagrebu. Član KPJ od 1940. Uhapšen od Italijana juna 1942. u Dubravama kod Stoca i odveden u logor Mamula, a zatim u Italiju, odakle je pušten iz logora nakon kapitulacije Italije 1943. U NOV i POJ stupio u jesen 1943. u Odred „Marko Mihić“, zamjenik političkog komesara Odreda. Poginuo 6. aprila 1945. u završnim operacijama kod Kiseljaka kao komesar 3. bataljona 14. hercegovačke brigade.



Sa sahrane Muhameda - Hama Kebe. Kreševo, 9. april 1945.

Sa sahrane Muhameda Kebe 9. aprila 1945. godine

Omer (Bećira) KLJAKO (1912.* Nevesinje – 1942. Konjic) - BORAC

Prema Spomenici, rođen 1911.* Radio u Rudniku mrkog uglja u Mostaru. U Bataljonu od kraja 1941, poginuo na Zaboranima kod Nevesinja juna 1942.

NAPOMENA: Tomo (Nikole) Kljujić, rođen u Metkoviću, radnik, neoženjen. Jedan od petorice talaca obješenih u Mostaru 19. novembra 1943. Uhapšen od Nijemaca zbog presječene telefonske linije u Mostaru, i obješen 19. novembra 1943, zajedno sa Božom Skočajićem, Darinkom Bitanga, Ekremom Ćurićem i Mujom Selimhodžićem Babićem. Kao trajno sjećanje na njih podignut je spomenik kod Doma zdravlja, te spomen ploča na mjestu gdje su obješeni. Umjesto njegovog imena kao petog taoca ponekad navode Antu Ajduka, što je netačno. Tomo nije bio uvršten u pale borbe u Spomenici te je naveden kao žrtva fašizma. Vjerovatno nije nikad imao spomen-ploču na Partizanskom spomen-groblju u Mostaru. Ipak njegova žrtva nije zaboravljena.



Obješeni taoci novembra 1943. u Mostaru: Ekrem Ćurić, Mustafa Mujo Selimhodžić Babić, Darinka Bitanga, Božo Skočajić i Tomo Kljujić.

Anđa (Joze) KNEŽEVIĆ (1911.* Prozor – 1944. Jasenovac) - ILEGALKA

Prema Spomenici, rođena 1910.* u Prozoru. Radnica Tvornice platna u Mostaru. Predratni član KPJ. Prikupljala narodnu pomoć (zavoje, hranu i oružje).

Prema Spomenici, uhapšena oktobra 1944. u Mostaru, odvedena u logor Jasenovac i ubijena.



Učesnicima NOB-a od 1941. nakon rata je dodijeljivan Orden "Spomenice".

BRAĆA KNEŽIĆ



Drago (Dušana) KNEŽIĆ (1922. Mostar – 1942. Viduša) - BORAC

Đak Gimnazije, sin poznatog mostarskog fotografa Dušana Knežića. Član SKOJ-a od 1940. i KPJ od 1941, aktivan u školi, kvartu i Stegu skauta.

Obavljao kurirske zadatke. U Bataljonu od septembra 1941, omladinski rukovodilac čete, poginuo u borbi u selu Doli kod Bileće 15. novembra 1942. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Luka (Dušana) KNEŽIĆ (1912.* Mostar – 1943. Šćit) – AKTIVISTA, BORAC


Prema Spomenici, rođen 1913.*, sin poznatog mostarskog fotografa Dušana Knežića. Profesionalni fotograf, predratni aktivista radničkog pokreta. Uhapšen i

otpremljen u Lepoglavu zbog protestnog generalnog štrajka izazvanog zatvaranjem Radničkog doma u

Mostaru i zabrane aktivnosti "Veleža", međutim, pušten na intervenciju uglednih građana decembra 1940. Član KPJ od 1941, u Bataljonu od avgusta 1941. sa prvom grupom boraca, ekonom čete. Borac X hercegovačke brigade. Oktobra 1942. godine upućen u Bihać u Vrhovni štab. Poginuo u Šćitu kod Prozora marta 1943. Poznato je da je Luka napravio niz fotografija Mostarskog bataljona ("sačuvano je desetak iz 1942. godine"), ali njegov fond nije bio identifikovan do kraja.



Dušan Knežić, otac palih boraca Drage i Luke Knežića, bio je poznati mostarski fotograf. Gore: Autoportret s kojim je osvojio prvo mjesto na konkursu u Briselu 1913. g. Izvor: CIDOM.



Fotografska radnja Dušana Knežića i ortaka Vlajze Cezara.



Braća Knežić nisu zaboravljena, te se u porodici još njeguje sjećanje na njih. Kraj njihovih uništenih spomen-ploča ostavljene su poruke 2024. godine.

Slavko (Riste) KNEŽIĆ (1921.* Hodbina – 1945. Ivan-sedlo) - BORAC

Prema Spomenici, rođen 1920.* u Hodbini. Zemljoradnik. Član SKOJ-a od 1942. i KPJ od 1943. u NOV i POJ stupio oktobra 1943. u 10. hercegovačku brigadu. Poginuo marta 1945. na Ivan-sedlu kao komesar čete 11. hercegovačke brigade

Rizvo (Ibre) KOLIČIĆ (1924. Kokorina – 1945. Ivan-Sedlo) - BORAC

Zemljoradnik. U NOV i POJ stupio 14. februara 1945. u 13. hercegovačku brigadu. Podlegao zadobijenim ranama 3. 4. 1945. u Vojnoj bolnici u Mostaru.

Jašar Pašo (Mustafe) KOLUDER (1902. Mostar – 1945. Sarajevo) - AKTIVISTA

Obućar. Aktivista NOP-a. Uhapšen 12. februara 1945. sa grupom drugih Mostaraca i otpremljen u Sarajevo gdje je pogubljen krajem marta. Likvidiran u ustaškoj

odmazdi neposredno pred njihovo povlačenje iz Sarajeva, nedugo prije oslobođenja glavnog grada. Njegovo ime je objavljeno pod rednim brojem 4 na oglasu/obavijesti Maksa Luburića o kazni „strijeljanjem“.



Hana (Selima) KOLUKČIJA (1923. Mostar – 1942. Stara Gradiška) – AKTIVISTA, ILEGALAC, ŠPIJUNKA, BORAC

Đak Gimnazije, član SKOJ-a od 1941. Do odlaska u Bataljon, radila kao


aktivistkinja NOP i ilegalac u Mostaru. Po zadatku se infiltrirala u ustašku organizaciju, te se bavila špijunskim radom. Preko nje su u SKOJ-u saznali i “o postojanju ilegalne ustaške organizacije ‘Crna ruka’...Hana (...) je obavještavala i o predviđenim pretresima kuća i o racijama, o hapšenju nekih drugova, o smjeni jedinica”. Kada joj je zaprijetila opasnost da bude uhapšena zbog provale, stupila je u Bataljon jula 1942. Zarobljena u Gračanici kod Bugojna avgusta 1942. Ubijena u logoru Stara Gradiška 1942. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



“Prieki sud” Maksa Luburića je 5-10. marta 1945. presudama UKP. Broj 1/45 i UKP broj 2/45, osudio na smrt na desetine ljudi u Sarajevu, među njima i brojne Mostarce koji su prilikom povlačenja ustaša iz Mostara, odvedeni iz svojih kuća dan ili dva prije oslobođenja Mostara 14. februara 1945, ne dočekavši slobodu.

Muhamed Šefkija (Mujage) KOMADINA (1907. Mostar – 1943. Ovojci) - BORAC

Stomatolog, najmlađi, šesti sin mostarskog gradonačelnika Mujage Komadine. U Bataljonu od marta 1943. Zarobljen od Nijemaca u proboju sa Sutjeske, kod Nevesinja, i streljan na Ovojcima kod Mostara jula 1943.



Mujaga Komadina, nekadašnji gradonačelnik Mostara, otac Šefkije Komadine.

Marko (Stojana) KOMADINA (1917. Cim – 1945. Klačerovina) - BORAC

Bravar u Rudniku mrkog uglja. U NOV i POJ stupio 14. februara 1945. u 1. bataljon 6. dalmatinske brigade. Poginuo 15. aprila 1945. na Klačerovini u Lici.

Mihajlo (Emila) KON Mišo (1924. Mostar – 1945. kod Bihaća) – AKTIVISTA, BORAC

Sin Marije Bergman, filologinje, nećak palih boraca dr. Berte Bergman i Alfreda Bergmana, rođak palog borca Radojke Krčmar. Živio i školovao se u Sarajevu. Učenik Gimnazije u Mostaru, član SKOJ-a i KPJ. Iz Sarajeva izbjegao u Mostar 1941, i prebjegao u Dubrovnik, odakle je interniran od Italijana novembra 1942. u logor u Kugarima, a juna 1943. odveden u logor na Rabu. Nakon kapitulacije Italije i po oslobođenju iz logora stupio 9. novembra 1943. u NOV u 1. banijsku brigadu. Borac u Jevrejskom rapskom bataljonu. Komesar čete u bataljonu "Vasilije Gaćeša"; komesar bataljona 3. brigade VII banijske divizije. Poginuo kao major 25. marta 1945. kod sela Vrsta (Bihać).



Nikola Mirko (Pere) KONJEVOD Škavo (1924. Mostar – 1943. Ovojci) - BORAC

Radnik, fudbaler "Veleža", član SKOJ-a od 1941, u odredu od jula 1943. Zarobljen na Kamenj kod Mostara jula 1943. i streljan na Ovojcima kod Mostara. Ostao je upamćen kao „čvrst i jak momak“, koji je u zatvoru pokušao zaštititi ranjenog druga preuzevši odgovornost za pokušaj bijega i primivši batine umjesto njega. Mirkova majka Bosiljka-Bosa Konjevod je bila uhapšena i odvedena u logor Stara Gradiška, jer joj je „sin postao partizan“.



Branko (Vladimira) KOSJERINA (1907. Trebinje – 1942. Česim) – AKTIVISTA, BORAC

Službenik. Otac Vladimir je bio trgovac i imao je više radnji u Mostaru i Trebinju, a jedno vrijeme Branko je kod njega vodio knjige. Pored

Mostara, radio je u Brezi, Trebinju i Nikšiću. Predratni aktivista radničkog pokreta. U Bataljonu od početka 1942, poginuo u Dramiševu kod Nevesinja juna 1942.



Dušan (Simeona) KOSTADINOVIĆ (1908. Mostar – 1942. Lipete) – AKTIVISTA, BORAC

Bravar, radio kao aviomehaničar na mostarskom aerodromu. Član KPJ od 1938, u Bataljonu od ljeta 1941, u odredu „Bišina“. Politički radnik, a početkom 1942. zamjenik komesara čete, poginuo u Kuli kod Konjica juna 1942.

Hasan Sabrija (Osmana) KOTLICA (1921. Mostar – 1942. Pale) – AKTIVISTA, BORAC

Rudar Rudnika mrkog uglja. Član SKOJ-a od 1939. i KPJ od 1940. Nakon septembarskih demonstracija 1940. u Mostaru otišao u Zenicu. U NOV i POJ stupio septembra

1941. u Romanijski NOP odred, politički komesar čete. Poginuo aprila 1942. na Romaniji.



Borivoje (Riste) KOVAČEVIĆ
Boro (1924. Mostar – 1941. Mostar)
– AKTIVISTA

Đak iz kvarta Donja mahala. Član SKOJ-a od 1941. Uhapšen kod kuće prilikom masovnih ustaških hapšenja mostarskih Srba 1. avgusta 1941. sa ocem Ristom (1889-1941), državnim majstorom, nosiocem Albanske spomenice. Nakon nekoliko dana provedenih u zatvoru u školi Kraljice Marije, pretvorenu u sabirni logor (gdje su mnoge tukli i držali po vrućini bez hrane i vode), Boro i Risto su sa brojnim zatvorenicima sprovedeni u Jablanicu, a 8. avgusta 1941. prebačeni u logor Jadovno kod Gospića, gdje su uskoro ubijeni. Prema komentaru Borinog brata Petra na sajtu Jadovno, komšinica Zorka Radovanović, koja je „preživjela strahote logora u Jadovnu po povratku iz logora kazivala je mojoj majci kako je vidjela da tata namješta sinu Bori rukav na mjestu gdje su ga vezali žicom prije odvođenja na gubilišta u jame na Velebitu.“ Borina fotografija iz brošure “Partizanski spomenik u Mostaru” je pretpostavka.

Jefto (Luke) KOVAČEVIĆ (1894.* Nevesinje – 1942. Nevesinje) – AKTIVISTA, BORAC

Prema Spomenici, rođen 1898.* u Kolečku kod Nevesinja. Rudar Rudnika mrkog uglja u Mostaru. Predratni član KPJ, zamjenik nosioca liste Stranke radnog naroda na parlamentarnim izborima 1938. Kao politički radnik odlazi jula 1941. na područje Nevesinja, član Sreskog komiteta KPJ za Nevesinje od 1941. Teško ranjen na Borču aprila 1942. i sklonjen na područje Treskavice. Uhvaćen od četnika juna 1942, odveden u četnički zatvor Rasadnik kod Nevesinja i ubijen oktobra 1942. u Kifinu Selu.

Mirko (Jefto) KOVAČEVIĆ (1928. Mostar – 1944. Nevesinje) – AKTIVISTA, BORAC

Učenik Građanske škole. Član SKOJ-a od 1942. U NOV i POJ stupio ljeta 1944. u 2. bataljon 14. hercegovačke brigade. Borac, poginuo u borbi protiv njemačkih jedinica u Bišini kod Bukorića (Nevesinje), 31. oktobra 1944.

Miroslava (Riste) KOVAČEVIĆ Mira (1920.* Mostar – 1944. Aleksandrovac) - AKTIVISTA

Prema Spomenici, rođena 1919.* Sa porodicom ljeta 1941. izbjegla u Kruševac. Kao učiteljica službovala u Donjem Stupnju, Dašnici i Ljubincima u Srbiji. Aktivista NOP-a, više puta hapšena. Ubijena od četnika početkom februara 1945. u Ljubincima kod Aleksandrovcva.

Radoslav (Mate) KOVAČEVIĆ Rako (1919.* Nevesinje – 1941. Svilajnac) - AKTIVISTA, BORAC

Prema Spomenici, rođen 1920. u Zovom Dolu kod Nevesinja. Krojač, živio i radio u Mostaru. Aktivista radničkog pokreta. U ljeto 1941. izbjegao u Srbiju. Stupio avgusta 1941. u Resavsku partizansku četvu 2. šumadijskog odreda. Poginuo 22. oktobra 1941. na Vitežačkoj kosi kod Svilajнца.




Velimir Veljko (Petra) KOVAČEVIĆ
(1919. Lukavac – 1941. Mostar) -
AKTIVISTA

Od ranog djetinjstva živio i školovao se u Mostaru, učitelj, pjesnik. Predratni član SKOJ-a. Njegove revolucionarne pjesme, pisane uoči rata, čitane su na sastancima mostarskih skojevaca 1941. Uhapšen od ustaša 2. avgusta 1941. u Mostaru i ubijen. U istim progonima ubijen je i njegov otac Petar.

«... Zemljo buduće sreće,
kad primiš kaplje moje krvi,
ne žalim, vjeruj, što ću biti prvi
tvoj sin umrli
za novi osmijeh preoranih polja».

(Velimir Kovačević, ubijen od ustaša ljeta 1941.)

Gore: Poznati stihovi Velimira Kovačevića.



Velimir Kovačević, učitelj i pjesnik, sa drugom, kasnije slikarom konzervatorom i pjesnikom, Svetislavom Mandićem (1921-2003), izdao je uz podršku mostarskih skojevaca popularnu zbirku pjesama "Dvojica" 1940. godine.



Radojka (Stjepana) KRČMAR (1925. Varaždin – 1943. Kočevje) –
AKTIVISTA, BORAC

Živjela sa porodicom u Mostaru, učenica Gimnazije. Nećakinja palog borca dr Berte Bergman, revolucionera Alfreda Bergmana i

rodica palog borca Mihajla Kona. Član SKOJ-a od 1940, sekretar jezgra SKOJ-a. U NOV i POJ stupila marta 1942. u istočnu Hercegovinu, a poslije četničkog puča sklonila se u Mostar. Uhapšena od Italijana sa grupom omladinki 1943. godine i otpremljena u logor u Prevlaku, a zatim u italijanski koncentracioni logor Visco di Udine. Nakon kapitulacije fašističke Italije septembra 1943. zatvorenici su pušteni. Jedna grupa Hercegovaca, sa njima i Radojka, prešla je slovenačku granicu i stupila u slovenačku brigadu "Ljubo Šercer". Poginula je 20. decembra 1943. kod Kočevja u Sloveniji. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Bosa I. KRČUM (1907. Mostar – 1943. Svilajnac) - ILEGALKA

Prema porodičnom predanju "nosila je papire u Sarajevo da pokuša spasiti neke zarobljenike". U porodici se vjeruje da su je ubili Nijemci. *Ukoliko*

imate podatke o ovom palom borcu, molimo da se javite redakciji sajta partizansko.info.

Ahmet H. KRESO Hilmija (1900. Mostar – 1945. Zagreb) - AKTIVISTA

Stolar, predratni funkcioner "Veleža". Aktivista NOP-a. Uhapšen novembra 1944. od ustaša u Mostaru i odveden u zatvor u Zagreb, gdje je 1945. ubijen.

Hasan (Hamida) KRESO (1903.* Mostar – 1941. Lepoglava*)

Prema Spomenici, rođen 1905.* Obučar. Član KPJ od 1939. Uhapšen početkom septembra 1940. godine zbog protestnog generalnog štrajka u Mostaru, izazvanog zabranom aktivnosti "Veleža" kao stjecišta naprednih ideja. Sproveden u Lepoglavu. Po dolasku ustaša na vlast aprila 1941. predat njima, te 28. jula 1941. prebačen u logor Jasenovac*, gdje je, prema Spomenici ubijen.

Hatidža (Mustafe) KRESO Tidža (1924. Mostar – 1945. Bihać) – ILEGALKA, BORAC

Domaćica. Od aprila 1941. godine u Međuškolskom aktivu SKOJ-a. Kao ilegalka, bavila se prikupljanjem i sklapanjem oružja i municije, i jedno vrijeme je skrivala ilegalku Tanju Peško. U NOV i POJ stupila 14. februara 1945. u 11. dalmatinsku brigadu. Poginula pred kraj rata u borbama kod Bihaća.

Ismet (Avdije) KRESO Piha (1917. Mostar – 1944. Krstac) - BORAC


Službenik, član KPJ od 1940, u Bataljonu od septembra 1941. Komesar Konjičkog bataljona u Mostarskom odred, a od maja 1944. u 17. krajiškoj brigadi. Preživjeli učesnik bitke na Janjini 10. aprila 1942. gdje je, sa izuzetkom Ismeta i Hilmije Hakala, izginuo cijeli odred Ante Zuanića. Iako izranjavani i svezani, Hilmija i Ismet su uspjeli da se otrgnu na Neretvi, skoče u vodu i pobjegnu. Prema porodici, Ismet se u ratu oženio svojom predratnom ljubavi, partizankom iz Mostara Rosom Vreća. Poginuo je septembra 1944. na Krstacu kod Jablanice kao obavještajni oficir. Rosa je preživjela rat.

Mustafa (Mehmeda) KRESO (1914. Mostar – 1943.* Dramiševo) – AKTIVISTA, BORAC

Stolar, predratni aktivista radničkog pokreta, u Bataljonu od jeseni 1941, Prema Spomenici, poginuo u Dрамишеvu kod Nevesinja juna 1942.*

Ivan (Andrije) KREŠIĆ Vanja Vanjka (1921. Mostar – 1943. Mostar) – AKTIVISTA, BORAC

Učenik Gimnazije. Član SKOJ-a od 1940, hapšen nakon demonstracija marta 1941. u Mostaru, te od ustaša ljeta iste godine. U Bataljonu od početka 1942. Nakon Pete ofanzive i proboja na Sutjesci umro od iscrpljenosti u podveleškom mjestu Dobrč juna 1943. na putu za Mostar. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Gimnazija i njeni đaci, 1941. Preko 50 đaka i tri profesora ove škole dali su živote tokom NOB-a. Njihova imena stajala su na spomen-ploči u holu zgrade do početka poslednjeg rata. Detalj sa fotografije panorame Mostara koju je snimio pilot Nožić.

Jozo (Jure) KREŠIĆ (1914*. Sovići – 1945. Trst) - BORAC

Prema Spomenici, rođen 1915.* u Cimu kod Mostara. Rudar Rudnika mrkog uglja u Mostaru. U NOV i POJ stupio 14. februara 1945. u 1. bataljon 6. dalmatinske brigade. Poginuo 21. marta 1945. na Supatovcu.

Salko (Rame) KRHAN (1923. Gnojnice – 1945. Ostrožac) - BORAC

Zemljoradnik. U NOV i POJ stupio 14. februara 1945. u 10. hercegovačku brigadu. Poginuo aprila 1945. kod Kiseljaka.

BRAĆA KRPO



Ejub (Sulejmana) KRPO (1922.

Mostar – 1944. Đanići) – ILEGALAC, BORAC

Đak Učiteljske škole, član SKOJ-a od 1941. Učestvovao u brojnim akcijama

skojeve organizacije škole i kvarta. Hapšen od Italijana avgusta 1942. U NOV i POJ stupio oktobra 1943, a od maja 1944. politički radnik na terenu Prozora. Zarobljen 19. novembra 1944. u Džanićima kod Konjica i ubijen.



Spomen-ploča palim borcima u Džanićima. Između ostalih, na ploči su imena Ejuba Krpe i Džemala Fejića, palih boraca iz Mostara. Izvor: spomeniciNOB.info



Husref (Sulejmana) KRPO (1912.

Mostar – 1942. Viduša) – BORAC

Studirao germanistiku u Beogradu i Zagrebu. Bavio se planinarenjem i raznim sportovima, te bio jedan od osnivača studentskog planinarskog društva u Beogradu koje je posebno

ostavilo traga na Kopaoniku. Kao takmičar osvojio brojne trofeje u skijanju, a bio je i prvak Jugoslavije. Radio kao profesor u Skoplju od oktobra 1940. godine. Učestvovao kao poručnik u borbama na albanskom frontu. Poslije kapitulacije izbjegao zarobljeništvo i

vratio se u Mostar u oficirskom odijelu, pješaćeci preko planina. Zaposlio se u Mostaru kao profesor Gimnazije i Trgovačke akademije. Uključio se u ilegalni pokret i tražio od partijske organizacije da ide u partizane, što mu je omogućeno u februaru 1942. godine. U NOV i POJ stupio marta 1942. u 1. udarni partizanski bataljon u istočnoj Hercegovini. Politički radnik u Štabu Bataljona, član KPJ. Zarobljen u vrijeme četničkog puča i talijansko-četničke ofanzive 30. maja 1942. nakon napada na bolnicu u Zvijerini. Ubijen kod Viduške jame, selo Morče kod Bileće.



Husref Krpo bio je jedan od pionira jugoslovenskog planinarenja i sportskog skijanja. Brojne fotografije je uslikao i označio pečatom na poleđini jedan od njegovih saradnika, beogradski fotograf Ratimir Stefanović. Porodični arhiv.

Dole: Husref Krpo, student u Beogradu 1930-tih. Porodični arhiv



Hasnija Fatima (Omera) KRUŠKONJA (1925. Mostar – 1944. Mostar) - ILEGALKA

Krojačica, član SKOJ-a od 1942. Radila u Konviktu Narodne uzdanice (dječjem sirotištu) u mostarskoj Srednjoj ulici (danas Braće Fejić).

Poginula od savezničkog bombardovanja 14. januara 1944.



Mostar, poslije bombardovanja 14. januara 1944.

Mostar, poslije bombardovanja 14. januara 1944. Izvor: Ahmed Kurt, Savezničko bombardovanje Mostara u Drugom svjetskom ratu 1943-1945., Hercegovina br. 18



Đorđe (Luke Vukana) KUJIĆ (1929. Mostar – 1945. Istra) - BORAC

Đak Gimnazije. U NOV i POJ stupio 14. februara 1945. u 1. bataljon 1. dalmatinske brigade. Poginuo u završnim operacijama JNA u Istri, u Klanoj kod Rijeke 1945. Njegovo ime nalazilo se na nestalaj spomen-ploči palim profesorima i đacima Gimnazije u Mostaru.



Ludvig (Ivana) KUJUNDŽIĆ Luče (1918. Mostar – 1943. Maršun) – ILEGALAC, BORAC

Stolar. Predratni član SKOJ-a i kandidat za člana KPJ od 1941. Ilegalni partijski radnik koji je pratio dobrovoljce u Bataljon. Zarobljen od strane Italijana aprila 1943, odveden u logor Mamula, a zatim u logor Visco di Udine, gdje je bio četiri mjeseca do kapitulacije Italije 1943. godine. Nakon toga je grupom Mostaraca prešao u Sloveniju i pridružio se slovenačkim partizanima u brigadi „Ljubo Šercer“ kao komandir čete. Život gubi 1943. godine na Maršunu u Sloveniji.



S lijeva na desno: Salko Pajević (s mlatom), Ibro Guzina (s ribom), Mustafa Muja Pavlović (stoji), Ludvig Luče Kujundžić (sjedi s mlatom), Rifat Pavlović. Arhiv K.D. Miletić.

Halil (Nezira) KUKO (1922. Prigrađani – 1945. Ostrožac) - BORAC

Zemljoradnik. U NOV i POJ stupio 14. februara 1945. u 10. hercegovačku brigadu. Poginuo marta 1945. u Ostrošću kod Konjica.

Omer O. KUKO (1906. Prigrađani – 1945. Čabar) - BORAC

Zemljoradnik. U NOV i POJ stupio 14. februara 1945. u 4. bataljon 10. hercegovačke brigade. Poginuo kod Čabra u Sloveniji u završnim operacijama Jugoslovenske armije.

Aleksandar (Todora Toše) KULJIĆ Aco (1924. Mostar – 1945. Karlovac) - BORAC

Radnik. U NOV i POJ stupio 6. aprila 1945. u 2. četu 3. krajiške brigade. Borac, ranjen u završnim operacijama Jugoslovenske armije kod Karlovca, i podlegao ranama 3. maja 1945.

Jusuf (Mehmeda) KUPUSIJA (1921. Mostar – 1945. Sv. Katarina) - BORAC

Vozač, u Bataljonu od januara 1944, bio na prvoj smotri 13. brigade na Divinu 13. juna 1944. Poginuo u Svetoj Katarini u Istri 1945. godine.

Svetozar Svetko (Save) KURTEŠ (1924. Kutli-Livač – 1945. Ivan-Sedlo) - BORAC

Zemljoradnik. U NOV i POJ stupio februara 1945. u 10. hercegovačku brigadu. Poginuo na Ivan-sedlu marta 1945.

Safet (Ćamila) KURTOVIĆ (1925. Gacko – 1943.
Kamena) - BORAC

Učenik Gimnazije u Mostaru. Član SKOJ-a. Stupio u proljeće 1943. u Mostarski omladinski odred, a jula iste godine u Mostarski bataljon. Poginuo jula 1943. na Kamenoj kod Mostara. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

Velimir (Danila) KUZMAN Veljko (1924. Pijesci – 1944.
Čvaljina) - BORAC

Trgovački pomoćnik. U NOV i POJ stupio avgusta 1944. u 3. bataljon 13. hercegovačke brigade. Poginuo 14.10.1944. u Zavali u Popovu Polju.



Nekadašnji spomenik i spomen-kosturnica u Zavali, na lokalitetu gdje je između ostalih, poginuo i Veljko Kuzman. Tokom rata 90tih spomenik je devastiran, a kosti palih boraca su prenešene iz kosturnice i sahranjene na lokalnom groblju.

L: Lakatoš- Lulić

Suzana (Nikole) LAKATOŠ (1922.* Novi Sad – 1942.
Glavatičevo) - BORAC

Prema Spomenici, rođena 1923.* Učenica Učiteljske škole u Mostaru, gdje je živjela sa porodicom. Otac Nikola je bio muzičar i svirao je violinu u orkestru kafane "Pariz" u Mostaru. Član SKOJ-a od 1940. i član KPJ od 1941, u Bataljonu od kraja 1941. ili početka

1942. Radila je u ekonomatu odreda i izdavala robu za presvlačenje. Život gubi aprila 1942. u Glavatičevu.

Braća Lakišić

Enver (Avdibega) LAKIŠIĆ (1920.* Mostar – 1943.
Visoko) - BORAC

Prema Spomenici, rođen 1917*. Student medicine, igrač "Veleža", član KPJ od 1940. U Bataljonu od kraja 1941, kad je izašao na teren Visočko-fojničkog odreda. Komesar čete, bolničar u sastavu hirurške ekipe Divizije, na čelu sa drom Isidorom Papićem. Krajem 1941. rukovodilac bolnice Kalinovačkog NOP odreda, formirao partizansku bolnicu na Bijelim vodama, referent saniteta Romanijskog partizanskog bataljona. Nakon bitke na Sutjesci odlazi u Brezu, gdje je nastavio političku aktivnost. U jesen 1943. u Jajcu informiše Vrhovni štab i CK KPJ o situaciji na području Breze. Vršio je i dužnost komesara Komande mjesta u Jajcu. Upućen na formiranja Povjereništva KPJ za okrug Sarajevo. Poginuo u Vlatnici kod Visokog decembra 1943.

Mustafa (Avdibega) LAKIŠIĆ Beg (1914. Mostar – 1943.
Žuglići) – ILEGALAC, BORAC

Bravar, član KPJ od 1939, član komande grada do odlaska u partizane. U Bataljonu od početka 1942. Poginuo u Zugličima kod Konjica marta 1943.

Petar (Vladimira) LAŽETIĆ Pero (1921. Mostar – 1942.
Dramiševo) – ILEGALAC, BORAC

Pekar, član SKOJ-a od 1941. Učestvovao je u nabavci materijala i municije za Odred, upadu Carinske udarne grupe u Sjeverni logor. U Bataljon krenuo sa prvom grupom Mostaraca, ali se vratio jer je "u prvoj akciji, u borbama oko Plane, bio teže ranjen u ruku". U Bataljonu je opet od oktobra 1941, poginuo kao borac u Dramiševu kod Nevesinja juna 1942.

Sulejman (Saliha) LEHO Maho (1921. Blagaj – 1942.
Jasenovac) - BORAC

Soboslikar. Član SKOJ-a od 1941, u Bataljonu od decembra 1941. zarobljen od domobrana prilikom tokom četničkog puča i borbi oko škole u Bijeloj u noći između 14. i 15. juna 1942, na položajima iznad Konjica. Sproveden u Jasenovac gdje je ubijen iste godine.

Leon (Alberta) LEVI (1922. Sarajevo – 1943. Sutjeska) - BORAC

Bravar, živio i radio u Mostaru. U Bataljonu od decembra 1941, član SKOJ-a od 1942. Delegat voda, poginuo tokom Pete neprijateljske ofanzive na Sutjesci juna 1943.

Jakov (Salomona) LEVI (1901. Sarajevo – 1941. Jasenovac) - SIMPATIZER

Inženjer. Prema jednom sjećanju “među prvima u Jasenovac je odveden ing. Levi, suprug modistice Side Atijas (...)” gdje je likvidiran 1941. godine.



Spomenik Holokausta u Mostaru na kom su navedena i imena 11 Jevreja, palih boraca iz Mostara. Među njima su: Herman Altkorn, dr Berta Bergman, Alfred Bergman, Rafo Danon, Evald Erlih, Mihajlo Kon, Radojka Krčmar, Leon Levi, Jakov Levi, Oskar Mandelbaum, dr Leo Štern.



Omer (Ibrahima) LIVNJAK (1921.* Mostar – 1944. Vlahovići)

Prema Spomenici, rođen 1923.* u Vitini kod Ljubuškog*. Školovao se i živio u Mostaru, bravar. Član SKOJ-a od 1941. i KPJ od 1942, u Bataljonu od početka 1942, komandir čete. Zarobljen u napadu u Bijeloj, odveden u zatvor u Konjic sa drugim borcima, ali je spašen u akciji koju je izveo Meha Trbonja i još nekoliko boraca. Poginuo u Vlahovićima kod Ljubinja 6. avgusta 1944.

Danilo (Riste) LOGIĆ (1922. Vrapčiči – 1945. Rijeka) - BORAC

Zemljoradnik. U NOV i POJ stupio u jesen 1944 u 1. dalmatinsku brigadu. Komandir voda. Poginuo aprila 1945. u Klanj kod Rijeke.

Stevan (Janka) LOJPUR (1920. Mostar – 1945. Konjic) - BORAC

Rođen u Ravnima u Bijelom Polju kod Mostara. Zemljoradnik. U NOV i POJ stupio februara 1945. u 3. bataljon 13. hercegovačke brigade. Poginuo 23. februara 1945. kod Konjica.



Jovo (Đure) LUČIĆ (1920. Hodbina – 1944. Kamena) - BORAC

Zemljoradnik. U Hodbini završio osnovnu školu. Početak rata ga je zatekao na albanskom frontu. Nekoliko mjeseci kasnije “strpan je u ustaški zatvor na Buni, odakle se izvukao pukim slučajem”. Član SKOJ-a. Član KPJ od 1943. Dio grupe koja je preuzimala dobrovoljce iz Mostara koji su išli u partizane i popunjavali odrede.. Početkom aprila 1944. upućen je u odred “Savo Belović” gdje je postavljen za političkog delegata, a zatim za komesara čete u 3. bataljonu 13. brigade. Politički komesar 1. čete 3. bataljona, poginuo 19. decembra 1944. u borbi s Nijemcima kod Kamene. Za Jovu je rečeno: “Znali su ga ne samo u tom bataljonu

kao izuzetno smiona ratnika, neustrašivog komesara, čije je junaštvo podsticalo mnoge u četi i u rodnom selu na mnoge podvige. Vijest o njegovoj smrti je i uzбудila i gorko ganula selo.”

Alija (Muhe) LULIĆ (1911. Vranjevići – 1944. Vranjevići)
- AKTIVISTA

Zemljoradnik. Zarobljen od Nijemaca septembra 1944. i ubijen u Vranjevićima.

LJ: Ljubović- Ljubunčić

Muhamed (Rustana) LJUBOVIĆ (1912. Mostar – 1944. Gacko*) – AKTIVISTA, BORAC

Mesar. Predratni aktivista radničkog pokreta, u Bataljonu od kraja 1942. Nakon Pete ofanzive na Sutjesci sa 80 drugih boraca se vratio u Mostar na oporavak. Nakon toga se vratio u borbu. Prema Spomenici, poginuo kod u Prebilovcima kod Čapljine* 1944. godine.

Mahmut (Bilala) LJUBUNČIĆ (1918.* Glamoč – 1943. Bišina) - AKTIVISTA, BORAC

Prema Spomenici, rođen 1917.* Građevinski tehničar. Od 1937. godine živio i radio u Mostaru. Aktivista radničkog pokreta NOP-a. U NOV i POJ stupio februara 1942. u Mostarski (konjički) bataljon. Poginuo u Bišini kod Nevesinja marta 1943.

M: Macić- Mutnica

Hasan (Ahmeta) MACIĆ (1927. Prigrađani – 1945. Kiseljak) - BORAC

Zemljoradnik. U NOV i POJ stupio 14. februara 1945. u 14. hercegovačku brigadu. Borac 3. Bataljona. Poginuo u borbi na Kiseljaku, 5. maja 1945.

Hasan (Salke) MACIĆ (1903. Mostar – 1943. Mostar) - AKTIVISTA

Prema Spomenici, rođen 1901.* u Vrapčićima kod Mostara. Obučar. Predratni član KPJ. Aktivista NOP-a. Umro od tuberkuloze 1943. u Mostaru.

Radoslav (Milana) MAJSTOROVIĆ Rade (1913.* Mostar* – 1941. Lepoglava*) - AKTIVISTA

Prema Spomenici, rođen 1912.* godine u Mrkonjić-Gradu*. Mašinbravar u Rudniku mrkog uglja u Mostaru. Član KPJ od 1939, pripadao je plejadi predratnih komunista. Uhapšen početkom septembra 1940, godine zbog protestnog generalnog štrajka u Mostaru, izazvanog zabranom aktivnosti “Veleža” kao stjecišta naprednih ideja, a koji je bio organizovan poslije demonstracija održanih povodom godišnjice njemačkog napada na Poljsku. Sproveden u Lepoglavu. Predat ustašama aprila 1941. Prema Spomenici, jula iste godine odveden u logor Gospić* i ubijen.

Meho (Ibre) MAKSUMIĆ (1922. Kružanj – 1945. Ivan-Sedlo) - BORAC

Zemljoradnik. U NOV i POJ stupio 14. februara 1945. u 2. bataljon 10. hercegovačke brigade. Poginuo u borbama za Ivan-sedlo 1945.

Omer (Alije) MAKSUMIĆ Tarzan (1915.* Kružanj – 1943. Dolovi) - BORAC

Prema Spomenici, rođen 1917*. Zemljoradnik. U Bataljonu od maja 1942. Pridružio se odredu kad su partizani pokušali razoružati Podvelešce – da ne bi dao pušku, pošao je u partizane. Mitraljezac, kurir. Jednom prilikom, on, Leo Bruk i Omer Mrgan su predali poštu Vrhovnom štabu i sreli se sa drugom Titom, o čemu su kasnije s oduševljenjem pričali. Tada su od 1. proleterske brigade dobili teški mitraljez »bredu« s municijom i donijeli ga u Bataljon, te je odmah formirano posebno odjeljenje. Poginuo u Dugama kod Prozora februara 1943. greškom u partizanskoj vatri, prilikom pokušaja bjekstva dvojice zarobljenika, vjerujući da je on jedan njih, odnosno ne znajući da je Omer i sam za njima trčao. Upamćen kao „podveleški gorštak, pravi džin, izuzetne lične snage, skroman i nadasve voljen drug, koji je uvijek želio pomoći. Svojom

hrabrošću služio je za primjer, a nikad i nigdje to nije isticao.“

Jusuf (Jusufa) MALKOČ (1906. Mostar – 1943. Ovojci) -
AKTIVISTA

Obučar. Radio kao stražar Fabrike duhana. Pomagao NOP. Član KPJ od 1943. Uhapšen za vrijeme velike racije u Mostaru jula 1943. Nakon saslušanja, streljan na Ovojcima sa grupom partizana i ilegalaca.



Oskar (Sigmunda) MANDELBAUM
(1909. Mostar – 1941. Mostar) -
AKTIVISTA

Bravar, fudbaler „Veleža“ i “jedan od najvažnijih igrača u periodu između dva svjetska rata”. Aktivista revolucionarnog radničkog pokreta, član KPJ. Uhapšen od ustaša jula 1941. u Mostaru, odveden i ubijen.



Spomenica Oskara Mandelbauma.

Salih I. MANJGO (1921. Mostar – 1945. Mostar) -
ILEGALAC

Stolar. Član SKOJ-a od 1942. Uhapšen od ustaša februara 1945. u Mostaru, odveden u Sarajevo i ubijen.

Alija (Muje) MARIĆ (1925.* Dobruč – 1945. Bihać) -
BORAC

Prema Spomenici, rođen 1922. Zemljoradnik. U NOV I POJ stupio 14. februara 1945. u 14. hercegovačku brigadu. Borac 3. bataljona. Poginuo u borbama za oslobođenje Bihaća aprila 1945.

Bajro (Durana) MARIĆ (1920. Podvelež – 1945. Ivan-sedlo) - BORAC

Rođen u Banjdolu kod Mostara. Zemljoradnik. U NOV i POJ stupio 14. februara 1945. u 11. hercegovačku brigadu. Poginuo u borbama za Ivan-sedlo 1945.

dr Zvonimir (Ive) MARIĆ Zvonko (????)* Mostar – 1942. Herceg-Novi) – AKTIVISTA, ILEGALAC

Prema Spomenici, rođen 1910. godine. Ljekar Banovske bolnice, predratni član KPJ, istaknuti aktivista, saradnik NOP-a. Jedan od predavača zdravstvenih kurseva za bolničare gdje su se pripremale mnoge buduće bolničarke u odredu. Nabavljao sanitetski materijal, instrumente i lijekove, koje je predavao ilegalcima za potrebe Bataljona, i liječio ilegalce po kućama, preuzimajući veliki rizik na sebe. Uhapšen kao talac 11. maja 1942, nakon sabotaže u magacinu Fabrike duhana u Mostaru. Interniran sa pet građana u koncentracioni logor na poluotoku Prevlaka, zatim u ćeliju tvrđave na otoku Mamula. Streljan od strane Italijana zajedno sa Tripom Uljarevićem i još dvojicom ispod zidina razlomljene tvrđave „Španjole“ u Herceg-Novom juna 1942. Otac dva djeteta. Prema jednom svjedočenju, „... zatvoren u Čelovinu, gdje je i saznao za rođenje kćerke. Dogodilo se da je karabinijerski komandant dozvolio da dr Marić, praćen gomilom vojnika, u bolničkoj sobi posljednji put poljubi ženu i prvi put svoje dijete.“



Žarko (Đoke) MARIĆ (1926.* Mostar – 1944. Čapljinina) - BORAC

Prema Spomenici, rođen 1925.* Učenik. U toku rata živio u Brataču kod Nevesinja. U NOV i POJ stupio novembra 1944. u 12. hercegovačku brigadu. Poginuo 12. maja 1945.* na Zelengori*.

Franjo (Nike) MARKIĆ (1918. Mostar – 1942. Andrijevića) – AKTIVISTA, BORAC

Prema Spomenici, ime borca je Frano, rođen 26. avgusta 1918. u Mostaru. Finans. Predratni član SKOJ-a i član KPJ. Od proljeća 1941. službovao u Donjoj Andrijevići u Slavoniji. U NOV i POJ stupio 1941. u partizanski odred kod Donje Andrijevice, komandir čete. Poginuo septembra 1942. kod Donje Andrijevice.



Petar (Josipa) MARKULIN Pero (1922. Mostar – 1943. Sutjeska) - BORAC

Kovač. Član SKOJ-a od 1941, u Bataljonu od januara 1943. Poginuo na Sutjesci juna 1943.

Husein (Hasana) MASLIĆ Husa (1923.* Mostar* – 1943. Mostar) - BORAC

Prema Spomenici, rođen je u Prozoru* 1919.* Bravar, tamburaš u RKUD-u "Abrašević". Član SKOJ-a od 1941. i KPJ od 1942, u Bataljonu od septembra 1941. Nakon probaja Pete ofanzive na Sutjesci, bio u jednoj od grupa od 80 partizana koji su se vratili u Mostar na oporavak. Borac Mostarskog omladinskog odreda. Grupa je primijećena kod Blagaja i napadnuta od strane Nijemaca. Veliki dio boraca je pobijen, dok je Huso teško ranjen i zarobljen. Odveden je u Mostar gdje je uskoro umro u bolnici. Ostao je upamćen kao „izuzetno hrabar borac, bombaš i mitraljezac, uvijek čelni u svim akcijama svoga voda.“



Tamburaški orkestar RKUD Abrašević 1938. godine



Remzija (Osmana) MASLO Ešref (1922. Mostar – 1945. Bihać) - BORAC

Učenik trgovačke akademije. Član SKOJ-a od 1943, sekretar aktiva SKOJ-a u Trgovačkoj akademiji. U

NOV i POJ stupio 14. februara 1945. u 1. tenkovsku brigadu NOVJ. Borac, poginuo kod Bihaća marta 1945. godine.

BRAT I SESTRA MASTILOVIĆ

Desanka (Rade) MASTILOVIĆ Desa (1921. Mostar – 1943. Sutjeska) – BOLNIČARKA, BORAC

Učenica. Predratni član SKOJ-a. Stupila u ustaničke jedinice ljeta 1941. u istočnoj Hercegovini, a zatim postaje politički radnik na području Šavnika u Crnoj Gori. Član KPJ, poginula na Sutjesci, kod Tjentišta, 13. juna 1943. godine kao bolničarka 5. crnogorske brigade.

Dragutin (Rade) MASTILOVIĆ Drago (1914. Mostar – 1941. Sarajevo) - AKTIVISTA

Pravnik, član KPJ od 1938. U februar 1941. kao teški tuberkulozni bolesnik smješten u bolnicu u Gacku, odakle je rukovodio partijskim radom na području Gacka. Aktivnost je nastavio i nakon okupacije Jugoslavije, do juna 1941. kada je, uz pomoć mostarske partijske organizacije, prebačen u Sarajevo, gdje je umro u bolnici.

Ante (Nikole) MATIĆ Soko (1923. Mostar – 1944. Kreševo) – ILEGALAC, BORAC

Prema Spomenici, rođen 1924. godine*. Stolar ili limar po zanimanju. Član SKOJ-a od 1941. kad je primljen u jedno od mostarskih skojevskih "jezgra". Jedno vrijeme kao ilegalac i obavještajac bio upućen u "Poglavnikovu tjelesnu bojnu" u Zagrebu koju je kasnije napustio. U Bataljonu od septembra 1943, član KPJ od 1944. Poginuo u Daževicama kod Kreševa aprila 1944.

Ljubo (Ilije) MATKOVIĆ (1924. Bogodol – 1945. Bradina) - BORAC

Zemljoradnik. U Jugoslovensku armiju stupio marta 1945. u 1. bataljon 3. brigade KNOJ-a, borac. Prema Spomenici, poginuo 6. maja 1945. na Bitovnji.



Milan (Gojka) MATKOVIĆ (1923. Malo Polje – 1945. Postojna) - BORAC

Zemljoradnik. Član SKOJ-a od 1943. U NOV I POJ stupio aprila 1944. u Odred „Savo Belović“. Istaknuti borac, komandir voda u 1. četi Trećeg bataljona, poginuo u borbi za oslobođenje Postojne, 2. maja 1945. Upamćen kao „snažna

momčina i junačina iz Malog Polja kod Mostara“.

Mirko (Riste) MATRAK Plečko (1914. Gnojnice – 1943. Sutjeska) - BORAC

Sezonski radnik, predratni aktivista radničkog pokreta, član KPJ. Prema porodičnim sjećanjima, “imao je nadimak Plečko jer je bio stamen, širokih ramena”. Služio je vojsku u mornarici u Boki Kotorskoj. U Bataljonu od kraja 1941. Poginuo na Sutjesci juna 1943.

Nikola (Marka) MATRAK Niko (1923. Gnojnice – 1945. Ivan-sedlo) - BORAC

Zemljoradnik. U NOV i POJ stupio 14. februara 1945. u 13. hercegovačku brigadu. Borac 1. bataljona. Poginuo 27. marta 1945. u borbama za Ivan-sedlo.

Risto (Jove) MATRAK (1920. Gnojnice – 1944. kod Sarajeva) - BORAC

Sezonski radnik. U NOV i POJ stupio marta 1944. u 4. bataljon 14. hercegovačke brigade. Politički delegat voda u 4. bataljonu. Poginuo kod sela Ilivica (Trnovo), 24/25. decembra 1944.



Milan (Riste) MEDAN (1912. Ortiješ – 1944. Nevesinje) - AKTIVISTA

Radio kao policajac do okupacije, a u ratu kao zemljoradnik. Aktivista NOP-a. Uhapšen decembra 1942. u Ortiješu, odveden u četnički zatvor Rasadnik kod Nevesinja i ubijen.



Šćepo (Nikole) MEDAN (1899. Ortiješ – 1944. Ortiješ)

Zemljoradnik. Član Seoskog NOO-a za Lakiševine i Ortiješ od aprila 1944. Ubijen od ustaša 30. septembra 1944. u Ortiješu kod Mostara.



Tomo (Vojislava) MEDAN (1926.* Ortiješ – 1944. Pijesci) - BORAC

Prema Spomenici, rođen 1925.* Zemljoradnik. U NOV i POJ stupio avgusta 1944. u 1. (mostarski) bataljon 13. hercegovačke brigade. Poginuo u borbama u mjestu Pijesci kod Mostara 30. oktobra 1944. prilikom nastupanja prema Mostaru.

SUPRUŽNICI MEDVEŠEK

Mira Ljubica (Ivana) MEDVEŠEK rođ. Grbešić (1917. Mostar – 1944. Sarajevo) - AKTIVISTA

Bolničarka. Aktivista NOP-a. Uhapšena od ustaša 1942. i odvedena u zatvor u Zagrebu, odakle je puštena. Ponovo uhapšena od ustaša oktobra 1944, odvedena u Sarajevo i ubijena.

Rudolf (Franje) MEDVEŠEK (1913. Mostar – 1943. Lička Kapela) – AKTIVISTA, BORAC

Bravar, radio je u Zagrebu. Aktivista NOP-a. U NOV i POJ stupio 1943. godine. Poginuo 1943. kod Ličke Kapele.

Alija (Ibre) MEHIĆ (1927. Prigrađani – 1945. Tržič) - BORAC

Zemljoradnik. U NOV i POJ stupio 14. februara 1945. u 14. hercegovačku brigadu. Borac 29. divizije. Poginuo 11. maja 1945. kod Tržiča u Sloveniji, "posljednjeg dana organizovanog otpora neprijatelja".

Esad (Ahmeda) MEHIĆ Logara (1923.* Mostar – 1945. Bihać) - BORAC

Prema Spomenici, rođen 1927.* Kolar. Član SKOJ-a. U NOV i POJ stupio ljeta 1944. u 13. hercegovačku brigadu. Poginuo 24. 4. 1945. kod Bihaća.

Osman S. MEHIĆ (1922. Mostar – ????) - BORAC

Prema porodičnim sjećanjima, poginuo na Romoniji*. *Ukoliko imate dodatne podatke o ovom palom borcu, molimo da se javite redakciji sajta partizansko.info.*



Zajko Š. MEHIĆ (1887.* Mostar – 1945. Stara Gradiška) – ILEGALAC, SIMPATIZER

Prema Spomenici, rođen 1895.* Trgovac i vlasnik hana "Orient" u Fejićevoj ulici u Mostaru. Aktivno je pomagao NOP. Uhapšen je krajem

1944. pod optužbom da je član "mjestnog komiteta" te da je "podpomagao partizane živežnim namirnicama i novcem". Podvrgnut teškim mukama u mostarskom zatvoru. Zajku i grupu Mostaraca koji su tada uhapšeni (12 muškaraca i 4 žene) "mučili su trodnevnom glađu, davali im soli, mlatili šakama, nogama, pendrecima, mećali u takozvani „tramvaj" i nakon mjesec dana ih otpremili u Staru Gradišku, u veliku kaznionu." Ubijen 1945. u Staroj Gradišci.



Han "Orient" Zaima Mehića, stara razglednica.

Đulsuma (Osmana) MEHMEDOVIĆ Đulsa (1925. Mostar – 1944.* Jajce)

Zabilježena kao domaćica i radnica. Član SKOJ-a od 1941. U NOV i POJ stupila ljeta 1942. u Mostarski bataljon. Od jula 1943. u Ramskom odredu, a zatim u 17. krajiškoj brigadi. Politički radnik na terenu. Prema Spomenici, umrla od tuberkuloze januara 1945.* u Vojnoj bolnici u Jajcu.

Ahmet (Derve) MEMIĆ (1920. Kružanj – 1945. Ivan-sedlo) - BORAC

Zemljoradnik. U NOV i POJ stupio 14. februara 1945. u 2. bataljon 10. hercegovačke brigade. Poginuo u borbama za Ivan-sedlo marta 1945.

Omer (Mehmeda) MESIHOVIĆ (1906. Ljubuški – 1944. Jasenovac) - AKTIVISTA

Prema Spomenici, rođen 1905.* Građevinski tehničar, radio u Mostaru kao građevinski poduzetnik. Aktivista NOP-a u Mostaru. Uhapšen od ustaša na radnom mjestu aprila 1944. s optužbom da je "član komunističke partije i član mjestnog komiteta u Mostaru", odveden u logor Jasenovac gdje je ubijen.



Milorad (Manojla) MIČIĆ (1923. Mostar – 1945. Bihać) - BORAC

Završio Građansku školu. U NOV i POJ stupio 14. februara 1945. u 1. (mostarski) bataljon 13. hercegovačke brigade. Poginuo

u završnim borbama Jugoslovenske armije 1945. godine kod Bihaća.

Svetomir Svetko (Jove) MIĆEVIĆ (1923. Žitomislići – 1944. Gacko) - BORAC

Zemljoradnik. U NOV i POJ stupio februara 1944. u 11. hercegovačku brigadu. Poginuo u borbi 2. juna 1944. na Stepenu kod Gacka.



Staka (Jove) MIĆKOVIĆ (1924. Mostar – 1943. Ljeskov Dub) – BOLNIČARKA, BORAC

Đak Građanske škole. Član SKOJ-a od 1941, u Bataljonu od početka 1942. Streljana sa velikim brojem mještana u Ljeskovu Dubu kod Gacka juna

1943. gdje se sklonila kod rodbine nakon Sutjeske. Prema nekim izvorima, bila je velika ljubav narodnog heroja Hasana Zahirovića Lace. (Fotografija: pretpostavka, brošura "Partizanski spomenik u Mostaru" (1980.)



Spomenik u Ljeskovom Dubu žrtvama fašizma. Jedna od žrtava je i Mostarka Staka Mićković koja se, iscrpljena nakon Pete ofanzive, sklonila kod rodbine u ovo selo na oporavak.

Zora (Riste) GUTIĆ-MIHOVIČEVIĆ (????* Mostar – 1944. Jasenovac)

Prema JUSP Jasenovac, supruga Mate, rođena 1907. u Mostaru, domaćica, uhapšena od ustaša novembra 1944, ubijena u Jasenovcu 1945.



"Cvijet" Bogdana Bogdanovića, spomenik žrtvama fašizma u Jasenovcu, sagrađen je i za žrtve fašizma iz Mostara.



Dr Ivan Ivica (Josipa) MILAKOVIĆ (1893. Sarajevo – 1944. Mostar) - AKTIVISTA

Ginekolog, zaposlen na ginekološko-akušerskom odjeljenju Banovske bolnice u Mostaru. Istaknuti aktivista, saradnik NOP-a od 1941. Jedan od predavača zdravstvenih

kurseva za bolničare gdje su se pripremale mnoge buduće bolničarke u odredu. Nabavljao sanitetski materijal, instrumente i lijekove direktno iz mostarske bolnice, koje je predavao ilegalcima za potrebe Bataljona, i liječio ilegalce po kućama. Uhapšen od policije NDH u Mostaru 1944. i poslije dva mjeseca pušten, međutim njegovu ženu Tanju su odveli u koncentracioni logor. Umro je iznenada 4. maja 1944. u Mostaru.



Ismet (Mehmeda) MILAVIĆ (1908. Mostar – 1941. Narvik) - ILEGALAC

Prema Spomenici, rođen 1907.* Sudija. Predratni član KPJ. Aktivan u Muslimanskoj narodnoj biblioteci gdje je bio član upravnog odbora. Radio u Stocu odakle je početkom 1941.

premješten u Sarajevo. Član jedne partijske ćelije intelektualaca u Sarajevu kojoj su, pored drugih, pripadali i Slaviša Vajner Čiča i Oskar Danon. Neke vrlo odgovorne zadatke dobivao je i neposredno od člana Pokrajinskog komiteta KPJ za BiH Avde Hume. Posebno su bili dragocjeni podaci koje je sakupljao preko jednog domobranskog pukovnika u Sarajevu. Uhapšen aprila 1942. nakon provale. Poslije dugotrajnih saslušavanja i mučenja u sarajevskoj policiji, početkom maja 1942., sa drugim brojnim uhapšenima, upućen je u koncentracioni logor Jasenovac. Određen je za rad u u Njemačkoj te je otpremljen u Zemun u gestapovski logor na Sajmištu, a nakon toga u njemački zatvorenički logor u Narviku, Norveška. Težak logorski rad i život u lošim uslovima znatno su mu ugrozili zdravlje. Prilikom jednog polaska na rad, od bolesti i iznemoglosti pao je u stroju. Izdvojen je kao bolesnik i ubijen 17/18. jula 1942.* Podaci o Ismetu Milaviću čuvaju se u norveškom Muzeju za rat i mir u Narviku.

Mustafa (Fejze) MILAVIĆ Žuti (1921. Mostar – 1945. Mostar*) - AKTIVISTA

Radnik, Veležov fudbaler. Član SKOJ-a od 1943. Uhapšen od ustaša u Mostaru 12. februara 1945, prema Spomenici, odveden u Sarajevo* i ubijen.



Salko (Smaila) MILAVIĆ (1920. Mostar – 1943.* Slovenija) - BORAC

Fotograf. Član SKOJ-a od 1941. U Bataljonu od početka 1942. U vrijeme četničkog puča zbog iznemoglosti vraćen juna 1942. s Crnog polja u Mostar. Zarobljen u

Bijelom polju kod Mostara juna 1942, interniran u logor Mamula, prebačen u logor Visco di Udine u Italiji, a nakon kapitulacije Italije pušten. Prešao u Sloveniju,

gdje se pridružio slovenačkim partizanima u brigadi „Ljubo Šerčer“. Prema Spomenici, poginuo kod Ožljaka u Sloveniji 1944*.

Marica M. MILETIĆ (???? Mostar – ????)

Ukoliko imate podatke o ovom palom borcu, molimo da se javite redakciji sajta partizansko.info.

OTAC I SIN MILETIĆ



Mile (Zvonimira) MILETIĆ (1924.* Mostar – 1942. Mostar)

Prema Spomenici, rođen 1923.* Krojač. Član SKOJ-a od 1941. kad je primljen u jedno od mostarskih skojevski "jezgra". Sekretar rejnskog rukovodstva SKOJ-a. Prema

porodičnom predanju, "lijepio plakate po Mostaru i kad su ga počeli gonjati, preplivao Neretvu u januaru i umro od upale pluća" (prema Spomenici, od tuberkuloze) 20. marta 1943.* u Mostaru.



Zvonimir Zvonko (Nikole) MILETIĆ Đoka (1923.* Mostar – 1944. Zagreb) - AKTIVISTA

Prema Spomenici, rođen 1890.* Soboslikar, radio u Fabrici duhana. Aktivista NOP-a. Uhapšen od ustaša

novembra 1944. u Mostaru i odveden u Zagreb, gdje je umro u zatvoru.



Paulina Paula Pava (Jure) MILETIĆ (1922. Mostar – 1943. Sutjeska) – AKTIVISTA, BORAC

Frizerka, član SKOJ-a od 1940. i KPJ od 1941. U ljeto 1941. godine, bila u grupi skojevaca pohvatanih na skojevskom sastanku u Cernici. Jedna od skojevki –

organizatorki protesta žena decembra 1941. za vrijeme gladi (nazvan „viktoriga“ po novoj ustaškoj terminologiji: viktoriga je Mostarcima poslužila kao

šaljiv naziv za repu, koje je u vrijeme gladi bilo dosta). Hapšena za svoje aktivnosti u štrajkovima prije i za vrijeme rata. U Bataljonu od decembra 1941, omladinski rukovodilac čete, borac 3. bataljona, bombaš („kad god je trebalo, među prvim dobrovoljnim bombašima“). Poginula na Sutjesci u toku Pete ofanzive 1943. godine, kao teški ranjenik na nosilima (pogođena u kičmu) u kanjonu Pive kod Čokove Luke juna 1943. godine. Opisana kao „neustrašivi borac“, „čestit i hrabar komunista“, „najpopularniji borac čete“, „vješta organizatorka“, te „dovrtljiva obavještajka“. Isticala se ljepotom i stasom (prema porodici, bila je visoka 180 cm). Ovjekovječena kroz stihove Miše Marića (“Mostarska majka”) Mladen i Laca, Tanja i Pava, / svi mrtvi koji u nama žive, / došli bi jači od zaborava, / iz neke strašne ofanzive.(...)

“Mladen i Laca, Tanja i Pava,
svi mrtvi koji u nama žive,
došli bi jači od zaborava,
iz neke strašne ofanzive.(...)

Stihovi Miše Marića iz “Mostarske majke” odnose se na četvero palih boraca: narodne heroje Mladena Balordu i Hasana Zahirovića Lacu, Tanju Peško i Pavu Miletić.

Omladinka Pava Miletić (desno) na Neretvi, prije rata.




Sa drugaricom Rikicom Perera, 1941. Arhiv K. D. Miletić

Krunoslav Kruno (Rafe) MILIČEVIĆ (1923. Mostar – 1943. Ovojci) – BORAC

Soboslikar. Član SKOJ-a od 1941. U NOV i POJ stupio u proljeće 1943. u Mostarski omladinski odred, a u Mostarski bataljon jula 1943. Zarobljen od Nijemaca u grupi Mladena Balorde na Kamennoj nakon izlaska odreda iz Mostara. Streljan nakon nekoliko dana na Ovojcima zajedno sa ostalim borcima.

Nikola (Marka) MILIČEVIĆ Zec (1925. Mostar – 1944. Grušća) - BORAC

Učio auto-mehaničarski zanat. Član SKOJ-a od 1941. Kao Skojevac i ilegalac, jedno vrijeme kao ilegalac i obavještajac bio upućen u “Poglavnikovu tjelesnu bojnu” u Zagrebu odakle je pobjegao. Poginuo u Grušći



kod Konjica kao borac Mostarskog bataljona aprila 1944.



Danilo (Riste) MILIĆEVIĆ Vladika ili Učo (1919. Hrgud – 1943. Sutjeska) - BORAC

Školovao se i živio u Mostaru. Učitelj, član SKOJ-a od 1938. i KPJ od 1939, član Međuškolskog rukovodstva SKOJ-a

1939. u Mostaru, jedan od aktivnijih članova skautske organizacije. U NOB od 1941, u prvoj grupi naoružanih dobrovoljaca-komunista koja se sredinom avgusta 1941. iskrala iz Mostara s ciljem organizovanja ustanka. Odred, kojom je rukovodio Savo Medan. Učestvovao na organizaciji ustanka na području Stoca, član Sreskog komiteta KPJ za Stolac, politički komesar Hrgudske partizanske čete. Nakon četničkog puča preko Mostara izašao u Mostarski bataljon na područje Prozora. Od avgusta 1942, Danilo je u stroju 10. hercegovačke brigade, s kojom će proći Šujicu, Livno, Šator planinu, Glamoč, Kupres, Vakuf, Prozor, Jablanicu, Čičevo, Nevesinje, Gacko. Učestvovao u bitkama na Neretvi i Sutjesci. Komesar čete, poginuo na Sutjesci u Centralnoj bolnici juna 1943. tokom Pete ofanzive. Opisan je kao "prekaljeni partizanski borac", "vrstan propagandist", kojeg su "ljudi rado slušali i prihvatili", "skroman i visokomoralan".



Risto (Vojina) MILIĆEVIĆ Čičo (1921. Mostar – 1942. Zvijerina)

Završio Gimnaziju, fudbaler "Veleža". Član SKOJ-a od 1938. i KPJ od 1940. Omladinski rukovodilac, jedan od "starijih" drugova koji su svake sedmice držali predavanja skojevcima na aktuelne teme". U

grupi mostarskih omladinaca-dobrovoljaca u aprilskom ratu, vraćen nakon pet dana zbog kapitulacije. U ljeto 1941, prilikom izlaska na politički rad u istočnu Hercegovinu, uhapšen od ustaša kod Stoca, ali je pobjegao sa likvidacije. Ponovo izašao iz Mostara marta 1942. u istočnu Hercegovinu u 1. hercegovački udarni bataljon. Zarobljen prilikom napada na partizansku

bolnicu u Zvijerini, mučen. Ubijen u noći 29/30. maja 1942, bačen u Vidošku jamu kod sela Morče. Njegovo ime nalazilo se na nestaljoj spomen-ploči palim profesorima i đacima Gimnazije u Mostaru.

Tomo (Ćetka) MILIVOJEVIĆ (1906. Mostar – 1941. Mostar) - AKTIVISTA

Mašinovođa. Predratni član KPJ, hapšen i suđen po Zakonu o zaštiti države 1930. Uhapšen od ustaša juna 1941. u Mostaru, odveden i ubijen.

Sreten (Trivka) MILJAK (????* Mostar – 1943. Sutjeska) - BORAC

Rođen 1921.* , podoficir Jugoslovenske vojske, u NOB od 1941, borac X hercegovačke brigade. Poginuo na Zelengori 10. juna 1943.



Mustafa F. MIRICA (1919. Mostar – 1943. Gacko) - ILEGALAC

Učitelj, sin Saliha i Fatime, rano ostao bez oca. Isticao se društveno-političkom aktivnošću, posebno unutar literarnog društva "Aleksa Šantić" u Učiteljskoj školi. Član SKOJ-

a od 1938, sekretar aktiva SKOJ-a, član KPJ. Rat ga je zatekao u Beogradu za vrijeme njemačkog bombardovanja 6. aprila 1941. Nakon okupacije, vratio se u Mostar i uključio u ilegalni rad. Pošto je došlo do "kompromitaže", po zadatku partije odlazi u Bosnu i postaje učitelj u selu Donji Ljenodub kod Srebrenika. U NOV i POJ stupio septembra 1943. u 6. istočnobosansku, a kasnije u 16. muslimansku brigadu, komesar 2. bataljona. Prema Spomenici, poginuo maja 1944.* kod Gacka.

Esad (Jusufa) MIŠIĆ (1924.* Mostar* – 1943. Zijemlje) - BORAC

Prema Spomenici, rođen 1922.* u Gornjem Vakufu*. Živio sa porodicom u Mostaru, đak Gimnazije, član

SKOJ-a od 1941, u Bataljonu od januara 1943. Poginuo na Porimu kod Mostara marta 1943.

Muhamed (Ahmeta) MOMIĆ Hodža (1885. Mostar – 1943. Nevesinje) – AKTIVISTA, BORAC

Kafedžija, predratni aktivista radničkog pokreta, u Bataljonu od septembra 1941, umro od tifusa u Nevesinju marta 1943.

Mevludin (Halila) MORIĆ (1930.* Mostar – 1945. Ivan-Sedlo) - BORAC

Ukoliko imate podatke o ovom palom borcu, molimo da se javite redakciji sajta partizansko.info.



Asim (Rame) MRGAN (1923. Mostar – 1944. Doboj) - BORAC

Đak iz Mostara. Poginuo 1944. kod Doboja.

Alija (Hasana) MRKONJIĆ Dragi (????* Mostar – 1945. Sarajevo) - AKTIVISTA

Prema Spomenici, rođen 1930.* u Mostaru. Učenik Gimnazije. Aktivista NOP-a. Uhapšen od ustaša februara 1945. u Mostaru, odveden u Sarajevo i ubijen.



Salko (Ibrahima) MRKONJIĆ (1923. Mostar – ????* ????*) - BORAC

Završio građansku školu. Radnik, član SKOJ-a od 1941, u Bataljonu od januara 1944. Prema Spomenici, poginuo u borbi na Kuli kod Konjica 17. februara 1944*.



Dušan Dule (Jove) MUČIBABIĆ (1907. Mostar – 1941. Mostar) - AKTIVISTA

Studirao u Ljubljani. U mladosti član "Sokola", svestran sportaš i gimnastičar, koji je učestvovao u Sveslavenskom sletu u Pragu 1932.

Profesor u Mostarskoj gimnaziji, predratni komunist i jedan od najuticajnijih intelektualaca marksista. Politički aktivan, član KPJ od 1940. Djelujući u školi, društvima i udruženjima, vršio snažan uticaj na intelektualce i omladinu. Održavao časove naprednoj omladini u Narodnoj biblioteci. Uhapšen za vrijeme Vidovdanskih pokolja i ubijen u prvim masovnim ustaškim zločinima u Mostaru krajem juna 1941. Bačen u jamu više Čitluka.



Radovi na izgradnji nekadašnjeg Đačkog doma "Dule Mučibabić" u Mostaru. Slikano 15. 9. 1947. Izvor: CIDOM.

**Predstojništvo Gradskog Redarstva
u Mostaru**

Broj pres: 111941.

POZIV SRBIMA

Pozivaju se svi SRBI sa članovima svojih porodica čija prezimena po redarstvenom popisu počinju sa slovima C, Č, Ć, D, D, E i F. da se danas 15. o. m. u 10 sati navečer sakupe na željezničkoj postaji radi iseljenja u SRBIJU. Vlak iseljenika krenuti će točno u 11 sati navečer.

Iseljenici imaju pravo sobom ponijeti 50. kg. prtljage po osobi te sav svoj novac i sve svoje dragocjenosti.

Svi gore navedeni, koji su dužni odputovati današnjim iseljeničkim vlakom, moraju prije odlaska na kolodvor svoje stanove zaključati i ključeve uz naznaku prezimena, ulice i kućnoga broja predati predstojništvu ovoga redarstva soba br. 5.

Svi koji se ovome pozivu ne odazovu te pokušaju odbjeći ili sakriti se, po pronalasku biti će uhapšeni i najstrožije kažnjeni.

Zabranjuje se svima i svakome pod najstrožijom kaznom primati bilo što od Srba na poklon, pohranu, ili obračun u naravi kao i za iste, koji se moraju iseliti, bilo intervenirati ili ih prikrivati.

Naročito strogom kaznom bit će kažnjeni oni SRBI, koji pokušaju svoju pokretnu ili nepokretnu imovinu na bilo koji način oštetiti.

Iseljavanje se između ostalih u najbržem miru i redu.

ZA DOM SPREMNI!

Dano u Mostaru 15. kolovoza 1941.

Predstojnik redarstva
Krtalić, V. I.

Poziv Srbima Mostara na iseljenje čije prezime počinje na C-F.

Naredba mostarskim Srbima da se iseles u Srbiju, 15. avgust/kolovoz 1941. Plakati su štampani po abecedi. Došlo se do slova K-Nj, kada Italijani preuzimaju vlast i prekidaju transporte.

Mugdeta Aiša (Mustafe) MUJAN (1927. Mostar – 1944. Grušća) - BOLNIČARKA, BORAC

Đak, član SKOJ-a od 1942, u Bataljonu od oktobra 1943, poginula u Grušći kod Konjica 27/28. aprila 1944. u toku Sedme neprijateljske ofanzive prilikom napada na partizansku bolnicu.

Vahida V. MUJAN (1928. Mostar – 1944. Grušća) – BOLNIČARKA, BORAC

Bolničarka u odredu, poginula prilikom četničkog napada na partizansku bolnicu u selu Grušća kod Konjica 1944.

Derviš Dervo (Mustafe) MUJIĆ (1922. Mostar – 1945. Jasenovac) - AKTIVISTA

Limar. Član SKOJ-a od 1941. Uhapšen od ustaša marta 1945. u Sarajevu i ubijen.



dr Safet (Ibrahima) Mujić, narodni heroj (1908. Mostar – 1942. Zabrđe) – AKTIVISTA, BORAC

Ljekar, humanista i istaknuta ličnost radničkog pokreta, jedan od organizatora ustanka u Hercegovini. Organizator bataljonske bolnici na

Borcima, rukovodilac saniteta pri Operativnom štabu za Hercegovinu. Osnovnu školu i gimnaziju je završio u Mostaru, a Medicinski fakultet u Beogradu gdje je pristupio studentskom revolucionarnom pokretu. Član KPJ od 1938, član Mjesnog komiteta KP od 1939. Jedno vrijeme je bio predsjednik fudbalskog kluba "Velež". Neposredno pred rat izabran za člana Oblasnog komiteta KPJ za Hercegovinu. Imao veliki ugled kod siromašnih slojeva stanovništva u Mostaru i okolnim selima U proljeće 1939. godine sa upravnikom drom Feodorom Lukačem i drom Zvonkom Marićem, organizovao je kurseve prve pomoći za omladinu Mostara, mahom buduće partizane. Poslije okupacije Jugoslavije 1941. godine aktivno je učestvovao u organizovanju pomoći u ustaničkom području istočne Hercegovine i u pripremanju ustanka u sjevernoj Hercegovini. U julu 1941. je postavljen za komandanta Oblasnog vojnog štaba za Hercegovinu i zajedno sa Mustafom Pašićem vodi grupu komunista iz Mostara u okolinu Boračkog jezera gdje organizuju partizanski odred. Grupu na Jarac-kuku, padini planine Velež, za vrijeme odmora napadaju ustaše i ona se povlači u Mostar, nakon čega Mujića i Pašića isključuju iz KPJ. Septembra 1941. ponovo je napustio Mostar i otišao na područje Boračkog jezera gdje je formiran Konjički partizanski bataljon. U bataljonu organizovao je sanitetsku službu i liječio ranjene i bolesne borce i narod okolnih mjesta. Organizuje višednevne kurseve pri bolnici za bolničarke u četama. Održava sastanke i sa ženama po selima objašnjavajući im značaj higijene u porodici, prilikom porođaja i za vrijeme odgoja djece. Zarobljen maja 1942. sa grupom boraca i bolnicom, ali oslobođen u partizanskoj akciji. U junu 1942. godine

postavljen je za rukovodioca saniteta u Hercegovačkom partizanskom odredu koji je imao zadatak da štiti Centralnu bolnicu i ranjenike. U pokretu ovih jedinica za Bosansku Krajinu starao se o ranjenicima, a mnogi od njih su ostali u životu zahvaljujući njegovoj brizi, zalaganjima i hrabrosti, jer gotovo i da nije imao sanitetskog materijala i lijekova. Poginuo prilikom okršaja s Nijemcima u selu Zabrdje kod Hadžića 28.8.1942. pogođen mitraljeskim rafalom pokušavajući da pomogne jednoj ranjenoj ženi. Opisan kao "sirotinjska majka", jedan od "najvoljenijih komunista u gradu", "najpopularniji i najobjavljeniji čovjek u narodu i među borcima", te "pojam ljudske plemenitosti ne samo kao ljekar nego i kao čovjek i borac". Proglašen je za narodnog heroja 24. jula 1953.



Spomen-bista narodnog heroja dr Safeta Mujića djelo je akademskog vajara Florijana Mičkovića.



Članak o dr Safetu Mujiću.



Poslije hirurške intervencije u mostarskoj bolnici 1939, uz bolesnika do uzglavlja sjedi dr Safet Mujić

Kraj bolesnikovog uzglavlja sjedi dr Safet Mujić (u sredini). Iz knjige Lj. Gordića i R. Hamzića "Partizanski doktor Safet Mujić".

Alija (Ragiba) MURATBEGOVIĆ Šice (1922. Višići – 1942. Zaborani) - BORAC

Učenik Gimnazije u Mostaru, gdje je živio s porodicom. Član SKOJ-a od 1941. Bio u grupi skojevaca koja je iznijela municiju iz Sjevernog logora 1941. za potrebe Odreda. U NOV i POJ stupio oktobra 1941. u Mostarski (konjički) bataljon. Poginuo u četničkom puču juna 1942. u Zaboranima kod Nevesinja.

Salko (Muhameda) MUSLIBEGOVIĆ (1897. Mostar – 1943. Mostar) – AKTIVISTA, ILEGALAC

Prema Spomenici, rođen 1889. Trgovac, aktivista NOP-a, u tehničkom odboru za otpremanje odreda iz grada u partizane. Izvršavao intendatske zadatke, prikupljao razni sanitetski materijal za potrebe odreda. Uhapšen od Nijemaca 2. novembra 1944. u Mostaru i ubijen u Bišću polju kod Mostara.

Abdurahman Abdulah (Ahmeta) MUSTAFIĆ (1910. Blagaj – 1945. Prozor) - BORAC

Mesar. U NOV i POJ stupio u ljeto 1943. u Ramski odred. Poginuo februara 1945. kod Prozora kao borac 17. krajiške brigade.

Reuf B. MUTNICA (1921. Mostar – 1943. Banja Luka)

Ukoliko imate podatke o ovom palom borcu, molimo da se javite redakciji sajta partizansko.info.



Porodica Ibrahima i Hane Muštović. S lijeva sjede: Dika udata Bubalo, Fahra udata Lakišić, majka Hana (iz porodice Kazaz, umrla 7.12.1964.), Šemsa udata Antić, Mensura (Beba) udata Šalom; stoje: Mirza, Mustafa, Džemal i Salko. Porodica Muštović ima 6 partizanskih spomenica 1941.


Porodica Muštović svo vrijeme rata skrivala je "partijsku tehniku", odnosno ratnu štampariju koja je tokom rata bez prekida štampala ratne biltene i druge tekstove. Bila je inspiracija i značajan oslonac u antiifašističkoj borbi grada, a održala se uz ogromne napore i rizik porodice Muštović iz Donje mahale. Svi ukućani u porodici Muštović su znali za ilegalnu kućnu štampariju i učestvovali u njenom radu ili zaštititi, a posebno su se istakli Džemal, Mujo (ilegalnog imena Petko), Fahra i majka Hana. Muštovići su sami iskopali bunker da bi preselili opremu iz štale, gdje se prvobitno nalazila, i radili u novoj prostoriji u teškim i opasnim uslovima. Nijedan član porodice nije izgubio život tokom rata. Porodici Muštović imala je šest partizanskih spomenica 1941.

N: Neimarević – Nožić



Života (Save) NEIMAREVIĆ (1920. Mostar – 1942. Bileća) – AKTIVISTA, BORAC

Krojač, sin poznatog mostarskog predratnog komunista i revolucionara Save Neimarevića koji je nastradao u Rusiji u staljinskim čistkama. Član KPJ od 1939, sekretar SK KPJ za Nevesinje 1941-42. Prvoborac – u prvoj grupi dobrovoljaca, 28 mostarskih komunista, koja se ljeta 1941. uputila na teren istočne Hercegovine da radi na razvijanju ustanka. Odred kojim je rukovodio Savo Medan, krenuo je poslije 9 sati naveče iz mahale Bjelušine, naoružan sa 16 pušaka, po 150 metaka na svaku pušku. Svaki borac je imao revolver i najmanje po dvije „kragujevke“. Zabilježeno je da su Života i Gojko Samardžić, kao krojači, svim dobrovoljcima sašili papuče od čoje da bi se mogli nečujno iskrasti kroz grad. Života je bio upućen u Nevesinjski kraj na organizovanje partizanske vojske. Bio je zamjenik političkog komesara u štabu Prvog bataljona. U četničkom puču teško ranjen i zarobljen 6. Juna kod Meke Grude, predat Italijanima. Streljan 28. jula 1942. kod Bileće. Prema italijanskom zapisniku, "osuđeni je odbio da mu se stavi zavoj na oči i tražio je da govori. Kada mu je to dozvoljeno, izjavio je da nevin umire. A čim je komandir voda komandovao da se puca, Neimarević je povikao: 'Živjela Komunistička partija Jugoslavije!'“ Njegovi posmrtni ostaci su 1953. preneseni u Mostar. (Fotografija Živote Neimarevića iz brošure "Partizanski spomenik u Mostaru" je pretpostavka.)



Otac palog borca Živote je jedan od osnivača Veleža, mostarski revolucionar Sava Neimarević, koji je tragično završio u staljinskim čistkama.

Ibrahim (Muje) NEZIROVIĆ Ibro (1926. Humilišani – 1945. Tržič) – BORAC

Zemljoradnik. U NOV i POJ stupio 16. februara 1945. u 3. bataljon 14. hercegovačke brigade. Poginuo 11. maja 1945, nakon kapitulacije Njemačke, u borbama za oslobođenje Slovenije kod Tržiča.

Mehmed (Arifa) NOŽIĆ (1926. Mostar – 1945. Otok Krk) - BORAC

Učenik Učiteljske škole. Član SKOJ-a od 1942. U NOV i POJ stupio 14. februara 1945. u 26. dalmatinsku diviziju. Poginuo 1. maja 1945. na otoku Krku.



Osman (Ahmeda) NOŽIĆ (1924. Mostar – 1943. Ovojci) - BORAC

Bravar. Član SKOJ-a od 1941, u Bataljonu od jula 1943, zarobljen od Nijemaca na Kamenju kod Mostara jula 1943. i strijeljan na Ovojcima kod Mostara.

O: Obad - Ostojić



Šefik (Omara) OBAD, narodni heroj (1923. Blagaj – 1943. Sutjeska) – ILEGALAC, BORAC

Završio Učiteljsku školu u Mostaru. Tokom školovanja priključio se revolucionarnom omladinskom pokretu ističući se u njegovom radu. Član SKOJ-a od 1939. i KPJ od

1941, fudbaler "Veleža". Uhapšen marta 1941. zbog učešća u demonstracijama u Mostaru. U jesen 1941. u Mostaru nastavlja sa ilegalnim partijskim radom, a krajem oktobra odlazi u Konjički partizanski bataljon gdje je bio politički komesar. Učestvuje u napadima na Žepče januara 1943. i Prozor februara 1943. godine. U toku Četvrte neprijateljske ofanzive, sa borcima svoje čete među prvima prodire u grad, zalazi neprijatelju za leđa i uništava italijansko mitraljesko gnijezdo. Nakon prelaska Neretve, istakao se hrabrošću i snalažljivošću u najtežoj bici Mostarskog bataljona, na Porimu. U toku bitke na Sutjesci, zajedno sa komandirima čete

Ahmetom Pintulom i još dvojicom boraca u noći između 11. i 12. juna 1943. izvršio je uspješan napad na njemački položaj na Pločama. Prilikom prelaska Sutjeske, 13. juna 1943. pogođen je mitraljeskim rafalom. Proglašen je za narodnog heroja proglašen 20 decembra 1951.



Bista narodnog heroja Šefika Obada, djelo je akademskog vajara Florijana Mičkovića (1985).




Nikola (Mije) OBULJEN Ivan Blaž Zoran (1896. Mostar – 1944. Zagreb) – AKTIVISTA, ILEGALAC

Završio pilotsku školu 1921., školu noćnog letenja 1935. Potpukovnik Vazduhoplovstva Kraljevine Jugoslavije i pukovnik zrakoplovstva NDH u Mostaru i Zagrebu. Aktivista NOP-a i član KPJ od 1943. Saradnik obavještajne službe, s kojim je saradovao Ivan Stevo Krajačić. Uhapšen od ustaša juna 1944. u Zagrebu na dužnosti pomoćnika zapovjednika Vojnog zrakoplovstva NDH. Zvjerski mučen. Ubijen 23. decembra 1944. u Zagrebu.

Halil (Mehe) OMANOVIĆ (1926. Humilišani – 1945. Bihać) - BORAC

Prema Spomenici, rođen 1927. Zemljoradnik. U NOV i POJ stupio 15. februara 1945. u 14. hercegovačku brigadu. Poginuo aprila 1945. kod Bihaća.



Mehmed (Avde) OMERAGIĆ Meho
(1917. Mostar – 1944. Stara Gradiška)
- AKTIVISTA

Obučar. Aktivista NOP-a. Uhapšen od ustaša juna 1943. godine. Sproveden u logor Jasenovac/Stara Gradiška sa Hamidom Vukom početkom

septembra 1943. Ubijen 1944.

Omer (Huse) OMERIKA (1916. Zijemlje – 1945. Čabar) -
BORAC

Zemljoradnik. U NOV i POJ stupio 14. februara 1945. u 13. hercegovačku brigadu. Poginuo 22. aprila 1945. na Čabru u Sloveniji.

BRAT I SESTRA ONEŠČUK



Miroslav (Jakova) ONEŠČUK Mirko
(1923. Grude – 1943. Ljubija) –
ILEGALAC, BORAC

Đak Gimnazije u Mostaru gdje je živio sa porodicom. Član SKOJ-a od 1940. i KPJ od 1941. Kao đak, uhapšen prije rata sa grupom u kojoj je bio i

profesor Džema Šarić, ali pušten kao maloljetan. U Bataljonu od marta 1942. Komesar čete, poginuo na Ravnom kod Gacka maja 1943. za vrijeme Pete neprijateljske ofanzive. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Sofija (Jakova) ONEŠČUK Sofka
(1926. Grude – 1944. Grušća) –
BOLNIČARKA, BORAC

Službenica u Fabrici duhana u Mostaru u kojoj je radila i njena majka Katica kao kuharica. Član SKOJ-a od 1941, u Bataljonu od januara

1944. Poginula u napadu na partizansku bolnicu u Grušći kod Konjica aprila 1944.



Vokalni solista RTV Vojvodine, Mihajlo Oneščuk, bio je mlađi brat dvoje palih boraca sa Partizanskog - Mirka i Sofije Oneščuk.



dr Asim (Ahmeta) OPIJAČ (1896. Stolac – 1945. Jasenovac) - AKTIVISTA

Prema Spomenici, rođen 1898. godine. Radio kao doktor u Domu narodnog zdravlja (DNZ) u Mostaru odakle je pomagao partizane

lijekovima i sanitetskim materijalom. Jedan od predavača koji je držao kurseve za bolničare. Takođe je liječio ranjene borce koji su se vraćali kućama na oporavak. Uhapšen 14. januara 1945, proslijeđen u logor Jasenovac, gdje je uskoro po dolasku likvidiran. Dr Asim Opijač je bio brat Adile Fejić, odnosno ujak pet palih boraca na Partizanskom. Fotografija dr. Opijača (iz brošure "Partizanski spomenik u Mostaru") je pretpostavka.




Zvonimir (Josipa) ORLIĆ Zvonko (1910. Pula – 1942. Ostrožac) – AKTIVISTA, BORAC

Fotograf. Aktivista NOP-a u Mostaru gdje je živio. U Bataljonu od aprila 1942. Poginuo u Ostrošcu kod Konjica

jula 1942.

Alija H. ORUČ (1921. Mostar – 1945. Mostar)

Ukoliko imate podatke o ovom palom borcu, molimo da se javite redakciji sajta partizansko.info.



Hasan (Hamida) ORUČEVIĆ (1914. Mostar – 1943. Nevesinje*) – AKTIVISTA, BORAC

Obučar, radio na željeznici. Predratni aktivista radničkog pokreta, u Bataljonu od februara 1942. Uspio se probiti iz četničkog puča 1942. u Bijeloj. Poginuo kod Gacka* juna 1943. nakon Pete ofanzive na Sutjesci, na putu za Mostar na oporavak.

Zdravko (Riste) OSTOJIĆ (1923.* Mostar – 1943.* Slovenija) – AKTIVISTA, BORAC

Prema Spomenici, rođen 1925. Učenik Gimnazije. Član SKOJ-a od 1940. Uhapšen od Italijana aprila 1943. u Mostaru i odveden u logor u Italiju. Nakon kapitulacije Italije stupio u slovenačku brigadu „Ljubo Šercer“. Poginuo 1. juna 1944.* u Sloveniji. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

P: Pajević – Puzić

Selim (Osmana) PAJEVIĆ (1927. Mostar – 1944. Sarajevo) - AKTIVISTA

Prema Spomenici, rođen u Bijenji kod Nevesinja. Trgovački pomoćnik, živio i radio u Mostaru. Aktivista NOP-a. Uhapšen od ustaša krajem 1944. u Mostaru, odveden i ubijen.

Osman (Mehe) PAJIĆ (1916. Humilišani – 1945. Ostrožac) - BORAC

Zemljoradnik. U NOV i POJ stupio 14. februara 1945. u 1. (mostarski) bataljon 13. hercegovačke brigade. Poginuo februara 1945. u Ostrošcu kod Konjica.



Ethem (Šaćira) PALA (1923. Mostar – 1945. Sarajevo) - AKTIVISTA

Prema Spomenici, rođen 1924. Bravar. Odveden februara 1945. sa grupom Mostaraca u Sarajevo, gdje je pogubljen od strane “priekog suda” Maksa Luburića. Ime Ethema Pale je objavljeno pod rednim brojem 16 na oglasu/obavijesti.



Ibrahim (Saliha) PALA (1924. Mostar – 1943.* Čičevo*)

Mašinbravar. Član SKOJ-a od 1942. Prema Spomenici, uhapšen od ustaša 12. februara 1945.* u Mostaru, odveden u Sarajevo* i ubijen.

Mehmed (Mustafe) PALA Meha (1921. Mostar – 1943. Ovojci) - BORAC

Mesar, član SKOJ-a od 1941, u Bataljonu od decembra 1941. Nakon Pete ofanzive, bitke na Sutjesci, vratio se u Mostar na oporavak. Uхваćen od Nijemaca u raciji u Mostaru jula 1943. Streljan na Ovojcima kod Mostara.



Šaćir (Mehmeda) PALATA (1914. Mostar – 1941. Borci, Konjic)

Građevinski radnik, član KPJ od 1938. Kao zidar, u kući Jusufa Čevre sazidao bunker za skrivanje materijala, jer su jedno vrijeme u Čevrinoj kući umnožavani pisani materijali. U avgustu 1941. izašao u istočnu Hercegovinu radi organizacije ustanka, u Bataljonu od septembra 1941. Poginuo u okršaju na Borcima kod Konjica 15. septembra 1941. Smatra se prvim palim borcem Mostarskog bataljona, „izuzetno dobar drug i hrabar borac za radnička prava, koji se isticao u demonstracijama u gradu“.



Spomen-ploča u Konjicu na mjestu pogibije Šaćira Palate.



Drago (Dušana) PALAVESTRA (1925. Mostar – 1943. Mostar) – ILEGALAC, BORAC

Đak Gimnazije. Član SKOJ-a od 1941, ilegalac, aktivni učesnik NOP u Mostaru. U Omladinskom odredu od jula 1943. Zarobljen na Kamenjoj kod Mostara jula 1943. pri izlasku odreda iz Mostara. Javno obješen sa Alijom Rizikalom u Mostaru 15. jula 1943. godine na trgu Musala, u parku pored hotela Neretva "radi sudjelovanja u partizanima". Obojica su se pred smrt hrabro držali klicajući: "Živjela Komunistička partija Jugoslavije", "Živio drug Tito", "Živio Sovjetski Savez". Prema nekim izvorima, "docnije su policajci, koji su prisustvovali suđenju i vješanju, pričali da je Palavestra, na ciničko pitanje, da li ima kakvih želja, odgovorio: — Želio bih da na banderama od Mostara do Berlina vise Nijemci." Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

Šta su mislili dečaci koje su Nemci ispod vешала upitali za poslednju жељу? То нико није сазнао, али су Немци и агенти (они су после испричали овај случај) чули пркосне речи Драге Палавестре: „Желим вешала од Мостара до Берлина и на њима Швабе“.

На музичкој школи, покрај које су обешени, стоји спомен-плоча на којој пише:

„Овде су 15 јула 1943 године немачки окупатори обесили другове: Палавестру Драгу и Алију **Ризикала**, чланове SKOJ-а, васпитане од комунистичке партије Југославије, самонредорне, упорне и храбре борце за слободу и срећнију будућност наших народа. Вечна им слава!“

Odlomak iz stare štampe, sjećanje na Dragine hrabre riječi. Takođe, napomena o spomen-ploči koja je stajala na muzičkoj školi. Dragi i Aliji podignut je spomenik na Musali.



Skojevci Alija Rizikalo (lijevo) i Drago Palavestra (desno) na vješalima kod trga Musala, 15. Jula 1943.



Na ovoj čuvenoj fotografiji mostarskih skojevaca 1941. tri su pala borca sa Partizanskog spomenika: Drago Palavestra (lijevo), Salko Šestić (u sredini) i Muhamed Pekušić (desno). U društvenim medijima (i na znaci.org) mjesta su zamijenjena Dragi i Salki. Ovo je tačan redoslijed.

Savo (Sime) PALAVESTRA (1926. Gnojnice – 1945.* Dubrave*) – BORAC

Zemljoradnik. U NOV i POJ stupio agusta 1944. u 3. Bataljon 10. hercegovačke brigade. Prema Spomenici, poginuo na Prevlaci kod Herceg-Novog 22. novembra 1944*.



Emir (Zajke) PAŠIĆ (1922. Mostar – 1945. Ivan-Sedlo) - BORAC

Đak Trgovačke akademije. Član SKOJ-a, borac 2. bataljona 13. hercegovačke brigade, politički delegat voda 1. čete 2. bataljona, pasionirani foto-reporter.

Teško ranjen u uzastopnim jurišima na brdu Rogalj (Ivan-planina) 6. marta 1945. U pokušaju da spasi njega i ranjenog puškomitraljesca Tomu Krajišnika poginule su, jedna pored druge, tri bolničarke Hrvatica, Srkinja i Muslimanka: Zdenka Karačić, bolničarka Drugog bataljona, Ljubica Remetić iz sela Biograda kod Nevesinja, referent saniteta Četvrtog bataljona i Emina Merdan iz Počitelja, bolničarka Drugog bataljona. Simbolika tih pogibija je dugo odzvanjala u bataljonu, kao i nakon rata, kroz brojne priče: “podvig Zdenke,

Emine i Ljubice ostao simbol krvlju zapečaćenog bratstva i jedinstva naša tri naroda”.

Emir Pašić, politički delegat voda u Drugom bataljonu, mostarski skojevac, teško ranjen na brdu Rogalj (Ivan-planina) 6. marta 1945. U pokušaju da ga spasi poginule su, jedna pored druge, tri hrabre bolničarke Hrvatica, Srkinja i Muslimanka: Zdenka Karačić, bolničarka Drugog bataljona, Ljubica Remetić, referent saniteta Četvrtog bataljona i Emina Merdan, bolničarka Drugog bataljona



Emir Pašić

Zdenka Karačić



Ljubica Remetić



Emina Merdan



Donji red: Zdenka Karačić, Ljubica Remetić, Emina Merdžan.



Spomenik na mjestu pogibije Emira, Zdenke, Emine i Ljubice.



Mustafa (Ibrahima) PAŠIĆ
Muja (1906. Mostar – 1942. Ribari)
– AKTIVISTA, BORAC

Bravar, fudbaler Veleža. Član KPJ od 1925, sekretar Oblasnog komiteta za Hercegovinu. Prekaljeni proleterski borac, kao politički zatvorenik proveo sedam godina u zatvorima stare Jugoslavije. Uhapšen 1929. i od Državnog suda za zaštitu države u Beogradu osuđen na pet godina robije, koja mu je u Lepoglavi povećana za još dvije godine. Sekretar MK KPJ za Mostar 1937, sekretar Pokrajinskog komiteta KPJ za BiH od ljeta 1938. do jeseni 1939, a kasnije član. Delegat na Petoj zamaljskoj konferenciji KPJ oktobra 1940. u Dubravi kraj Zagreba. Od oktobra 1940. sekretar Oblasnog komiteta KPJ za Hercegovinu. Politički komesar Oblasnog vojnog komiteta za Hercegovinu i jedan od organizatora ustanka u Hercegovini. Početkom rata upućen na rad u Podveležje radi priprema mobilizacije, vodio razgovore s mještanima i održavao konferencije po selima, organizujući narodne odbore. U Bataljonu od decembra 1941. Komesar čete. Poginuo u Ribarima kod Konjica juna 1942. Opisan je kao "jedan od najodgovornijih ljudi" i "najpopularniji radnik u Mostaru". Za njega je rečeno: "Bio je to komunist temperamentan, neobično radin i živ. Na robiji je Pašić mnogo naučio i osjetio još veću potrebu i žeđ za obrazovanjem. Njega je živo zainteresovala marksistička teorija, a i kultura uopšte." Saborci su se prisjećali ratnih dana: „Sa velikom kapom od jagnjeće kože na glavi, i petokrakom, za mnoge seljake je izgledao kao ruski partizan. Svakim novim danom sve više su ga voljeli zbog njegovog mirnog i strpljivog objašnjavanja ciljeva naše borbe. ”



Djuro Pucar — Stari i Mujo Pašić kao zatvorenici u kaznioni u Sremskoj Mitrovici

Stari revolucionari: Mustafa Pašić (lijevo) i Đuro Pucar Stari (desno), kao zatvorenici u kaznioni u Sremskoj Mitrovici.

Džemal D. PAŠIĆ (1928. Gacko – 1945. Trnovo)

Ukoliko imate podatke o ovom palom borcu, molimo da se javite redakciji sajta partizansko.info.

Zvonko D. PAUŠEK (1920. Mostar – 1943. Crna Gora)

Ukoliko imate podatke o ovom palom borcu, molimo da se javite redakciji sajta partizansko.info.



Dejan (Draška) PAVIĆ (1926. Mostar – 1944. Nevesinje) – ILEGALAC, BORAC

Đak Gimnazije. Dejanovog oca Draška, željezničara, ustaše su odveli i ubili u logoru Jadovno kod Gospića

ljeta 1941. Član SKOJ-a od 1942. U NOV i POJ stupio juna 1944. u 1. (Mostarski) bataljon 13. hercegovačke brigade. Borac, poginuo kod Nevesinja jula 1944. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Dejan Pavić i sestra Stanka, oko 1941. Arhiv porodice Pavić Pavasović.

Pali borac Dejan Pavić i sestra Stanka (rođ. 1928.), na Bjelušinama u Mostaru, oko 1941. Arhiv porodice Pavić Pavasović.



Dejan Pavić, sportista, prima nagradu. Takmičenje Bata 1938.g. Arhiv porodice Pavić Pavasović.



Dejan Pavić (s kačketom lijevo, gornji red) i mladi skojevci iz Dudinog sokaka. Arhiv porodice Pavić Pavasović.



Partizansko kolo, fotografija nađena u zaostavštini Dejana Pavića. Datum i mjesto nepoznati. Arhiv porodice Pavić Pavasović.

Marta (Ružice) PAVIĆ (1926.* ????* – 1943. Kamena) –
AKTIVISTA, BORAC

Prema Spomenici, rođena 5. marta 1928.* u Slavenskom Brodu*, đak Građanske škole u Mostaru gdje je živjela sa porodicom. Član SKOJ-a od 1943, u Bataljonu od jula 1943. Poginula na Kamennoj kod Mostara jula 1943.



Avdija Avdo (Muje) PAVLOVIĆ (1902. Mostar – 1943. Ovojci) - AKTIVISTA, ILEGALAC

Bravar. Aktivista radničkog pokreta i NOP-a, hapšen nakon septembarskih demonstracija 1940. u Mostaru. U Avdijinoj kući su se često krili ilegalci i borci, te sakupljali odredi za odlazak u partizane. „Ne beri brigu, zlatane moj!, tako bi Avdija dočekivao mnoge opasnosti“. Kao član partije, bavio se direktnim agitovanjem i propagiranjem, i pozivao je radnike da se što masovnije uključe u akciju narodne pomoći. Uhapšen tokom racije nakon povratka boraca Bataljona u Mostar poslije bitke na Sutjesci, i zajedno sa izdvojenim borcima streljan na Ovojcima. Nakon Avdijine smrti, njegova žena Munta je

nastavila da dočekuje kurire. (Fotografija Avdije Pavlovića iz brošure "Partizanski spomenik u Mostaru" je pretpostavka.)



Supružnici Munta i Avdija Pavlović svojski su podržavali NOP. Munta je nastavila da pomaže pokretu i nakon Avdijine pogibije. Porodični arhiv.



Ljubomir (Naste) PAVLOVIĆ Ljubo Ljupče (1926. Mostar – 1944. Brasina) - BORAC

Đak Gimnazije, član SKOJ-a od 1942, u Bataljonu od oktobra 1943, bataljonski kurir, poginuo na prevoju Brasina kod Mostara februara 1944. nesretnim slučajem. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

Muhamed (Hamida) PECIĆ Hama (1908.* Mostar – 1945. Sarajevo) - AKTIVISTA

Prema Spomenici, rođen 1906. u Mostaru. Auto-mehaničar. Član KPJ. Uhapšen od ustaša 12. februara 1945, par dana prije oslobođenja Mostara, i otpremljen u Sarajevo, gdje je pogubljen od strane Luburićevog "Priekog suda". Ime Muhameda Pecića je objavljeno pod rednim brojem 1 na oglasu/obavijesti o osudi smrti streljanjem.

Samija (Hasana) PECO (1928. Mostar – 1944. Mostar) - AKTIVISTA

Učenica. Član SKOJ-a. Poginula od savezničkog avionskog bombardovanja 14. januara 1944. u Mostaru.

Danilo (Laze) PEJAK (1914. Humilišani – 1942. Zijemlje) - BORAC

Zemljoradnik. U NOV i POJ stupio marta 1942. u Mostarski (konjički) bataljon. Poginuo jula 1942. u Zijemljima kod Mostara.



Muhamed Hamo (Saliha) PEKUŠIĆ (1924. Trebinje – 1944. Jasenovac) - ILEGALAC

Svršeni srednjoškolac (Gimnazije u Mostaru). Član SKOJ-a od 1941, ilegalac, između ostalog, zadužen za ispraćaj skojevaca u odred. Živio u Mostaru gdje se pridružio omladinskom pokretu. Uhapšen od ustaša aprila 1944. u Mostaru jer je "vodio dvije grupe SKOJ-evaca. Obje grupe prebacio je među odmetnike". Otpremljen u logor Jasenovac, gdje je ubijen 1944. Njegovo ime se nalazilo na nestaloj spomen-ploči palim profesorima i đacima Gimnazije u Mostaru.



Tri pala borca sa Partizanskog, s lijeva na desno: Drago Palavestra, Salko Šestić i Muhamed Pekušić u Mostaru, 1941. godine.



Tatjana Tanja (Lazara) PEŠKO (1923. Mostar – 1941. Mostar) - AKTIVISTA

Prema Spomenici, rođena 1924. godine u imućnoj trgovačkoj porodici, đak Gimnazije, član SKOJ-a od 1940. i KPJ od 1941. Kao mlada skojevka učestvovala u radu napredne Muslimanske narodne

biblioteke u Mostaru. Pisala literarne sastave sa socijalnim i političkim sadržajem. Učesnica posebnih skojevskih akcija. Jedna od osnivačica posebnog odbora žena juna 1941. na sastanku na brdu Hum, u borovoj šumici. Tragično izgubila život početkom avgusta 1941. Ikonopisac i pjesnik Sveta Mandić posvetio joj je pjesmu "Drugi zapis sa groblja na Pašinovcu". Ona je Tanja iz čuvenih stihova Miše Marića ("Mostarska majka") Mladen i Laca, Tanja i Pava, / svi mrtvi koji u nama žive, / došli bi jači od zaborava, / iz neke strašne ofanzive.(...). Njeno ime nalazilo se na nestaloj spomen-ploči palim profesorima i đacima Gimnazije u Mostaru.



Tanja Peško, Isječak iz "Slobode" 1950tih.

SJEĆANJA: Tidža Karabeg, Zemlja moje mladosti: "Moja razredna drugarica bila je i Tanja Peško. Mi smo negdje sasvim blizu sjedili u školskim klupama. Mislim da se čitav moj razred i ja možemo pohvaliti da nam je ona bila drugarica i da nam to može biti na ponos. Ona je

stvarno, bez obzira na njenu bogatu porodicu bila djevojka koja se opredjelila za liniju Partije i ona je već tada bila član KPJ. Njen povlašten materijalni položaj omogućavao joj je da, za razliku od mnogo nas drugih, daleko aktivnije djeluje. Sjećam se da smo kod Tanje Peško odlazili na takozvane žureve, na koje su čak dolazili i neki jugoslavenski oficiri. Pored toga što je imala guvernantu za njemački jezik, imala je i učitelja za klavir, pa je svirala. Inače je bila veoma bistra djevojka, vrlo talentovana, odličan đak i vrlo društvena. A koristila je sve načine da radi za pokreti i Partiju, da okuplja skojevce i širi ideje iz literature koju je u pravilju čitala prije svih nas. Čini mi se da nema siromašnije skojevke koja nije nosila haljine Tanje Peško, da nije bilo teške situacije iz koje ona nije našla izlaz." Mišo Marić, list "Sloboda"

Ibrahim (Ahmeta) PEZO Ibro (1920.* Mostar – 1942. Špiljani) – AKTIVISTA, BORAC

Prema Spomenici, rođen 1919.* Zemljoradnik i baštovan. Tamburaš u RKUD "Abrašević". Član SKOJ-a od 1941, u Bataljonu od početka 1942, poginuo u Špiljanima kod Konjica juna 1942.



Salih Salko (Mahmuta) PEZO (1921. Mostar – 1943. Sutjeska) – AKTIVISTA, BORAC

Učenik Učiteljske škole u Mostaru. Fudbaler "Veleža". Član SKOJ-a od 1938. i KPJ od

1940, sekretar aktiva SKOJ-a Učiteljske škole. Hapšen i zatvaran više puta. Prvoborac – u jednoj od prvih grupa dobrovoljaca koje je izveo Savo Medan iz Mostara sredinom avgusta 1941. Zbog nastale situacije vraćen u Mostar na ilegalni rad, sekretar MK SKOJ-a za Mostar, član MK KPJ za Mostar i član Oblasnog komiteta SKOJ-a za Hercegovinu. U odred stupa ponovo aprila 1942. Delegat osnivačkog kongresa USAOJ-a u Bihaću decembra 1942, kada je izabran za člana Zemaljskog odbora USAOJ-a. Skojevski rukovodilac bataljona, politički komesar čete u 3. bataljonu. Poginuo na Krekovima kod Tjentišta 13. juna 1943. za vrijeme Pete neprijateljske ofanzive na Sutjesci. Upamćeno je da je

na borbe ostavljao dubok utisak i da je često govorio: *“Borba je teška, trajaće dugo, ali treba izdržati. Mi ćemo pobijediti! Mnogi od nas neće dočekati pobjedu, ali ako je mi ne doživimo, mlađe generacije će uživati plodove revolucije.”*



“Stari Mostar”, crtež Salke Peze. Još prije rata priređivao je samostalne izložbe. Upamćeno je da je bio „veliki zaljubljenik slikarstva (...)” i na Tisovici je nosio sa sobom jedan blok u kojem je radio crteže. To je bilo njegovo najveće zadovoljstvo.“

Radovan Rade (Milana) PIČETA (1912. Mostar – 1944. Stara Gradiška) - AKTIVISTA

Trgovački pomoćnik. Aktivista NOP-a. Uhapšen od ustaša 7. aprila 1944. u Mostaru, odveden u logor Stara Gradiška (prema Spomenici, Bosanska Gradiška) gdje je ubijen iste godine.

Milorad (Bože) PIKULA Medo (1924. Mostar – 1943. Bijela) - BORAC

Soboslikar. Desetar Mostarskog bataljona, poginuo na Borcima kod Konjica februara 1943. zajedno sa Aleksandrom Alagićem.

Alija (Osmana) PILAVDŽIĆ (1899. Opčičići – 1945. Sarajevo)

Rudar Rudnika mrkog uglja u Mostaru. Aktivista NOP-a. Uhapšen od ustaša februara 1945. u Mostaru, odveden u Sarajevo gdje je ubijen. Njegovo ime je objavljeno pod rednim brojem 4 na oglasu/obavijesti Luburićevog “Priekog suda” o kazni „strieljanjem”.



Ahmet* (Selima) PINTUL, narodni heroj (1922. Mostar – 1943. Džepa) – ILEGALAC, BORAC

Izučio je bravarski zanat i krajem 1940. godine se zaposlio u Rudniku mrkog uglja u Mostaru. Član SKOJ-a od 1940. i KPJ od

1942. Fudbaler “Veleža”. Poslije okupacije Jugoslavije, 1941., zajedno sa Mladenom Balordom, formirao je u Mostaru Udarnu omladinsku grupu. Jula 1941. grupa je izvršila akciju u italijanskoj kasarni Sjevernog logora ili akciju oslobađanja ranjenog Esada Fejića. Novembra 1941. stupio u Konjički partizanski bataljon i sa njim učestvovao u mnogim borbama na terenu Konjica, napadima na Žepče i Prozor gdje je bio teško ranjen. Poslije ozdravljenja, postao je zamjenik komandira Druge čete Mostarskog bataljona Desete hercegovačke birgade. Na Porimu je njegov bataljon, u sadejstvu sa još dva partizanska bataljona, vodio teške borbe. U toku borbe na Sutjesci predvodio bombašku grupu koja je uspjela da uništi tri mitraljeska gnijezda. Poslije proboja, prilivom novih boraca iz Mostara, formiran je novi Mostarski partizanski bataljon, a za njegovog komandanta je postavljen Ahmet. Poginuo je aprila 1944. na Gradu kod Konjica. Proglašen za narodnog heroja 20. decembra 1951. Prema Spomenici, ime je Ahmed*.



Bista narodnog heroja Ahmeta Pintula djelo je akademskog vajara Nikole Njirića (1985.)



Stoje, s lijeva a desno: Alija Krpo, Fadil Numić, Husa Orman, Ahmed Pintul, narodni heroj, Enes Orman, narodni heroj (poginuo 1944). Čuče: Italijan (partizan), Savo Savčić, narodni heroj Meha Trbonja, Italijan (partizan).



Majka narodnog heroja Ahmeta Pintula Pašana primila je delegaciju brigade koja je nosila njegovo ime. List "Sloboda" 1950tih.

Salih Salem (Arifa) PINTUL (1927.* Mostar – 1944. Baljci) - BORAC

Prema Spomenici, rođen 1925.* Đak Gimnazije. U NOV i POJ stupio ljeta 1944. u 13. hercegovačku brigadu. Poginuo oktobra 1944. na Kravici kod Trebinja. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

Božidar Božo (Koje) PIŠTALO (1912.* Prigrađani – 1942. Foča) - BORAC

Prema Spomenici, rođen 1911.* u Potocima kod Mostara. Zemljoradnik. U NOV i POJ stupio oktobra 1941. u Mostarski (konjički) bataljon. Umro od posljedica smrzavanja marta 1942. u Partizanskoj bolnici u Foči.

Ljubomir Ljubo (Petra) PIVAC (1901. Mostar – 1941. Mostar) - AKTIVISTA

Rudar u Rudniku mrkog uglja. Predratni član KPJ, hapšen kao komunista 1932. Uhapšen od ustaša u Mostaru jula 1941. i ubijen.

Halil M. POLČIĆ (1902. Jasenjani – 1943. Jasenjani)

Ukoliko imate podatke o ovom palom borcu, molimo da se javite redakciji sajta partizansko.info.

BRAĆA I SESTRA POPOVIĆ

Dejan (Manojla) POPOVIĆ (1910.* Mostar* – 1941. Mostar) - SIMPATIZER

Prema Spomenici, rođen 1911.* u Županju*. Živio i radio u Mostaru, službenik Zadružnog saveza. Podstanar kod Zlatke Vuković, simpatizer KPJ. Uhapšen na dan sukoba sa ustašama 31. jula 1941. u događaju poznatom u istorijskoj literaturi kao "prva bomba u Mostaru", u kući Vukovića i streljan zajedno sa Zlatkom, Ahmetom Sefićem i sestrom Verom.




Mihajlo Miho (Manojla) POPOVIĆ (1920. Mostar – 1941. Mostar) - AKTIVISTA

Učenik Gimnazije. Predratni član SKOJ-a. Stradao u bolnici u Mostaru 10. jula 1941. (Mihajlova fotografija je pretpostavka, arhiv K.D. Miletić.)

Vera (Manojla) POPOVIĆ (1911.* Mostar* – 1941. Mostar) – AKTIVISTA, SIMPATIZER

Prema Spomenici, rođena 1903.* godine u Županju*. Domaćica, živjela s porodicom u Mostaru. Aktivista NOP, simpatizer KPJ. Podstanar kod Zlatke Vuković. Uhapšena na dan sukoba sa ustašama u kući Vukovića 31.jula 1941. u događaju poznatom u istorijskoj literaturi kao “prva bomba u Mostaru”, i streljana zajedno sa Zlatkom, Ahmetom Sefićem i bratom Dejanom Popovićem.



Spomen-ploča na kući Gojka Vukovića gdje se odigrao događaj poznat u istorijskoj literaturi kao “Prva bomba u Mostaru”. Tom prilikom uhvaćeni su i ubijeni Zlatka Vuković i Ahmet Sefić, te Zlatkini podstanari Vera i Dejan Popović, a sutradan Jusuf Čevro i Slobodan Vuković. Izvor: dokumentarni film “Treći bataljon”.

Mujo (Ibre) PRAHO (1922. Gubavica – 1944. Gubavica) - BORAC

Zemljoradnik. U NOV i POJ stupio septembra 1944. u 2. bataljon 13. hercegovačke brigade. Poginuo novembra 1944. na Gubavici kod Mostara.

Branko (Nikole) PRERAD (1922. Hodbina – 1943. Hodbina) - BORAC

Zemljoradnik. Član SKOJ-a od decembra 1942. Izvršavajući kurirski zadatak, u zimu 1942/43. gazio rijeku Bunu, dobio upalu pluća i umro 15. februara 1943. u Hodbini.

Dorđe (Špire) PRODANOVIĆ (1909. Mostar – 1942. Plužine) - BORAC

Građevinski radnik. U NOV i POJ stupio februara 1942. u Potkomsku četvu Stolačkog partizanskog odreda. Borac, teško ranjen u borbi na Borču aprila 1942, prenesen u Plužine kod Nevesinja gdje je umro.

Slavko (Save) PRSTOJEVIĆ (1922. Nevesinje* – 1942. Čučug) – ILEGALAC, BORAC

Prema Spomenici, rođen u Sopjanskoj Gredi kod Podravske Slatine*. Učenik Gimnazije u Mostaru, gdje je živio sa porodicom. Član SKOJ-a od 1940, ilegalac. Ljeta 1941. izbjegao u Srbiju i stupio u Tamnavsko-kolubarski odred. Poginuo kao politički radnik 28. februara 1942. kod Uba. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

Ibro (Hadže) PUCE (1914. Dračevica – 1942. Svinjarina) - AKTIVISTA

Zemljoradnik. Aktivista NOP-a u Podveležju. Poginuo kao kurir 12. maja 1942. u Svinjarini kod Mostara.

Đuro (Laze) PUDAR (1919. Pijesci – 1944. Mišljen) - BORAC

Zemljoradnik. U NOV i POJ stupio septembra 1943. u 5. bataljon 10. hercegovačke brigade. Poginuo na Mišljenu kod Ljubinja oktobra 1944.

Mirko (Mitra) PUDAR (1923.* Pijesci – 1941. Miholjača) - BORAC

Trgovački pomoćnik, radio u Nevesinju. U NOV i POJ stupio 1941. u ustaničke jedinice na području Nevesinja. Poginuo 9. aprila 1942. u Miholjačama kod Gacka kao borac 1. hercegovačkog udarnog bataljona.

Omer (Sule) PUZIĆ (Mostar 1931. – Mostar 1945.)

Prema Spomenici, rođen 1933.* Đak. Poginuo od zaostalog oružja 23. februara 1945. u Mostaru.

BRAĆA PUZIĆ

Omer (Saliha) PUZIĆ Okica (1926.* Mostar – 1943. Ribnica) - BORAC

Prema Spomenici, rođen 1925.* Radnik, član SKOJ-a od 1941, u Bataljonu od kraja 1941, četni kurir. Juna 1942. upućen kao kurir u Mostar, uhapšen od policije NDH u Mostaru i predat Italijanima. Interniran u logor Mamula, a zatim prebačen u logor Visco di Udine u Italiji gdje je dočekao kapitulaciju. Pridružio partizanima u slovenačkoj brigadi „Ljubo Šercer“. Poginuo u Ribnici 1943.



Sabrija (Saliha) PUZIĆ (1921. Mostar – 1943. Žuglići) - BORAC

Student prava. Član SKOJ-a od 1939. i KPJ od 1941, u Bataljonu od početka 1942, komesar čete, poginuo u Žuglićima kod Konjica marta 1943.

Teofik (Ahmeda) PUZIĆ Tofa ili Žaco (1914. Mostar – 1943. Ovojci) – AKTIVISTA, BORAC

Prema Spomenici, rođen 1915.* Krojač. Aktivista NOP-a, fudbaler „Veleža“. Nakon Pete ofanzive, bitke na

Sutjesci, sa 80 drugih boraca vratio se u Mostar na oporavak. Uhapšen od Nijemaca u raciji i, nakon saslušanja, streljan na Ovojcima kod Mostara jula 1943.

R: Raco – Rupar



Miloš (Rajka) RACO (1913. Mostar – 1942. Glavatičevo) - BORAC

Službenik, rezervni oficir i željezničar po zanimanju. Član KPJ od 1942, u Bataljonu od jeseni 1941, komandir čete, poginuo na Borcima kod Konjica u ljeto 1942. Prema Spomenici, prezime je Raca.

Jovan (Lazara) RAČIĆ (1895.* Zijemlje – 1944. Zaborani) - AKTIVISTA

Prema Spomenici, rođen 1898*. Zemljoradnik. Nosilac pokreta u Zijemljima, komandant Prenjskog odreda, koji je brojao oko 45 boraca. 1921. godine osuđen zbog dezerterstva iz stare Jugoslovenske vojske. Nakon 15 godina tamnovanja pobjegao iz zeničkog zatvora u Albaniju. Vratio se na Zijemlje u ljeto 1943. i odmah priključio NOP-u. Član KPJ od 1943. Ubijen od strane četnika 1. februara 1944. u Česimu kod Konjica. Opisan kao „stasit i krupan gorštak“.

Stevan Stevo (Jeremije) RAČIĆ (1922. Zijemlje – 1944. Gubavica) - BORAC

Prema Spomenici, rođen 1921.* u Zijemljima kod Mostara. Trgovački pomoćnik, član KPJ od 1941, u Bataljonu od septembra 1941. Juna 1942. politički radnik na području Zijemalja. U ljeto 1944. stupio u 13. hercegovačku brigadu. Komesar čete. Poginuo u Pijescima kod Mostara oktobra 1944.



Borivoje Boro (Petra) RADAN
(1923. Mostar – 1943. Kamena)
- BORAC

Đak Gimnazije u Mostaru, član SKOJ-a od 1940. i KPJ od 1941. U prvoj grupi dobrovoljaca, koji su se ljeta 1941. uputili na teren istočne Hercegovine da rade na razvijanju ustanka. Nakon Pete ofanzive, bitke na Sutjesci, sa 80 preživjelih boraca vratio se u Mostar na oporavak. Poginuo na Kamenj kod Mostara kao komesar Mostarskog omladinskog odreda jula 1943. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Lazar Lazo (Triпка) RADIŠIĆ (1896.*
Mostar – 1944. Stara Gradiška) –
AKTIVISTA, ILEGALAC

Prema Spomenici, rođen 1897*.
Krojač, predratni borac za radnička prava i aktivista NOP-a u Mostaru. Funkcioner FŠK "Velež". Uhapšen od Italijana, i interniran na Mamulu 1942. odakle je pušten. Vratio se za Mostar. Uhapšen je po drugi put prilikom premetačina u martu 1944. Otpremljen u logor Stara Gradiška, gdje je ubijen 1944. (Fotografija Laze Radišića je pretpostavka).

Ibro (Bećira) RAHIMIĆ (1921. Pijesci – 1945. Dretelj) -
BORAC

Mašinobravar. U NOV i POJ stupio u jesen 1944. u 2. bataljon 12. hercegovačke brigade. Poginuo 2. februara 1945. u Dretelju kod Čapljine.

Ibro Meho (Durana) RAHIMIĆ (1915. Pijesci – 1943. Sutjeska) -
BORAC

Mašinbravar Željezničke ložionice u Mostaru. U NOV i POJ stupio januara 1943. u Partizanski bataljon „Iskra“. Član KPJ. Poginuo kao borac 10. hercegovačke brigade na Sutjesci juna 1943. godine.




Ibrahim Ibro (Saliha) RALJEVIĆ (1918.
Mostar – 1945. Jasenovac*) -
AKTIVISTA

Kovač u Rudniku mrkog uglja. Član SKOJ-a radničke omladine Rudnika mrkog uglja, fudbaler "Veleža".
Odveden sa posla dva dana prije oslobođenja Mostara, 12. februara 1945. i, sa grupom drugih Mostaraca otpremljen u Sarajevo* nakon čega je ubijen. Njegovo ime je objavljeno na spisku osuđenih na Oglasu "Priekog ratnog suda stožera pukovnika Luburića" pod rednim brojem 14.



Saveta Radan, majka Bore Radana, kraj njegove spomen ploče, prilikom otvaranja Partizanskog spomen-grblja 25.9.1965. Uslikali za prilog tadašnji novinar "Slobode" Mišo Marić i fotograf Sena Dugalić.



Glumci Miloš i Boro Kandić bili su šurjak i nećak palog borca Bore Radana. Miloš Kandić je najprepoznatljiviji po ulozi Prsana u seriji „Kapelski kresovi“, a sin Bora po ulozi mladog Vuka Karadžića u istoimenoj seriji.

BRAĆA RALJEVIĆ

Muhamed (Ahmeda) RALJEVIĆ (1923. Mostar – 1945. Sarajevo) - AKTIVISTA

Trgovački pomoćnik. Aktivista NOP-a. Uhapšen od ustaša sa grupom Mostaraca 12. februara 1945, neposredno pred oslobođenje Mostara, odveden za Sarajevo i ubijen.

Mustafa (Ahmeda) RALJEVIĆ (1926. Mostar – 1945. Jasenovac) - AKTIVISTA

Stolar. Aktivista NOP-a. Uhapšen od ustaša sa grupom Mostaraca, neposredno pred oslobođenje Mostara, 12. februara 1945, odveden u Sarajevo i ubijen.

Besim Beruz (Mustafe) RAMIĆ (1927. Mostar – 1945. Bihać) - BORAC

Zemljoradnik. U NOV i POJ stupio 14. februara 1945. u 2. bataljon 11. dalmatinske brigade. Poginuo 24. marta 1945. u Sokocu kod Bihaća.

Ivan (Ante) RAMLJAK (1916. Polog – 1945. Podorašac) - BORAC

Zemljoradnik. U NOV i POJ stupio 19. februara 1945. u 1. bataljon 10. hercegovačke brigade. Poginuo 29. marta 1945. u Podorašcu kod Konjica.

BRAĆA REBAC (SALIHA)

Ahmet (Saliha) REBAC (1911. Mostar – 1945. Sarajevo) - AKTIVISTA

Prema Spomenici, rođen 1910. Tokar. Aktivista radničkog pokreta i NOP-a u Mostaru. Funkcioner "Veleža". Uhapšen od Italijana 22. aprila 1942. i odveden u logor Mamula, gdje je proveo godinu dana. Nakon zatvora se vratio u Mostar. Uhapšen od ustaša sa grupom Mostaraca neposredno pred oslobođenje Mostara, 12. ili 13. februara 1945. i odveden za Sarajevo. Njegovo ime je objavljeno na spisku osuđenih na Oglasu "Priekog ratnog suda stožera pukovnika Luburića" pod rednim brojem 10.

Husnija Huso (Saliha) REBAC (1922.* Mostar – 1943. Sutjeska) - BORAC

Prema Spomenici, rođen 1921.* Mehaničar, član SKOJ-a od 1941, u NOB od 1941, borac 3. bataljona, poginuo u Petoj neprijateljskoj ofanzivi na Sutjesci juna 1943.



Mehmed Meho (Saliha) REBAC (1915. Mostar – 1945. Ivan-Sedlo) - BORAC

Mehaničar. Aktivista NOP-a. U NOV i POJ stupio februara 1945. u 10. hercegovačku brigadu. Ranjen na Ivan-sedlu i umro 18. marta 1945. u Vojnoj

bolnici u Mostaru.



Poznati igrač i trener Veleža Sulejman Rebac, nosilac partizanske spomenice, izgubio je tri brata tokom NOR-a: Ahmeta, Husu i Mehu Rebca.

BRAĆA REBAC (MUHAMEDA)

Husnija (Muhameda) REBAC (1918. Mostar – 1942. Mostar)


Geometar. Član SKOJ-a od 1939. i KPJ od 1941., a od februara 1942. član Mjesnog komiteta i Rejonskog komiteta KPJ za Mostar. Uhapšen od Italijana 19. maja 1942. i streljan 13. juna u Mostaru za odmazdu zbog sabotaže – požara u Fabrici duhana.



Remzija (Muhameda) REBAC (1908.* Mostar – 1944. Jasenovac) –
 AKTIVISTA, ILEGALAC

Prema Spomenici, rođen 1910.*
 Električar. Član KPJ od 1936. Od 1937.
 je radio u Željezari Zenica gdje se
 uključio u rad partijske organizacije
 postavši jedan od rukovodilaca

ileganog rada. Hapšen prije rata. Ustaše ga ponovo
 hapse 15.3.1942. "jer je kao izgrađeni komunista radio
 na komunističkoj promičbi", i nakon travničkog i
 sarajevskog zatvora dopijeva u Jasenovac. U zatvoru
 pokušava da organizuje rad partijske organizacije, i
 postaje jedan od njenih rukovodilaca. U logoru je
 raspoređen na rad u električnoj centrali. Uspio je
 osposobiti jedan radioaparat koji je bio tajno unešen u
 logor. Ubijen u Jasenovcu 21. septembra 1944. nakon
 strašnih mučenja.



Dopisnica iz logora Jasenovac, 1.8.1944. Remzija
 Rebac, zatočenik grupe VI E.



**Mustafa Muja (Muhameda)
 REPAK** (1920.* Mostar* – 1942.
 Dramiševo) - BORAC

Prema Spomenici, rođen 1921* u
 Ljubinju*, živio i školovao se u
 Mostaru. Stolar, član SKOJ-a od

1940. Bavio se fotografijom. Sačuvano je oko stotinjak
 njegovih slika. U Bataljonu od maja 1942. Poginuo u
 Dramiševu kod Nevesinja juna 1942.



Mustafa Repak, fotograf. Izvor: CIDOM. Fotografija je objavljena na naslovni zbirke pjesama Marka Tomaša „Bulevar narodne revolucije.“



Osnovci. Miralem Ribica sjedi prvi s lijeva. Fotografija iz arhive porodice Šestić.



S lijeva: Muhamed Drače, Salko Šestić, Enver Ćatić u uniformi, i Miralem Ribica. Salko i Miralem su pali borci sa Partizanskog. Fotografija iz arhive porodice Šestić.



Mustafa Repak, autoportret. Fotografija je objavljena na naslovni zbirke pjesama Marka Tomaša „Zbogom, fašisti“.



Miralem (Muhameda) RIBICA (1920. Mostar – 1943. Mostar) - AKTIVISTA

Učenik Gimnazije. Član SKOJ-a. Umro 24. januara 1944. od tuberkuloze u bolnici u Mostaru.



Ekrem (Ahmeda) RIĐANOVIĆ (1923. Mostar – 1943. Sutjeska) - BORAC

Učenik Gimnazije. Član SKOJ-a od 1941, u NOB od 1941, borac 3. bataljona Prateće čete, mitraljezac. Poginuo na Sutjesci juna 1943.

Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Alija Alica (Alije) RIZIKALO (1924.*
Mostar – 1943. Mostar) –
ILEGALAC, BORAC

Prema Spomenici, rođen 1923.*
Stolar, član SKOJ-a od 1941. i član
MK SKOJ-a od 1943. U Bataljonu
od jula 1943, borac Mostarskog

omladinskog odreda, zarobljen nakon dva mjeseca po dolasku u odred na Kamenjoj kod Mostara. Javno obješen sa Dragom Palavestrom u Mostaru 15. jula 1943. godine, na trgu Musala, u parku pored hotela Neretva. Obojica su se pred smrt hrabro držali klicajući: “Živjela Komunistička partija Jugoslavije”, “Živio drug Tito”, “Živio Sovjetski Savez”.

Alicina majka Hana Rizikalo, rođ. Kalajdžić, opisana je kao “prava partizanska majka” ilegalcima i kuririma koji su joj stizali: “Voljela ih je kao svoje sinove, svakom je oprala rublje, okrpila i ispratila s vedrim pogledom i pažnjom”. Imala je svoj “sistem konspiracije”, sakrivajući oružje i materijal u raznim rupama i u zahodu. Kad je pratila sina u odred, rekla mu je: “Moj sine, nemoje me osramotiti. Bolje ti je tamo nego među ovim razbojnicima. Hajd’, moj sinko, neka ti je sa srećom.” Na dan Alijinog vješanja, svom podstanaru, ilegalcu Džemilu Džemi Šarcu, kojem je znala samo ilegalno ime, poručila je: “Vlado, sine, bježi, vidiš moga Alicu su ubili. Bježi, uhvatiće te.” Alicin ujak Mustafa Kalajdžić, ulazeći u kuću svoje sestra Hane, povikao je: “Hano, budi sretna! Alica je prvi šehit u mahali!”

U jednom članku se ističe uloga cijele porodice Rizikalo, i posebno Alicine:

“Ta prva kuća (Rizikala) u toj uličici odigrala je značajnu ulogu u toku narodnooslobodilačkog rata. Prije svega, u njoj se sakrivao ilegalan materijal, počev od pušaka, bomba, pištolja, do artikala ishrane, odjevnih predmeta, sanitetskog materijala i ostalog. Pored toga, u kući su se sakrivali ilegalci, održavali sastanci SKOJ-a, Organizacije žena, kasnije AFŽ itd. Čitava porodica, počev od stare majke, sestre i dva brata, bili su na strani pokreta. Jednom prilikom, kada je policija iznenada banula u kuću, stara majka je paket letaka ubacila u dimije i sjela na sećiju. U ovoj kući je živio mladi stolarski radnik Alica Rizikalo, koji je još kao šegrt

osjetio eksploataciju i opredjelio se za napredni radnički pokret. Postao je član SKOJ-a pred rat, dok je njegov brat Nusret još ranije bio stalno u Radničkom domu kao napredni omladinac. Početkom okupacije Alica Rizikalo postao je rukovodilac jedne grupe SKOJ-a, a zatim član kvartovskog jezgra (komiteta). Dostizao je svugdje — sakrivao ilegalce, brinuo se o njima, organizovao prebacivanje materijala, išao na sastanke, ali je dospijevao i da mnogo čita. Jedno vrijeme u ovoj kući je bila ilegalna kvartovska biblioteka. O Korčagini je pričao sa izuzetnim oduševljenjem. Brinuo se o porodici, jer mu se brat nalazio u partizanima, a zatim u koncentracionom logoru Mamula i u Italiji. Skroman i stidljiv kao mladić, ali kao mladi revolucionar bio je satkan od nepomirljivosti prema neprijatelju, mrzio ih je i disao za partizanski pokret, za komunizam. Više puta na sastancima jezgra SKOJ-a tražio je da ide u partizane, da se otvoreno bori sa puškom u ruci. Odbijan je jer je bio dobar konspirator i organizator u ilegalnom radu. (...) Poslije stradanja Omladinskog bataljona na Kamenjoj, uhapšen je i Alica Rizikalo sa još mnogim drugovima i drugaricama. Mučili su ga u župskom redarstvu, ali je ćutao kao zaliven. Znao je mnogo i mogao je otkriti mnogo štošta, ali je ćutao. Nisu ni riječi izvukli od mladog revolucionara. Isprebijanog su ga doveli pred vješala na Musali (Trg Republike) i zajedno sa Dragom Palavestrom objesili. Prilikom vješanja, Alica je uzviknuo: — »Živila Komunistička partija Jugoslavije! Živio SSSR!, a Drago Palavestra: »Visićete odavde do Berlina«. Bio je to 15. jula 1943. godine. Obješen je mladić koji nije napunio ni 21 godinu života, mladić koji je želio život i ljepše sutra.”



Spomenik Aliji Rizikalu i Dragi Palavestri u Mostaru.



Plakat za igrani film "Noći i jutro", inspirisan pričom Mostarskog bataljona odnosno povratkom boraca u Mostar na oporavak nakon ofanzive na Sutjesci 1943, te provale koja se desila u gradu. Film je snimljen u Mostaru (1959).

Omer (Hasana) RIZVANIĆ (1927. Mostar – 1945. Sarajevo) - AKTIVISTA

Auto-mehaničar. Član SKOJ-a. Uhapšen od ustaša Maksa Luburića februara 1945. u Mostaru, odveden u Sarajevo i ubijen.

Savo (Četka) ROMOVIĆ (1914. Nevesinje – 1944. Nevesinje) - BORAC

Radnik Fabrike duhana u Mostaru. U NOV i POJ stupio krajem 1943. u 3. bataljon 11. hercegovačke brigade. Borac, poginuo novembra 1944. kod Kifina Sela u Nevesinju.

Dušan (Vase) RUPAR (1919. Hodbina – 1942. Bakračuš) - BORAC

Zemljoradnik. U NOV i POJ stupio decembra 1941. u Partizanski odred „Bišina“. Poginuo februara 1942. na Bakračuši kod Nevesinja.

S: Sadiković – Sulejmanović



Halid (Hilme) SADIKOVIĆ Bušak (1918. Ljubuški – 1943. Ovojci) - BORAC

Trgovački pomoćnik, živio i radio kao fotograf u Mostaru. Član SKOJ-a od 1941. U NOV i POJ stupio krajem 1941. u Mostarski (konjički) bataljon. U vrijeme četničkog puča juna 1942. zbog iscrpljenosti vraćen s Crnog polja u Mostar. Uhapšen od Nijemaca u raciji u Mostaru jula 1943. i streljan na Ovojcima kod Mostara.



Bisera (Mahmuta) SALAHOVIĆ (1924. Trebinje – 1942. Zvijerina) – AKTIVISTA, BORAC

Učenica Gimnazije u Mostaru, na čelu SKOJ-a u Gimnaziji i član Međuškolskog aktiva SKOJ-a. Završila sanitetski kurs. Bila bar jednom uhapšena. U odredu od 1942. gdje je radila kao politički radnik za istočnu Hercegovinu. Ranjena u junu 1942. i smještena u bolnicu u selu Zvijerini. Ubijena u četničkom puču 30. maja 1942. kod Viduške jame, selo Morče, kod Bileće. Upamćena kao „hrabra i otesita, a uz to i odlična učenica.“ Njeno ime nalazilo se na nestaloj spomen-ploči palim profesorima i đacima Gimnazije u Mostaru.



Zlata Salahović Grebo, profesorica i istaknuta društvena radnica i Sana Salahović, novinarka, sestre su Bisere Salahović. Zlatin sin Zdravko Grebo, profesor, bio je Biserin nećak.

Đorđe Đoko (Spasoja) SALATIĆ (1899. Nevesinje – 1941. Mostar) - AKTIVISTA

Zanatlija ručnih radova u Mostaru. Funkcioner “Veleža”, predratni član KPJ. Uhapšen od ustaša ljeta 1941, odveden i ubijen.

Alija (Hasana) SALKOVIĆ (1913. Mostar – 1943. Ovojci) - BORAC

Brijač, u NOV i POJ stupio u proljeće 1943 u Mostarski omladinski odred, a u Mostarski bataljon jula 1943. Zarobljen od Nijemaca jula 1943. na Kamenj kod Mostara 1943. i streljan na Ovojcima kod Mostara.

Salim (Ahmeda) SALKOVIĆ (1923. Mostar – 1945. Sarajevo) - AKTIVISTA

Službenik. Član SKOJ-a. Uhapšen od ustaša februara 1945. u Mostaru i odveden za Sarajevo gdje je ubijen.

Gojko (Alekse) SAMARDŽIĆ (1923.* Mostar – 1943. Sutjeska) – ILEGALAC, BORAC

Prema Spomenici, rođen 1920*. Krojač. član SKOJ-a. Učestvovao u brojnim ilegalnim akcijama u Mostaru, poput preuzimanja oružja iz napuštenih kasarni vojske Kraljevine Jugoslavije. Zabilježeno je da su on i Života Neimarović, kao krojači, svim dobrovoljcima sašili papuče od čoje da bi se mogli nečujno iskrasti kroz grad u odred. Prvoborac, u ustaničke jedinice istočne Hercegovine stupio u jesen 1941, a kasnije u 2. bataljon 10. hercegovačke brigade. Poginuo na Vučevu 7. juna 1943. godine u toku Pete ofanzive.



Ivanka Ives (Vladimira) SAMARDŽIĆ (1925. Mostar – 1945. Sarajevo) - AKTIVISTA

Završila osmi razred Gimnazije u Sarajevu. Član SKOJ-a od 1943. godine. Radila je sa Jevđevićem, Strahinjom Šimišićem, Kravić Mirkom. Uhapšena od ustaša 24.

marta 1945. a obješena 27-28. marta na Marindvoru u

Sarajevu. Prema izvorima, „na suđenju je imala dobro držanje. Njeno saslušanje je prekinuo Maks Luburić izjavivši da je isto nepotrebno te da je Ives osuđena na smrt“.

Asija (Saliha) OMERAGIĆ-SARAJLIJA (1911. Trebinje – 1944. Jasenovac) - SIMPATIZERKA

Uhapšena jer joj se muž Mehmed pridružio partizanima. Ubijena od ustaša u logoru Jasenovac 1944.



Džemila (Paše) SARIĆ (1920. Avtovac – 1944. Stara Gradiška) – AKTIVISTA, ILEGALKA

Gimnaziju i Učiteljsku školu završila u Mostaru gdje se u djetinjstvu preselila sa roditeljima. Član SKOJ-a od 1939. Učestvovala u nizu akcija,

te demonstracijama 27. marta 1941. Krajem 1941. godine radi kao učiteljica u Bjelimićima kod Konjica i obližnjim mjestima, gdje postaje član KPJ. U njenoj školi je bio jedan od partizanskih punktova gdje su održavani sastanci, skrivani ilegalci i skladišten razni propagandni i dr. materijal. Uhapšena je pod sumnjom da je „održavala s odmetnicima, kako je to utvrđeno iz zaplijenjene partizanske pismohrane“. Zatvorena u logoru Stara Gradiška na logorskoj ekonomiji u selu Jablanac, odakle je 22. juna 1944. prebačena u Jasenovac, gdje je ubijena.



Sarić Paše Džemila rođena u Gacku
(1920. - 1943.)

Džemiline fotografije su iz knjige "Bošnjaci u jasenovačkom logoru", Nihad Halilbegović, Sarajevo, 2006.

Kasim (Nazifa) SARIĆ (1925. Mostar – 1944. Prozor) - BORAC

Prema Spomenici, rođen 1922. godine. Radnik. U NOV i POJ stupio u jesen 1943. u Ramski odred. Poginuo 1944. kod Prozora kao borac 17. krajiške brigade.

Smail (Huse) SARIĆ (????* Mostar – ????* Bileća) - BORAC

Prema Spomenici, rođen 1926. u Gacku. Učio stolarski zanat. U NOV i POJ stupio krajem 1943. u 12. hercegovačku brigadu. Poginuo 28. septembra 1944. na Kravici kod Trebinja*.

Jovo (Dušana) SAVIĆ (1917. Bačevići – 1944. Mostar) - AKTIVISTA

Nadzornik pruge. Kandidat za člana KPJ. Uhapšen od ustaša juna 1941. u Bačevićima, odveden i ubijen.

Petko (Danila) SAVIĆ (1925. Bačevići – 1943. Sutjeska) - BORAC

Zemljoradnik. Član SKOJ-a, U NOV i POJ stupio maja 1943. u 10. hercegovačku brigadu. Poginuo na Sutjesci sredinom juna 1943.

Žarko (Milana) SAVIĆ (1923. Bačevići – 1943. Prebilovci) - BORAC

Prema Spomenici, rođen 1921.* Zemljoradnik. U NOV i POJ stupio početkom 1943. u Bataljon „Iskra“. Stradao januara 1943. kod Metkovića pri prelasku grupe boraca iz južne Hercegovine (50 omladinaca i omladinki iz Čapljine i dubravnih sela) preko rijeke Neretve u sastav 10. hercegovačke brigade.

Ahmet (Alije) SEFIĆ (1918. Mostar – 1941. Ovojci) – AKTIVISTA, ILEGALAC

Građevinski tehničar. Kao đak Srednje tehničke škole u Sarajevu izbačen nakon srednjoškolskog štrajka. Član SKOJ-a od 1938. i KPJ od 1939. Učesnik akcije sa Minom Haćam, s kojom je iznio napušteno oružje iz fortice iznad Biskupove palače. Uхваćen u raciji 31. jula 1941. u kući porodice Vuković u Donjoj mahali, gdje se održavao sastanak članova KPJ radi dogovora i priprema za borbu. Zlatka Vuković, supruga pokojnog revolucionara Gojka, bacila je bombu da bi omogućila bijeg sinu Slobodanu i Jusufu Čevri. Zlatka i Ahmet su uhvaćeni prvog dana (Slobodan i Jusuf Čevro sutradan). Streljan sa Zlatkom i dvoje Zlatkinih podstanara, Dejanom i Verom Popović, o čemu je bio objavljen i proglas.

Muriz (Omera) SEFIĆ (1925. Mostar – 1944. Zijemlje) - BORAC

Učenik Trgovačke akademije. Član SKOJ-a. U NOV i POJ stupio u jesen 1944. u 14. hercegovačku brigadu. Poginuo krajem 1944. na Zijemljima kod Mostara.

Šerif A. SEFIĆ (???? Mostar – ????)

Ukoliko imate podatke o ovom palom borcu, molimo da se javite redakciji sajta partizansko.info.



Mujo (Saliha) SELIMHODŽIĆ BABIĆ
(1908. Mostar – 1943. Mostar) –
AKTIVISTA, BORAC

Prema Spomenici, rođen 1907.*
Zidar, predratni aktivista radničkog
pokreta, član KPJ od 1942, u
Bataljonu od početka 1942.

Zarobljen od domobrana juna 1942. u vrijeme
četničkog puča kod Konjica, predat Italijanima i
odveden u logor Mamula odakle je pušten u ljeto 1943.
Uhapšen od Nijemaca kao talac zbog presječne
telefonske linije u Mostaru, i obješen 19. novembra
1943, zajedno sa Božom Skočajićem, Darinkom
Bitanga, Ekremom Ćurićem i Tomom Kljujićem. Kao
trajno sjećanje na njih podignut je spomenik kod Doma
zdravlja, te spomen ploča na mjestu gdje su obješeni.



Obješeni taoci: Ekrem Ćurić, Mustafa Mujo Selimhodžić
Babić, Darinka Bitanga, Božo Skočajić i Tomo Kljujić.



Salko (Ahmeta) SKANDO (1921.
Mostar – 1944. Mostar) - ILEGALAC

Ilegalac koji je, prema porodičnom
predanju, sa bratom Ibrahimom
pomagao pokret otpora sakrivanjem
partizana i prebacivanjem oružja u
Podveležje. Uhapšen 1944. sa bratom
od strane Gestapa. Dok su vođeni
vezani preko mosta na Musali, Salko je omogućio bratu
da skoči sa mosta vezanih ruku. Salko nije uspio
pobjeći, odveden je i izgubio mu se svaki trag.



*Spomenica Salke Skande,
porodični arhiv.*



Milorad (Vasilija) SKIBA (1926.
Mostar – 1944. Trusina) - BORAC

Đak Mostarske gimnazije. Član
SKOJ-a. U NOV i POJ stupio marta
1944. u 10. hercegovačku brigadu.
Poginuo 18. jula 1944. na Trusini
kod Nevesinja kao borac 1.
(mostarskog) batlajona 13.

hercegovačke brigade. Njegovo ime nalazilo se na
nestaloj spomen-ploči palim profesorima i đacima
Gimnazije u Mostaru.

Alija Salem (Avdije) SKIKIĆ (1922. Mostar – 1942.
Konjic) - BORAC

Krojač. Član SKOJ-a od 1941. U NOV i POJ stupio u
proljeće 1942. u Mostarski (konjički) bataljon. Poginuo
u zasjedi u Dramiševu juna 1942. godine.

Salih Salko (Ahmeda) SKIKIĆ (1914. Mostar – 1945. Sv. Katarina) – AKTIVISTA, BORAC

Brijač. Aktivista NOP-a. U NOV i POJ tupio 14. februara 1945. u 1. bataljon 6. dalmatinske brigade. Poginuo maja 1945. kod Svete Katarine u Istri.

Bogdan Đoka (Laze) SKOČAJIĆ (1921.* Blagaj – 1942. kod Bileće) - BORAC

Prema Spomenici, rođen 1918. Student prava u Beogradu. Predratni član SKOJ-a i KPJ. Stupio u ustaničke jedinice istočne Hercegovine ljeta 1941, zamjenik komandanta Bataljona „Šuma“. Poginuo 2. marta 1942. kod Divina, Bileća.



Božidar Božo (Maksima) SKOČAJIĆ (1922.* Nevesinje – 1943. Mostar) - BORAC

Prema Spomenici, rođen 1921* u Nevesinju. Završio Građansku školu u Mostaru. Član SKOJ-a od 1941, u Bataljonu od novembra 1941,


borac. Za vrijeme četničkog puča zbog iznemoglosti vraćen sa Crnog polja, zarobljen od oružnika NDH na Rujištu kod Mostara 17. juna 1942, predat Italijanima, odveden u logor Mamula i nakon kapitulacije Italije pušten. Uhapšen od Nijemaca kao talac zbog presječene telefonske linije u Mostaru, i obješen 19. novembra 1943, zajedno sa Božom Skočajićem, Darinkom Bitanga, Ekremom Ćurićem i Tomom Kljujićem.



Pomen ubijnom bratu objavljen 1974. godine u listu „Sloboda“.

Dragoljub Ljubomir (Đorđa) SKOČAJIĆ (1925. Blagaj – 1945. Ivan-Sedlo) - BORAC

Učenik Gimnazije. U NOV i POJ stupio oktobra 1944. u 1. (mostarski) bataljon 13. hercegovačke brigade. Poginuo u borbama za Ivan-sedlo marta 1945. Njegovo ime nalazilo se na nestaloj spomen-ploči palim profesorima i đacima Gimnazije u Mostaru. Takođe se nalazi na spomen-ploči palim borcima iz Blagaja. (v. sliku dole).



Spomen-ploča palim borcima iz Blagaja na kojoj je ime šesnaestorice boraca rodom iz Blagaja, od kojih mnogi imaju spomen-ploču na Partizanskom spomen-groblju

Esad (Muhameda) SLIPIČEVIĆ (1922. Mostar – 1943. Brđani) - BORAC

Radnik, član SKOJ-a od 1941. U Bataljonu od januara 1943. Poginuo u Vrdolju kod Konjica marta 1944.



dr Vjekoslav (Nike) SLOVINIĆ (1903.* Brač – 1944. Jasenovac) – SIMPATIZER

Prema crkvenim knjigama rođen 1905.* u Postirama na Braču. Radio kao doktor u Domu zdravlja u Mostaru vodeći dermato-venerološko odjeljenje. Aktivno je sarađivao sa NOP-om. Bio je među doktorima predavačima koji su davali zdravstvene kurseve za bolničare. Takođe je zajedno sa

ostalim doktorima snadbijevao ilegalce preko kurira sanitetskim materijalom, instrumentima i lijekovima. Uhapšen od ustaša krajem 1944. ili početkom 1945. i deportovan u logor Jasenovac gdje je ubijen januara 1945.

Vasilije Vaso (Veljka) SORAJIĆ (1921. Mostar – 1941. Mostar) - AKTIVISTA

Električar, aktivista radničkog pokreta. Uhapšen od ustaša ljeta 1941. u Mostaru, odveden u logor Gospić i ubijen.

Josip I. SOSA (1912. Grude – 1943. Lištica) - BORAC

Rođen u Grudama 1912. godine, poginuo u Širokom Brijegu (Lištici) 1943. *Ukoliko imate podatke o ovom palom borcu, molimo da se javite redakciji sajta partizansko.info.*



Ahmet (Mehmeda) SPUŽIĆ (1922. Mostar – 1944. Kušići) - BORAC

Prema Spomenici, rođen 1924. a ime je Ahmed.* Krojač, fudbaler "Veleža". Član SKOJ-a od 1942. U NOV i POJ stupio novembra 1943. u Mostarski bataljon, mitraljezac.

Poginuo nesretnim slučajem februara 1944. u Kašićima kod Konjica prilikom napada na četu.



Ranko (Riste) SRNA (1921. Mostar – 1945. Istra) - BORAC

Električar. U ljeto 1941. izbjegao u Srbiju i stupio u Slatinski odred u Kraljevu. Vratio se u Mostar maja 1942. zbog bolesti. U 1. dalmatinsku

brigadu stupio 14. februara 1945. Poginuo 26. aprila 1945. u Klanjoj kod Rijeke.

Ljubo (Riste) STAJIĆ (????* Mostar* – 1944. Jarše) - BORAC

Prema Spomenici, rođen 1923.* u Slivljima kod Gacka*. Grafički radnik. U NOV i POJ stupio ljeta 1941. u Odred „Nevesinjska puška“, a januara 1942. u 1. udarni bataljon. Zarobljen od Italijana, odveden u logor Mamula, a zatim u logor Visco di Udine. Nakon kapitulacije Italije stupio u slovenačku brigadu „Ljubo Šerčer“. Poginuo 24. marta 1944. u selu Jarše na Pohorju.

Ratko (Riste) STEVIĆ (1914. Hodbina – 1945. Ostrožac) - BORAC

Zemljoradnik. U NOV i POJ stupio oktobra 1944. u 3. bataljon 13. hercegovačke brigade. Poginuo 1. marta 1945. u Ostrošcu kod Konjica.

Branko (Nikole) SUDAR (1927. Bačevići – 1945. Bišina) - BORAC

Zemljoradnik. U NOV i POJ stupio oktobra 1943. u 2. bataljon 10. hercegovačke brigade, politički delegat voda, član SKOJ-a od 1943. Poginuo 14. februara 1945. u Bišini kod Nevesinja.

Danilo (Milosava) SUDAR (1915.* Bačevići – 1944. Mostar) - AKTIVISTA

Prema Spomenici, rođen 1911.* u Bačevićima kod Mostara. Pružni radnik na željeznici. Aktivista NOP-a. Kao kurir krajem 1944. uhapšen od ustaša, odveden i ubijen.

Jovo (Radoslava) SUDAR (1924. Bačevići – 1943. Sutjeska) - BORAC

Učenik Gimnazije. Član SKOJ-a od 1941. U NOV i POJ stupio marta 1943. u 5. bataljon 10. hercegovačke brigade. Poginuo na Sutjesci krajem juna 1943.

Vladimir Vlado (Lazara) SUDAR (1927. Bačevići – 1944. Vilusi) - BORAC

Zemljoradnik. Član SKOJ-a od 1944. U NOV i POJ stupio maja 1944. u 10. hercegovačku brigadu, kurir. Poginuo u borbama u Vilusima kod Nikšića septembra 1944.

Žarko (Sime) SUDAR (1925.* Bačevići – 1944. Bileća) - BORAC

Prema Spomenici, rođen 1924.* Učenik Građanske škole. Član SKOJ-a od 1942. U NOV i POJ stupio marta 1943. u 5. bataljon 10. hercegovačke brigade, desetar. Borac, poginuo u borbama u Podušlju kod Bileće 4. septembra 1944.



Kemal (Isaka) SULEJMANOVIĆ (1922. Mostar – 1944. Jasenovac) - AKTIVISTA

Stolar. Uhapšen od ustaša februara 1945, odveden u Sarajevo i ubijen u kompleksu Jasenovac/Stara Gradiška.

Š: Šabić – Šupljeglav

Mehmed (Huseina) ŠABIĆ (1901.* Mostar – 1941. Gospić) - AKTIVISTA

Prema Spomenici, rođen 1904.* Stolar. Aktivista radničkog pokreta, fudbaler “Veleža”. Uhapšen od ustaša avgusta 1941. u Mostaru, odveden i ubijen.

Rašid (Arifa) ŠAHINAGIĆ (1919. Nevesinje – 1945. Vrhnika) - BORAC

Prema Spomenici, rođen 1916. u Kovačićima kod Nevesinja, bravar. Živio, školovao se i radio u Mostaru. U NOV i POJ stupio oktobra 1944. u 3. bataljon 13. hercegovačke brigade. Poginuo 1. maja 1945. kod Vrhnike u Sloveniji.

Nebojša (Šćepana) ŠAIN Bučo (1924. Mostar – 1944. Beograd)

Đak Trgovačke akademije, fudbaler “Veleža”. Član SKOJ-a od 1941, u Bataljonu od maja 1942. Zbog bolesti jula 1942. vraćen u Mostar, odakle odlazi u Beograd. Poginuo od avionskog bombardovanja u Beogradu aprila 1944. Nebojšin stariji brat Nenad je poginuo kao mornar britanske mornarice u Sredozemlju.

BRAĆA ŠAPUH



Mehmed (Saliha) ŠAPUH (1922.* Mostar – 1942. Bijela) - BORAC

Prema Spomenici, rođen 1921.* u Mostaru. Električar, fudbaler “Veleža”, član SKOJ-a od 1941, u Bataljonu od februara 1942.

Poginuo u Bijeloj kod Konjica u noći 14/15. juna 1942.



Generacija 1937.: Humo (član uprave), Šantić, Trbonja, S. Hadžomerović, Barbarež, Terzić, Hrović, Arpadžić, Husrefović, Džinović, E. Fejić, Milović, trener: Cortić (stoje) Alajbegović, Šapuh, Momić, Vukotić, Bubić, Gušanac, Buturović, M. Hadžomerović (čuče)

Mehmed Šapuh čuči drugi s lijeva. Na slici su takođe pali borci Mustafa Humo (član uprave, stoji u bijelom odijelu prvi s lijeva), Esad Fejić (stoji treći s desna), Šerif Husrefović (peti s desna). Golman Šantić (drugi s lijeva) i igrač Ilija Terzić (šesti s lijeva) ubijeni su ljeta 1941. u talasu progona i likvidacija građana. Narodni heroj Mehmed Meha Trbonja stoji treći s lijeva.

Safet (Saliha) ŠAPUH Beg (1923. Mostar – 1944. Jasenovac) - ILEGALAC

Elektromehaničar. Član SKOJ-a od 1941. i član Rejonskog jezgra SKOJ-a u Mostaru 1942. Djelovao u tehničkom odboru za pripremanje odreda u partizane. Uhvaćen aprila 1944. od policije NDH u Mostaru, mučen. Deportovan u Jasenovac, gdje je ubijen iste godine.

Elefif Elfa (Sasliha) ŠARAN (1921. Mostar – 1942. Bijela) - BORAC

Stolar, član SKOJ-a od 1941. U Bataljonu od početka 1942, borac, poginuo u Špiljanima kod Konjica juna 1942.

Alija (Muhameda) ŠARIĆ (1921. Mostar – 1945. Čapljina) - BORAC

Limar. Član SKOJ-a. U NOV i POJ stupio ljeta 1944. u 4. bataljon 13. hercegovačke brigade. Poginuo februara 1945. kod Mostara.



Kemal (Alije) ŠARIĆ (1921. Mostar – 1943. Blace) - BORAC

Radnik, u Bataljonu od novembra 1941. Nakon Pete ofanzive i proboja obruča na Sutjesci, vratio se iznemogao u Mostar na oporavak sa 80 drugih boraca iz Bataljona. Vratio se u borbu, i poginuo kod Konjica novembra 1943.



Grupa boraca Mostarskog bataljona na planini Košuti kod Glavatičeva 1942. godine. Prema porodici, Kemal Šarić sjedi prvi s lijeva s mitraljezom.



Kemal Šarić, detalj sa grupne fotografije.


BRAĆA ŠARIĆ



Džemšid Džemšo (Huseina) ŠARIĆ (1912. Mostar – 1941. Dubrave) - AKTIVISTA

Završio Filozofski fakultet u Beogradu, profesor francuskog jezika i književnosti, intelektualac marksista.

Istaknuti predratni aktivista u krugovima napredne mostarske inteligencije, a naročito u Muslimanskoj narodnoj biblioteci koja je djelovala pod uticajem KPJ i gdje je bio član upravnog odbora. Službovao u Boljevcu i Podgorici, a od 1939. u Gimnaziji u Mostaru. Otpušten iz službe 30. septembra 1940, nakon čega radi kao upravnik Gajretovog muškog internata u Mostaru. Početkom jula 1941. Uhapšen od strane ustaša na Bivoljem Brdu, ubijen i bačen u jamu Golubinka kod Čapljine.



Džemšid Šarić, ilustracija, list "Sloboda" 1984.

Ilustrova: Nedžad Pašalić Paša



U prijatnom raspoloženju, poslije završenog programa, na zabavi Biblioteke 10. februara 1940. Među ostalim za stolom sjede Ilija Bošković i Smajo Brkić (prvi i drugi s desna), iznad njih stoji Džemšo Šarić

Džemšid Šarić u gornjem uglu desno, stoji. Izvor: Fazlija Alikalfić, "Stasanje jedne mladosti", Mostar, 1985.



Jama Golubinka u Šurmancima. Izvor: Jadovno.com.

početka 1942. Ubijen u četničkom puču u Dramiševu kod Nevesinja juna 1942. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Ismet Slobodan (Huseina) ŠARIĆ (1915. Mostar – 1942. Breza) – AKTIVISTA, BORAC

Metalski radnik (bravar) u Rudniku uglja, predatni član KPJ (od 1938. godine) i istaknuti aktivista. Organizator štrajkova rudara. Učesnik Skojevskog kursa u šumi Pršljani kod Bugojna avgusta 1940, kao jedan od 15 predstavnika iz Mostara. Nakon demonstracija septembra 1940. godine u Mostaru izbjegava policijski progon odlaskom u Brezu. Zaposlio se u rudniku gdje djeluje kao sekretar ćelije KPJ. Jedan od organizatora ustanka u Brezi, gdje je poginuo na samom početku, 8. avgusta 1941.



Ismet Šarić i Džemal Bijedić u Mostaru (Izvor: CIDOM)



Hidajet Hido (Huseina) ŠARIĆ (1924. Mostar – 1942. Dramiševo) - BORAC

Đak Gimnazije, član SKOJ-a od 1941. Jedan od kurira koji su najviše dobrovoljačkih odreda izveli iz okupiranog Mostara. U Bataljonu od



Nijaz Niza (Huseina) ŠARIĆ (1909. Mostar – 1943. Sutjeska) - BORAC

Bravar. Pročelnik ćelije SKOJ-a u Mostaru 1927, član KPJ od 1928. i sekretar ćelije KPJ. Hapšen i suđen po Zakonu o zaštiti države Kraljevine Jugoslavije 1929, 1932. i 1937.

godine, a kaznu izdržavao u Beogradu, Mitrovici i Zenici. Prvoborac, u Bataljonu od septembra 1941, komandir čete, član partijskog biroa odreda. Poginuo na Sutjesci u sklopu Pete crnogorske brigade, u probroju sa Zelengore kod sela Rataj 13. juna 1943. Opisan kao „čvrst u svom uvjerenju, prkosan“.



Braća Šarići: Ismet, Nijaz, Hido, Džemša. Detalj sa jednog poslijeratnog panoa "u slavu palim borcima". Arhiv K.D. Miletić.

Smail H. ŠARIĆ (1927. Mostar – 1944. Gorica)

Ukoliko imate podatke o ovom palom borcu, molimo da se javite redakciji sajta partizansko.info.

Alija (Ahmeta) ŠEHIĆ (1926. Grabovica – 1945. Ivan-Sedlo*) - BORAC

Zemljoradnik. U NOV i POJ stupio 14. februara 1945. u 13. hercegovačku brigadu. Prema Spomenici, poginuo početkom maja 1945. kod Postojne*, u završnim oslobodilačkim operacijama u Sloveniji.

BRAĆA ŠEHOVIĆ



Ahmet (Muhe) ŠEHOVIĆ (1919. Mostar – 1943. Brđani) - BORAC

Bravar, član SKOJ-a od 1940. i KPJ od 1941. U njegovoj kući su se okupljali dobrovoljci koji su upućivani u odred. U Bataljonu

od septembra 1941, komandir čete. Uspio se spasiti jurišem iz opkoljene škole u selu Bijeloj kod Konjica juna 1942. za vrijeme četničkog puča. Poslije Pete ofanzive i probijanja obruča na Sutjesci, iznemoglim borcima je bilo naloženo da se vrate u Mostar na oporavak. Nakon nekog vremena ponovo se vratio u odred. Poginuo u Brđanima kod Konjica decembra 1943. Opisan kao „zatvoren, ozbiljan i, zbog svoje hrabrosti, autoritativan.“



Salih Salko (Muharema) ŠEHOVIĆ (1917. Mostar – 1942. Dramiševo) – AKTIVISTA, BORAC

Zemljoradnik (baštovan), aktivista radničkog pokreta. U Bataljonu od početka 1942. Poginuo u Dramiševu kod Nevesinja juna

1942.

Mujo (Mehe) ŠEMIĆ (1926. Kamena – 1945. Ivan-Sedlo) - BORAC

Zemljoradnik. U NOV i POJ stupio krajem 1944. u 13. hercegovačku brigadu. Poginuo marta 1945. "na borbenom putu od Ivan-sedla do Blažuja i Igmana".



Salih Salko (Sulejmana) ŠESTIĆ (1922. Mostar – 1943. Mostar) – ILEGALAC, BORAC

Đak Gimnazije. Predratni član SKOJ-a, član KPJ od 1941.

Fotograf-amater. U NOV i POJ stupio marta 1942. u Bataljon

„Nevesinjska puška“, a kasnije u 2. hercegovački udarni bataljon. Zarobljen u četničkom puču maja 1942,

pobjegao zajedno sa Nusretom Seferovićem uz pomoć dr Safeta Mujića, i sklonio se u Mostar, gdje je djelovao kao član MK SKOJ-a za Mostar. Uhapšen od policije NDH 21. januara 1943. i sutradan, prilikom pokušaja bijega, ubijen. Salkina sahrana je po nalogu vlasti organizovana tajno, noću. Skojevci su ipak saznali za grob i posjećivali ga i kitili cvijećem, a Salkine drugarice skojevke su mu spjevale jednu pjesmu ("Pomen Salki"). V. slike iz porodičnog ariva Šestića u prilogu na kraju knjige. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



S lijeva na desno stoje nepoznati, Zaim Memić, Salko Šestić, Mustafa Drače Drina. Čuče: Nusret Seferović, Miralem Ribica, i Zuca. Arhiv porodice Šestić.



Mostarske skojevke na Salkinom grobu, marta 1943.

Povodom pogibije omladinca Salke Šestića 22. januara 1943, njegove drugarice, mostarske skojevke, spjevale su pjesmu nazvanu "Pomen Salki". Pjesmu je po

sjećanju zapisala jedna od skojevki, a porodici Šestić je donijela njena kćerka Munevera.

POMEN SALKI

Čiji grobak tražiš putniče neznani?
 Čiji grobak tražiš po tužnoj poljani?
 A ja grobak tražim svoga vjernog druga,
 Ta i ti ga poznaješ!
 Ah, ah, ah, Salku Šestića
 Eno vidiš gore kraj novog pazara*
 Tu ga sahranjuju četiri žabara.

*misli se na tržnicu preko puta harema na Carini.

BRAĆA I SESTRA ŠEVA

Ahmet (Alije) ŠEVA (1919. Mostar – 1942. Romanija) –
 AKTIVISTA, BORAC

Brijač, aktivista radničkog pokreta. Fudbaler "Veleža". Nakon septembarskih demonstracija 1940. u Mostaru, izbjegao u Sarajevo. Ljeta 1941. odlazi u Romanijski partizanski odred. Poginuo na Romaniji u jesen 1941. Prema Spomenici, ime borca je Ahmed.



Fatima Tima (Alije) ŠEVA (1924. Mostar – 1944. Grušća) –
 ILEGALAC, BOLNIČARKA i BORAC

Đak Gimnazije. Član SKOJ-a od 1941, sekretar aktiva SKOJ-a. U Bataljonu od jeseni 1943. Borac i bolničarka, poginula u Grušći kod Konjica 27/28. aprila 1944. u okviru Sedme neprijateljske ofanzive u Grušći u konjičkom kraju. Opisana kao "prelijepa Tima Ševina". Njeno ime nalazilo se na nestaloj spomen-ploči palim profesorima i đacima Gimnazije u Mostaru.



selo Visočica, stoje (s lijeva na desno): Alija Krpo, Ragib Derviškadić, Meha Arap, Ivan Bubaš, Refik Šećibović. Čuče: Angelina Lambić, Fatima Ševa i izvjesni Spasoje. Arhiv porodice Mrgan/Đikić.

- Drago mi je, gospodine župane, što me sada pitate i za Omera. Pa, reći ću vam. Vi ste ga jednostavno – ubili. Živ je bačen u jamu. Zbog toga sam poslao Ahmeda u partizane."



Omer (Alije) ŠEVA (1913. Mostar – 1941. Mostar) - AKTIVISTA

Mašinovođa. Član KPJ od 1939, sekretar ćelije KPJ na željeznici. U njegovoj kući u Cernici je održan sastanak Mjesnog komiteta KPJ za Mostar 22. juna 1941, gdje je raspravljano o izvještaju i izvršenim ratnim pripremama. Uhapšen od ustaša 26. juna 1941, ubijen i bačen u jednu od jama u blizini Čitluka. U istim pokoljima je nastradao i profesor Gimnazije Dušan Dule Mučibabić. Prema jednom izvoru, u grupi koja je odvođena kamionom na stratište bio je pali borac Esad Fejić koji je uspio da odriješi konopce na rukama i iskoči na jednoj okuci.

Ratna priča: "... Tog mostarskog ljeta 41. i stari Alaga Ševa (...), poštenu građanin i patriota, svojom odlučnošću je zaprepastio župana Trojera. Na jednom sastanku uglednih Muslimana u čije se sinove režim nije mogao pouzdati, pitao je župan starog Alagu.

- Gdje je sada vaš sin Ahmed, dragi efendija?

- Gospodine župane, vi me pitate za Ahmeda, ali se čudim što se ne interesujete za Omera, mog drugog sina – odgovorio je Alaga.

- A šta je bilo s Omerom?



Zijad Zijo (Huseina) ŠEVA (1918.* Mostar – 1944. Slovenija*) - ILEGALAC

Prema Spomenici, rođen 1920.* Student medicine u Beogradu. Član KPJ od 1940, sekretar partijske ćelije.

Ilegalac i partijski radnik. Uhapšen od Italijana i interniran na otok Mamula, a kasnije otpremljen u koncentracioni logor Visco di Udine u Italiji. Član partijskog rukovodstva logoraša. Aktivi SKOJ-a su organizovali protestne akcije, pobune, štampanje materijala, i uspjeli su uspostaviti vezu sa KPI u Udinama i logoru za slovenačke borbe u blizini. Nakon kapitulacije Italije prešao u Sloveniju i pridružio se slovenačkim partizanima u brigadi „Ljubo Šercer“. Zarobljen kao ranjenik od Nijemaca 14. novembra 1943. i ubijen u selu Tatre kod Ilirske Bistrice*.



Nedeljka Neda (Nikole) ŠIMIĆ (1921.* Mostar – 1942. Zaborani) – BORAC, BOLNIČARKA

Prema Spomenici, rođena 1925.* u Mostaru. Radnica Fabrike duhana.

Član SKOJ-a od 1941, u Bataljonu od početka 1942. Poginula u četničkom puču u Zaboranima kod Nevesinja oko 4/5 juna 1942.

Osman O. ŠIŠIĆ Honto (1920. Mostar* – 1944. Grušća)

Prema Spomenici, rođen u Duvnu*. Radnik, član KPJ od 1944, u Bataljonu od jula 1943, desetar, poginuo u Grušći kod Konjica aprila 1944. prilikom četničkog napada na bolnicu sa ranjenicima i bolesnicima od tifusa pjegavca.

Ružica (Muje) ŠIŠIĆ (1924. Mostar* – 1945. Istra) –
BOLNIČARKA, BORAC

Prema Spomenici, rođena u Baču, Vojvodina*. Živjela u Mostaru, domaćica. U NOV i POJ stupila 14. februara 1945. u 1. bataljon 12. dalmatinske brigade. Poginula 25. aprila 1945. u Klanjoj kod Rijeke.



Muhamed Hamo (Halila) ŠIŠIRAK (1920. Mostar – 1943. Ovojci)

Student prava u Zagrebu. Član KPJ, sekretar MK KPJ za Mostar 1942, ilegalac koji je učestvovao u otpremanju odreda u partizane. Član mjesnog komiteta KP u Mostaru, a na terenu sekretar partijskog aktiva u selu Rotimlja. Politički radnik na terenu Dubrava, gdje je ljeta 1943. uhapšen od Nijemaca i ubijen.



Slavna mladost slobodarskog Mostara na putu za Bratač, kraj Nevesinja, u ljeto 1939. godine. Na ovoj unikatnoj fotografiji iz arhive Mehmeda Rajkovića vide se: Avdo Humo, Hamo Šiširak, Hamo Efica, Salko Nožić, Hamo Grebo, Ibro Balta, Svetislav Mandić, Sloba Bogdanović, Zora Korać, Predrag i Nenad Vasić, Beko Dikić, Salko Fejić, Enver Čemalović, Esa Brkić, Bora Korać, Riza Fejić i dr.

“Slavna mladost slobodarskog Mostara”, 1939. Hamo Šiširak stoji u crnom odijelu i bijeloj košulji lijevo. Arhiv Mehmeda Rajkovića, časopis “Most”.



Muhamed Hamo Šiširak i Alija Krpo, 1938. Kolor obrada Aid Čizmić. Izvor: fejsbuk.

Ante M. ŠKEGRO (1926. Kutli-Livač – 1944. Kožuh)

Naveden kao pali borac u brošuri “Partizanski spomenik u Mostaru”, a postojala je i spomen-ploča sa imenom ovog borca, ali nismo uspjeli saznati više o njemu. Ukoliko imate podatke o ovom palom borcu, molimo da se javite redakciji sajta partizansko.info.

Huso A. ŠKEGRO (1926. Kutli-Livač – 1944. Kožuh)

Postojala je spomen-ploča sa imenom ovog borca, ali nismo uspjeli saznati više o njemu. Ukoliko imate podatke o ovom palom borcu, molimo da se javite redakciji sajta partizansko.info.

Aleksandar Aleksa (Riste) ŠKORO (1920. Bačevići – 1945. Široki Brijeg) - BORAC

Prema Spomenici, rođen 1921.* Zemljoradnik, u NOV i POJ stupio novembra 1944. u 12. hercegovačku brigadu. Poginuo u februaru 1945. kod Širokog Brijega.

Branko (Stevana) ŠKORO (1925. Bačevići – 1943. Sutjeska) - BORAC

Zemljoradnik. Član SKOJ-a od 1942. U NOB od marta 1943. u 5. bataljonu 10. hercegovačke brigade. Poginuo na Sutjesci juna 1943.

Čedomir (Đorđe) ŠKORO (1917. Bačevići – 1941. Kremna) - BORAC

Podoficir vojske Kraljevine Jugoslavije. U NOV i POJ stupio ljeta 1941. u Kraljevački odred. Kao ranjenik zarobljen od Nijemaca kod Kraljeva novembra 1941. i ubijen u selu Kremna kod Užica.

Huso (Hadže) ŠKORO (1913. Kutli Livač – 1943. Glog) - BORAC

Oružnik (žandarm) NDH. U NOV i POJ stupio ljeta 1942. u 1. bataljon 10. hercegovačke brigade. Poginuo 26. marta 1943. na Glogu kod Nevesinja.

Jovo (Sime) ŠKORO (1927. Bačevići – 1945. Ilirska Bistrica) - BORAC

Zemljoradnik, u NOV i POJ stupio ljeta 1944. u 2. bataljon 10. hercegovačke brigade. Poginuo 5. maja 1945. u završnim operacijama u selu Harije kod Ilirske Bistrice.

Marko (Stevana) ŠKORO (1923. Bačevići – 1945. Trst*) - BORAC

Zemljoradnik. Član KPJ od 1944. U NOV i POJ stupio oktobra 1943. u 2. bataljon 10. hercegovačke brigade. Komandir čete. Poginuo 5. maja 1945, u završnim operacijama u Sloveniji (selo Harije kod Ilirske Bistrice)*.

Milan (Đoke) ŠKORO (1924. Slipčiči – 1945.* Nevesinje) - BORAC

Zemljoradnik. U NOV i POJ stupio septembra 1944. u 3. bataljon 12. hercegovačke brigade. Prema Spomenici, poginuo krajem decembra 1944. god. kod Nevesinja.

Milorad (Milisava) ŠKORO (1924. Slipčiči – 1945. Ivan-Sedlo) - BORAC

Prema Spomenici, rođen 1925.* Zemljoradnik. U NOV i POJ stupio septembra 1944. u 3. bataljon 12. hercegovačke brigade. Poginuo 4. aprila 1945. na Ivan-sedlu.



Pali borac **Škoro Mile**, isječak iz fotografije panoa sa likovima palih boraca NOB-a. Nije utvrđeno da li se radi o Milanu ili Miloradu Škori.

Savo (Mitra) ŠKORO (1925.* Bačevići – 1945. Trst) - BORAC

Prema Spomenici, rođen 1922.* Zemljoradnik. U NOV i POJ stupio jula 1944. u 2. bataljon 10. hercegovačke brigade. Član KPJ i politički delegat voda. Poginuo u završnim operacijama 5. maja 1945. u selu Harije kod Ilirske Bistrice*.

Vasilije (Vladimira) ŠKORO (1929. Mostar – 1944. Vrčin, Avala) - BORAC

Učenik Gimnazije. S porodicom 1941. iselio u Srbiju, živio kao izbjeglica u dječjim domovima u Kraljevu, Čačku, Vrnjačkoj Banji i Aranđelovcu. U NOV i POJ stupio septembra 1944. u 5. krajišku brigadu. Poginuo oktobra 1944. u Vrčinu pod Avalom kod Beograda.



Živko (Sime) ŠKORO (1920. Mostar – 1941. Mostar)

Student. Član SKOJ-a od 1940. Uhapšen od ustaša jula 1941. u Mostaru, odveden u školu "Kraljice Marije" i ubijen prilikom ispitivanja je zbog Staljinove značke i drskog odgovora. Živko je drug ikonopisca i pjesnika Svetislava Mandića i spomenut je u njegovoj

pjesmi „Onaj sudnji dan“: *“Kako ću stati pred tihog studenta Milenka Ilića,/i još tišeg Živka Škoru (...).”* Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Predrag (Ljubice) ŠKROBIĆ (1923. Mostar – 1943. Sutjeska) - BORAC

Đak Gimnazije, predratni član SKOJ-a i član KPJ od januara 1941, u prvom sastavu podhumske partijske ćelije. U odredu od marta 1942. Prema sjećanjima Ismeta Dilberovića, kad se


rastajao s majkom “Ljubica je plakala, a on joj je govorio da ne plače, jer joj sin ide u borbu koja će donijeti slobodu svim ljudima”. Komandir voda. Bombaš, poginuo tokom Pete ofanzive na Sutjesci juna 1943. prilikom proboja. Prema sjećanjima, Predrag i njegov vod, njegova raja, pokošeni su “preskačući svoje mrtve i ranjene drugove dok svojim tijelima nisu svi do jednog prekrili bojište.”



Za Predragovu majku Ljubicu su govorili da nikad nije skinula crninu. Arhiv K.D. Miletić.

Omer (Rame) ŠPAGO (1925. Gnojnice – 1945. Istra) - BORAC

Borac, artiljerac. Poginuo u Istri u završnim borbama za oslobođenje 1945. godine.



Vasilije (Žarka) ŠPARAVALO (1924. Mostar – 1944. Jasenovac) - AKTIVISTA

Đak. Prema porodici, uhapšen od četvorice ustaša 11. novembra 1944. godine iz Šadrvana (u blizini Narodnog pozorišta) i odveden. Ubijen u Jasenovcu. Vasilijev otac

Žarko, mašinovođa, takođe je nastradao u ustaškim progonima.

dr Leon Leo (Zigmunda) ŠTERN (1907.* Sarajevo – 1942. Janjina) - BORAC

Prema Spomenici, rođen 1908.*, pravnik. U Mostar došao poslije kapitulacije Kraljevine Jugoslavije. U Bataljonu od početka 1942, borac u četi Ante Zuanića, poginuo u pokušaju proboja iz opkoljene kuće u u Janjini kod Konjica 10. aprila 1942.



Salko (Mehmeda) ŠUKO (1919. Mostar – 1945. Sarajevo) - ILEGALAC

Član KPJ od 1941. Pekarski radnik. Radio u Stocu, a zatim u Mostaru, gdje se uključio u rad sindikalne organizacije. Učestvovao u protestima protiv predratnog režima i drugim demonstracijama, ističući se kao borac za radnička prava. Tokom rata obezbjeđivao ilegalne radnike, prihvatao kurire, provodio ilegalce i aktiviste NOP-a, učestvovao u izvođenju sabotaža i diverzija, rasturao proglase i letke, lijepio plakate o uspjehu NOV i POJ. Po zadatku putovao u Sarajevo i održavao veze sa pripadnicima NOP-a. Poginuo je na jednom od tih zadataka, prilikom povratka iz Sarajeva u Mostar početkom 1945. Opisan kao “vrstan ilegalac”.

Stjepan (Stjepana) ŠULENTIĆ Štefo ili Šule (1914. Mostar – 1942. Bijela) – AKTIVISTA, BORAC

Student, član KPJ od 1938, fudbaler “Veleža”. Drug dr Safeta Mujića s kojim je radio na organizaciji ustanka. U

NOV i POJ stupio decembra 1941. u Mostarski (konjički) bataljon. Poginuo kao komesar čete u četničkom puču juna 1942. u jurišu iz opkoljene škole u selu Bijeloj kod Konjica. *Opisan je kao "politički najistaknutiji čovjek u četi... Bio je student prava, širokog obrazovanja, veoma skroman i plemenit. Neumorno je objašnjavao i tumačio ciljeve naše borbe, ne samo borcima, nego i ljudima koje je sretao u selima.... Čak i za neke nedolične ispade ili svađe koje su se javljale među ljudima, naročito mladim, imao je razumijevanje i strpljenje. Šula je volio sve ljude i za njega nije postojao loš čovjek."* Preživjeli drugovi pričali su o Šulinom hrabrom držanju u najdramatičnijim trenucima. Bio je „duša otpora, čovjek koji je podizao moral branilaca bodreći ih da istraju do mraka, kad će krenuti u proboj, kako su se već bili dogovorili". Tada smo čuli riječi Stjepana Šulentića: »Svjесni smo ideala i cilja zbog kojeg smo pošli da se borimo, ne treba da nas pokoleba izdaja ovih izroda i sluga okupatora. Ide nam pomoć od Boraka i Glavatičeva,, ... „Šulentić je, pogođen u prsa nakon izlaska iz škole, pao i na izdisaju doviknuo borcima: 'Ubiše me. drugovi, idite naprijed!'"

Cvitan (Joze) ŠUMAN (1918.* Raška Gora – 1943. Sutjeska) - AKTIVISTA, BORAC

Prema Spomenici, rođen 1917.* Obalni radnik u Dubrovniku. Aktivista NOP-a, u Bataljonu od januara 1943. Poginuo tokom Pete ofanzive na Sutjesci juna 1943.

Omer (Osmana) ŠUNJE (1925. Podgorani – 1945. Turija) - BORAC

Zemljoradnik. U NOV i POJ stupio 14. februara 1945. u 3. bataljon 14. hercegovačke brigade. Poginuo februara 1945. u selu Turije kod Konjica.

Stanko (Tadije) ŠUNJIĆ (1926. Vojno – 1945. Bradina) - BORAC

Zemljoradnik. U NOV i POJ stupio oktobra 1944. u 1. (mostarski) bataljon 13. hercegovačke brigade, borac. Poginuo 27. marta 1945. na Bradini kod Konjica

Božidar Božo (Branka) ŠUPLJEGLAV (1924. Ortiješ – 1944. Lakiševina) - BORAC

Kovač, završio zanat u Obrenovcu. Član SKOJ-a od 1944. U NOV i POJ stupio jula 1944. u 3. bataljon 10. hercegovačke brigade. Prilikom upada ustaša u Lakiševine 30. septembra 1944. zatečen kao kurir i ubijen.

Mirko (Milana) ŠUPLJEGLAV (1923. Ortiješ – 1943. Bileća) - ILEGALAC

Ugostiteljski radnik. Tokom rata, dio grupe koja je preuzimala dobrovoljce iz Mostara koji su išli u partizane i popunjavali odrede. Član SKOJ-a od 1943. U NOV i POJ stupio septembra 1943. u 3. bataljon 10. hercegovačke brigade. Politički delegat voda, poginuo krajem 1943. kod Bileće.

T: Taslaman – Turić



Muhamed (Omera) TASLAMAN

Hama ili Beg (1920. Mostar – 1942. Bijela) - BORAC

Stolar, član SKOJ-a od 1940. i KPJ od 1941. Hapšen nakon septembarskih demonstracija u Mostaru 1940. U Bataljonu od septembra 1941.

Poginuo u Bijeloj kod Konjica u noći 14/15. juna 1942.



“Podružnica drvnih radnika (stolara, prim.a.) Mostar”. Hama Taslaman je mladić naslonjen na tablu. Slikano najvjerovatnije oko 1934-1935.

Mehmed Meha ili Hama (Alije) TASO (1920.* Mostar – 1942. Gračanica) - BORAC

Prema Spomenici, rođen 1919.* Brijački radnik, fudbaler “Veleža”, član SKOJ-a od 1942. U partizanima od februara 1942. Borac 1. čete Bataljona. Poginuo avgusta 1942. na Humcu kod Bugojna.

Ilija (Laze) TELEBAK (1925. Ravni – 1945. Ivan-Sedlo) - BORAC

Zemljoradnik. U NOV i POJ stupio 14. februara 1945. u 3. bataljon 13. hercegovačke brigade. Poginuo 28. marta 1945. tokom žestokih borbi na Ivan-sedlu, na liniji Rudno brdo – Mali Ivan – do komunikacije Bradina Raštelica.



Ismet TERZIMEHIĆ (1908. Tešanj – 1942. Narvik*) – AKTIVISTA, ILEGALAC

Sudija, osnovnu školu je završio u Maglaju, srednju u Sarajevu, a u Beogradu Pravni fakultet. Član KPJ, aktivista NOR-a, djelovao u ilegali. Često je odlazio u Tuzlu na sastanke sa članovima Oblasnog komiteta za tuzlansku oblast radi usklađivanja partijsko-političkog rada. Kao sudija sreskog suda u Mostaru i Gradačcu, ostavio je veliki trag pružajući pomoć progonjenima. U Mostaru je bio aktivan u

Muslimanskoj narodnoj biblioteci, te je djelovao kao član upravnog odbora biblioteke. U Visokom, gdje je premješten od oktobra 1941. do aprila 1942, bio je član Mjesnog komiteta KPJ. Prema jednom izvoru, uhapšen je u Sarajevu tokom Luburićeve strahovlade pred sam kraj rata i deportovan u logor Jasenovac*. Ostalo je nepoznato da li je ubijen u Jasenovcu ili u putu. Nema podataka da je bio deportovan u logor Narvik u Norveškoj.



Grupa članova i funkcionera Muslimanske narodne biblioteke u Mostaru. U parku kraj hotela «Neretva» u junu 1940. godine. S lijeva na desno — kleče — Mirza Nožić, Ibrahim Novo, Zlatko Pekušić; Sjede — Hatidža Udović, Sadeta Semić, Zlata Salahović, Hatidža Kapić—Brkić, Fazlija Alikalić, Mara Zuber, Šefika Resulbegović, Mirzija Balić, Zejna Konjhođić, Asija Ridanović; Stoje u prvom redu — Smajo Brkić, Džemšo Šarić, Hasan Mrkonjić, Salko Đikić, Vehbija Imamović, Danilo Vukajlović, Ismet Terzimehić, Ahmo Milavić, Enver Krpo, Salko Kajtaž, Džemal Demirović, Muhamed A. Grebo; Stoje u drugom redu — Muhamed Mahić, Ekrem Efića, Mirica, Meho Avdić, Fadil Buturović, Hrustanović, Haldun Hrvić, Ejub Fazlinović, Ahmed Mehić, Džemal Kapić, Esad Kotlo, Muhamed Hadžiomerović (Sipa) i Osman Đikić.

Ismet Terzimehić bio je aktivan kao funkcioner progresivne Muslimanske narodne biblioteke. Na slici stoji šesti s desna, pored palog borca Danila Vukajlovića. Na slici su takođe apli borci Džemšo Šarić i Muhamed Hadžiomerović Sipa.



Ana Anka (Ante) TEŠIĆ rođ. Rimac (1906. Mostar – 1944. Beograd) - ILEGALAC

Učiteljica, službovala u Čapljini, Mostaru i Kotor-Varoši, a od 1941. živjela u Beogradu gdje se sklonila s kćerkom. Zaposlila se u Opštoj državnoj bolnici gdje je 1942. formirala grupu s kojom je prikupljala sanitetski materijal za NOV. Član KPJ od 1943. Uhapšena od Nijemaca početkom 20. Januara 1944. u Beogradu i streljana krajem iste godine u logoru Banjica zajedno sa 26 zatvorenica osuđenih na smrt jer su prethodno pokušale pružiti otpor. Dok je boravila u ćeliji smrti,

Anka je napisala dva pisma, od kojih je jedno bilo za njenu kćerku Milenku. Čitanjem Ankinog pisma završava posljednja epizoda TV serije "Banjica" (1984.).



Isječak iz članka o životu i rade Anke Rimac-Tešić.



Logor Banjica.

Pismo Anke Tešić kćerki, list "Sloboda", 26.11.1984. :
"Jedinice moja draga, sine moj, odlazim i ostavljam ti u amanet, da budeš moja dobra i pametna djevojčica i da jednog dana postaneš pošten čovjek i koristan član društva. Uzdajem se u tvoju hrabrost i želim da sve ovo podneseš ako moj pravi mali junak. Ti znaš kako se majka uvijek ponosila tobom. Sine, ti nećeš biti sama, moji prijatelji će ti zamijeniti moju ljubav, a u našem društvu će biti mjesta za sve. Dakle, draga moja djevojčice, ne plači, glavu gore i budi vesela, sloboda je na pragu. Mi odlazimo mada se teška srca rastavljamo od svojih milih, srećni smo, jer vidimo ostvarenje svojih ideala. Velika borba je pri kraju i uspjeh joj je siguran. Sine, još si mlada pa ne možeš možda da shvatiš ali jednog dana ćeš osjetiti veličinu ovoga djela. Još

jednom sine budi dobra i hrabra i sjeti se svoje majke koja te puno voli i misli na tebe. Tvoja majka"



Husein (Saliha) TIKVEŠA (1924. Šurmanci – 1944. Grušća) - BORAC

Učenik Učiteljske škole u Mostaru. Član SKOJ-a od 1943. U Bataljonu od avgusta 1943, komandir voda, poginuo u Grušći kod Konjica aprila 1944.

Stojanka TODORVIĆ (????? Zemun – 1943. Jasikovac) – BOLNIČARKA, BORAC

Profesor. Poslije kapitulacije Kraljevine Jugoslavije dolazi u Mostar. U NOV i POJ stupila u jesen 1941. u Mostarski (konjički) bataljon, bolničarka i politički radnik. Član KPJ od 1941. Umrta od tifusa januara 1943. u Centralnoj bolnici u Jasikovcu.

Zagorka (Milana) TOHOLJ (1924.* Mostar* – 1944. Konjic) - ILEGALKA

Prema Spomenici, rođena 1923.* u Čapljini*. Završila Žensku stručnu školu u Mostaru. Član SKOJ-a. Poginula prilikom savezničkog bombardovanja Konjica.

Meho (Huse) TOJAGA (1921. Pijesci – 1945. Kokorina) - BORAC

Zemljoradnik. U NOV i POJ stupio novembra 1944. u 4. bataljon 13. hercegovačke brigade. Poginuo 14.2.1945. kod Tanovića-hana na putu Nevesinje – Mostar.

Zejna (Hasana) TOJAGA r. Pajević (1903.* Nevesinje – 1944. Buna) - AKTIVISTA

Prema Spomenici, rođena 1906. Živjela u Hodbini. Aktivista NOP-a. Poginula oktobra 1944. na Buni kod Mostara, prema porodičnom predanju, na zadatku kao partizanski kurir.

Drago (Tome) TOPIĆ (1928. Vionica – 1945. Buna) - BORAC

Učenik. Živio s porodicom u Bijelom Polju kod Mostara, a od 1943. u Trebinju. U NOV i POJ stupio oktobra 1944. u 1. (mostarski) bataljon 13. hercegovačke brigade. Borac, poginuo 14. februara 1945. na Buni kod Mostara.

Smail (Alije) TOPUZ (1926. Blagaj – 1945. Logatec) - BORAC

Prema Spomenici, rođen 1928.* Zemljoradnik. U NOV i POJ stupio 16. februara 1945. u 11. hercegovačku brigadu. Poginuo u borbama za oslobođenje Logateca u Sloveniji 3. ili 4. maja 1945. godine.



Spomenik poginulima u borbama za Logatec u Sloveniji. Među njima su i dva pala borca iz Blagaja sa spomen-pločom na Partizanskom: Mujo Gološ i Smail Topuz.

Vasilije Vaso (Pere) TOŠIĆ (1906.* Mostar – 1941. Lepoglava*) - AKTIVISTA

Prema Spomenici, rođen 1905. godine u Mostaru. Bravar. Član KPJ od 1925, predratni sindikalni funkcioner, aktivista i funkcioner RŠK „Velež“. Prema porodičnom predanju, primio mladog Džemala Bijedića u KPJ. Više puta hapšen i osuđivan. Uhapšen početkom

septembra 1940. zbog protestnog generalnog štrajka u Mostaru, izazvanog zabranom aktivnosti Veleža kao stjecišta naprednih ideja. Sproveden u Lepoglavu. Predat ustašama aprila 1941, prebačen u logor Gospić*, gdje je ubijen jula 1941.

Avdo (Osmana) TRBONJA (1913. Mostar – 1941. Jasenovac) - AKTIVISTA

Krojač, fudbaler “Veleža”, aktivista radničkog pokreta. Uhapšen od ustaša 1941. godine u Mostaru, odveden u logor Jasenovac i ubijen.

Jusuf (Saliha) TRBONJA Gusak (1924. Mostar – 1945. Mostar) - AKTIVISTA


Vozač. Član SKOJ-a od 1942. Uhapšen od ustaša februara 1945. u Konjicu i ubijen.

BRAĆA TRBONJA

Bećir Beća (Jusufa) TRBONJA (1919. Mostar – 1944. Konjic)



Električar, fudbaler “Veleža”. U NOV i POJ stupio decembra 1941, desetar. Prilikom proboja iz četničkog puča juna 1942, zarobljen od domobrana. Oslobođen u akciji spasavanja iz konjičkog zatvora jula 1942. Nakon izlaska iz zatvora nastavlja ilegalni rad u Mostaru. U ljeto 1943. ponovo stupa u Mostarski bataljon. Poginuo je u Grušci kod Konjica kao desetar aprila 1944. prilikom četničkog napada na partizansku bolnicu. Brat narodnog heroja Mehe Trbonje.



Bećir Trbonja i Šerif Ombašić Bomba, drugovi. Arhiv porodice Trbonja.



Omer (Jusufa) TRBONJA (1928.* Mostar – 1945. Busovača) - BORAC

Prema Spomenici, rođen 1927.* godine. Radnik u Rudniku mrkog uglja u Mostaru. Član SKOJ-a. U NOV i POJ stupio ljeta 1944. u 12.

hercegovačku brigadu. Borac. Poginuo aprila 1945. kod Busovače. Brat narodnog heroja Mehe Trbonje.



Narodni heroj Mehmed Meha Trbonja (lijevo) i supruga Raska, sa drugovima. Arhiv porodice Trbonja. Meha Trbonja je izgubio dva brata tokom NOB-a.

Mahmud (Huseina) TRČALO (1922.* Mostar – 1945. Ivan-Sedlo) - BORAC

Prema Spomenici, rođen 1921.* Bravar. U NOV i POJ stupio 14. februara 1945. u 2. bataljon 13. hercegovačke brigade. Poginuo 24. marta 1945. na Ivan-sedlu.

Slavko (Dušana) TRIFKOVIĆ (1922.* Raštani – 1945. Ostrožac) - BORAC

Prema Spomenici, rođen 1923.* Učenik Gimnazije. U NOV i POJ stupio 14. februara 1945. u 3. bataljon 13. hercegovačke brigade. Poginuo krajem februara 1945. ubrzo po stupanju u odred u borbama za Ostrožac.

Janko (Milana) TRIŠIĆ (1924. Potoci – 1945. Gubavica) - BORAC

Zemljoradnik. U NOV i POJ stupio oktobra 1944. u 1. bataljon 13. hercegovačke brigade. Poginuo 15. decembra 1944. na Gubavici kod Mostara.

Ahmet H. TURIĆ (1921. Mostar – 1944. Nevesinje)

Ukoliko imate podatke o ovom palom borcu, molimo da se javite redakciji sajta partizansko.info.

U: Uljarević – Unković

Tripo (Đorđa) ULJAREVIĆ (1922.* Mostar – 1942. Herceg-Novi) - AKTIVISTA

Prema Spomenici, rođen 15. februara 1921.* u Babljoj Glavi kod Nevesinja*. Živio s porodicom i školovao se u Mostaru. Bravar. Predratni član SKOJ-a i član KPJ. Zajedno sa drugim aktivistima, uhapšen aprila 1942. sa grupom Mostaraca od Italijana, za odmazdu zbog sabotaže – požara u Fabrici duhana u Mostaru. Odvedeni u koncentracioni logor na poluoatoku Prevlaka, zatim u ćeliju tvrđave na Mamuli. Streljan na Kamenom kod Herceg-Novog juna 1942. U Mostaru je bila organizovana pomoć uhapšenim i deportovanim borcima i njihovim porodicama. Prvu pošiljku od trideset i osam paketa donijele su na Mamulu Saveta

Radišić Gana i djevojka Tripa Uljarevića, koja je tada saznala da je on već streljan.

Lazar (Sime) UNKOVIĆ (1896. Mostar* – 1941. Mostar) - AKTIVISTA

Prema Spomenici, rođen 1896. u Nevesinju. Krojač, školovao se, živio i radio u Mostaru. Učesnik Oktobarske revolucije, predratni član KPJ. Uhapšen od ustaša avgusta 1941. u Mostaru, odveden i ubijen.

V: Vanović – Vulić

Mitar (Jove) VANOVIĆ (1907. Mostar – 1941. Gospić) - AKTIVISTA

Rođen u Malom Polju kod Mostara. Mehaničar. Predratni član KPJ, više puta hapšen. Uhapšen od ustaša u Mostaru ljeta 1941, odveden u Gospić i ubijen.

Predrag (Jovana) VASIĆ (1914.* Mostar – 1941. Mostar*) - AKTIVISTA

Prema Spomenici, rođen 1913.* Apsolvent tehničkog fakulteta u Beogradu. Predratni član KPJ, svestrani sportaš koji se najviše posvetio fudbalu, igrajući za klub "JŠK" u Mostaru, a zatim za "Velež" do zabrane rada kluba 1940. Još kao student u Beogradu pripadao je naprednom pokretu i bio je primljen u članstvo KPJ. Zabilježeno je da je za studentskih ferija "aktivno djelovao u Mostaru". Nakon uspostave NDH, odveden od ustaša 23. juna 1941. i ubijen u Konjicu*.

Mehmed (Mehe) VEJZOVIĆ (1919. Humilišani – 1945. Sarajevo) - ILEGALAC

Učitelj. Kao rezervni oficir mobilisan u domobranstvo NDH, gdje je djelovao kao obavještajac NOP-a. Otkriven i uhapšen od ustaša u Tarčinu, odveden u Sarajevo februara 1945. i ubijen.

Muhamed Rasim (Omera) VEJZOVIĆ (1918. Mostar – 1945. Sarajevo) – AKTIVISTA, ILEGALAC

Brijač. Član SKOJ-a, aktivista i ilegalni radnik. Hapšen od Italijana aprila 1943. Uhapšen ponovo od ustaša februara 1945. u Mostaru, odveden u Sarajevo i ubijen.

Kemal (Ahmeda) VELAGIĆ (1926. Mostar – 1944. Kula) - BORAC

Prema Spomenici, rođen u Blagaju* kod Mostara. Limar, član SKOJ-a od 1942, u Bataljonu od oktobra 1943, poginuo na Čičevu kod Konjica 17. februara 1944.

Omer (Ahmeda) VELAGIĆ Čehajić (1923.* Mostar* – 1945. Igman*) - BORAC

Prema Spomenici, rođen 1922.* u Blagaju*. Brijač. U NOV i POJ stupio krajem 1944. godine u 14. hercegovačku brigadu. Poginuo u borbi kod sela Prekalj kod Bihaća*, aprila 1945.

Albina VELIČANIN* (???? ???? – ????) - BORAC

Prema spisku boraca Desete hercegovačke brigade, zapisana kao ALBINA VELIČAN*, borac, rođena u Ilidži, Sarajevo, domaćica. Poginula poslije proboja sa Sutjeske.

Ibrahim Ibro (Omera) VEŽIĆ (1911. Gnojnice – 1945. Kiseljak) - BORAC

Zemljoradnik. U NOV I POJ stupio 14. februara 1945. u 14. hercegovačku brigadu. Poginuo u borbi kod Kiseljaka, 5. aprila 1945.

Rudolf Rudo (Marka) VIDOVIĆ (1909. Raška Gora – 1945. Cezin) - BORAC

Zemljoradnik. U NOV i POJ stupio 16. februara 1945. u 3. dalmatinsku brigadu. Poginuo nesrećnim slučajem 6. maja 1945. u Cezinu, Istra.



Avdija M. VIĐEN (1911.* Mostar – 1943. Dahau)

Prema podacima iz arhiva Arolsen, rođen u Mostaru 1912.*, stradao u koncentracionom logoru Buhenvald u Njemačkoj 1943.



Šefik Fika (Mehmeda) VILA (1920. Mostar – 1942. Janjina*) - BORAC

Tokar, član SKOJ-a od 1939. i KPJ od 1941. U NOV i POJ stupio decembra 1941. Tražio je da stupi u Mostarski (konjički) bataljon nakon što je odbio poziv za odlazak u domobrane.

Politički delegat voda, poginuo u borbi u Zaboranima* kod Nevesinja juna 1942.

BRAĆA VRGORA



Dževad (Hasana) VRGORA (1924. Mostar – 1944. Zagreb)

Đak Gimnazije. Član SKOJ-a od 1941, u NOV i POJ stupio jula 1943. u Mostarski omladinski odred. Zarobljen na Kamenj Mostara u julu 1943. sa grupom mladih boraca, odveden u zatvor, ali se uspio izvući otkupom. Nakon toga stupio po zadatku u domobrane, uhapšen u Zagrebu 12-13. septembra 1944. sa dvojicom mostarskih ilegalaca pri pokušaju prelaza ljudstva i materijala partizanima. Svi uhapšeni su streljani u parku Dotrščina iste noći po kratkom postupku. Njihova imena su kao opomena objavljena na oglasu kojim je bio obiljepljen Zagreb. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Zijad Zijo (Hasana) VRGORA (1926.* Mostar – 1943. Ovojci) - BORAC

Prema Spomenici, rođen 1925.* Đak Gimnazije, član SKOJ-a od 1942, u NOV i POJ stupio jula 1943. Poginuo

jula 1943. kao borac Mostarskog omladinskog odreda na Kamenj* kod Mostara prilikom pokušaja odreda da se pridruži Mostarskom bataljonu. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.

Milivoje Mili (Vukana) VUČETIĆ (1922. Čapljina – 1943. Mostar) - BORAC

Prema Spomenici, rođen 1921.* Završio Građansku školu u Mostaru gdje je živio sa porodicom i radio kao radnik. Član SKOJ-a od 1941, u Bataljonu od novembra 1941. Obolio od tuberkuloze i zbog bolesti vraćen u Mostar jula 1942. Umro u Mostaru 14. maja 1943.

Mijo (Kažimira Josipa) VUČIĆ (1898. Vid – 1945. Sv. Katarina) - BORAC

Mašinbravar, radio u Rudniku mrkog uglja u Mostaru. U NOV i POJ stupio 14. februara 1945. u 1. bataljon 6. dalmatinske brigade. Poginuo maja 1945. kod Svete Katarine u Istri.

Jovo (Milana) VUČIJAK (1917. Goranci – 1944. Mostar) - BORAC

Zemljoradnik. U NOV i POJ stupio u jesen 1943. u Mostarski bataljon. Zbog bolesti prebačen u Mostar, gdje je marta 1944. umro u bolnici.

Emanulah Eman (Muhameda) VUČIJAKOVIĆ (1927.* Mostar – 1945. Sarajevo)

Prema Spomenici, rođen 1922*. Mehaničar, član SKOJ-a od 1941, u Bataljonu od januara 1944. Vraćen u Mostar zbog bolesti (upale pluća). Uhapšen sa ocem od ustaša 12. februara 1945. u Mostaru, dva dana prije oslobođenja, i odveden u Sarajevo, gdje je 28. marta 1945. streljan.

Muhamed (Hafiza Hasana) VUČIJAKOVIĆ (1905. Mostar – 1945. Sarajevo) - AKTIVISTA

Posjednik. Aktivno je pomagao NOP. Uhapšen sa sinom Emanom od ustaša 12. februara 1945. Odveden u Sarajevo gdje je ubijen 28. marta 1945.

Zdravko (Vidaka) VUJADINOVIĆ (???? ????* – 1944. Prijedorac)

Prema Spomenici, rođen 1923. u Mostaru. Učenik Gimnazije. Od 1939. s porodicom preselio u Sarajevo, a od 1941. izbjegao u Srbiju, gdje je stupio u partizansku jedinicu. Poginuo kao borac 2. proleterske brigade 1943. u Sandžaku.

BRAĆA VUJOVIĆ

Branislav Brano (Jefte) VUJOVIĆ (1924. Kifino Selo – ??? Beograd) - BORAC

Živio sa porodicom u Mostaru, učenik Gimnazije. Član SKOJ-a od 1940. i KPJ od 1941. U NOV i POJ stupio ljeta 1941. u ustaničke jedinice u istočnoj Hercegovini. Zbog bolesti vraćen u Mostar, odakle odlazi u Beograd, gdje je umro u toku rata.

Slavko (Jefte) VUJOVIĆ (1918. Kifino Selo – 1943. Sutjeska) - BORAC

SLAVKO (JEFTE) VUJOVIĆ, rođen 20. maja 1918. u Kifinu Selu kod Nevesinja. Živio sa porodicom u Mostaru, student agronomije u Beogradu. Član KPJ od 1940. U NOV i POJ stupio ljeta 1941. u ustaničke jedinice u istočnoj Hercegovini, a od avgusta 1942. u 2. bataljon 10. hercegovačke brigade. Poginuo juna 1943. na Sutjesci.




Muhamed Hamid (Derviša) VUK (1924. Mostar – 1943. Stara Gradiška) - ILEGALAC

Učenik Gimnazije. Član SKOJ-a od 1940. Učestvovao u nizu akcija, poput iznošenja municije i druge opreme iz Sjevernog logora u

Mostaru 1942. Uhapšen od ustaša jula 1943, sproveden u logor Stara Gradiška gdje je ubijen

septembra 1943. Njegovo ime nalazilo se na nestaloj spomen-ploči palim profesorima i đacima Gimnazije u Mostaru.



Danilo (Akima) VUKAJLOVIĆ (1905. Bileća – 1943. Sutjeska)

Profesor filozofije u Gimnaziji u Mostaru, intelektualac marksista. Sin siromašnih seljaka, školovan u Beogradu i Engleskoj. Smatrao je da je u rodu sa čuvenim ustanikom iz

XIX vijeka Lukom Vukalovićem, čime se ponosio.

Aktivan u SPD "Gusle" i "Prosvjeti". Blizak saradnik palih boraca dr Safeta Mujića, profesora Dušana Mučibabića i drugih intelektualaca, kod mostarske omladine, svojih đaka, pobudio je simpatije prema radničkom pokretu. U odredu od novembra 1941. Teško ranjen tokom Pete ofanzive na Sutjesci prilikom njemačkog bombardovanja (eksplozija mu je raznijela obe noge). Prolazeći kraj teško ranjenog Danila, Tito je zastao i, vidno potresen, tražio da mu se pruži lječnička pomoć. Prema jednom izvoru: „Iako je Danilu bomba razmrskala obje noge a krv šikljala ispod šinjela, kad mu je iznenada prišao i uzeo mu ruku drug Tito, koji je veoma uzbuđen tražio hiruršku ekipu, Danilo je, mada je bila noć, prepoznao svog Vrhovnog komandanta i posljednjim naporom pozdravio ga s jednom jedinom riječi: »Živio!« Tito se sjećao Danila i nakon rata i raspitivao o njemu. Danilo je poginuo je u blizini mostarskih đaka Osmana Ose Grebe i Hamde Brkića. Zabilježeno je da je „pao kao hrabar i dosljedan borac za slobodu svog naroda“. Njegovu suprugu Jelku, rodnom iz Šibenika, takođe profesoricu u Gimnaziji, ustaše su odvele u logor 1942.



Једна група сарадника Споменице Гусала
 Са лева у десно, седе: Јован Л. Вуковић, Јован Р. Радуловић и Петар Пејановић; — стоје: Добривој Тохов, Вукашин Врачар и Данило Вукајловић

Danilo Vukajlović, stoji desno. Sveštenik Petar Pejanović (Sjedi, desno) je žrtva fašizma, ubijen je ljeta 1941. godine. Izvor: "Pedeset godina Srpskog pjevačkog društva Gusle", 1938.

"Duboko mi se usjekao u pamćenje lik jednog takvog borca iz hercegovačkih jedinica. Bilo je to u toku Pete ofanzive, kada sam poslije teških dnevnih borbi gledao kako se jedan bataljon hercegovačke brigade kreće iz šume u selo, na odmor. Iznenada i mučki naletjelo je jato njemačkih »štuka« i sručilo na bataljon smrtonosni teret svojih bombi, što je prouzrokovalo veoma velike žrtve. Kad sam, odmah poslije toga, naišao sa Vrhovnim štabom na mjesto napada avijacije, našao sam tu veliki broj ranjenih i ubijenih boraca. Prišao sam jednom teško ranjenom borcu, pokrivenom do grla šinjelom ispod kojeg je u mlazevima šikljala krv, jer su borcu obje noge bile razmrskane. Pored njega je mlada medicinska sestra bespomoćno plakala. Iako je već bila noć, on me je odmah prepoznao i sa posljednjim naporom, ali još dosta jakim glasom, pozdravio me sa »živio!«. On je znao da umire, ali je bio svjestan da

umire za jednu veliku stvar. To je bio lik jednog od mnogih heroja koji su svojim životima ovjekovječili našu borbu i zadužili naše narode. Mene je to duboko kosnulo, ali nisam mogao ništa drugo da učinim za njega osim da naredim da se hitno prenese u jednu kuću i da se pozove ljekar. Kasnije sam saznao da je taj hrabri borac podlegao ranama i da je bio iz Mostara."

Odlomak iz predgovora Josipa Broza za knjigu "Hercegovina u NOB" 1961. godine.



Josip Broz Tito na najgornjoj terasi gdje su spomen-ploče boraca na slova V-Ž, 8. aprila 1969. Izvor: CIDOM.

Vasilije Vasko (Petra) VUKIĆEVIĆ Vašak (1923. Mostar – 1944. Glavatičevo)


Prema Spomenici, rođen 1924. godine. Đak Gimnazije u Mostaru. Član SKOJ-a od 1941, u Bataljonu od oktobra 1943. Poginuo u Grušći kod Konjica aprila 1944. u okršaju sa četnicima kao borac desetine Mostarskog bataljona poslana kao obezbjeđenje bolnice.



“Školovala sam te, sine, da postaneš veliki čovjek! A sad si mi najveći, jer si pao za ovu zemlju koju si volio i koju ja ljubim – govorila je majka Vukićevićka ljubeći zemlju oko groba.”

Izvor: list „Sloboda“, članak „Ponovo u voljenom gradu“. na otvaranju Partizanskog spomen-groblja 25.9.1965.

Prilikom otvaranja Partizanskog spomen-groblja 25.9.1965. jedan novinar je zabilježio jecaje Vaskove majke: “Školovala sam te sine da postaneš veliki čovjek! A sad si mi najveći, jer si pao za ovu zemlju koju si volio i koju ja ljubim.”



Nacrt spomenika pilotu Prve eskadrile Aci Vukoviću 1990. godine. Do izgradnje ipak nije došlo. Izvor: Vazduhoplovni muzej u Beogradu.




Aleksandar Aco (Riste) Vuković
(1910. Mostar – 1944. Drniš) -
BORAC

Pilot potporučnik. U aprilskom ratu 1941. Prebacio se u SSSR, a odatle u savezničku avijaciju na Bliski istok. Pri formiranju Vazduhoplovstva NOVJ stupio u Prvu eskadrilu. Član KPJ, poginuo 31. avgusta 1944. kao vođa vazduhoplovne lovačke grupe kod Drniša.



pilot Vuković R.
Aleksandar, Izvor:
Vazduhoplovni muzej u
Beogradu



Izjava Vuković Olge, supruge pilota Ace Vukovića: “Kažu da je avion počeo padati posle drugog napada, da je zapeo za telefonske žice, srušio jedno drvo (bukvu) i udario u vionograd Ante Vržine iz Primorskog Dolca. Isti dan su stigli Nemci iz Perkovića, a uveče je Aco zatrpan u rov, verovatno od flaka. Kod nekog se nalazi Acina

luka, a ostaci aviona su bili u ogradi vinograda, umesto vrata i sl." Izvor: Vazduhoplovni muzej u Beogradu.

Branko (Luke) VUKOVIĆ (1912. Vihovići – 1943. Ub) -
AKTIVISTA, BORAC

Rudar, aktivista radničkog pokreta. Nakon kapitulacije Kraljevine Jugoslavije izbjegao u Srbiju. U NOV i POJ stupio krajem jula 1941. u Tamnavski partizanski odred. Po razbijanju odreda februara 1942. kao ranjenik sklonio se u selo Zvizdar kod Uba. Uhapšen od Nijemaca 28. avgusta 1943. i ubijen.

Drago (Pere) VUKOVIĆ Kostriješ (1897. Mostar – 1944. Drvar) - BORAC

Prema *Spomenici* rođen u Nevesinju, zidarski radnik (kamenorezac). Član KPJ od 1941, u Bataljonu od septembra 1941, borac, poginuo u Drvaru 1944.

PORODICA VUKOVIĆ



Gojko Rade (Gojka) VUKOVIĆ
(1926. Mostar – 1945. Ivan-Sedlo) –
ILEGALAC, BORAC

Najmlađi član porodice Vuković,
član SKOJ-a. U NOV i POJ stupio ljeta
1944. u 1. (mostarski) bataljon 13.
hercegovačke brigade. Zamjenik

komesara Omladinske čete. Ušao je u oslobođeni
Mostar 14. februara 1945. i našao praznu porodičnu
kuću. Traženo je da, kao posljednji preživjeli Vuković,
ne ide u dalju borbu što je odbio. Poginuo marta 1945.
na Ivan-sedlu.

Sjećanja – Esad Bubić: "Onda je došao rat. Stariji su otišli u partizane, a mi najmlađi, uzrasta današnjih pionira, bili smo organizovani po grupama. Održavali smo redovne sastanke. Rukovodilac moje grupe je bio Šemsudin Čatrnja – Šone... Borili smo se na svoj način. Onesposobljavali neprijateljske kamione... Stavljali klampe pod gume... Razbijali sijalice, jer su ilegalci u Mahali najviše noću radili i tada se kretali. Iz toga

perioda mi je najviše u sjećanju ostala hrabrost najmlađeg Vukovića. Rade, koji je bio jedno dvije godine stariji od mene. Sjećam se kao sad, kamion natovaren pirinčom, vozi kroz mahalul prema aviatnici. On se penje i izbacuje vreće pirinča. Taj bi se pirinač dijelio porodicama čiji su hranitelji bili u partizanima. A za takve stvari se glava gubila..."




Mladen (Gojka) VUKOVIĆ (1917.
Mostar – 1942. Romanija) –
AKTIVISTA, BORAC

Službenik, član KPJ, MK SKOJ-a za
Zenicu. Stupio u Romanijski NOP
odred jula 1941. Poginuo u napadu
na žandarmerijsku stanicu u Sokolcu kod Sarajeva 26.
avgusta 1941. godine.



Radojka (Gojka) VUKOVIĆ (Mostar
– 1943.* Jasenovac) – BOLNIČARKA,
BORAC

Jedina kći poznatih mostarskih
revolucionera Gojka i Zlatke
Vuković. Član SKOJ-a od 1940. U
Bataljonu od kraja 1941. ili proljeća 1942. Bolničarka.
Poslije Pete ofanzive i probijanja obruča na Sutjesci,
zarobljena kod Jablanice juna 1943. i odvedena u logor
Jasenovac gdje je ubijena 1944*. godine.



Radojkina dopisnica iz Jasenovca: "Dragi moji paket sa hranom primila, zahvaljujem, sa cipelama nisam. Uбудuće ako možete, šalјite hranu i što starog veša. Pozdrav svima, Radojka" Broj riječi na dopisnici je bio ograničen a dozvola za pisanje se davala samo za dobro vladanje.

Nakon mučenja streljan je na Ovojcima sa Jusufom Čevrom.



Zlatka (Jove) VUKOVIĆ rođ. Radić
(1893. Mostar – 1941. Ovojci) –
AKTIVISTA, BORAC

Prema Spomenici, rođena 1891.*
Domaćica (po nekim izvorima,
radnica), supruga mostarskog
revolucionera Gojka Vukovića (1887-

1934) i majka četvero palih boraca Mladena, Slobodana, Rade - Radiše i Radojke Vuković. Aktivista radničkog pokreta. Prema sjećanjima savremenika, "godinama (je) sav teret oko izdržavanja porodice nosila na svojim plećima; radila je najgrublje poslove po kućama samo da bi djecu podigla i osposobila za život." 31. jula 1941. godine, u kući porodice Vuković održao se sastanak Mjesnog komiteta KPJ. Ustaše su upale u dvorište. Zlatka je bacila ručnu bombu da bi omogućila sinu i drugovima da pobjegnu. To je bila "prva bomba koja je bačena na okupatora u porobljenom Mostaru". Uхваćena sa ilegalcem Ahmetom Sefićem. Nakon mučenja oboje su streljani su istog dana.



Slobodan (Gojka) VUKOVIĆ (1919.
Mostar – 1941. Ovojci) – AKTIVISTA,
ILEGALAC

Građevinski tehničar. Član SKOJ-a od
1939, i KPJ od 1940, član MK SKOJ-a
za Mostar. Sin revolucionera i

komuniste Gojka Vukovića. Fudbaler "Veleža". Nakon oružanog otpora ustašama 31. jula 1941, bježi kod kuma u Rodoč koji ga je sklonio u jednu pećinu a sutradan 1. avgusta izdao ustašama. Slobodana su ustaše zatekli na spavanju. Dva omladinca, Sulejman Rebac i Muhamed Kreso koji su tu čuvali krave, vidjeli su kako su Slobodanu „oko vrata vezali kožni opasač i tako ga vukli do kamiona. Strpali su ga unutra, onako s kaišem oko vrata“. Proveli su ga kroz grad „divljački vičući da je uhvaćen. A on, pretučen, s kaišem o vratu, naslonjen na kabinu kamiona, stajao je klonule glave“.



*Spomen-bista Zlatke
Vuković.*



Gojko i Zlatka Vuković, početkom Prvog svjetskog rata.



Renovirana Muzej-kuća Vukovića u Donjoj mahali u Mostaru

U staroj kući prema vodi,
Na čija okna jorgovan pada,
Četvoro zlatnih Zlatka rodi,
Mladen, Slobodan, Radiša, Rada.

Nagnuta iznad »Singer« mašine
Noćima šila parče hijeba,
Tkala slobodu što će da sine
Sa modrog platna mostarskog neba.

Vrijeme mučko u smrt satka
Majku i djecu u istom ratu,
Četvoro Zlatnih i peta Zlatka,
Krakova pet je zvijezde u zlatu.

Otac je Gojko oti'o prvi,
Majka,
Pa Čerka,
Pa Tri Mladića
Sa istog mljeka
Od iste krvi,
Ta divna Četa,
Četa Vukovića.

Stihovi Miše Marića o porodici Vuković (pjesma Mostarskih kiša "Zlatka Vuković")

Spaso (Pante) VUKOVIĆ (1922. Mostar – 1944. Čapljina) – AKTIVISTA, BORAC

Zemljoradnik. Aktivista NOP-a. U odred stupio septembra 1944. u 12. hercegovačku brigadu. Poginuo

29.1.1945. u Tasovčićima kod Čapljine kao borac 1. bataljona 3. brigade Narodne odbrane.



Živko Lj. VUKOVIĆ (1922. Mostar – 1942. Borač*) – AKTIVISTA, BORAC

Učenik Učiteljske škole. Član SKOJ-a od 1938. (i član rukovodstva školskog SKOJ-a), član KPJ od 1940. Aktivan u organizaciji "skauta", učesnik partijskog kursa na

Bjelašnici 1940. Prvoborac, iz Mostara izašao avgusta 1941. na područje Nevesinja radi organizacije ustanka, radio pri Štabu Bataljona "Nevesinjska puška". Ubijen juna 1942. u Kazancima* kod Gacka.




ARHIV PORODICE ANDRIĆ

Živko Vuković sa lokalnom djecom, mladim skautima. Arhiv porodice Andrić.



Borivoje (Gavrila) VULIĆ (1912. Mostar – 1944. Split) - BORAC

Pilot, u aprilskom ratu 1941. prebjegao avionom na Bliski istok. Stupio u britansku avijaciju RAF-a – krajem 1943. godine bio je upućen u Kanadu radi preobuke na teškim bombarderima. Po povratku uključen u sastav 15. američke vazdušne armije u Sredozemlju. Kao drugi pilot na bombarderu kapetana Blagoja Radosavljevića, letio u velikoj bombarderskoj formaciji radi bombardovanja njemačke vazduhoplovne industrije. Poginuo po povratku sa uspješno izvršenog zadatka kao pilot u oborenom avionu B-24 iznad Knina-Drniša 24. avgusta 1944.



Hasan (Salke) ZAHIROVIĆ Laca, narodni heroj (1919.* Mostar – 1943. Kobilja Glava) – ILEGALAC, BORAC

Prema Spomenici, rođen 1920. godine u siromašnoj zanatlijskoj porodici. Pekar. Fudbaler “Veleža” omladinske sekcije. Učesnik brojnih akcija tokom rata, poput izvlačenja oružja i materijala iz kasarni u Mostaru. Član KPJ od 1942. U NOV i POJ stupio oktobra 1941. u Bataljon, odakle je po zadacima više puta dolazio u Mostar donoseći sanitetski materijal, oružje i municiju. Jedan od najvještijih mitraljezaca udarne brigade, istakao se u brojnim akcijama. Poginuo kao zamjenik komandira čete na Kobiljoj glavi kod Gacka aprila 1943. Proglašen za narodnog heroja 1949. Ostao upamćen kao “vođa mostarske raje”. Ovjekovječen u čuvenim stihovima Miše Marića (“Mostarska majka”) Mladen i Laca, Tanja i Pava, / svi mrtvi koji u nama žive, / došli bi jači od zaborava, / iz neke strašne ofanzive.(...). O njemu je još za života spjevana pjesma u odredu: “Desetina naša spremna, / kukavica u njoj nema./ Na ustaše bombe baca / Zahirović Hasan Laca.” Sahranjen je na Partizanskom spomen-groblju u Mostaru.

Z: Zagorčić – Zurovac



Muhamed (Saliha) ZAGORČIĆ (1921.* Mostar – 1943. Nevesinje) - BORAC

Prema Spomenici, rođen 1920. Građevinski tehničar, član SKOJ-a od 1941. U Bataljonu od kraja 1941.

Učesnik bitke na Sutjesci. Nakon proboja zarobljen od Nijemaca u Slivljima kod Gacka i ubijen, prema procjeni porodice, oko 15. ili 16. juna 1943.



Bista narodnog heroja Hasana Zahirovića Laca, djelo akademskog vajara Florijana Mičkovića (1985.)




Partizanska spomenica Muhameda Zagorčića.



Narodni heroj Hasan Zahirović Laca, opisan kao "jedan od najboljih boraca koje je slobodarski Mostar dao u Oslobodilačkom ratu." Crtež, "Sloboda".



Raketna topovnjača jugoslovenske mornarice 404 nosila je ime narodnog heroja Hasana Zahirovića Laca. Izvor: Fejsbuk.



Posmrtni ostaci narodnog heroja Hasana Zahirovića Laca bili su preneseni sa Kobilje Glave u Mostar. Njegov grob se jedno vrijeme nalazio u parku na Musali, a 1965. godine njegovi posmrtni ostaci su preneseni na Partizansko spomen-groblje.

Ibrahim Ibro (Mehmeda) ZALIHĆ (1911. Mostar – 1945. Ivan Sedlo)

Pekar. U NOV i POJ stupio 14. februara 1945. u 10. hercegovačku brigadu. Borac, poginuo marta 1945. na Ivan-sedlu u završnim borbama.

Mehmed (Durana) ZALIHĆ (1888. Mostar – 1942. Bijela)

Prema Spomenici, rođen u Konjicu. Kovač, živio i radio u Mostaru. Predratni aktivista radničkog pokreta. U njegovoj kući su se okupljale grupe ljudi koje su izlazile na oslobođenu teritoriju u partizanske vojne jedinice. Borac u Bataljonu od marta 1942, poginuo u Bijeloj kod Konjica juna 1942. u proboju iz opkoljene škole.



Rabija Rapka (Nazifa) ZEKIĆ (1924. Gacko – 1943.* Župa*) – BOLNIČARKA, BORAC

Radnica, živjela i radila u Mostaru. Član SKOJ-a od 1940. i KPJ od 1941. U Bataljonu od oktobra 1943, bolničarka. Poginula prilikom napada na bataljonsku bolnicu u Grušići* kod Konjica 27/28. aprila

1944*.



*Spomenica Rabije Zekić,
porodični arhiv.*



Ante (Stjepana) ZELENIKA (1922.
Mostar – 1943. Mostar) – AKTIVISTA,
BORAC

Građevinski tehničar. Bio je zaposlen u Tehničkom odsjeku i učestvovao je u izgradnji puteva, poput puta u selu Mamići. Lijepo je svirao gitaru.

Početak rata je radio u Sjevernom logoru odakle je izvlačio oružje (uključujući dva mitraljeza) i municiju za pokret otpora. Član SKOJ-a od 1940. i KPJ od 1941. Bio u grupi mostarskih omladinaca-dobrovoljaca u aprilskom ratu, koji su vraćeni nakon pet dana zbog kapitulacije. Zabilježeno je da je ljeta 1941. pokušavao pomoći progonjenim Srbima obavještavajući ih o ustaškim namjerama. U Bataljonu od kraja 1941, gdje je bio omladinski rukovodilac. Vratio se u Mostar kad je teško obolio od tuberkuloze. Umro u Mostaru 30. jula 1943.



*Antin najmlađi brat Niko
Zelenika poginuo je kao
partizan. Njegovo ime
zabilježeno je na spomen-ploči
palim profesorima i đacima
Gimnazije u Mostaru koja je
uništena početkom rata
devedesetih. Drugi Antin brat
Ivo Zelenika bio je ustaški
tabornik.*



**Ljubomir Ljubo (Franje)
ZELENIKA** (1916.* Mostar – 1942.
Mostar) - AKTIVISTA

Prema Spomenici, rođen 1917.
godine* u Mostaru. Službenik,
fudbaler "Veleža" i predratni aktivista i aktivista NOP-a.
Nakon paljenja Fabrike duhana uhapšen od Italijana
kao talac. Streljan 13. juna 1942.

Halil (Huse) ZLOMUŠICA (1922. Banj dol – 1945. Ivan-
Sedlo) - BORAC

Zemljoradnik. U NOV i POJ stupio 14. februara 1945. u
11. hercegovačku brigadu. Borac. Poginuo marta 1945.
na Ivan-sedlu.

Andrija (Pere) ZOVKO (1924*. Polog – 1945. Sv.
Katarina) - BORAC

Prema Spomenici, rođen 1925.* Zemljoradnik. U NOV i
POJ stupio 15. februara 1945. u 2. bataljon, 6.
dalmatinske brigade. Poginuo početkom maja 1945.
kod Svete Katarine u Istri.

Ivan Ivko (Pere) ZOVKO (1913. Polog – 1945. Općine,
Trst*) - BORAC

Zemljoradnik. U NOV i POJ stupio 15. februara 1945. u
2. bataljon 10. hercegovačke brigade. Prema
Spomenici, poginuo 3. maja 1945. u Ribnici, Slovenija*.

Stojan (Ivana) ZOVKO (1919. Polog – 1943. Lađevica) -
BORAC

Mlinar. Borac 1. banijskog NOP odreda 3. banijske
brigade od novembra 1942. Zamjenik komesara čete.
Opisan kao „junak nad junacima, poznati
puškomitraljezac“, koji je poginuo početkom 1943. u
Lađevicama blizini Slunja (Kordun).



Ante (Ante) ZUANIĆ (1924.
Rogatica – 1942. Bjelimići) - BORAC

Đak Gimnazije, član SKOJ-a od 1941, u Bataljonu od decembra 1941. Desetar, poginuo u Janjini kod Konjica aprila 1942. Njegovo

ime nalazilo se na nestaloj spomen-ploči palim profesorima i đacima Gimnazije u Mostaru.

BRAĆA ZUPČEVIĆ*



Reuf (Mustafe) ZUPČEVIĆ* (1923.
Mostar – 1944. Pohorje) - BORAC

Završio trgovačku akademiju, fudbaler "Veleža". Član SKOJ-a, isključen iz škole zbog revolucionarne djelatnosti.

Uhapšen od četnika u Mostaru marta 1943, predat Italijanima i

odveden u logor Mamula, a zatim u logor Visco di Udine. Nakon kapitulacije Italije stupio u slovenačku brigadu „Ljubo Šercer“. Poginuo u borbama u Sloveniji u selu Ruše kod Maribora maja 1944.



Tadžudin (Mustafe) ZUPČEVIĆ*
(1926. Mostar – 1945. Tuzla) –
BORAC

* Prema Spomenici, prezime je Zubčević. *Ukoliko imate podatke o ovom palom borcu, molimo da se javite redakciji sajta partizansko.info.*

Osman Osmo (Salke) ZUHRIĆ (1925. Ljubuški – 1945.
Bosanski Petrovac) - BORAC

Mesar, živio i radio u Mostaru. Član SKOJ-a od 1942. U NOV i POJ stupio početkom 1944. u 13. krajišku brigadu. Poginuo početkom 1945. kod Bosanskog Petrovca.

BRAĆA ZUROVAC



Borivoje Boro (Drage) ZUROVAC
(1917.* Mostar – 1942. Mamula) -
BORAC

Prema Spomenici, rođen 1920.* u Mostaru, bravar. Istaknuti aktivista i prvoborac, član SKOJ-a i KPJ, član MK SKOJ-a za Mostar. U prvoj grupi

dobrovoljaca koja se uputila na teren istočne Hercegovine da radi na razvijanju ustanka ljeta 1941. Vratio se u Mostar, uhapšen od Italijana aprila 1942 kao talac zbog sabotaže – požara u Fabrici duhana. Odveden u logor Mamula i streljan juna 1942. na Kamenom kod Herceg-Novog.



Vukašin (Dragutina) ZUROVAC (1911.
Mostar – 1942. Lajkovac*) –
AKTIVISTA, BORAC

Mašinovođa. Predratni član KPJ. U Lajkovcu živio i radio od 1939, gdje je sekretar ćelije KPJ 1940. i kurir PK KPJ za Srbiju. Igrao fudbal za lajkovački "Železničar", jedan od naprednih radničkih klubova, čiji su članovi formirali odred od igrača i rukovodstva kluba te se priključili NOP-u. Vukašin je stupio u NOV i POJ jula 1941. u Tamnavsku partizansku četvu kao politički delegat voda. Zarobljen od četnika decembra 1941. kod Uba, predat Nijemcima i odveden u logor Banjica*, gdje je 19. februara 1942. streljan.

Milka (Todora) ZUROVAC r. Antelj (1903. Mostar –
1944. Mostar) - AKTIVISTA

Gostioničarka. Aktivista NOP-a. Poginula od savezničkog avionskog bombardovanja 14. januara 1944. u Mostaru.

Ž: Živić – Žuljević



Stjepan (Antona) ŽIVIĆ (1913. Sao Paolo – 1943. Sutjeska) – AKTIVISTA, BORAC

Rođen u Sao Paolu u Brazilu. Službenik iz Slavonske Požege, predratni član KPJ. Zbog komunističke djelatnosti otpušten

s posla u Trnjacima kod Slavenskog Broda, zaposlio se decembra 1940. u Žitomislićima kod Mostara. U Bataljonu od početka 1942. Borac 3. bataljona. Poginuo 9. juna 1943. u Petoj neprijateljskoj ofanzivi na Sutjesci u kanjonu Pive kod Čokove Luke kao tifusni bolesnik u Centralnoj bolnici.

Muhamed (Mehmeda) ŽULJEVIĆ (1922. Mostar – 1943. Sutjeska) - BORAC

Brijač, član SKOJ-a od 1942, u NOV i POJ od 1943, borac 3. bataljona, poginuo u Petoj neprijateljskoj ofanzivi na Sutjesci juna 1943.

Saznaj više - Partizansko.info

Veb sajt posvećen Partizanskom spomen-groblju u Mostaru i očuvanju sjećanja na pale borce.



SPOMEN-PLOČE



Nikola M. ABRAMOVIĆ

(1905. Dabar – 1941. Gospić)



Mihajlo M. AHAC

(1924. Mostar – 1943. Krekovica)

KAMPANJA: Pronađimo borce



BIOGRAFIJE PALIH BORACA

A B C Č Ć D DŽ Đ E F G H I J K
L L Ž M U V Z

Prezim



Nikola M. ABRAMOVIĆ

35+ g FŠK "Velež" Jasenovac poginuli 1941 poginuli u HR

NIKOLA (MIRKA) ABRAMOVIĆ BJELICA, rođen 1905. godine u Dabru kod Stoca. Rano je ostao bez oca, pa je sa majkom [...]

BLOG



ski
skojević:
Fotografije iz
odice



torio
tervju
nzića
sa Bogdanom
Bogdanovićem
uoči otvaranja Partizanskog
spomen-groblja u Mostaru
septembra 1965. godine

Sve to i mnogo više na sajtu www.partizansko.info

Foto-galerija

Mostarski bataljon



Borci Mostarskog bataljona 1942. godine na Boračkom jezeru: Pava Miletić dole čuča u prvom redu. Izvor: Gordana Miletić Buzaljko



Grupa boraca Mostarskog bataljona na planini Košuti kod Glavatičeva 1942. godine. Prema porodici, Kemal Šarić sjedi prvi s lijeva s puškomitraljezom.

Članovi partijskog biroa Trećeg (Mostarskog) bataljona Desete narodnooslobodilačke hercegovačke udarne brigade (kasnije proletherske), kod Prozora oktobra 1942: stoje - Dušan Simić, Muhidin Bašagić Hido (poginuo kod Ostrošca 1943), Šefik Obad (narodni heroj, poginuo na Sutjesci 13. juna 1943), kleči - Enver Čemalović, sjede - Aco Babić i Salko Pezo (poginuo na Sutjesci 1943).



Mostar; grupa autora (1961): Hercegovina u NOB 1. dio, Beograd, Vojno delo



Selo Ribari 1942. Na fotografiji: stoje (s lijeva na desno): Mićević Stevo, moguće Ivan Bubaš, Ala Delić, narodni heroj Ahmet Pintul, Šantić Osman, Džemal Fejić. Čuče: Angelina Lambić (pretpostavka), Danilo Bilanović, Fatima Ševa, (nepotvrđeno). Arhiv porodice Mrgan.



selo Visočica, stoje (s lijeva na desno): Alija Krpo, Ragib Derviškadić, Meha Arap, Ivan Bubaš, Refik Šećibović. Čuče: Angelina Lambić, Fatima Ševa i izvjesni Spasoje. Arhiv porodice Mrgan/Đikić.



Prva četa Mostarskog bataljona, selo Doljani kod Jablanice 1942. godine, list "Sloboda".



Kroz hercegovački krš (1942.)

Mostarski bataljon, 1942. godine, list "Sloboda".



Grupa boraca i rukovodilaca Mostarskog batljajona. Sjede (s lijeva na desno): Talijan, partizan, Savo Savčić, narodni heroj Meha Trbonja, Talijan, partizan. Stoje: Alica Krpo, Fadil Numić, Husa Orman, narodni heroj Ahmed Pintul, narodni heroj Enez Orman.



“Vječna slava palim narodnim borcima” poslijeratni pano na kojem je prikazano preko 200 fotografija palih boraca iz Mostara. Fotografiju je na nekom zgarištu tokom rata pronašao i sačuvaao istoriograf Karlo Drago Miletić. Iako minijaturna, poslužila je timu partizansko.info da sazna identitete brojnih boraca sa Partizanskog spomen-groblja.

Vješanja 1943.



Vješanje skojevaca Drage Palavestre (desno) i Alice Rizikala (lijevo) od strane Nijemaca 15. jula 1943.



Poslije navodno izvršene sabotaže, prekida telefonske vojne njemačke linije, Nijemci su u noći 18/19. listopada 1943. godine, na početku Liske ulice, preko puta polukružne zgrade, objesili:

EKREMA ČURIĆA, 16-godišnjeg učenika
SELIMHODŽIĆ zv. BABIĆ MUSTAFU-MUJU, 46-godišnjeg zidara,
BITANGA r. BOJČIĆ DARINKU, 52-godišnju domaćicu
SKOCAJIĆ BOŽIDARA, 22-godišnjeg mladića
KLJUIĆ TOMO, radnika iz Metkovića

Poslije ovog vješanja, prijavio se je njemački vojnik, samoinicijativno, i tvrdio, da je on sa kolima, nenamjerno prekinuo telefonski vod.

Pet obješenih talaca od strane njemačkih vlasti: Ekrem Čurić, Mujo Babić Selimhodžić, Darinka Bitanga, Božo Skočajić i Tomo Kljuić. Fotografija iz Arhiva K.D. Miletić.



ARHIV K.D.MILETIĆ


Slika 3 :
 Pazarić 1938.g. - SKAUTI
 (stoje od lijeva na desno) - VAHDA RAJKOVIĆ, DANILO MILIĆEVIĆ, OSMAN OSA GREBO, RISTO "ČIĆO" MILIĆEVIĆ i t.d.



ARHIV K.D.MILETIĆ

(stoje, s desna na lijevo) - AHMED BRKIĆ, MUHAMED HAMA GREBO, RISTO "ČIĆO" MILIĆEVIĆ, SALEM MACIĆ, ŽIVKO VUKOVIĆ, ? ? , MUSTAFA MUJA BALIĆ, OSMAN OSA GREBO, PREDRAG ŠKROBIĆ i.t.d.
 (prvi s lijeva, gitara) - HAMDA BRKIĆ
 (druga gitara) RIFAT PAVLOVIĆ
 (prvi s lijeva stoji u kapi) DANILO MILIĆEVIĆ

Mostarski skauti - budući borci Mostarskog bataljona.
 Arhiv K.D. Miletić



1. Zagorčić
2. -
3. ~~Željko Karić~~
4. Đukić Atif
5. Balić Mujo
6. Nijaz Hadžiosmanović
7. ?
8. ?
9. ABIDA MILAVIĆ
10. ?
11. Mita Hadžiosmanović
12. MIRZIJA BALIĆ

13. ?
14. ?
15. ?
16. Nijaz -CAR
MILAVIĆ
17. RATKO MIČKOVIĆ
18. KEVSERA TIKVINA
19. MILE MILETIĆ
20. MLADEN ANTUNOVIĆ
21. ?
22. Rada Mičković?
23. ?

Pali borci sa Partizanskog: 1. Muhamed Zagorčić, 4. Atif Đukić Beli, 5. Mujo Balić, 19. Mile Miletić.



*Sa plaže na Neretvi – ispod Starog mosta 1938. godine. U sredini
sjedi dr Safet Mujić*

Izvor: Časopis "Most"



Raja sa Carine. U prvom planu: pali borac Ejub Krpo, sjedi, sa naočalama, Mensur Seferović borac i publicista poslije rata. Skroz desno sjede Ejubovi brat i sestra Alija Krpo i Hasnija Krpo Demirović. Stariji brat Husref Krpo je takođe pali borac sa Partizanskog. Gotovo svi članovi porodice Krpo, uključujući i oca Sulejmana, učestvovali su u NOB-u. Arhiv porodice Krpo.




Članice Biblioteke koje su pohadale prvi srednjoškolski tečaj, koji je organizovan 1936/37. godine. U prvom planu (sjede) nastavnici tečaja i članovi upravnog odbora Biblioteke — (s lijeva na desno) Hakija Raljević, Džemal Demirović, Hasan Mrkonjić, dr Safet Mujić, Sulejman Fehimović, Hasan Ćišić, Salih Ćišić, Mustafa Alikalfić, Fazlija Alikalfić, Ismet Terzimehić, Smajo Brkić i Šefik Pekušić.

Muslimanska narodna biblioteka bila je poznata po svom naprednom djelovanju. Niz palih boraca bili su aktivni članovi koji su predavali mladima. Na ovoj slici su pali borci Ismet Terzimehić, Mustafa Alikalfić i dr Safet Mujić. Izvor: porodični arhiv, fejsbuk. Ista fotografije je objavljena u knjizi Fazlije Alikalfića, "Stasanje jedne mladosti", Mostar, 1985.



U prijatnom raspoloženju, poslije završenog programa, na zabavi Biblioteke 10. februara 1940. Među ostalim za stolom sjede Ilija Bošković i Smajo Brkić (prvi i drugi s desna), iznad njih stoji Džemšo Šarić

Džemšid Šarić u gornjem uglu desno, stoji. Izvor: Fazlija Alikalfić, Stasanje jedne mladosti, Mostar, 1985.



Grupa članova i funkcionera Muslimanske narodne biblioteke u Mostaru. U parku kraj hotela »Neretva«, u junu 1940. godine. S lijeva na desno — kleče — Mirza Nožić, Ibrahim Novo, Zlatko Pekušić; Sjede — Hatidža Udovičić, Sadeta Šemić, Zlata Salahović, Hatidža Kapić—Brkić, Fazlija Alikalfić, Mara Zuber, Šefika Resulbegović, Mirzija Balić, Zejna Konjhodžić, Asija Riđanović; Stoje u prvom redu — Smajo Brkić, Džemšo Šarić, Hasan Mrkonjić, Salko Đikić, Vehbija Imamović, Danilo Vukajlović, Ismet Terzimehić, Ahmo Milavić, Enver Krpo, Salko Kajtaz, Džemal Demirović, Muhamed A. Grebo; Stoje u drugom redu — Muhamed Mahić, Ekrem Efica, Mirica, Meho Avdić, Fadil Buturović, Hrustanović, Haldun Hrvić, Ejub Fazlinović, Ahmed Mehić, Džemal Kapić, Esad Kotlo, Muhamed Hadžiomerović (Sipa) i Osman Đikić.

Pali borci su Džemšo Šarić, dr Safet Mujić, Danilo Vukajlović, Ismet Terzimehić, Miralem Mirica, Muhamed Hadžiomerović Sipa.



Једна група сарадника Споменнице Гусала

Са лева у десно, седе: Јован Л. Вуковић, Јован Р. Радуловић и Петар Пејановић; — стоје: Добривој Тохол, Вукашин Врачар и Данило Вукајловић

Danilo Vukajlović, stoji desno. Izvor: "Pedeset godina Srpskog pjevačkog društva Gusle", 1938.



Razred 7.b gimnazije u 1939./1940.: Ruzrednik: prof. Tvrтко Kanaet. Učenici: Vasilije Balorda, Nedeljko Bukvić, Fadil Buturović, Mubera Ćemalović, Zdravka Glavadanović, Ante Hamišek, Katarina Loose, Marija Lupinec, Vojin Majstorović, Ljubica Mandić, Mirjana Antonija Milićević, Risto Milićević, Aleksandra Milošević, Ibrahim Nova, Nadežda Peško, Asija Riđanović, Zlata Salahović, Ksenija Samardžić, Nada Semiz, Đorđo Spahić, Nenad Šain, Sadeta Šemić, Milena Šotrić, Branimir Tamindžić, Hatidža Udovičić, Aleksandra Zelenika, Milica Radojičić, Velimir Pudar, Miroslav Ivezić. (Nedostaju učenici: Dušan Ćokić, Halidun Hrvić i Koviļjka Vrhovac.)

Među ovim đacima su ubijeni Nedeljko Bukvić (odveden i ubijen najvjerovatnije u Jadovnu avgusta 1941), Vasilije Balorda (od Nijemaca u Kraljevu 1941.), Risto Milićević Ćiće (u Zvijerini 1942.). Na slici su i mlađe sestre palih boraca: Ksenija Samardžić (sestra Ines Samardžić), Zlata Salahović (sestra Bisere Salahović), Nadežda Peško (sestra Tanje Peško). Na slikama dole, sa izleta u Metković i Vid Narodnu (20. oktobar 1940.), nekoliko je palih boraca: profesor Dušan Mućibabić, te poginuli đaci Vasilije Balorda, Mubera Ćemalović.



*Razred 8.b gimnazije u Mostaru 1940./1941. Izlet u Metković i Vid - Narouu,
20. 10. 1940.*



*Razred 8.b gimnazije u Mostaru školske 1940./1941. god. Razrednik Mučibabić
Dušan. Učenici: Balorda Vasilije, Bukvić Nedeljko, Buturović Fadil, Čemalović
Mubera, Čokić Dušan, Glavadanović Zdravka, Hamušek Ante, Irvić Haldun, Ivezić
Miroslav, Loose Katarina, Lupince Marija, Majstorović Vojin, Mandić Ljubica,
Margeta Ivica, Miličević Mirjana, Miličević Risto, Novo Ibrahim, Peško Nadežda,
Puđar Velimir, Radojičić Milica, Ridanović Asija, Salahović Zlata, Samardžić
Ksenija, Semiz Nada, Spahić Dorđo, Stijaković Milenko, Šain Dragutin, Šain Nenad,
Šemić Sudeta, Šotrić Milena, Udovičić Hatidža, Bognar Miroslava.*



PRVI PUT SA PETOKRAKOM ZVIJEZDOM NA GRUDIMA, 1939. GODINE U MOSTARU. S LIJEVA NA DESNO: MUHAMED HADŽIOMEROVIĆ, MEHA TRBONJA, SULE GUŠANAC, VJEKO BOŠKOVIĆ, ĆEMAL ŠEFKO, RADE ŠUMAN, ŠERIF HUSREFOVIĆ, KEMAL ARPADŽIĆ, FADIL BUTUROVIĆ, HALDUN HRVIĆ, ILIJA TERZIĆ I BORO ČEČEZ (S LOPTOM).



Generacija 1937.: Humo (član uprave), Šantić, Trbonja, S. Hadžiomerović, Barbarez, Terzić, Hrvić, Arpadžić, Husrefović, Džinović, E. Fejlić, Milović, trener: Ćorić (stoje) Alajbegović, Šapuh, Momić, Vukotić, Bubić, Gušanac, Buturović, M. Hadžiomerović (čuče)



Ekipa RŠK "VELEŽ" 1938. godina: Jaša Šantlić, Haldun Hrvčić, Kemal Arpadžić, Safet Džinović, Mile Barbarez, Hilmića Trebović Fadil Buturović, Šefkija Čemal, Muhamed Hadžomerović, Šerif Husrefović, Mija Terzić, i Mehmed Trbonja (u odijelu)



Tim iz 1939. godine. (Stoje): Ljubo Filipović, Kemal Arpadžić, Nijaz Šice Čemalović, Fadil Buturović, Hilmića Trebović, Haldun Leo Hrvčić, Šefkija Čemal, Šerif Husrefović, Boro Čećez. (čuče): Mehmed Trbonja, Safet Džinović, Vjeko Bošković, Mustafa Humo, Sulejman Gušanac



UPRAVNI I NADZORNI ODBOR RŠK VELEŽA, SNIMLJEN 1. MAJA 1933. U MOSTARU. S LJEVA NA DESNO: IVO ČORIĆ, DEJAN MIŠANOVIĆ, ŠEFKO TREBOVIĆ, LJUBO BASTA, LJUBO RUNDO, ILIJA DABIĆ. SJEDE: MEŠAK ČUMURIJA, STJEPAN DRAGIĆ, LAZO RADIĆ, IVAN ŠEGO. U SREDINI DJEČAK ZIJO BAKAMOVIĆ.

Gore: Pali borac Mehmed Ćumurija sjedi skroz lijevo. Dole: Pali borci dr Safet Mujić (skroz lijevo) i Mehmed Ćumurija (skroz desno).



Porodični arhivi:

Arhiv porodice Šestić



Gore lijevo: Salko i mlađi brat Safet kod Parka na Musali. Gore desno: Skojevka Rada Ostojić i Salko Šestić na mostu. Arhiv porodice Šestić. S lijeva na desno: Muhamed Drače, Miralem Ribica i Salko Šestić na uzdaničnoj zabavi 20. 1. 1940. Terasa Banje, s lijeva Miralem Ribica, Muhamed Drače, Kemal Ćemalović i Salko Šestić. U pozadini je Mithat Ribica- Mita (brat od Miralema). Arhiv porodice Šestić.




Lijevo: Salko Šestić i Nusret Seferović Polet.

Dole: Muhamed Drače, Miralem Ribica i Salko Šestić na uzdaničnoj zabavi 20. 1. 1940. Arhiv porodice Šestić.





Mostarski školarci. Na slici su bar tri pala borca: Miralem Rbibica, sjedi prvi s lijeva, Salko Šestić, osmi s lijeva u srednjem redu. Živko Vuković je u bijelo košulji treći s desna, takođe u srednjem redu. Arhiv porodice Šestić



Prvi razred učiteljske škole, 1939. Ejub Krpo je drugi s lijeva.



Ejub Krpo s drugovima, skroz lijevo.




Gore: Alija Krpo, referent saniteta. Alija je preživio rat i postao kardiolog.



na vrhu Kopaonika (desno).

Husref Krpo, kao vojnik (lijevo), i



Husref Krpo na skijaškom tekmičenju u Valjevu 27.1.1935.



Predah, prilikom skijanja u Sloveniji. Husref Krpo sjedi u sredini u crnoj majici (sa opancima)



Koča pod Bogatinom, Slovenija.



Lijevo: Pava Miletić, u crnoj haljini stoji lijevo. Prema porodici, "bila je toliko visoka da je jedva stala u fotografiju."
Desno: Miletić Pava, po dolasku u Konjički (mostarski) bataljon, stoji druga s desne strane). Izvor: Gordana Miletić Buzaljko



Slika 2 :
 (stoje) - SALKO PAJEVIĆ, RIFAT PAVLOVIĆ, SALKO ŠEHOVIĆ
 LUDVIG "LUČE" KUJUNDŽIĆ
 (sjedi) - majka AHMETA i SALKE ŠEHOVIĆA



Lijevo: Salko Šehović i Ludvig Luče Kujundžić stoje zagrljeni, s desna. Salkina majka sjedi na travi. Arhiv K.D. Miletić.
 Desno: Enver Čemalović prilikom otkrivanja bisti narodnih heroja Hasana Zahirovića Lace i Mladena Balorde Lobre.



Pali borci Zijo Elezović (stoji drugi s desna, u naočalama) i narodni heroj Ahmet Pintul (stoji u drugom redu drugi s lijeva) bili su u porodičnoj vezi. Arhiv porodice Elezović.



Stolari iz "Podružnice drvnih radnika Mostar", slikano oko 1934-1935. Pored palog borca Muhameda Taslamana (mladić u kariranoj košulji u sredini, oslonjen na tablu), pali borci stolari su takođe: Smajo Ibrulj, Smajil Jugo, Konstantin Kaličin, Hilmija Kreso, Mustafa Kreso, Ludvig Kujundžić, Salih Manjgo, Husein Maslić, Ante Matić, Mustafa Raljević, Msutafa Repak, Alija Rizikalo, Kemal Sulejmanović, Mehmed Šabić, Elefif Šaran.



Bećir Trbonja i Šerif Ombašić bomba, prije rata i odlaska u partizane.



Bećir Trbonja s drugovima, u parku na Musali.

ARHIV PORODICE TRBONJA




Mehmed Meha Trbonja, Razija Raska Trbonja sa dva druga čiji identitet nije potvrđen.



Druženje na Neretvi: Bećir Trbonja stoji. Sjede s lijeva na desno: nepoznati, mladić koji bi po sjećanjima mogao biti Vasilije Balorda, pored njega narodni heroj Mladen Balorda, Predrag Škrobić.

ARHIV PORODICE TRBONJA

Druge spomen-ploče



Spomen-ploča u Gimnaziji u Mostaru palim profesorima i đacima, s natpisom: “Neka imena palih junaka služe kao primjer kako se voli i umire za slobodu svoga naroda”. Postavljena je na inicijativu mostarskog SUBNOR-a, otvorio je Džemal Bijedić, a stajala je u hodniku kod glavnog ulaza od 1954. do 1992. godine




Spomen-ploča đacima nekadašnje trgovačke akademije u Mostaru (kasnije ekonomske škole). Foto: spomenicinob.



Spomen-ploča palim borcima iz Blagaja na kojoj je ime šesnaest boraca rodom iz Blagaja, od kojih mnogi imaju spomen-ploču na Partizanskom spomen-groblju, poput Muje M. Gološa, Kasima S. Gološa, Skočajić L. Bogdana, Smaila A. Topuza, i narodnog heroja Šefika Obada.


*Ti grabavi nisu rake,
već kalevke naših snaga
(Žmaj Jovan Jovanović)*



Слике погинулих бораца у Завичајном музеју у Мостару



Izvor: list "Sloboda".



Detalj iz Zavičajnog muzeja u Mostaru. Pali borci Mostarskog bataljona



MUZEJ HERCEGOVINE — 1950. (Ulica marseala Tita)


Prikupljen je materijal iz NOB-e Mostara i Hercegovine, otkupljena je fototeka Zimole, nabavljene narodne nošnje, proizvodi mostarskih kujundžija i ostalih esnafa i priređivane su izložbe, da bi povodom 10-godišnjice oslobođenja Mostara — 1955. grad dobio svoj prvi muzej — Odjeljenje NOB-e i Etnografsko odjeljenje. Posebnu pažnju privukle su fotografije preko 800 palih boraca — herojskog Mostara.



Vitrina sa predmetima poginulih Mostaraca u NOB-i



RAZNI PREDMETI PALIH BORACA POHRANJENI
SU U ZAVIČAJNOM MUZEJU



Biblioteka skojevaca jednog kvarta u Mostaru, zatim fenjer
bataljanskog kurira i oružje poginulih boraca.

**o Gradskog Redarstva
u Mostaru**

POZIV SRBIMA

Pozivaju se svi SRBI sa članovima svojih porodica čija prezimena po redarstvenom popisu počinju sa slovima A i B, da se danas 14. o. m. u 10 sati navečer sakupe na željezničkoj postaji radi iseljenja u SRBIJU. Vlak iseljenika krenuti će točno u 11 sati navečer.

Iseljenici imaju pravo sobom ponijeti 50. kg. prtljage po osobi te sav svoj novac i sve svoje dragocjenosti.

Svi gore navedeni, koji su dužni odputovati današnjim iseljeničkim vlakom, moraju prije odlaska na kolodvor svoje stanove zaključati i ključeve uz naznaku prezimena, ulice i kućnoga broja predati predstožništvu ovoga redarstva soba br. 5.

Svi koji se ovome pozivu ne odazovu te pokušaju odbjeći ili sakriti se, po pronalasku biti će uhapšeni i najstrožije kažnjeni.

Zabranjuje se svima i svakome pod najstrožijom kaznom primati bilo što od Srba na poklon, pohranu, ili obračun u naravi kao i za iste, koji se moraju iseliti, bilo intervenirati ili ih prikrivati.

Naročito strogom kaznom biti će kažnjeni oni SRBI, koji pokušaju svoju pokretnu ili nepokretnu imovinu na bilo koji način oštetiti.

Iseljavanje se imade obaviti u najvećem miru i redu.

ZA DOM SPREMNI!

Dano u Mostaru 14. kolovoza 1941.

Predstožnik redarstva

Krtalić, v. r.

“Poziv Srbima”: Nakon ustaških pogroma Mostaraca Srba, sredinom avgusta 1941, u Mostaru su osvanuli oglasi kojim se nalaže preostalom stanovništvu da se iseli. Prema nekim izvorima, došlo se do prezimena na slova K-Nj, kada Italijani preuzimaju vlast i progoni se zaustavljaju.

PRIEKI RATNI SUD STOŽERA PUKOVNIKA LUBURIĆA — SARAJEVO

Sud. br. 6/1945.

OGLAS

Prieki ratni sud stožera pukovnika Luburića u Sarajevu je rodi dijela protiv obštenka Nezavisne Države Hrvatske iz § 91. t. 1, 2, 3, 4, 5, 6, 17. K. z. osudio:

I. Osudom od 5. ožujka 1945. Ukp. br. 1/1945.

1. **Pecić Muhameda**, sina Hamida, rođenog 1906. u Mostaru, mehaničara iz Mostara, na kaznu smrti strijeljanjem;
2. **Vučijaković Muhameda**, sina Hamida, rođenog 1905. u Mostaru, posjednika iz Mostara, na kaznu smrti strijeljanjem;
3. **Sežo Jusufa**, sina Salke, rođenog 1896. u Blagaju, umirovljenog oružnika iz Mostara, na kaznu smrti strijeljanjem;
4. **Koluder Pala**, sina Mustafe, rođenog 1902. u Mostaru, običara, iz Mostara, na kaznu smrti strijeljanjem;
5. **Majević Arslana**, sina Ahmeda, rođenog 1902. u Mostaru, pijara, iz Mostara, na kaznu smrti strijeljanjem;
6. **Bobić Mustafa**, sina Bećica, rođenog 1900. u Dretnici, posebnika iz Mostara, na kaznu smrti strijeljanjem;
7. **Pilavdžić Aliju**, sina Osmana, rođenog 1892. u Opčičima, pijara, iz Mostara, na kaznu smrti strijeljanjem;
8. **Alendar Sulejmana**, sina Ben, rođenog 1911. u Ljubovici, upravljača sarajevske, iz Mostara, na kaznu smrti strijeljanjem;
9. **Salković Salema**, sina Ahmeda, rođenog 1923. u Mostaru, posebnik oružnika, iz Mostara, na kaznu smrti strijeljanjem;
10. **Rebac Ahmeda**, sina Salha, rođenog 1900. u Mostaru, bravara željezničke radionice iz Mostara, na kaznu smrti strijeljanjem;
11. **Zubac Ivana**, sina Franje, rođenog 1912. u Bradušima, redarstvenog dočimnika iz Mostara, na kaznu smrti strijeljanjem;
12. **Čumurića Mehmeda**, sina Ahmedaga, rođenog 1900. u Mostaru, trgovca iz Mostara, na kaznu smrti strijeljanjem;
13. **Glavović Muju**, sina Sulejmana, rođenog 1905. u Mostaru, pijara iz Mostara, na kaznu smrti strijeljanjem;
14. **Raljević Ibrahim**, sina Salke, rođenog 1918. u Mostaru, kovača iz Mostara, na kaznu smrti strijeljanjem;
15. **Sulejmanović Kemala**, sina Izaha, rođenog 1922. u Mostaru, stolara, na 7 godina teške tamnice;
16. **Pala Edhem**, sina Sačica, rođenog 1924. u Mostaru, trgovca pomoćnika iz Mostara, na 7 godina teške tamnice;
17. **Rilevančić Omera**, sina Hasana, rođenog 1927. u Mostaru, upravljača sarajevske, iz Mostara, na 7 godina teške tamnice.

II. Osudom od 10. ožujka 1945. Ukp. 2/1945.

18. **Kihčić Ivana**, sina Stjepana, rođenog 1894. u Duvlecu, djelatnog dopunilovnika-služba iz Sarajeva, na kaznu smrti strijeljanjem;
19. **Stromić Miroslava**, sina Jozefa, rođenog 1904. u Šarbanu, činovnika željezničke radionice iz Sarajeva, na kaznu smrti strijeljanjem;
20. **Đurić Vahida**, kćer Omera, rođenog 1904. u Ljubovici, običara iz Sarajeva, na kaznu smrti strijeljanjem;
21. **Šegović Nikolu**, sina Nedelja, rođenog 1904. u Tuzli, državni inženjer iz Sarajeva, na kaznu smrti strijeljanjem;
22. **Wagner Ljudevita**, sina Jozefa, rođenog 1920. u Gacku, djelatnog radničkog nadzornika iz Sarajeva, na kaznu smrti strijeljanjem;
23. **Kapetanović Salha**, kćer Zorica, rođenog 1913. u Trebinju, činovnika razvijačstva hrvatskih drž. željeznica iz Sarajeva, na 20 god. teške tamnice;
24. **Radončićevič Lazara**, sina Lazara, rođenog 1904. u Sarajevu, višeg željezničkog kontrolora iz Sarajeva, na 10 godina teške tamnice;
25. **Reповac Rankira**, sina Ismeta, rođenog 1921. u Otrtovcu, elektromehaničara iz Sarajeva, na 10 godina teške tamnice;
26. **Darić Muhameda**, sina Omera, rođenog 1922. u Ljubovici, daka iz Sarajeva, na 7 godina teške tamnice;
27. **Majer Libuše**, kćer Josipa, rođenog 1924. u Dubrovniku, učesnica iz Sarajeva, na 7 godina teške tamnice;
28. **Džumbar Džemala**, sina Abdulazima, rođenog 1925. u Beogradu, svećenika iz Sarajeva, na 5 godina teške tamnice;
29. **Vejević Milana**, sina Stjepana, rođenog 1928. u Sarajevu, puškara iz Sarajeva, na 3 godine teške tamnice;
30. **Mandić Stana**, kćer Riste, rođena 1927. u Reševu, učesnica iz Sarajeva, na 5 godina zatvora.

III. Osudom od 12. ožujka 1945. Ukp. 3/1945.

31. **Foht Josipa**, sina Ivana, rođenog 1897. u Zagrebu, biskupice poštarske podržavljene trgovice, iz Sarajeva, na kaznu smrti strijeljanjem;
32. **Foht Sarolta**, kćer Hama Orzo, rođena 1902. u Olovu, kućanica iz Sarajeva, na kaznu smrti strijeljanjem.

IV. Osudom od 12. ožujka 1945. Ukp. 4/1945.

33. **Matić Ranka**, sina Filipa, rođenog 1924. u Sinju, djelatnog službenika iz Sarajeva, na kaznu smrti strijeljanjem;
34. **Čatićević Davora**, sina Nikole, rođenog 1923. u Sinju, djelatnog robnika iz Sarajeva, na kaznu smrti strijeljanjem.

V. Osudom od 12. ožujka Ukp 5/1945.

35. **Hadžović Salha**, sina Ahmeda, rođenog 1922. u Vitovu, djelatnog činovnika iz Sarajeva, na kaznu smrti strijeljanjem.

VI. Osudom od 13. ožujka Ukp 6/1945.

36. **Hadžibratimović Galiba**, sina Ahmeda, rođenog 1911. u Vinokom, pričuvnog vodnika iz Vinokom, na kaznu smrti strijeljanjem.

VII. Osudom od 14. ožujka Ukp 7/1945.

37. **Hadžilimović Ferida**, sina Bećica, rođenog 1916. u Sarajevu, brljača iz Sarajeva, na kaznu smrti strijeljanjem;
38. **Hanković Ibrahim**, sina Maje, rođenog 1906. u Stolcu, trgovca iz Sarajeva, na kaznu smrti strijeljanjem;
39. **Gaibbegović Abida**, sina Šerme, rođenog 1912. u Šipovu, običara iz Sarajeva, na kaznu smrti strijeljanjem;
40. **Sahinčić Sulejmana**, sina Suje, rođenog 1911. u Jajcu, stolara iz Sarajeva, na kaznu smrti strijeljanjem;
41. **Mehmedbakić Nushba**, kćer Mahmuda, rođena 1924. u Sarajevu, sveučilišarka iz Sarajeva, na kaznu smrti strijeljanjem;
42. **Zemović Hajrudina**, sina Ralje iz Sarajeva, na kaznu smrti strijeljanjem;
43. **Damjanović Teofilu**, sina Franje, rođenog 1912. u Špilju, djelatnog knjižničarke iz Sarajeva, na kaznu smrti strijeljanjem;
44. **Kučukalić Hakmeta**, sina Mehmeda, rođenog 1915. u Bečkom, vjerska podržavljene trgovice iz Sarajeva, na kaznu smrti strijeljanjem;

Na osudnici bili su čitavi komunistički partije, čija organizacija, primani i izvrši komunističke protivljenosti protiv, držali i sakupljali su komunističke sredstva novac, nabavljajući i otpremali oružje i strijeljavu protivljenosti u kaznu, te organizirali javne odnose protiv „J. 1945.“, a sve na način, da se satanji, slatim i hrvatskim srpski državljan i politički protivljenosti u hrvatskim državi hrvatski, te su, prema tome, počinili teške krivične čine protiv obštenka, obštenki i nezavisnosti hrvatskog naroda. Sve te krivične čine kaznu kaznjeno je u zakonskom redu smrti, koje su izvršene bezobzirno i bezobzirno.

Sarajevo, 29. ožujka 1945. godine.

PRIEKI RATNI SUD STOŽERA PUKOVNIKA LUBURICA

© Historijski arhiv Sarajevo

“Prieki ratni sud stožera pukovnika Luburića – Sarajevo”. Na spisku otetih Mostaraca (pred samo oslobođenje 12-13. februara 1945.) i odvedenih za Sarajevo prilikom ustaškog povlačenja, nalaze se imena više palih boraca likvidiranih marta 1945.

Među ubijenima februara-marta 1945. su pali borci:

Sulejman Alendar, Salko Bijedić, Mustafa Bobić, Mehmed Bošnjik, Mehmed Čemal, Mehmed Čumurija, Salko Dugalić, Zijo Elezović, Omer Fazil, Emina Hadžiomerović, Mujo Hasanbegović, Enes Isić, Pašo Koluder, Salih Manjgo, Mustafa Milavić, Alija Mrkonjić, Selim Pajević, Ethem Pala, Muhamed Pecić, Alija Pilavdžić, Muhamed Raljević, Ibrahim Raljević, Ahmet Rebac, Omer Rizvanić, Salem Salković, Ives Samardžić, Rasim Vežović, Mehmed Vežović, Muhamed Vučijaković, Eman Vučijaković.

Izvor: Historijski arhiv Sarajevo (fejsbuk)

Nekadašnja preduzeća i omladinske radne brigade

Niz preduzeća u Mostaru bio je nazvan po palim borcima.

PREDUZEĆE ZA PRERADU I OBRADU DRVETA

„Hasan Bubić“ - Mostar

Sa ovim obavještlava sve svoje mušterije i ostalo građanstvo da je u sastavu preduzeća otvorilo odeljenje za **drvo - tokarsku struku.**

Proizvodimo sve vrste razne galanterije kao: pribor za beške, stolne lustere, valjke za lješto, laganje za tucanje, zidne vješalice, vješalice za peškire kao i ostale ukrasne.

Cijene solidne - izrada solidna i tačna.

INVALIDSKO PRIVREDNO PREDUZEĆE

„HAMO CERKIĆ“ - MOSTAR

Tržište broj 349 - Buzova ulica - „ENTLEFRED“ - Mostar
Tržište br.104 kod Narodne banke, Mostar, broj 323 - 27 - 108

Pored kemijske čistone, parne bojadisnone, ispravnice bezalkoholnih pića, kroječko-konfekcijske radionice i moderno uređene prodavnice tekstila i kožne galanterije, otvorilo je i tapetarsko-tapetarsku radionu u kojoj iznajđujemo sve vrste kretnih uložaka (jednodielnih - trodielnih) te Feder - madrace i vrstno ostale tapetarske usluge uz najpovoljnije cijene.

Svi zainteresirani uku se pit-smo ili lično obrate na Upravu preduzeća koja se nalazi u ulici Druge Palavestre broj 1 ili na telefon broj 249.

Ujedno obavještlavamo naše potrošače da ćemo početkom mjeseca septembra vršiti rasprodaju zimskih kaputa kao i dječjih odijela uz najpovoljnije cijene.

Grafički zavod

-Rade Bitanga-

MOSTAR

SVIM SVOJIM POSLOVNIM PRIJATELJIMA I RADNIM LUDIMA ŽELIMO SREĆNU NOVU 1965. GODINU

Члвдана народу Хероинами, првжалеваа борцима и ртвониконичама Двствотолковачу ХХХХ хероинамие ртвониконичу

„МУЈО ХУСКОВИЋ“

М О С Т А Р

Улица Буре Пуцара - Старог Народне банке, Mostar 731 - Т - 109

У свој мушкој и женској салону израђује по наруџба све врсте мушког и женског одиела и рубља.

ЦИЈЕНЕ ПРИСТУПАЧНЕ - ИЗРАДА СОЛИДНА !

PREDUZEĆE ZA OBRADU METALA

„МУЈО ПАШИЋ“ - MOSTAR

Обавјештава своје постојеће пријатеље да је **узorio одјене свим произвођачима од ервог има са 36°.**

Предузећа и подовни отјадити ивеште код нас понудилом крај-испрату за аутоматно везење, које често и најкорење врјеме постводи. За стабилност и квалитет дигнео пасане гаранције.

Јанано на зајед град-врсноди и -столарах, алова све врсте, врло дјелове квалитета као и солидни одјени.

Народне одбори ервова - одјина могу се код нас саодјевати и таблицана за обилежаванје кућа - са квалитет гаранцијено.


Наш нови текучи рачун код Народне банке број: **730 - н/н - 65**

Zemaljska automehaničarska radionica

»KARLO BATKO« - Mostar

PRIMA NA OPRAVKU: sve vrste motornih vozila i motora, vrši servizne preglede i opravke motornih vozila marke „Pionir“ (Tvornice automobila „Maribor“); bušenje (egaliziranje) radilica, motora svih veličina i ravnih površina blokova, glava itd; vrši izradu svih vrsta čaura, osovinica, cijevnih priključaka i zavrtnja za otorna vozila i ostale strojeve.

Телефон број 360



Cijene umjerene

Zemaljska automehaničarska radionica

„KARLO BATKO“

MOSTAR

Omladinske radne grupe iz Mostara nazivane su po narodnim herojima. Na slici: omladinci iz brigade "Hasan Zahirović Laca", "Brigadirsko ljeto 1978.", pruga Šamac – Sarajevo.



ЗА ОСМИЈЕХ ПРЕОРАНИХ ПОЉА . . .

О, јутрос, са овога виса
ја видим у прозачној магли
пробуђена поља и облаке
што мнлују брда мога села.

Не знам да ли је дрхтај што прожима груди —
веселе или боља;
да л' ми блијесак у оку носи горчину туге,
или чежњу ових несијаних поља.

Али знам да те волим, земљо моја црна:
од мале ријеке са власима паше
до оног старог, закрљалог грма
и плота баште, напуштене, наше.

О, земљо моја неорана
и земљо моја, некопана —
лај да те цјелива твој непослушни син.
Од суза плача мог нек тече ријека,
велика ријека;
ријека бистра, провидна
нек крене камени точак старог млина —
самеље жуто, једро зрње.
О, земљо родног мог села!

Земљо, у себи носиш весеље и муку старог ми оца,
ушла си у се пјесму умрле мајке моје,
што је дрхтала врховима лишћа шуме, зелене,
твоје,
док је она чувала стадо и плела.

Земљо живота и снова многих биједних људи,
прими моју врелу крв у твоје пуне њиве,
што сада капље из дрхтавих груди,
и живот, живот нови нека се буди,
преко твојих ораница . . .

Земљо, залиј загаситом мојом крвљу
суве длачице пшеничног коријења.
Образи кошчати, усне блиједе
и грло суво од дугог мољења —
за бијелим топлим хљебом —
нек се све насмије
гласно и јако
и остане тако.

Земљо будуће среће,
кад примиш капље моје крви,
не жалим, вјеруј, што ћу бити први
твој син умрли
за нови осмијех преораних поља.

Moja pjesma

Na obrazu mome izdahnuła tuga
i rumenu baklju u srce sam zabo
Sestro,
sestro, — zar nije, sramno, ropski kad se živi!
zato ne ridaj,
zato ne plači
Sjutra
kada padnem
nije važno — 100-ti ili prvi.

Sejo!
ne oblači tamnu haljinu
već bijelu — kaq proljeće;
zakiti se kasnim jorgovanom
i susjetci našoj kaži
da sam pao. —
Uberi ružu rumenu
iz njena vrta
i onda
jednog dana kasne jeseni, —
Kad mre tiho čovjek i cvijeće, --
ti se ponosi:
što si imala brata,
koji je samo znao
za novo, mlado proljeće.

Oče!
Ja znam tvoje teške rane
ali tada — ne kuni:
što novce zarađivo nisam
niti bio ko ostali dobri ljudi —
oprosti!
što te nisam zamjenjivo
pod stare dane . . .

U srce sam zabo rumenu buktinju,
u mislima izvezo
proljeće!
pa zato ni ruke mlade ne žalim dati
ni oči ove smeđe
(za koje djevojke kažu
da su tužne i sanjive)
za planetu novu
i ljude
na njoj što će —
da vole
i žive.

DVIJE PJESME – Svetislav Mandić

DRUGI ZAPIS SA GROBLJA NA PAŠINOVCU (posvećena paloj skojevki Tanji Peško)

Ovde leži Tatjana
Lazara trgovca kći,
pogibe, jaoj, nestade
četrdeset i prve.

Tu tihu devojčicu,
tu lepu lutku spavaljku
očaravali u sumračja
malo razbarušeni mahalski dečaci
malo Feđin,
malo Vasilije iz Ostroga
svetac hercegovački.

Hiljade sanjivih kumra
Uzletalo sa njenog gospodskog klavira
U bistro nebo nad Humom.
Hiljade drugih
Sletalo u njene srebrne oči.

Nedaleko u susedstvu,
sirotovali došljaci Nevesinjci,
dugo u noć
slušala njina jednolika pevanja.

Ko zna kako, ko zna zašto,
da li zbog mahalskih dečaka,
da li zbog Feđina,
da li zbog sveca Ostroškog,
da li zbog beshlebnih brđana,
poče da sniva veliki san
o sreći zemaljskoj
i pravdi daleke Rusije.

A čekao je koledž švajcarski.

Tad stiže ona strašna godina
i Tanja, sunce mamino,
pođe u osvetnike.
Al` prve noći
jedno malo zrno metalno
nađe je u vinogradu, podno Veleža.

Sahraniše je krišom, u zoru.
... Kažu da poneke mračne noći mostarske
Plamičci svetle na njenoj zapusteloj humci.

To gore suze Tanje Lazareve
koja iz svojih nebeskih staništa
oplakuje našu sudbu zemaljsku.

ONAJ SUDNI DAN

Doći će,
mora doći taj dan
kada ćemo opštem Sudiji i jedni drugima
polagati račune
za ono šta smo učinili na ovome svetu.

U beskrajnim redovima
svak će se pojaviti u svom liku
onakav kakav je bio u času odlaska
sa zemaljskih prostora.

Doći će red i na mene.
Lako ću stati pred lice Božije
i neću dati da me zaseni njegova svetlost.
Otvoriće se sveska mojih pluseva i minusa,
uskladićemo ih nekako.

Osim toga,
kažu da je Bog milostiv,
zapretiće mi svojim promuklim glasom
i uputiti na livadu bez trave,
sa malo hlada kraj plitkog potoka
da se tamo bavim svojim slovima
ili da učim neki lepši zanat.

Biće to kazna, al podnošljiva.

A kako ću ja tada stati pred lica svojih bližnjih,
pred one koje sam nadživeo toliko decenija,
a koji su mi nekad bili vršnjaci,
pred one koji su otišli razmrskanih čela
onog neshvatljivog leta kada su imali dvadeset
godina.

Koga ću tu sresti,
s kim rečito ćutati, nemo razgovarati?

Biće tu **Slobodan Bogdanović**
u jedinoj zelenoj košulji
koju mu je mati Cvieta svake noći prala

i sušila do školskog jutra.
Želeo je da bude pravnik, ili sociolog, ili
filozof,
uvek je tragao za spisima ljudi iz XIX veka.
Da li će me prepoznati ovako starog, skoro
obnevidelog,
i kako ću mu objasniti šta se to s nama desilo.

Naći će se tu pitomi i hrabri **Velimir Kovačević**,
u odelu kupljenom od prve učiteljske plate.
Za njim su čeznule osmoškolke,
a on voleo neku frizerku.
Da je preživeo taj grozni juli
postao bi gorski general,
a posle, bio bi pesnik prvoga reda,
kakav Eliot, Popa i drugi venconošci!

Ili, kako stati pred lice onog drugog Slobodana,
lepog Zlatkinog sina
što je učio tehniku u Sarajevu.
Cela njegova kuća se iskopala,
pa više nema Vukovića u Donjoj mahali.

Kako ću ja pogledati u **Anđelka Dakića**,
taj je već bio limarski kalfa,
uvek spreman na pošalicu.
Kako ću stati pred tihog studenta **Milenka Ilića**,
i još tišeg **Živka Škoru**,
kako pred **braću Ajvaze** i **Vaska Sorajića**,
drugove iz sokaka, još od detinjstva,
kako pred mog divnog rođaka **Mirka Anđelopolja**
što je služio mornaricu
i kicoški nosio plavo-belu majicu i kapu s trakama.
Kako ću ja pogledati u **Marka Prodanovića**
i **Branka Bilanovića**,
tek su bili završili bogosloviju
i još nosili crna đaćka odela.

Da li ću moći mirno stati pred sve one druge
čijih se lica prisećam tek kroz izmaglicu
a imena im se rastaču u huku vode i vetrova:
Mla-den, Do-bro-slav, Sve-to-zar...

Da su bar poginuli u časnoj borbi,
puška mi, puška ti,
kao drugi mladići po planinama,
a ne vezani žicama

od ruku zemljaka širokobrijeških,
pohvatani na stenama ispod mostova i po avlijama.

Šta ću reći gde sam bio,
šta sam učinio za njih mrtve:
jesam li ih svetio,
jesam li obilazio njihove majke
koje su čuvale slike sinova-uzdanica,
zadenuće za ramove ogleдалa
i stalno se nadale njihovom povratku.
Jesam li tražio njihove grobove kojih nema
ili po crkvama palio sveće za njihov pokoj.

Nešto jesam, nešto nisam,
no sve beše uzalud,
ničim nisam mogao zalečiti njihova čela
i oživeti njihovo govorenje.

Ali ću pred tim konačnim strojem
kome niko neće moći sagledati kraj
skupiti hrabrosti, tako bar mislim,
i optužiti Strašnog sudiju za njegovu indolentnost.

Računam:
njegove svevideće oči bile su na svakom mestu,
kraj reke, nad jamom u kamenjaru,
u podrumima bez prozora,
na kućnim pragovima,
sve su znale, sve gledale, videle sve strahote,
pa ću ga pitati:
zašto nisi zaustavio ruku zločinačku
kao nekad što si učinio Avramu i spasio Isaka?
Zar životi ljudski nisu isti i u Starom,
i u Novom i u Najnovijem zavetu.
Ti si kriv za smrt mojih drugova
i za njihove nerođene sinove.

Šta si radio u tim časovima,
da li si smišljao da stвориš neke nove svetove
nezadovoljan ovim našim,
pa okrenuo oči šestoj dimenziji beskraj,
ili možda tvoj čas i tvoj dan
traju koliko naši milenijumi,
pa zabavljen nekim svojim poslovima
nisi ni znao šta se dešava u svakom minutu tvoga
vremena
na kugli koju mi nastanjujemo.

To ću reći.

Kakav ću odgovor dobiti, i da li ću ga dobiti?
Možda će sudija ćutati u meni nepojamnoj njegovoj
prirodi,
a možda će mi kazati neočekivanu istinu
da je on samo Bog pravednika
i da nad zločincima nikada nije imao vlasti.
To spada u tuđe domene.
Jer osim njega ima i drugih bogova,
moćnih gospodara carstva zla,
sa kojima se bori od iskona.

A zatim, toga Sudnjeg dana
koji će doći za tri godine
ili za tri stotine hiljada godina,
okrenuće se on prema vasijskim dubinama
i svojom džinovskom rukom pokazati na zvezde.
Njegovi hitri pomoćnici donosiće otuda oreole
slične punom Mesecu
i stavljajući ih na glave mojih vršnjaka.

Povorke svetitelja koračaće po nebesima.

Izvori i literatura

www.partizansko.info (v. originalne izvore priloga na stranici svakog borca).

Ćemalović, Enver (1986.): “[Mostarski bataljon](#)”, Mostar
grupa autora: “[Spomenica Mostara 1941-1945.](#)” (pali borci

brošura “[Partizanski spomenik u Mostaru](#)”, IKRO Prva književna komuna, Mostar, (1980.)

Seferović, Mensur: [Trinaesta hercegovačka NOU brigada](#)

grupa autora (1988.): [Četrnaesta Hercegovačka omladinska NOU brigada](#), Beograd

Komnenović, Danilo; Kreso, Muharem (1979.): [29. hercegovačka divizija](#), IZ, Beograd

grupa autora (1961.): [Hercegovina u NOB 1. dio](#), Beograd, Vojno delo

grupa autora (1986.): [Hercegovina u NOB 2. dio](#), Beograd

grupa autora (1986.): [Херцеговина у НОБ 3.дио](#), Београд

grupa autora (1986.): [Hercegovina u NOB 4. dio](#), Beograd

Refik Hamzić, “[Mostarci narodni heroji Jugoslavije](#)”, 1986.

Gordić, Ljubo i Hamzić, Refik: “[Partizanski doktor Safet Mujić](#)”

grupa autora: “[Gojko Vuković](#)” (1985.).

Konjhodžić, Mahmud (1981.): “[Mostarke](#)” -fragmenti o revolucionarnoj djelatnosti i patriotskoj opredjeljenosti žena Mostara, o njihovoj borbi za slobodu i socijalizam, Opštinski odbor SUBNOR-a Mostar

Muštović, Mirza (1982.): [Skrivena tvrđava](#), Mostar u borbi za slobodu, knjiga 5.

Skiba, Vlajko (1971.): “[Na posljednjem ispitu](#)”, Informativni centar Mostar.